

NOVA  
EXPLANATIO  
TOPICORVM  
ARISTOTELIS.



IN ACADEMIA VENETA,  
M D LIX.



NOVA  
EXPLANATIO  
TOPICORVM  
ARISTOTELIS



IN ACADEMIA VENETA  
M D LXX



ILLVSTRISS. AC REVERENDISS.  
OTHONI TRVCHSES,

AVGVSTAE CARDINALI,

PRINCIPI SACRI IMPERII,

**P**ROPRIVM est hoc Academiae Venetae, cuius ad ueram laudem omnia studia referuntur, ut, quemadmodum in uirtute colenda diligenter inuigilat, sic eos, qui uirtute ipsa excellunt, studiosissime obseruet. quo nomine tibi praeter ceteros, Cardinalis amplissime, plane dedita, tuam admiratur, ac praedicat assidue bonitatem, nullis tectam simulationum inuolucris, coniunctam summa cum humanitate, atque doctrina, prudentiam uero quantam rerum magnitudo, temporumq; ratio postulauit. itaque tibi bonos omnes, multos Principes, plurimas ciuitates, ob egregias actiones tuas ad communem concordiam directas, mirifica beneuolentia constat esse deuinctas. quod si, ut a mente rectissima semper id, quod agis, emanat, sic aequissimis animis, optimeq; intelligentibus acciperetur; mira fuisset, atque esset in uniuerso imperio concordia, & ex concordia uires tantae, ac tanta cum reliquis Christianis Principibus coniunctio, nihil ut neque publicis, neque priuatis fortunis metuendum uideretur; & ea iam, quae a communi nostrae religionis hoste exitiosa tempestas impendet, prorsus euanuisset; contraq; ea, quae nos timemus, mala in eos ipsos, a quibus timemus, grauissima recidissent: tu autem floreres aeterna gloria, optimorum consiliorum auctor, sicuti florebis tamen, ac flores etiam nunc maxime in opinionibus & iudiciis hominum recte sentientium: qui, etiam si res non, ut ipse sperabas, successerit, quid tu tamen uolueris, quid studueris, atque elaboraueris, intelligunt. Est autem ab eo, cuius in manu cuncta sunt, non modo precibus exposcendum, uerum etiam, pro incredibili eius clementia, expectandum, ut, quemadmodum praclare cognita nobis est animi tui ad publicam quietem mirifica propensio, item iis perspicua sit, qui debent pariter, ac possunt, tua consilia secuti, utiles esse rebus suis, utiles orbi Christiano, seq; gratos Deo, qui tanta in eos beneficia contulit, ostendere. ita summa felicitas consequeretur: qua fruerentur aequae non ii tantum, quorum probitas dilucide



patet, aut ii, quorum sensus in communi salute paulo sunt obscuriores, uerum etiam qui uel opinionibus decepti, uel uoluntate improbi quasi de uia deflexerunt, ueraq; ac salutiferae pietatis instituta neglexerunt. semper enim tuae cogitationes, non plane, à quibus debebant, perceptae, nec in quam debebant partem acceptae, huc spectarunt, bonis uiris ut bene esset, improbis autem ut culpa condonarentur, & ut, deposita iniquitate, redeundi ad sanitatem facultas daretur, exemplo uidelicet Creatoris nostri: cuius immensa benignitas, etsi, beneficiis in humanum genus conferendis, maxime declaratur, delictis etiam ignoscendis, ac remittendis agnoscitur: modo ne ingratis nimis, scelera complexi, diuina clementia indulgentiaq; abutamur. Is igitur, bonorum auctor omnium, à quo tu istam mentem accepisti, exoptatum à te tuis consiliis exitum largiatur, id est pacem, tranquillitatem, concordiamq; Christianis Regibus restituat: nobis autem, qui te incredibili quodam obseruantiae genere prosequimur, tribuat facultatem uoluntati parem, ut scriptis aliquando publice editis extollamus uirtutes tuas, quarum fama personant omnibus horis aures nostrae, multis praedicantibus, maxime uero, summo uiro, Federico Baduario, Academiae nostrae conditore, & praeside: qui, cum in Germania pro Veneta reipublica apud inuictum Carolum V. Imperatorem, et Ferdinandum Regem, eius fratrem, ipsum quoque nunc imperatoria dignitate insignem, legationis munere fungeretur, maximis in negociis tuam se singularem prudentiam, eximiam bonitatem, incredibilem pietatem agnouisse, admiratumq; esse confirmat. dum igitur illa à nobis apparantur praestantiora, in quibus imaginem animi tui, uirtutumq; tuarum, eloquentiae coloribus expressam, posteritas intuebitur; accipe interim à nobis, studii nostri, atque obseruantiae signum, hanc topicam Aristotelis doctrinae explanationem, quae facile, sine uiua magistri uoce, quemlibet possit erudire. Atque hoc tuae potius personae munus deberi, quam cuiquam ex iis, quos nobis colendos delegimus, ideo sumus arbitrati, quia nemo est, cui sit liberalium scientiarum tractatio iucundior, nemo, qui suam auctoritatem, suas opes ad excitanda bonarum artium studia conferat libentius.

Logicae doctrinae professores  
in Academia Veneta.



# N O V A E X P O S I T I O

## LIBRI I. TOPICORVM

A R I S T O T E L I S.

**E**x decem illis capitibus, quæ præmittenda esse alias diximus, cetera, ut minus necessaria huic tractationi, prætermittentes, hæc potissimū attingemus, quodnam sit philosophi propositum in his libris Topicorum, quæ sit huius partis utilitas, quæ inscriptio, qui ordo, & quæ operis diuisio: quibus absolutis, ad textus expositionem accedemus. Propositum igitur in his libris est, dialecticam methodum tradere. quare, ut, quid hoc propositum nobis polliceatur, intelligamus, cognoscendum est quid sit dialectica. & quoniam tunc rem unamquamque optime cognoscimus, si ipsam à sui similibus sciamus distinguere; dialectica autem maxime similis esse uidetur rhetoricæ; ideo uidebimus, quo modo conueniant, differantq; inter se dialectica, & rhetorica. DIALECTICAM Stoici definiunt scientiam bene dicendi. bene dicere autem esse uolunt uera dicere, ac rei consentanea. cum autem solus philosophus hoc efficiat, ipsi ad philosophiam solum dialecticæ nomen referunt, ac solus philosophus, ex eorum sententia, dialecticus est.

PLATO uero, ut Alexander refert, dialecticam esse existimauit diuisuam methodum: cuius opus est, & ex uno plura facere, & plura in unum componere. hanc enim in Phædro dialecticā appellat, ubi eā summis laudibus extollit. VERVM alia forte est Platonis sententia: nult enim ipse, ut patet in dialogo de iusto, dialecticam esse facultatem, quæ conatur ordine certo, circa unum quodque, quid ipsum sit, inuenire. cum autem hæc facultas dupliciter considerari possit, primo ut eius regulæ, ac præcepta seorsum considerantur; secundo, ut hæ regulæ rebus ipsis applicantur; dialecticam Plato à rebus non seiunxit, ideo dialecticum metaphysicum appellauit, qui rationem capit cuiuslibet essentia, & non solum regulas, & præceptiones callet, quibus interrogandum respondendum ue sit, sed & interrogare sic, & respondere, quod est dialectici proprium. cum autem huius sit uel præcipuum instrumentum diuisio, idcirco eam in Phædro tantopere commendauit.

ARISTOTELES autem dialecticam posuit syllogisticā methodum ex probabilibus agentem de quacunque re proposita. methodum appellat syllogisticam ex probabilibus, quoniam multipliciter syllogismi differunt, uel scilicet secundum propositionis species, uel secundum modos, & figuras, uel secundum materiam, in qua sunt. secundum quidem propositionum species alii sunt categorici, alii hypothetici. secundum modos, & figuras, alii sunt perfecti, alii imperfecti, alii in aliis figura, & modo. secundum autem materiam differunt, quoniam alii sunt ex ueris, & propriis, qui demonstratiui dicuntur; atque ars, quæ huiusmodi syllogismos docet construere, appellatur methodus demonstratiua. Alexander eam dicit appellari demonstrationem. alii autem syllogismi ex probabilibus probant, qui dialectici appellantur; atque ars, quæ huiusmodi syllogismos docet construere, dialectica methodus

Quæ præmittenda sunt ante expositionem Topicorum. quod sit philosophi propositum in libris Topicorum.

quid sit dialectica ex Stoicorum sententia.

quid iterū sit dialectica ex Platonis sententia. alia, & uera, Platonis sententia de dialectica, quid sit.

Aristotelis sententia de dialectica, quid sit.

quomodo secundum modos & figuras differant syllogismi, et quomodo secundum materiam.

A est



exemplis an-  
tedicta decla-  
rat.

quare diale-  
ctica ex pro-  
babilibus, &  
de quacunque  
re proposita  
agat.

quare diale-  
ctica sit à phi-  
losopho ap-  
pellata *αῤῥι-  
στοφικὴ* rheto-  
ricæ, & quot  
modis inter  
se conueniāt  
dialectica &  
rhetorica.

quare diale-  
ctica & rheto-  
rica à philo-  
sophis sint ap-  
pellatæ pote-  
states, idq;

est peripateticis, de qua philosopho propositum est agere in his topicorum libris. at uero syllogismi, qui ex apponentibus probabilibus procedunt, sophistici sunt, ac sophistica ars est, quæ de ipsis agit. horum autem differentia hinc perspicui potest. si enim dicamus, nullum bonum est imperfectum, uoluptas est quid imperfectum, ergo uoluptas non est bona, hic est demonstratiuus syllogismus, qui ex uoluptatis definitione procedit. at si dicamus, omne bonum bonos efficit possidentes, sed uoluptas bonos non efficit, ergo uoluptas non est bona: hic erit dialecticus syllogismus. quod enim bonum bonos efficiat, est quidem probabile, non tamen necessario uerum. scientia enim bona est, quæ tamen bonos possidentes non efficit. at si quis dicat, quod est bonum, est appetibile, sed uoluptas est appetibilis, ergo uoluptas est bona: est syllogismus sophisticus, qui ex apparentibus probabilibus procedit: fallit autem ex loco à consequenti. quod si quis causam quærat, cur dialectica ex probabilibus tantum procedat, hæc nimirum esse uidetur, quod, cum dialectica interrogare doceat, ac respondere, (id quod uerbum *διάλεγεσθαι*, à quo dialectica dicta est, nobis indicat) oportet, ut dialectica de rebus omnibus differat, cum res omnes interrogando, & respondendo tractari possint. si igitur dialecticus de quacunque re proposita agit, necesse est, de rebus etiam falsis quandoque differat. quod si ita sit, impossibile est, ut ex rebus ueris semper probet: neque enim ex ueris falsum colligi aliquo modo potest. ad probabilia igitur dialecticus conuertitur, quæ elicit à respondente, ex illisq; propositum concludit: neque enim probabilia omnino uera sunt. ita igitur patet, quid peripateticis dialectica sit.

Quæ cum ita sint, recte dictum est à philosopho, dialecticam esse *ἀντίστροφον* rhetoricam. tribus enim modis potissimum conueniunt rhetorica, & dialectica: primo quidem, quia definitum genus non habent circa quod uersentur, sicut alia omnes disciplinæ. nam & medicina, & mathematica, & naturalis philosophia, & ciuilis scientia, & artes omnes subiectum quoddam agnoscunt, intra cuius ambitum continentur. nihil enim, quod ad humanum corpus non pertineat, medicina considerat: neque arithmetica, quod ad numerum. at dialectica de quacunque re proposita potest agere. eodem modo & rhetorica proprium subiecti genus, circa quod uersetur, non habet. secundo, conueniunt dialectica, & rhetorica, quia utraque non ex propriis rerum principiis, sed ex rebus communibus probat. aliter enim de re medica agit dialecticus, quam medicus. hic ex propriis eius artis principiis differit: dialecticus uero ex communibus: eodem modo & orator. Tertio conueniunt, quia circa opposita æque uersantur, id est, utranque partem contradictionis tuerentur. similiter enim dialecticus tuebitur uoluptatem esse bonam, & non bonam, animam esse mortalem, & immortalem: & orator, aliquid esse iustum, & non iustum, utile & non utile, laudabile, & uituperabile, eodem modo defendet. alia autem omnes artes, etsi utranque oppositorum cognoscant, non tamen utrunque eorum efficiunt, sed, quod melius est, semper sibi proponunt. medicus, exempli causa, quæ sanitatem efficiunt, simul & quæ morbum, perspecta habet, non tamen sanitatem, & morbum indifferenter efficit, sed sanitatem sibi semper proponit. eodem modo & alii omnes artifices, sola dialectica, ac oratoria ars circa utranque oppositam indifferenter uersantur. atque hinc est, quod hæc duæ artes à philosophis potestates solent appellari. potestas enim proprie oppositorum est: hæc autem artes non unum magis oppositorum, quam alterum tuerentur, licet alii iccirco ipsas appellari potestates dicant, quoniam potentes reddunt eos, qui ipsis instructi sunt. quid enim



enim non potest, qui hominibus probare, ac persuadere, quod libeat, possit? alii uero iccirco eas potestates appellari dicunt, quoniā ad bonū aequē ad malū usum his uti possumus: atque hinc est, quod nescias, boni ne an mali plus hominibus hæc artes attulerint: sicut enim, si ad honestas rationes deducantur, ut ueritatis inuentionem, iustitiæ defensionem, ac commoda patriæ maxime profunt, ita si ad opposita trahantur, maxime obesse solent. his igitur tribus cōueniunt dialectica, & rhetorica, quod definitum genus subiectum non habent, quod non ex propriis, sed ex communibus probant, & quod utrunque oppositorum aequē tuentur.

TOTIDEM etiā modis inter se differūt. primo enim dialectica circa quamcunque materiam uersatur. rhetorica autem ciuilem materiam quodammodo sibi appropriat. secundo dialectica interrogando, & respondendo de rebus agit, ac prolixitatem uerborum fugiens quambreuissime differit. rhetorica uero continuata, ac diffusa oratione utitur, quod considerans Zeno recte admodum rhetoricam manui expansæ, dialecticam uero eidem in pugnū contractæ comparauit. tertio differunt, quia dialectica circa *θεσις* rhetorica uero circa *υπόθεσις* uersatur. est autem *θεσις* quæstio nullis certis finibus temporum locorum, personarum conclusa. *υπόθεσις* uero quæ definita est uel omnibus, uel pluribus horum, ut si quæramus, an philosophiæ opera sit danda, *θεσις* est, si quæramus, an nobis hoc tempore philosophiæ sit uacuandum, *υπόθεσις* est.

Ita igitur patet, quod sit philosophi propositum in his Topicorum libris agere, scilicet de dialectica methodo, uidimusq; quid esset dialectica, & quid cum rhetorica conueniat, quid ue ad ipsa differat.

ALTERVM, quod discutiendum proposuimus, est, quanam sit huius operis utilitas. est autem eius utilitas ad quatuor præcipue. primo ad disputationes, secundo ad oratoriam facultatem, tertio ad ueritatis inuentionem, ultimo ad scientiarum principia probanda. si quis ea demoliri tentet, ad disputationes quidem utilis est dialectica, quoniam loca nobis subministrat, unde eruantur argumenta ad quodlibet problema construendum, uel destruendum. præterea docet quomodo interrogare, ac respondere debeamus. quare si alios interrogabimus, quodlibet probare poterimus: si autem interroganti respondebimus, sententiam nostram egregie sustinebimus, atque ad inueniendum non deducemur. quā autem ad rhetoricam conferat, hinc patet, quod omnes fere, qui de rhetorica conscripserunt, non aliunde, quā ex locis, qui hic traduntur, probationes suas, quæ sunt quasi orationis cor, desumi tradunt, neque tamen eo minor est hæc utilitas, quod plerique rhetores ex his Aristotelis libris, quod ad rem suam faceret, iamdudum mutati sunt. magni enim interest, si quis aquam ex riuulis hauriat potius quā ex fonte. id autem uel hinc patere potest, quod, cum apud Aristotelem traditi sint tercentum, atque eò amplius loci, ita distincte secundum quæstionum differentias, ut nihil magis rhetores eos omnes ad uiginti fere deduxerunt, quā ampla facultas in quantas coacta angustias. Ad ueritatis autem inuentionem dialectica confert, quoniā cum in unaquaque re possimus ad utramque partem disputare ex probabilibus. probabilia autem non sint ex omni parte falsa, ideo ex ipsis aliquid ueri colligere poterimus, quod Aristotelis testimonio confirmatur, qui plerunque in rebus difficillimis dialecticos syllogismos pro utraque parte præmittit. deinde sententiam ferens solet ostendere quoquo modo rem ita se habere, & quoquo modo non. Confert deum dialectica ad scientiarum principia defendenda: nulla enim sciētia pro-

tribus rationibus confirmatur.

hinc hinc  
quod hinc  
quod hinc  
quod hinc  
quod hinc

quot modis  
inter se differat  
rhetorica, & dialectica.

obto sit in  
hinc hinc  
hinc hinc  
hinc hinc  
hinc hinc

dialectica u  
tilitas, & ad  
quot res conf  
rat potissimū  
quid, conf  
rat dialectica  
ad disputa  
tiones.

quā conf  
rat ad orato  
riam faculta  
tem.

quā conf  
rat ad uerita  
tis inuentionem.

quā conf  
rat ad scien  
tiam.



tiarum prima  
principia pro  
banda.

quodd quidā  
dialectica im  
merito dam  
narint, idq;  
Protagoræ e  
xemplo.

quæ sit hu  
ius operis in  
scriptio, &  
inſcriptionis.

qui ſit ordo  
huius libri.  
et primo an  
Topica præ  
cedere debe  
ant libros Po  
ſteriorum.

huius ratio  
nis confirma  
tio.  
an Topica  
præcedere  
debeat libros  
Priorum  
idq; ex ſen  
tentia Cice  
ronis, & Boe  
tius  
qua ratione  
partes logicæ  
altera inuen  
tiua, altera ue  
ro iudicatiua  
appellantur.

opinionis lu  
terioris effi  
cax oppoſi  
tio.

cui tamē opi

pria principia poteſt probare, ſed ea pro ueris aſſumens, alia omnia ex illis probat: at ſi huiusmodi principia negentur, nullus præter dialecticum, & metaphyſicum poterit ipſa probare. maxima igitur, ut patet, eſt dialecticæ utilitas, atque ideo immerito quidam ipſam damnarunt, & ſuſtulerunt. ſi enim dialectici quidam pernicioſas opiniones intulerunt, ut Protagoras, qui cum in dialecticis excelleret, Deos in dubium reuocauit, unde decreto publico Athenienſes eius libros arſerunt, ipſumq; Athenis ablegarunt, tanquam hominem reipublicæ, ac philoſophicæ ueritati pernicioſum, id non dialecticæ contigit uitio, ſed eorum potius, qui dialecticam à rerum cognitione ſepararunt, quod proſecto aliud non eſt, quàm ſi quis corpus ab anima ſepararet, aut oculum à uiſiua facultate: unde mirum non eſt, ſi poſtea dialectica ad deteriorem partem abuſi fuerint.

SEQUITVR, ut inquiramus, quæ ſit huius operis inſcriptio, et inſcriptionis cauſa. inſcribuntur autem hi libri *Τοπικά*, græco nomine, à uerbo *τόπος*, quod locum nobis ſignificat. eſt autem locus, ut Rodolphus definit, communis quædam rei nota, cuius admonitu, quid in quaue re probabile ſit, poteſt inueniri, atq; hinc libri, qui de huiusmodi locis agūt, *Topica* appellati. Iam illud uidendum eſt, qui ſit horum librorum ordo ad alios libros logicæ facultatis. primoq; inquirendum eſt, an libri *Topici* ſequi debeant libros poſteriorum reſolutiorum: deinde an etiam ſequi debeant libros priorū. Primo quidem, quodd poſteriorum libri, qui de demonſtratione agunt, *Topica* conſequi debeant, ex eo probatur, quoniam demonſtratio eſt ſinis totius logicæ tractationis, ut Græci atteſtantur, de ea igitur ultimo loco agendum eſt. præterea cum probabilia uiam nobis aperiant ad ipſam demonſtrationem, ſintq; inuentu, ac cognitu faciliora, de his igitur priori loco agendum eſt. his itaque rationibus *Topica* præcedere Poſteriora ſtatuamus. an uero præcedant, an ſequantur Priora, non minor eſt difficultas. Marcus Cicerō, cuius ſententiam ſequitur Boetius, logicam facultatem, quam diligentem rationem diſerendi appellat, in duas partes dicit eſſe diductam, uenam inueniendi, alteram iudicandi: inueniendi artem ordine naturæ priorem dicit, ſi hæc ita ſunt, cum inueniendi ars in *Topicis* libris tradatur, iudicandi uero in *Prioribus*, ergo *Topica* procedūt *Priora*. quæ enim priora ſunt in doctrina ordinata, prius etiam tradi debent. uerum quoniam plerique neſciunt, qua ratione pars illa appelletur iudicatiua, ideo hoc ipſum nunc oſtendamus. Appellatur hæc pars inuentiua eo quodd locos, ut diximus, continet, ex quibus probabilia eruuntur. pars uero altera iudicatiua dicitur, quoniam docet, quo pacto probabilia illa, quæ inuenimus, ſint connectenda, qua ſcilicet figura, & quomodo, ut aliquid concludamus, non ſolum materia opus eſt, qua id efficiamus, ſed etiam recto, & artiſicioſo connexu, non aliter, quàm qui cereas, aut areas imagines fundunt, non ſolum materia indigent, ſed etiam typis quibuſdam, per quos ſuſa materia debitam formam ſuſcipiat. pars igitur illa, quæ de locis agit, inuentiua, quæ uero de modis, ac figuris ſyllogiſmorum, atque inſuper de cautionibus captioſarum argumentationum, iudicatiua eſt appellata. ſed, ut ad rem propoſitam redeamus, concludebat prior ratio *Topica* debere præcedere libros priorum, ſed huic ſententia opponitur efficax ratio. in *Prioribus* enim agitur de ſyllogiſmo in communi, in *Topicis* autem de ſyllogiſmo dialectico. cum autem communiora ſemper præcedere debeant, ergo priorum libri præcedent *Topica*, hancq; ſententiam peripatetici omnes, Græci, Latini, & Arabes concordēs conſequuntur. Si cui tamen prior ſententia magis arrideat, quodd ſcilicet



Topica præcedant, non concedet, quod opposita ratio assumit, quod scilicet in Topicis de dialectico syllogismo agatur, sed dicet ibi agi de materia dialectici syllogismi, quæ sunt ipsa probabilia. hæc postea quomodo syllogismo, aut alia argumentationis specie connecti debeant, in prioribus traditur. quod si philosophus Topicorum initio dicit se in proposita tractatione dialecticum syllogismum querere, hoc propterea dicit, quoniam hæc omnia gratia dialectici syllogismi tractantur. quid enim conferent probabilia, nisi ipsi recte componere, ac connectere sciamus? non tamen supponunt doctrinam de syllogismo, quæ in prioribus traditur. Id neque ex eo ostendi potest, hanc tractationem eam supponere, quæ est de syllogismo, quoniam philosophus initio primi Topicorum de syllogismo, atque eius speciebus agit: non enim ob aliud de his agit, nisi ut dialectici syllogismi materiam inueniat, de qua hoc loco non diffiniret, eiusq; species, cum de his in resolutoriis abunde egisset. ita igitur Topica librum de interpretatione consequentur, Priorum autem, ac Posteriorum libros præcedent.

ILLUD demum uidendum superest, quæ sit huius operis diuisio. diuiditur autem in tres partes, in primo enim libro ostendit partes, ex quibus componuntur orationes dialecticæ, & partium partes, usque ad simplicissimas. in secunda parte ostendit loca, ex quibus sumantur argumenta ad construendum, & destruendum omne genus quæsitum, quod sit in sex sequentibus libris. in tertia autem parte, uidelicet in octauo libro interrogantem instruit, quomodo debeat interrogare, ac respondentem, quomodo debeat respondere. In hoc primo capite proponit philosophus propositum suum in his Topicis libris. & quoniam hæc omnia, quæ in hoc uolumine tractantur, gratia dialectici syllogismi tractantur, ideo præmittit, quid sit syllogismus, & quæ sint eius differentię. primo igitur definit syllogismum, deinde definit syllogismum demonstratiuum: & quoniam demonstratio constat ex primis, & ueris, ostendit, quænam sint hæc prima, & uera. definit etiam dialecticum syllogismum. & quoniam constat ex probabilibus, ostendit quænam sint probabilia. definit deinde litigiosum syllogismum, postremo definit paralogismum, qui in scientiis fit, ac concludens dicit se summam de his egisse, admonetq; se non esse de rebus his exactam doctrinam traditurum, sed qualis proposita methodo conuenit.

Propositum. Dux sunt apud philosophos uoces cognatæ, propositum, & subiectum. subiectum est circa quod unaquæque disciplina uersatur: propositum uero est id, quod artifex sibi proponit, & quo effectio cessat ab opere, exempli causa, subiectum in medicina est humanum corpus, propositum uero est sanitatem efficere in humano corpore, & semper propositum comprehendit etiam subiectum, quare Græci interpretes, cum semper expositum quarant, de subiecto nunquam fere uerba faciunt. notandum autem est, quod in hoc differre uidentur artes factiue à disciplinis contemplatiuis, quod in proposito artium factiuarum tria complectuntur, effectio primum, quæ est cuiuslibet artis finis, deinde forma, quæ ab artifice introducit, quæ & ipsa subiectum artis propinquum appellatur, sicut est in medicina sanitas: præterea ipsum subiectum, atque hæc tria in proposito artis explicantur, nisi contingat formæ illi, & subiecto unum esse nomen impositum. in proposito autem contemplatiuarum disciplinarum comprehenditur cognitio, quæ est cuiuslibet scientiæ contemplatiuæ finis, & ipsum subiectum. licet si quis in his etiam diligentius inspiciat, uidebit formam quandam latere naturalis philosophi. propositum est res naturales cognoscere, sed forma latet modus

nioni magis sit innitendus, & eius rationis confirmatio.

huius opinio - ni obiectio. huius obiectio - nis dissolutio.

alia huius rationis obiectio.

huius obiectio - nis dissolutio alia. conclusio.

quæ sit huius operis diuisio.

quid in hoc primo capite agendum proponat philosophus.

quid inter se differant propositum, & subiectum.

quomodo factiue artes à contemplatiuis differant.



propositū scri-  
ptoris differ-  
re à propo-  
sito scientiæ,  
quā ipse scri-  
ptor tradit.  
quid sit me-  
thodus.

quæ sint pro-  
prie metho-  
di.

quod hæc ars  
nondum inue-  
ta erat, sed ip-  
se primus eā  
inuenit, & p-  
fecit.

quid dialecti-  
ca cōferat in-  
terroganti, &  
respondenti.

quod quædā  
non sunt dia-  
lectica pro-  
blemata.

quid philoso-  
phus coniun-  
gat illa parti-  
cula, Primum  
igitur.

dubitatio an  
huius uolū-  
nis subiectū  
sit dialecticus

us, scilicet & character quo illas cognoscit, nempe physice eodem modo, & arithmetici propositum est numeros cognoscere, sed latet illud mathematice, quod est quasi forma eius cognitionis. notandum etiam est aliud esse propositum eius, qui scientiam aliquam tradit, & ipsius scientiæ, exempli causa, philosophi propositum est in hoc uolumine de dialectica agere, ipsius uero dialecticæ propositum est probabiliter disputare de quacunque propo-  
sito problemate. utrumque autem propositum indicant uerba philosophi.

*Methodum.* ut cognoscamus quid methodus sit, quæ res, sicuti non facilis est, ita dignissima est cognitione, notandum est, quod methodus, sicut nomen indicat, est uia quædam, qua unum post aliud certo quodam ordine positum est, quare disciplinæ omnes, quæ certum quendam ordinem obseruant, methodi appellantur: sed inter ipsas disciplinas aliæ sunt, quæ ipsis disciplinis tradendis deseruiunt, & ideo disciplinarum instrumenta dici possunt, cuiusmodi sunt definiendi ars, & diuidendi, & aliæ quædam. aliæ uero sunt disciplinæ, quibus illæ deseruiunt, proprie quidem methodi nomen disciplinis deseruientibus conuenit, quæ omnes ad logicam tractationem pertinent, quæ etiam in causa sunt, cum aliis disciplinis applicantur, ut methodi nomē accipiant: unde & medendi methodus, & physica methodus dicitur, cum scilicet hæc disciplinæ certo quodam ordine traduntur, quod non aliunde habent, quam ex illis logicis methodis.

*Inuenire.* dixit hoc philosophus, quoniam ante ipsum hæc ars nondum erat constituta: etsi multa apud Platonem, & alios ueteres philosophos reperirentur, illa tamen erant præcepta quædam sparsa, & disiecta, neque collecta in artem. primus omnium Aristoteles hæc diligenter persecutus artem hanc instituit, simul & perfecit.

*A qua poterimus etc.* cum dialectica interrogando, & respondendo consistat, ostendit philosophus, quidnam ipsa conferat tum interroganti, tum respondenti. confert enim interroganti, quoniam docet ipsum differere de quacunque re, quæ a respondente proponi possit: confert respondenti, quoniam instruit ipsum, ne ab interrogante deducatur ad inconueniens: sed sententiam suam egregie sustineat.

*De omni.* hoc dicens philosophus quodam modo dialecticam à rhetorica separauit. etsi neutra earum habeat subiectum limitatum, non æque tamen rhetorica de omni questione disputat, sicut dialectica: circa ciuilia enim negotia magis uersatur.

*Proposito problemate.* Quid sit problema inferius ostendit philosophus: disputat dialecticus de rebus ciuilibus, de rebus naturalibus, de rebus medicis, aliisque, in his tamen quædam sunt, quæ non sunt dialectica problemata, neque enim disputabit de his, quæ indigent sensu, aut pœna, ut quod ignis sit callidus, neque de his, quæ propinquam habent demonstrationem, sed de his, quæ dubitationem aliquam habent.

*Ex probabilibus.* quare dialecticus ex probabilibus differat, superius diximus. *Primum igitur.* particula igitur coniungit hanc partem cum eo, quod dixit syllogizare. si enim docet hæc ars syllogizare ex probabilibus, ergo oportet, ut cognoscamus, quid sit syllogismus; præterea debemus uidere, quæ sint syllogismorum differentie, ut manifestum fiat, quod sit hic syllogismus ex probabilibus, quo dialectica methodus utitur.

*Hunc enim querimus.* dubitant quidam, cum dialecticus syllogismus sit huius operis subiectum, quomodo dicat philosophus, hunc enim querimus, quoniam subiectum debet præcognosci in qualibet scientia, cuius est subiectum: quod



quod autem est præcognitum, non potest esse quæsitum: sed dicendum est, quod in hoc volumine subiectum est non dialecticus syllogismus, sed dialectica methodus, cuius tamen præcipuum opus est syllogismus dialecticus. sed si etiam supponamus subiectum esse syllogismum dialecticum, nõ tamen est inconueniens, quod quærat, quoniam subiectum in sciētia supponitur, quod sit, & quid significet. sed potest postea quæri, quid sit, quæ sint eius partes, passiones, & proprietates. non igitur idem erit suppositum, & quæsitum.

*Est itaque syllogismus.* syllogismum interpretatus est Cicero ratiocinationem, in eius definitione orationem posuit philosophus loco generis (cum enim λόγος duo significet, græci omnes accipiunt hoc loco pro oratione) non solū enim syllogismum, sed & alia plura oratio comprehendit. quæ omnia à syllogismo separauit philosophus quatuor adiectis differentiis: eam enim orationem, in qua positis quibusdam, aliud quid necessario accidit, propter posita syllogismum appellat.

*Quibusdam positis.* per hoc syllogismum separauit ab his orationibus, in quibus nihil ponitur, qualis est enarratiua oratio. positis autem significat sumptis, & concessis: oportet enim, ut quæ ad syllogizandum sumuntur, etiam concedantur, uel scilicet ab alio, si cum alio quis ratiocinetur, uel saltem à se ipso, si secum ratiocinetur, uel ab audiente non expetit responsionem. præterea illud, positis, comprehendit non solum affirmatiuas propositiones, uerum & negatiuas. nam & negatiuæ nihilo secius ad syllogizandum sumuntur, quàm affirmatiuæ. præterea illud, positis, proprie respicit categoricas propositiones. hypotheticæ enim non ponuntur, sed supponuntur, unde categorici syllogismi simpliciter, ac proprie syllogismi dicuntur. hypothetici non simpliciter dicuntur syllogismi, sed hoc totum syllogismi hypothetici. dixit præterea positis, & non posito, quoniam ex uno posito nihil potest syllogistice concludi, sed ut minimum ex duobus. argumenta enim illa, quæ ex uno posito aliquid concludunt, uti sunt enthymemata, & quæ Antipatri sectatores μονόλεκτα appellarunt, defectuosa sunt, quod deprehenditur, quia si id, quod prætereunt, suppleamus, nihil est in argumentatione superuacaneum, quod profecto fieret, si huiusmodi argumentationes non essent deficientes, ut in syllogismis uidere est. fiunt autem enthymemata, ubi propositio aliqua præteriri potest, quoniam euidentis est, & manifesta, ut respirat, ergo uiuit: at si huiusmodi propositio latens sit, tunc nõ possunt effici enthymemata, ut si dicamus, motus est, ergo uacuum non est, sed hæc appellantur illationes, & consequentiæ, non etiam enthymemata.

*Aliud quid à positis.* ostendit his uerbis philosophus syllogismi utilitatem. nulum enim est aptius instrumentum ad cognoscendum, quàm syllogismus: cū enim nos simus cognitionis participes, non tamen sine discursu res cognoscamus, sicuti beatæ mētes, quæ intuitiue cognoscunt, ideo ab uno ad aliud procedimus. cum autem hoc quadrupliciter fieri possit, uel à noto ad notū, uel ab ignoto ad ignotum, uel ab ignoto ad notum, uel à noto ad ignotum; tres primi modi nihil ad cognitionem conferunt, sed solus quartus, quo procedimus à noto ad ignotum, hoc autem fit per syllogismum: quare cum impossibile sit, ut idem sit notum, & ignotum, ideo oportet, ut in syllogismo aliud concludatur ab his, quæ posita sunt: quia si aliquid concludatur nõ aliud à positis, ea oratio non erit syllogismus, quia syllogismi uim nõ habet, sicut oculus non dicimus, qui uidendi usu caret, ut est pictus, aut lapideus: merito igitur à syllogismi definitione excluduntur, qui syllogismi διαφορούμενοι à stoicis appellantur, in quibus aliud à positis non concluditur, ut uel dies est,

syllogismus, an dialectica methodus. solutio superioris dubitationis. alia etiam solutio.

quid nobis significet syllogismus. quare in eius definitione assumat philosophus orationem.

quid separet hac particula quibusdam positis.

utrū illud, positis, comprehendat & affirmatiuas, & negatiuas propositiones. utrū illud positis comprehendat categoricas, an etiā hypotheticas. quomodo cognoscat quando sunt argumenta defectuosa.

quando possint fieri enthymemata. quando non possint fieri enthymemata. syllogismi utilitas.

quotupliciter ab uno ad aliud procedatur.

quinam syllogismi à stoicis sint appellari διαφορούμενοι.



obiectio. est, uel nox est, sed dies est, ergo dies est. Sed obiiciet quis, si syllogismi sunt, qui hoc modo ex diuisione procedunt, uel dies est, uel nox est, sed dies est, non ergo nox est: quare non etiam priores illi syllogismi erunt. uidetur enim quòd idem sit, nox non est, & dies est, etsi in uerbis sit differentia. uerborum enim differentia, si idem sit significatum, nihil omnino facit. dicendum est, quòd illatum illud nox non est, significat quidem diem esse, non tamen primario, sed secundario. primo enim significat noctis negationem, secundario autem significat diei præsentiam, eo quòd non existente nocte necessario dies est: quemadmodum & nox est, primo significat nocti præsentiam, secundario uero diei priuationem. cum igitur aliqua sit inter hæc differentia, quoniam non eandem rem primario significat, ideo hi syllogismi sunt. illi uero, in quibus nulla prorsus est differentia, inter assumptum, et illatum non merentur dici syllogismi, eadem ratione & syllogismi illi sunt, qui ex contradictione fiunt, ut uel dies est, uel dies non est, sed dies est, non ergo non est. assumptum enim illud primario ponit diem esse, secundario autem negat diem non esse.

solutio obiectio-  
tionis.

quòd syllogis-  
mi, qui fiunt  
ex contradi-  
ctione, uel nō  
merentur di-  
ci syllogismi.

quænā sit ha-  
bitudo inter  
præmissas, &  
conclusionē.  
quid differat  
inter conclu-  
sionē necessa-  
riā, & de ne-  
cessitate acci-  
dentem, & de  
necessario, q̃  
scilicet hæc  
conclusio in  
modo neces-  
sario.

*Ex necessitate accidit.* declarat hac uoce philosophus habitudinem, quæ est inter conclusionem, & præmissas, quas appellauit posita. oportet enim quòd conclusio à positis necessario inferatur. notandum autem est, aliud esse conclusionem necessariam, quàm quæ ex necessitate accidit: conclusio enim est necessaria, quæ est in necessaria materia, ut homo est mortalis: conclusio uero ex necessitate est, quæ à positis necessario dependet, quod non minus uerum est in materia necessaria, quàm in contingenti. separauit autem hoc dicens philosophus, syllogismum ab inductione, in qua, quoniam non omnia singularia inducuntur, & si inducantur, non tamen oportet, quòd eodem modo se habeat uniuersale, sicut unumquodque sumptorum, ideo conclusio in ea non accidit ex necessitate. si igitur conclusio non accidit ex necessitate, non erit syllogismus: atque hinc merito litigiosus syllogismus in forma peccans non meretur dici syllogismus.

quot de cau-  
sis philoso-  
phus posuerit  
in definitione  
syllogismi  
particulā hāc  
scilicet Pro-  
pter posita,  
hoc est qua-  
tuor de cau-  
sis.

*Propter posita.* quatuor de causis hoc adiecit Philosophus, primo ut deficientes syllogismos separaret, in quibus deficit altera propositio ad syllogisticā imitationem, ut lac habet, ergo peperit. secundo, ut separaret syllogismos superuacaneos, in quibus assumitur propositio aliqua ad conclusionem non necessaria, ut si dicamus, omne iustum est honestum, omne honestum est bonum, omne bonum est eligibile, ergo omne honestum est eligibile. tertio, ut separaret orationes, in quibus propria conclusio non inferitur, sed aliquid alienum, ut, quod est secundum naturam, est eligibile, uoluptas est secundum naturam, ergo uoluptas bona est. talis est Epicuri ratio, de morte dissolutum non sentit: quod non sentit, nihil ad nos pertinet: mors ergo nihil ad nos pertinet. quarto, ut separaret eas orationes, in quibus non ponitur aliqua propositio uniuersalis, ut si dicamus, linea a est æqualis lineæ b, & linea c est æqualis eidem lineæ b, ergo linea a, & linea c sunt æquales inter se. hæc enim conclusio non sequitur expositis, sed ex uniuersali prætermissa, quæ dicit, quæ sunt æqualia uni tertio, sunt æqualia inter se.

quid differat  
inter demon-  
strationem et  
demonstrati-  
uam metho-  
dum.

*Demonstratio igitur est, quando ex ueris, & primis syllogismus est.* Aliud est demonstratio, & demonstratiua methodus. est enim demonstratiua methodus ipsa ars, & disciplina, quæ demonstrationes efficit. demonstratio uero est demonstratiuæ methodi opus. cum igitur uelit philosophus syllogismi differentias definire, à demonstratione incipit, quæ est omnibus aliis nobilissima. dicit autem ipsam esse syllogismum, qui constat ex primis, & ueris, uel



ex his, quæ pro aliqua prima, & uera suæ cognitionis principium sumpserunt. oportet igitur, si definitionem aliquam cognoscere debemus, scire quænam sint prima, & uera, quod ipse paulo post ostendit, quod scilicet sunt scientifica principia disciplinarum, quæ non ex aliis, sed ex seipsis fidem habent. hæc enim quoniam sunt principia, non possunt ex aliis demonstrari, quia non amplius essent principia, si ex aliis possent demonstrari. & cum ex ipsis alia demonstrantur, opus est, quod ex seipsis fidem habeant, alioqui omnia demonstrata essent incerta. sunt igitur ipsa principia scientiarum certa, & euentia: ex his autem quædam sunt nobiscum innata, & quæ à præceptore non discuntur, ac proinde appellantur communes animi conceptiones, dignitates, & proloquia, seu profata. alia uero sunt, quæ non possunt quidem demonstrari, nobiscum tamen non sunt insita, sed admonitione quadam, & declaratione indigent. leui enim declaratione ipsis assentimur, & hæc appellantur positiones, quæ duplices sunt, uel enim dicunt aliquid esse, uel non esse, & dicuntur petitiones, uel postulata, uel quid sit res indicant: sed non dicunt aliquid esse, uel non esse, & appellantur definitiones, quæ omnia apud mathematicos manifesta sunt.

quod scienti-  
fica principia  
ex se, non au-  
tem ex aliis  
fidem habet.

quotuplices  
sunt positio-  
nes.

Quod autem dicit philosophus, *Non enim oportet in disciplinalibus principiis inquirere propter quid.* Videri posset alicui dubium, cum Themistius primo Posteriorum dicat, prima principia scientiarum habere causam, propter quam illis assentimur lumen, scilicet intellectus agentis: præterea principia cognoscimus per terminos, sed termini sunt causa materialis principiorum, ergo principia habent causam. dicendum est, quod prima principia habent quidem causam, quæ assentimur ipsis, non tamen habent causam, propter quam possint demonstrari. ad secundum dicendum est, quod ex terminis quidem cognoscuntur principia, non tamen ex illis possunt demonstrari, quoniam termini sunt incomplexi: neque omnis causa dicitur propter quid, sed ea, ex qua possit aliquid demonstrari. *HABEMUS* igitur, quæ sint prima, & uera: addit uel ex his, quæ per aliqua prima, & uera, &c. nisi enim hoc esset additum, primæ solum illæ essent demonstrationes, quæ ex principiis demonstrantur, cum non minus etiam demonstrationes sint, quæ demonstrantur ex demonstratis primis, sed quamuis ea, ex quibus fit demonstratio, prima non sint semper, tamen sunt priora conclusione. semper enim debent esse causæ conclusionis, non solum in inferendo, sed etiam in essendo. propterea dubitat Alexander, si quis ab effectu ad causam procedat, utrum debeat dici demonstratio, an dialecticus syllogismus, quia enim procedit ex ueris, non uidetur, quod sit dialecticus; qui ex probabilibus procedit: & quoniam ex posteriori procedit, non uidetur, quod sit demonstratio, quæ ex primis procedit. soluit Alexander, quod utrumque tueri possumus, & quod sit dialecticus syllogismus, quoniam huiusmodi uera sumuntur pro probabilibus, ut lac habet, ergo peperit. luna deficit, ergo terra inter ipsam, & solem est interposita. possumus etiam dicere, quod sit demonstratio, sed demonstratio quo ad nos, quia in ea accipimus ea, quæ nobis notiora sunt. est igitur demonstratio imperfecta, & improprie dicta.

obiectio, &  
scilicet prima  
scientifica prin-  
cipia causam  
habent, pro-  
pter quam il-  
lis assentimur,  
nō autem ex  
se habent cau-  
sam.

quare philo-  
sophus in de  
monstratio-  
nis definitio-  
ne, posuerit  
etiā hæc uer-  
ba, uel ex his,  
quæ per ali-  
qua prima, &  
uera suæ co-  
gnitionis prin-  
cipiū sumpse-  
runt.

quænam sint  
probabilia.

quænam sint  
omnibus pro-  
babilia.

*Dialecticus autem syllogismus ex probabilibus syllogizans.* Non possumus autem hanc definitionem intelligere, nisi cognoscamus, quæ sint probabilia, idcirco subdit philosophus, probabilia sunt, quæ uidentur uel omnibus, uel pluribus, uel sapientibus, & his uel omnibus, uel pluribus, uel maxime cognitis, & probatis, omnibus quidem probabilia sunt, ut sanitatem esse expetendam, ui-



quænam sint  
plurimis probabilia.

quænam sint  
probabilia omnibus sapientibus.

quænam sint  
probabilia celeberrimis sapientibus.  
quod etiam  
probabilia sunt  
ea, quæ uel  
unus, uel pauci  
admodum  
senserint, si  
illi probabiles  
fuerint.

quid sit probabile  
ex M. Tullii opinione.

in quot partes  
diuidatur probabile.

quotuplex sit  
syllogismus litigiosus.

ram esse expetendam, scire pulchrum esse, parentes esse honorandos: hæc enim omnibus probantur, quod si qui aliter affirmant, id aduersus intrinsecam rationem dicunt. plurimis autem probabilia sunt, prudentiam esse diuitiis eligibiliorem, & animam corpore præstantiorem. notatq; hoc loco Alexander, quod si dialecticus de his solum disputaret, quæ in communi notione uersantur, ea ipsi sufficerent, quæ omnibus, uel pluribus probantur: sed quoniam plerunque etiam de his, quæ à communi notitia remota sunt, ideo ea etiam probabilia assumit, quæ sapientibus uidentur. omnibus autem sapientibus uidentur, quæ animi bona scientia, scilicet & uirtus sint præstantiora bonis corporis, quod ex nihilo nihil fiat. plurimis autem sapientibus probabilia sunt uirtutem esse per se expetibilem. & si aliter Epicurus sentiat felicitatem à uirtute fieri, quod non detur aliquod corpus indiuisibile; & si aliter sentiat Democritus, quod non sint mundi infiniti; & si contra Anaxagoras opinatus sit; celeberrimis autem probabilia sunt, animam humanam esse immortalem, quæ fuit Platonis opinio, uel esse quoddam quintum corpus, quam dicit Alexander fuisse Aristotelis sententiam, quod & M. Tullius eidem attribuit, licet alii omnes aliter sentiant de Aristotelis opinione. sunt autem hæc probabilia, & si uel pauci admodum, uel unus tantum forte ita sit opinatus, quoniam sicut illi probatissimi sunt, ita eorum opiniones maxime probabiles esse uidentur. notandum autem est differre probabile à uero, non eo quod probabile falsum sit, ut plurimum enim probabile, neque omnino est uerum, neque omnino falsum, sed differunt iudicio. dicitur enim uerum ex ipsa re, quando scilicet cum re consentit. probabile autem dicitur ex audientium opinione: si enim ita audientes opinentur, probabile dicitur. probabilia enim quatenus probabilia sunt, neque uera, neque falsa sunt: quædam enim uera probabilia sunt, ut Deos esse: quædam etiam uera sunt, quæ non sunt probabilia, ut quod extra cælum nihil sit: quædam etiam sunt falsa, & probabilia, ut quod Deus omnia possit, neque enim mala potest, sicut & pleraque sunt, & falsa, & non probabilia: sed ex his nulla fit argumentatio. notandum etiam est, pleraque probabilia esse inter se opposita. sæpe enim quod probatur uulgo, non probatur à sapientibus, ut quod bona animi præsent corporis bonis. M. Tullius primo de inuentione probabile dicit esse id, quod fere fieri solet, ut matres diligere filios suos, & id, quod in opinione positum est, ut impiis apud inferos pœnas esse paratas: & quod ad hoc habet quandam similitudinem, ut si his, qui imprudenter cesserunt ignosci, conuenit: his, qui necessario profuerunt, haberi gratiam non oportet. hoc autem probabile in quatuor partes diuiditur, in signum, quod uel negocium præcedit, uel comitatur, uel consequitur. credibile iudicatum, quod est uel religiosum, uel commune, uel approbatum: & comparabile, cuius partes tres sunt, imago, collatio, exemplum.

*Litigiosus autem syllogismus.* duplicem ostendit philosophus esse syllogismum litigiosum, & qui procedit ex apparenter probabilibus, sed rectam seruat connexionem: & qui connexionem prauam habet, uel sit ex uere probabilibus. statuitq; philosophus eum, qui in connexionem syllogisticam peccat, non esse dicendum syllogismum, sed hoc totum syllogismum contentiosum, quemadmodum homo mortuus non dicitur homo, sed hoc totum homo mortuus. qui uero syllogisticam connexionem seruat, sed procedit ex apparentibus probabilibus, dici potest syllogismus. ratio autem quare hic sit syllogismus, hic uero non est, quoniam uitiatur syllogistica connexio, perit syllogismi natura non aliter, quam homo desinit esse, quod est, si anima priuetur,



priuatur, quoniam non poterat hæc definitio intelligi, nisi cognosceremus quid essent apparenter probabilia, & quid differrent à uere probabilibus, ideo hoc ipsum declarabit philosophus. dicit enim, quod nihil eorum, quæ sunt probabilia in superficie idem, sunt apparenter probabilia, habet omnino fantasiam idem, sunt uero probabilia. id autem est apparenter probabilis & in superficie, quod facile redarguitur, quia scilicet promptam habet instantiam, ut si dicamus, quod uidet, oculos habet. si quis enim hoc admit- tat, fateri cogetur oculum habere oculos, ita si quis fateatur, quæ loque- ris, ex ore exeunt, audire poterit, currum loqueris ergo: currus ex ore exit. eodem modo qui oculos habet, uidet, sed dormiens habet oculos, ergo uidet. in his si quis parum inspiciat, mox deprehendet mendacium, quod non habeant ea, quæ uere probabilia dicuntur: neque enim hoc facile quis redarguet, quod maiori bono contrarium est, maius malum est: in multis enim hoc uerum est, falsum tamen quandoque deprehenditur. nam morbus, qui est maius malum, quam mala habitudo, contrariatur sanitati, quæ est minus bonum, quam bona habitudo.

*Principia litigiosarum orationum.* per hoc intelligit philosophus propositiones, ex quibus litigiosi syllogismi fiunt, non autem horum argumentorum loca. NOTANDUM autem est differre litigiosum, seu contentiosum syllogismum à sophistico ex utentis instituto. contentiosus enim est, qui uictoriam aspi- rat: sophisticus autem, qui gloriam. sophisticus enim ex fucata sapientia glo- riam captat, ut inde pecunias acquirat, ut dicitur, primo Elenchorum ca- pite decimo.

*Adhuc autem præter dictos omnes syllogismos.* aliam syllogismi differentiam affert philosophus, qui est paralogismus, qui fit in scientiis ex propriis quidam prin- cipiis alicuius scientiæ procedens, sed male deductis, atque ideo falsis. appel- lauit autem philosophis scientiis geometriæ cognatas stereometriam, per- spectiuam, astrologiam, arithmeticam, musicam, architecturam, chosmo- graphiam, mechanice, & alias quasdam. quod autem huiusmodi syllogismi à superius dictis differant, patet: non enim sunt demonstratiui, quia falsum concludunt. nam etsi propria principia alicuius scientiæ assumant, quæ uera sunt, eo tamen modo intellecta, quo falsus descriptor illis utitur, sunt falsa. neque etiam huiusmodi syllogismi dici possunt dialectici, quoniam ex proba- bilibus non sunt: neque enim quæ omnibus probantur, neque quæ pluribus assument, neque quæ omnibus sapientibus, neque quæ plurimis, neque celeberrimis, sed neque dici possunt hi syllogismi litigiosi, quoniam non as- sumunt apparenter probabilia. propria enim principia non uulgo, sed his, qui in scientia sunt uersati, cognoscuntur quare probabilia dici non possunt, & cum ad prauum sensum deducuntur, non etiam dici poterunt apparen- ter probabilia.

*Λήμματα.* λήμματα sunt apud Aristotelem propositiones syllogismorum, quas nos præmissas appellamus, & sumpta: unde syllogismi defectuosi, qui ex una tantum propositioni constabāt, ab Antipatro μονολέμματι sunt appellati. notan- dum est paralogismus, qui in scientiis fit, qui pseudographus appellatur, ita se habere ad demonstrationem, quemadmodum se habet contentiosus ad dialecticum. notandum præterea est paralogismi nomine, comprehendī utrun- que modum syllogismi contentiosi, syllogismum sophisticum pseudogra- phum, & tentatiuum.

*Species igitur syllogismorum, ut figura quadam complecti licet.* Plures affert ratio- nes Alexander, quare dixerit philosophus, ut figura quadam complecti licet,

quid sint ap- parenter pba- bilia; & quid differant à ue- re probabili- bus.

quid differat litigiosus syl- logismus à so- phistico.

quid sit para- logismus.

quænam sint scientiæ geo- metriæ co- gnatæ.

λήμματα quæ sint.

quonam mo- do paralogif- mus habeat se ad demon- strationem.

rationes qua- re philoso- phus dixerit,



# EXPOSITIO LIB. XI.

ut figura quada-  
dam comple-  
cti licet.

quid sit syllo-  
gismus tenta-  
tius.

qua in re ten-  
tatiuus syllo-  
gismus diffe-  
rat à pseudo-  
grapho.

quod non in  
omnibus re-  
bus sit quæ-  
renda demõ-  
stratiua scien-  
tia.

dubitatio quæ-  
re philoso-  
phus attule-  
rit duos syllo-  
gismos con-  
tentiosos, &  
unum tantum  
pseudogra-  
phum.

uel quoniam non tradiderit diligentem, & exquisitam horum definitionem. non enim ad hoc institutum pertinebat, uel quia non omnes syllogismorum differentias est persecutus. eas enim prætermisit, quæ sumuntur penes differentias propositionum, & quæ penes earum connexionem, uel quoniam prætermisit enthymema, quod quamuis non sit simpliciter syllogismus, est tamen syllogismus rhetoricus, uel quoniam prætermisit syllogismum tentatiuum, de quo alibi facta est mentio. est autem syllogismus tentatiuus, qui procedit ex probabilibus, non simpliciter, sed respondententi. est enim tentatiuus syllogismus ad eos refellendos, qui fingunt se aliquid scire, quod nesciunt: sed dubitat Alexander, ac fere affirmat idem esse syllogismum tentatiuum, ac pseudographum. philosophus enim in Elenchorum libro tentatiuum syllogismum definit, quod fit ex his, quæ respondententi probantur: & quæ necessario tenere debet is, qui profitetur se habere scientiam. hoc autem idem est, ac si diceret ex peculiaribus scientiæ principiis. hæc enim tenere debet, qui scientiam habere profitetur. appellatur autem tentatiuus à proposito, & instituto interrogantis, pseudographema autem ab effectu.

*Vt autem uniuersaliter dicamus.* Admonet philosophus in his, quæ dicta sunt, ac in omnibus, quæ sunt dicenda, non esse expectandam certam, ac demonstratiuam scientiam, quia proposita tractatio id non fert, cum de probabilibus sit, quorum certa, atque exquisita scientia haberi non potest, ut dicebat in secundo metaphysices, certitudo mathematica non est in omnibus expectanda, neque omnium potest haberi demonstratio.

*QVÆRUNT* quidam, cum philosophus attulerit duos syllogismos contentiosos, alterum, qui peccat in materia, alterum, qui peccat in forma, cur unum tantum pseudographum, qui in materia peccat, soluunt, quod peccatum formæ est commune omnibus syllogismis: quoniam igitur ipsum exposuit in syllogismo contentioso: ideo hoc loco ipsum prætermisit, at peccatum materiæ est singulis proprium.

## CAPVT SECVNDVM.

quid agit Phi-  
losophus in  
hoc capite se-  
condo.

*Consequens autem est, ut dicamus.* AGIT in hoc capite philosophus de dialecticæ utilitate, ostenditque ipsam esse utilem ad tria, ad exercitationes, ad colloquia, & ad disciplinas. ac præterea dicit ipsam utilem esse ad confirmanda principia scientiarum, quæ in ipsis scientiis probari non possunt. postremo ostendit, quando perfecte hanc artem nos habere cognoscemus.

*Habebimus autem perfecte.* Tunc dicit philosophus nos hanc artem habituros, quando ea omnia, quæ apud artem sunt, efficere poterimus, ut finem assequamur, quemadmodum & in aliis plerisque artibus se habet, ut rethorica, medicina, & nauigatoria.

quare dixerit  
philosophus  
& ceteris hu-  
iusmodi arti-  
bus.

quod duo sũt  
artium gene-  
ræ coniectu-  
rales, scilicet,  
& non conie-  
cturales.

*Et ceteris huiusmodi facultatibus.* Facultates dicit philosophus, quasi artes diceret, eo quod omnis ars potentem efficiat artificem ad operandum. dixit autem & ceteris huiusmodi, id est in aliis artibus, quæ coniecturales sunt, sicuti enumeratæ. notandum autem est duo esse artium genera: aliæ enim coniecturales sunt, aliæ uero non coniecturales: differuntque inter se coniecturales ab his, quæ coniecturales non sunt, primo, quod in his finis semper sequitur ea, quæ finis gratia recte sunt acta, quod si finis non eueniat ob errorem aliquem contingit eorum, quæ facta sunt, non secundum artem. in coniecturalibus autem non omnino, si ex arte efficiantur, quæ finis gratia fiunt, finis consequetur: quamuis enim medicus rectissime operetur, non tamen semper



semper sanat, eodem modo & orator, & dialecticus, & nauta. secundo differunt, quod artium coniecturalium finis potest etiam sine arte casu fieri, illarū nequaquam. tertio differūt, quod in artibus coniecturalibus multa contingunt, quæ finem earum impedire, ac peruertere possunt. in aliis autem aut nunquam, aut rarissime huiusmodi aliquid euenit, arque hinc fit, ut coniecturales artes non possunt per media quædam determinata semper procedere; sed prudentia multa opus sit, ut quæ contingunt, opus suum non impediant. quarto differunt, quod in coniecturalibus artibus certo perspectum habere quid sit agendum, & impossibile fere est: quoniam, quæ aguntur, non semper per omnia similiter admoventur, sed, rationalibus coniecturis, ad id, quàm proxime fieri potest, accedendum est. his igitur de causis coniecturalium artium opus esse uolunt non finem assequi, sed ea agere, quæ ad finem assequendum sint accommodata, cum hoc solum non sufficiat ad finem assequendum: sed & aliis quibusdam opus sit, quæ in arte non sunt: in his enim concurrir fortuna. earum uero artium, quæ coniecturales non sunt, opus est non solum actio, quæ secundum artem fit, sed & ipse finis.

coniecturales artes non possunt per media quædam determinata procedere. quod nam sit coniecturalium artium opus.

quod nam sit non coniecturalium artium opus.

## CAPVT TERTIVM.

*Primum igitur considerandum est, etc.* ABSOLVTO proemio aggreditur Philosophus hoc loco tractatum, proponitq; considerandum esse, ex quibus constet proposita methodus, quod habebimus, si sciamus ad quot, & qualia sint dialecticæ orationes, id est, quot, & quæ sint problematum genera, de quibus agit dialecticus: & ex quibus propositionibus huiusmodi orationes constent. deinde ostendit æqualia esse numero problemata, & propositiones, & omnem propositionem, omneq; problema constare ex genere proprio, aut accidente. differentiam enim ad genus deducit: proprium autem distinguit in id, quod explicat, quid est esse rei, quod est definitio: & id, quod non explicat, quod propriū appellatur. quare quatuor sunt termini, genus, definitio, propriū, & accidens, qui tamen problemata non sunt, neque propositiones, sed ex ipsis hæc fiunt. ultimo ostendit, quid differat problema à propositione, quod scilicet modo tantum inter se differunt.

quid agat philosophus in hoc tertio capite.

*Ex quibus methodus fit.* id est, ex quibus dialectica facultas constet, ex quo patebit, ex quibusnam poterit aliquis dialecticus effici. qui enim nouerit ex quibus dialectica facultas constet, cognoscet etiam, ex quibus poterit quis effici dialecticus.

*Ad quot, & qualia.* intelligit philosophus problemata, quia scilicet considerare oportet, quot problematum sint genera, de quibus agit dialecticus, & qualia sint.

*Et ex quibus.* intelligendum est ex quot, & qualibus propositionibus. non enim omnes propositiones dialectico sunt accommodatæ. notandum autē est duas esse propositionum species, propositionem scilicet dialecticā, propositionem syllogisticam. propositio dialectica est interrogatio contradictionis, ut nunquid bonum efficit bonos. propositio uero syllogistica est, quæ in syllogismo assumitur ad aliquid concludendum. intelligit hoc loco philosophus de dialectica propositione, quoniam ab hac syllogistica etiam propositio assumitur. cum enim interrogans respondentis habet assensum, tunc propositionem, quam interrogauerat, assumit ad concludendum.

*Orationes.* per orationes intelligit Alexander syllogismos, & inductiones, quorum utrumque ad dialecticū pertinet: sed melius forte per orationes in-

quid intelligat philosophus, cum dicit ad quot, & qualia. quid intelligendū sit per illud, & ex quibus. quod duæ sūt propositionū species. de qua propositione intelligat hoc loco Philosophus. quid intelligat Alexander per orationes.



telligere possumus ipsos dialecticos, congressus, & colloquia, ut idem hoc loco, & paulo inferius intelligamus, ubi dicit, ex quibus orationes, & de quibus syllogismi.

quid intelligat Alexander per illud his, & huius opinionis probatio. alia hac melior opinio. probatio quare propositioes & problemata sint numero aequalia.

*Et quo pacto his abundemus.* per illud, his, intelligit Alexander syllogismos, & inductiones, quod autem hoc intelligendum sit, ex eo probat, quoniam philosophus paulo post dicit, instrumenta autem, per quæ syllogismi abundemus, quatuor sunt, attamē, quoniā de syllogismis hic nulla est mētio, melius est per illud, his, intelligere problemata, & propositiones, cum in abundantia etiam propositionum potissimum consistit dialectici uis.

*Numero aequalia & eadem sunt.* cum enim idem significant, ac modo tantū differant propositiones, & problemata, ergo numero sunt aequalia. ut ita deducatur ratio, quæcunque idem significant, & modo tantum differunt, sunt aequalia numero: sed propositiones, & problemata idem significant, & modo tantum differunt, ergo sunt numero aequalia. quod modo tantum differant, in fine capituli ostendit. quod autem idem significant, ex eo nunc probat quod omne problema, & omnis propositio horum aliquod significat genus definitionem proprium, & accidens, quod quidem nunc assumit ex inductione. posterius autem syllogistice probabit, sed potest hoc etiā modo probari in omni problemate, & omni propositione. terminus aliquis, de aliquo prædicatur, uel igitur substantialiter de ipso prædicatur, uel accidentaliter: si substantialiter prædicetur, uel cum ipso conuertitur, uel eo est amplius: si accidentaliter prædicatur, uel soli conuenit, & est conuertibile, uel tale non est. quod igitur substantialiter prædicatur, est quæ conuertibile, definitio est, quod est amplius, est genus. differentia autem ad genus refertur, quod prædicatur accidentaliter, & est conuertibile, proprium est, quod non est conuertibile, est accidens. quare omne problema, ac omnis propositio significat uel genus, uel definitionem, uel propriū, uel accidēs.

quare differentia ad genus sit deducenda.

*Differentia enim cum generica sit.* Ne quis suspicetur differentiam esse prætermittam; dicit ipsam ad genus esse deducendam. ad genus autem est deducenda, quoniam est in substantia rei, quemadmodum & genus, & eorum utrumque est completium suorum subiectorum: præterea & eorum utrumque de pluribus prædicatur, specie differentibus. in eo autem potissimum differunt, quod genus inquit; differentia in quale prædicatur: quoniā scilicet differentia per se sumpta formam potius declarat, quam compositum: at genus compositum potius declarat.

in quo differat genus à differentia.

dubitatio quare species inter hæc prædicata non enumeretur.

*Sed* dubitaret quis, cur inter hæc prædicata non enumeretur species. soluit Alexander, quod dialectica problemata de huiusmodi subiectis fiunt, quæ possint definiri. hæc autem species sunt: sola enim species definitur, si autem species prædicaretur, subiectum esset indiuiduum, cuius non est definitio. aliter etiā soluit, quod si quandoque speciei problema fiat, huiusmodi problema ad problema generis reducemus propter multam similitudinē, quam inter se habent genus, & species.

in quot partes philosophus diuidat proprium.

*Quoniam autem proprium.* diuidit philosophus proprium in id, quod explicat quid est esse rei, & id, quod tale non est, illud appellatur definitio à græcis ὁπος hoc uendicat sibi nomen generis, ac dicitur proprium, quo loco notandum est plerumque contingere, quod species aliqua eo quod proprio nomine sit destituta, generis nomen sibi assumat, & appropriet.

quod illi quatuor termini, genus, propriū, definitio, &

*Nullus autem existimet.* Declarat philosophus, quod hi termini, genus, definitio, proprium, & accidens non sunt propositiones, aut problemata, sed ex ipsis hæc fiunt, non solum autem problemata, aut propositiones non sunt

hi



hi termini, quando incōplexi sunt, sed etiam quando aliquid de aliquo enunciat, nisi adiciantur particula illæ, nunquid, & utrum: quare si dicamus, homo est animal, neque erit dialectica propositio, neque problema.

*Problema & propositio differunt modo.* quid differant problema, & propositio inferius, capite octavo, diligentius explicabit philosophus, ut tamen hoc etiam loco aliquid dicamus. notandum est duplex esse genus interrogationis. alia enim est, quæ *πυγματική* dicitur, nobis dici potest quæsitiva: alia uero est dialectica. dialectica interrogatio est, ad quam responderi potest, ita, aut non, ut nunquid anima est immortalis: & quando in hac interrogatione altera tantum contradictionis pars exprimitur: reliqua uero subintelligitur quandoque ambæ proponuntur, ut nunquid anima est immortalis, aut non. quæsitiva autem interrogatio est, ad quam hoc modo non potest responderi affirmando, aut negando; sed alia oratione opus est, ut si dicamus, quare anima est immortalis, aut unde uenisti, atque respondens quæsitivæ interrogationi, infinita potest respondere uera scilicet & falsa. respondens uero interrogationi dialecticæ, coactus est alterum membrum contradictionis respondere: sub hac dialectica interrogatione continentur dialectica propositio, & problema. differt autem à dialectica propositione problema modo tantum prolationis. si enim proponatur adiecta particula *ἀπαρτε*, quæ est apud nos, nunquid propositio est: si autem proferatur particula *πότερον*, problema est. quare si dicamus nunquid anima est immortalis, dialectica est propositio: at si dicamus, utrū anima est immortalis, aut non, problema est. Neque aliam differentiam præter hanc considerauit hoc in loco philosophus, quod patet cum in fine capitis dicat, ex omni enim propositione problema facies, si modum commutabis. aliam tamen differentiam inter dialecticam propositionem, & problema retulit Alexander. dicit enim, quod dialectica propositio est petitio responsionis alterius partis contradictionis: problema autem probationem potius quærit alterius partis contradictionis, quare uult dialecticam propositionem sub dialectica interrogatione. problema uero sub quæsitiva interrogatione contineri. uerum hæc opinio non satis tuta esse uidetur, cum ad problema alteram tantum contradictionis partem respondere possimus. alia est opinio ab ipso etiam Alexandro relata, & reiecta, quod scilicet dialectica propositio alterū tantum membrū contradictionis quærat: problema uero utrumque, cui sententiæ fauent dicta Aristotelis. in exemplo enim problematis dixit, utrum animal pedestre bipes est definitio hominis, uel non: in exemplo autem propositionis dixit, nunquid animal est hominis genus; sed contra hanc sententiam dupliciter Alexander obiicit, primo, quod non seruat propositionis definitionem à philosopho traditā, quod est interrogatio contradictionis: præterea quod propositio, & problema non solum modo differrent, quod dixit philosophus, si problema per contradictionem comprehendit, propositio uero alteram tantum eius partem, an igitur forte hoc modo differunt propositio, & problema, quod etsi utrumque sub interrogatione dialectica comprehendatur, attamen propositio habet alteram tantum partem contradictionis probabilem, quā ipsi respondentem proponit interrogans, ut nunquid bonum bonos efficit. problema autem utranque partem contradictionis habet probabilem, ut utrum anima est immortalis, ita quidem apud philosophos accipitur problema, sed apud mathematicos alio modo accipitur. omnia enim illa, quæ ab ipsis demonstrantur, propositiones appellantur, antequam scilicet demonstrantur. cum enim demonstrata sunt, non amplius propositiones, sed conclusiones

accidens non sunt neq; propositiones, neque problemata.

duplex est genus interrogationis. dialectica interrogatio quid lit.

quæsitiva interrogatio quid lit.

quid differat problema à dialectica propositione.

alia differentia ex Alexandri opinione inter problema, & propositionem dialecticam.

duplex contra hanc opinionem obiectio.

quomodo accipiantur propositiones apud mathematicos.



clusiones appellantur. harum igitur propositionum quædam sunt theorematata, & quædam problemata: theoremata sunt illa, quæ aliquid considerant, & speculantur proprietatem, scilicet aliquam de aliquo subiecto: problemata autem sunt, quæ docent aliquid efficere, ut figuram aliquam describere. exempli causa, hoc est theoremata, omnis triangulus habens duo æqualia latera, angulos etiam, qui super basim sunt illis æquis lateribus contentos æquales habet. hoc uero problema est, super datam lineam triangulum æquilaterum constituere, eodem modo omnes aliæ propositiones sunt æstimandæ.

C A P V T Q V A R T V M.

quid in hoc  
quarto capi-  
te agat philo-  
sophus.

*Est autem dicendum quid sit definitio etc.* C V M proposuerit philosophus quatuor genera problematum, & propositionum, eo quod prædicata, quæ in ipsis assumuntur, quatuor sunt. nunc quid eorum prædicatorum unumquodque sit, explicat. primumque explicat, quid sit definitio, quia definitio est aliis præstantior, dicit igitur, quid definitio sit, & quod non solum aliquid incomplezum potest definiri, sed & aliquid complexum: & quod definitio non est, quæ non est oratio, ut cum nomen per aliud nomen interpretamur: deinde ostendit, quid sit *ὁρισμὸν*, id est problema, uel propositio definitionis, quod est, cum dicimus, hoc esse illud, uel utrum sit illud, aut ab illo diuersum: & quod hæc sint definitionis problemata, ex eo probat, quoniam si sciamus ostendere aliquid non esse idem cum alio, destruimus definitionem, licet hoc non conuertatur.

metaphora  
sumpta à ter-  
minis agrorū  
ad definitio-  
nem.

*Dicendum autem quid terminus.* duo sunt nomina apud græcos *ὅρος καὶ ὁρισμὸς*, quibus definitionem appellant, quæ sumpta sunt à terminis, qui in agris ponuntur, quemadmodum illis unusquisque ager circūscribitur, ut nequid unius excludatur, ne quid alterius includatur. eodem modo & definitio ita rem unamquamque circūscribit, ut ne quid eius excludatur, ne quid alieni includatur. ita enim cum re definita conuertitur, nos autem eam appellamus definitionem: uel si magis Ciceronem imitemur, definitionem, nonnunquam etiā interpretes termini nomine utuntur. notandumque est tripliciter terminum accipi: alius enim est terminus rei, alius terminus essentiae, alius terminus propositionis. terminus rei est uniuscuiusque rei extremum: terminus essentiae est ipsa definitio: terminus propositionis est subiectum, & prædicatum.

tripliciter ter-  
minus accipi-  
tur.

S E D dubitare quis possit, quomodo definitio possit definiri. uidetur enim, quod si definitio definiatur, futurus sit processus in infinitum in definitionibus quærendis. dicendum est ex sententia Alexandri, quod hoc loco philosophus definit ipsam definitionem in uniuersum, atque ita definit omnes definitiones, quatenus definitiones sunt. unaquaque igitur particularis definitio in eo, quod definitio est, definitionem habet: at in eo, quod definitio talis non habet definitionem aliam.

quod defini-  
tio oportet,  
ut ad minimū  
ex duobus uer-  
bis constet.

*Est autem definitio oratio.* dixit philosophus definitionem esse orationem, quoniam niam ex uno tantum nomine non constat definitio, sed ut minimum ex duobus. oportet enim in definitione adesse proprium genus, & propriam differentiam, ut cum dicimus, homo est animal ratiocinatum, quod si uel proprium genus, uel propria differentia ignoretur, pluribus etiam nominibus opus est.

quomodo in-  
terpretari de-  
beamus parti-  
culam illā τὸ,

*Τὸ, τὸ ἢν εἶναι.* particulam τὸ, interpretari debemus ipsum, non autem quod. est enim articulus, non autem relatiuum. particulam ἢν, notant græci accepisse philosophum pro est, secundum atticæ linguæ consuetudinem, quæ utitur



utitur uerbo præteriti imperfecti temporis loco præsentis. erit igitur hoc τὸ τί ἦν εἶναι apud nos ipsum quid est esse, non autem quòd quid erat esse, ut uulgo interpretantur. notat autem Alexander dixisse philosophum definitionē explicare ipsum quid est esse, quoniam cum in unaquaque re plura insint: definitio ex his, quæ rei insunt, alia separans hæc sola accipit, quibus res determinatur, & in quibus est ipsius rei esse, & quatenus differt ab aliis hoc, cui esse illud competit.

Et quoniā Anthisthenes, & Stoici quidam accusarunt Aristotelem, quòd frustra adiecisset particulam esse, cum satis fuisset dicere definitionem explicare, quid sit res. sed ostendit Alexander non frustra hoc adiecisse philosophum, quoniam, nisi adderetur ea particula, oratio etiam, in qua assumitur genus remotum, simul cum differentia aliqua esset definitio, eo quòd explicat quid sit res: ut si dicamus, homo est corpus uiuens, hæc autem separantur adiecta particula esse. nihil enim est, quòd explicet, quid sit esse rei, nisi definitio. idem igitur potest allata definitio, ac si dixisset, oratio rei substantiam significans, & id secundum quod ipsa res habet esse. notandum etiā est, consueuisse Aristotelem, & græcos omnes interpretes, quando significare uolunt esse alicuius rei, quòd in definitione ponitur rem illam ponens in datiuo casu, ut in prædicamentis, cum dixit τί ἐστὶν αὐτῶν ἐκατέρῃ τῷ ζῷῳ εἶναι, hoc autem modo dicunt intelligentes, quòd definitio explicet formā, quasi dicant, quid in unoquoque sit, propter quod sit tale, hoc autem est forma. proprie enim ex forma sumitur definitio, quia materia est causa communicationis cum ipsis rebus, forma uero differentia. per definitionem autem uolumus res inter se separare, ac distinguere.

*Assignatur autem aut oratio pro nomine, aut oratio pro oratione.* Quomodo afferatur oratio definitiua, scilicet pro nomine palam est, sed assertur etiam pro oratione. hoc autem tripliciter fit, primo, quando definitum non potest uno nomine explicari, ut animal terrestre, quòd si definiamus, dicemus, ipsum esse substantiā animatam, sensitiuam, aptam, natam in terra uersari. secundo, quando oratio, in qua fit proprii assignatio, in definitionem transmutatur, ut si dicamus, animal risibile est animal rationis particeps. tertio, quando ex his, quæ in oratione ponuntur, unum non fit, & uel eorum aliquod, uel unumquodque definitur, ut si definiamus, homo ambulans, quòd sit animal rationale mortale, quòd cruribus per terram defertur.

*Quicunque autem quolibet nomine.* Quando nomen per aliud nomen explicatur, uel in eadem lingua, uel in alia huiusmodi interpretatio, definitio non est, ad problema tamen definitionis deducitur. problema autem definitionis, quæ ipse dicit, orica sunt, in quibus queritur, utrum hoc sit idem cum illo, uel sit ab eo diuersum, ut utrum idem sit continentia, & temperantia: & quòd recte dicantur problemata definitionis, ex eo ostendit, quoniam sub eandē methodum cadunt cum ipsis definitionibus: hæc autem methodus est esse idem, uel diuersum. si enim probemus non esse idem, definitionem destruimus, licet ratio non conuertatur. ostendit autem Alexander, quomodo hoc non conuertatur, quomodo scilicet non satis sit ostendere aliquid esse idem alicui, ut probetur, quòd sit eius definitio. idem enim sunt color, & per se uisibile, sonus, & per se audibile, sapor, & per se gustabile, non tamen hæc sunt eorum definitiones: neque color, quatenus color, est talis, sed hoc habet ex habitudine quadam, quæ est inter ipsum, & sensum.

*Proprium autem est etc.* Cum egerit philosophus de definitione, nunc agit de proprio, quod cum ipsa multam habet similitudinem. primo igitur propriū definit,

quòd immerito quidam Aristotelē accusarint, quod frustra adiecisset particulam esse.

quòd tripliciter afferatur oratio definitiua.

quod quādo nomen per aliud nomē explicatur diuersa lingua, non est definitio.

quid sit propriū.



## T O P I C O R V M A R I S T .

definit, quòd non indicat quid est esse, soli autem inest, & conuersim de re prædicatur, ostenditq; , quomodo conuersim de re prædicetur, & quòd si quid non inest, soli non erit proprium simpliciter, sed forte aliquando, aut alicuius respectu, & quod hæc, quæ soli non insunt, non prædicatur cōuersim. Agit postea de genere, ipsumq; dicit esse id, quod de pluribus prædicatur differentibus specie in quid est, declaratq; quid sit prædicari in quid, postea declarat, quod sit problema generis, uel genericum, quod est, ubi quæritur, utrum aliqua sint in eodem genere, uel in alio, idq; probat, quoniam hæc problemata in eandem incidunt methodum cum ipso genere. si enim probeamus, quòd anima sit genus hominis, & bouis, utique ostendimus, quòd hæc etiam sub animalis genere reponuntur. si autem ostendamus, quod animal est huius generis, huius uero non est: probamus etiam, quòd hæc sub eodem genere non sunt.

duplex accidens- definitio.

TRANSIT deinde ad accidens, cuius duas affert definitiones. prima est, quòd accidens non est, neque definitio, neque proprium, neque genus, inest autem rei, altera est, quod potest inesse alicui, & non inesse, dicitq; , quòd hæc posterior definitio melior est, quoniam per se intelligi potest, ut prior autem intelligatur, intellexisse oportet, quid illa omnia sint. deinde ostendit, quæ sint problemata accidentis, quòd scilicet sunt, in quibus continentur comparationes ab aliquo accidente, quomodo cunque desumptæ. postremo ostendit, quod accidens potest esse proprium, non quidem simpliciter, sed uel aliquando, uel alicuius respectu.

## C A P V T Q V I N T V M .

quid philosophus egerit in superiori capite. quid nunc deinceps sit acturus.

DIVISIT philosophus problemata in quatuor genera, prout quatuor termini sunt, à quibus sumuntur, ostenditq; , quod esset eorum unusquisque. nunc admonet, quòd quæ de proprio genere, & accidente dicta sunt, de definitione etiam dici possunt, quòd scilicet quemadmodum accidens infirmamus, genus, & proprium, eodem modo & definitionem infirmamus. quare dicit, quòd aliquo modo omnia problemata dici possent annexa definitioni, attamen dicit, in his omnibus non esse eandem quærendam methodum, quoniam & difficilis esset inuentu, & inutilis. si autem circa unumquodque problematis genus propria afferatur methodus, facile poterimus de singulis differre ex propriis locis, quare uniuersaliter diuidit problemata in quatuor genera, & singulis generibus, quæ propria erunt, adnectet.

quare philosophus dixerit, quod omnia &c.

Quod omnia, quæ ad proprium, & genus, & accidens dicta sunt. Hoc autem est, quòd ex quibus ostendere possumus aliquid non esse accidens, aut genus, aut proprium alicuius, omnia ad definitiones etiam accommodantur, quoniam ex eisdem definitionem infirmamus. hoc autem ita patet. ostendimus aliquid non esse accidens alicui, si ostendamus ipsum non inesse rei: quod enim rei non inest, neque eius est accidens. sed eodem quoque modo definitionem infirmamus. si enim assignata oratio rei non inest, neque erit eius definitio. ostendimus autem aliquid non esse alicuius genus, tum eodem modo, quo accidens. tum uero (quod ei peculiariter conuenit) si ostendamus, quòd non sit de rei substantia: eodem quoque modo definitionem infirmamus. si enim assignata oratio non sit de rei substantia, neque erit eius definitio. ostendimus demum aliquid non esse alicuius proprium, tum eodem modo, quo accidens: tum uero (quod ei est peculiare) si ostendamus, quòd soli & omni nō conuenit, eodem etiam modo definitionem infirmamus. oportet enim ut  
definitio



definitio cum suo definito conuertatur, hoc autem fit si soli, & omni inest. *Quare secundum prius assignatam rationem.* dictum superius fuit ubi scilicet de definitione agebatur, quod ea dicebantur problemata definitiua, uel ad definitionem pertinentia, quæcunque sub eandem methodum cadebant cum ipsa definitione. hæc autem methodus erat, utrum aliquid sit idem alicui: per hanc enim definitionem infirmamus ostendentes, quod assignata oratio non est idem cum re, sed ob eandem rationem: hæc alia problemata ad definitionem pertinebunt, quia quomodo unumquodque aliorum destruimus, definitionem etiam destruimus, ergo hæc omnia problemata ad definitionem quodammodo pertinent. sed dicet quis, si de his omnibus est eadem ratio, quare illa potissimum definitioni annectuntur? dicendum est hoc fieri, quoniam problema de eodem maxime proprium definitionis esse uidetur, quoniam definitio est eadem cum suo definito. alia est etiam ratio inferius explicanda, quoniam non semper alia problemata destruentes definitionem etiam destruimus.

*Sed non propter hoc una in omnibus.* ostendit philosophus hæc omnia problematum genera ad definitionem reduci non debere, quoniam hoc tum difficile est inuenire communes scilicet locos, quibus omnia confirmare, ac infirmare possimus, tum etiam est impossibile, quoniam licet quibus locis alia destruimus, accidens, genus, & proprium, definitionem etiam destruamus, non tamen com meat ratio, quod quibus locis illa construimus, iisdem definitionem construamus. si quis enim ostendat aliquid alicui inesse, & non inesse, accidens quidem probabit, non autem probabit definitionem, immo ipsam destruet, non enim ita inest rei definitio, ut ab ipsa possit etiam abesse.

**I M M O** notandum est, quod non solum aliorum constructio definitionem, non destruit, sed neque ipsorum destructio definitionem omnino destruit, qui enim probat aliquid alicui ita inesse, ut ab eo abesse non possit, accidens quidem destruit, non tamen destruit definitionem, ita qui probat aliquid inesse alicui in eius substantia, non tamen de pluribus prædicari, destruit qui dem genus, non tamen destruit definitionem, ita qui probat, aliquid inesse alicui conuertibiliter, & significare quid sit esse rei, destruit proprium, non autem destruit definitionem, non ergo in his eadem est constituenda methodus.

*Et si inueniatur omnino est immanifesta, & inutilis.* si enim eo solo modo, quo definitionem astruimus, uelimus cetera quoque construere, inutiliter omnino probabimus. quomodo poterit quis probare, aut accidens, aut genus, aut proprium ex his locis, quæ ad definitionis problemata accommodantur?

**N O T A N D U M** autem est, quod quædam, quæ accidens destruunt, definitionem etiam destruunt, ut non inesse rei. qui enim probat aliquid alicui non inesse, destruit accidens: & eodem modo definitionem, quædam è conuerso cum destruunt accidens, construunt definitionem, ut inesse rei, sed non ita, ut abesse possit: quædam uero construunt accidens, & destruunt definitionem, ut inesse rei, ita quidem, ut abesse etiam possit. eadem ratio est de genere. quædam enim sunt, quæ sic ut destruunt genus, ita destruunt definitionem, sicut non esse in rei substantia: quædam uero destruunt genus, & construunt definitionem, ut in substantia rei esse, sed non dici de pluribus: quædam uero destruunt genus, & destruunt definitionem, ut in substantia rei esse, & dici de pluribus. eodem modo & de proprio dicendum est, quod scilicet quædam destruunt proprium, & definitionem, ut non inesse omni, & soli: quædam destruunt proprium, & construunt definitionem, ut inesse omni,

quare secundum prius assignatam rationem hæc omnia problemata ad definitionem reduci possint.

quod hæc omnia problemata ad unum genus reduci non possunt.

notandum est, quod non solum aliorum constructio definitionem non destruit, sed neque ipsorum destructio definitionem destruit, & mox exemplum subiiciuntur.

quomodo inutile sit inuenire modum, quo quemadmodum cetera astruimus, uelimus etiam definitionem astruere.



& soli, & explicare quid est esse rei. quædam uero construunt proprium, & destruunt definitionem, ut inesse omni, & soli, & non esse de rei substantia,

C A P V T S E X T V M .

quid in capi-  
te superiori e-  
gerit philo-  
sophus.

quid in hoc  
sit tractatu-  
rus.

quid Alexan-  
der notet.

Exemplum,  
quo fit appro-  
batio Alexan-  
dri notatus.

quæ facilia,  
prætermitten-  
da: quæ uero  
magis de ab-  
dita, explican-  
da: & est ra-  
tio philoso-  
phi.

**D I V I S I T** philosophus problemata omnia, & propositiones in quatuor genera, exposuitq; quid esset unumquodque eorum, à quibus ipsa sumuntur: deinde ostendit, quòd aliquo modo hæc omnia problemata definitioni adnecti possunt, non tamen in omnibus est eadē methodus quærenda, sed de singulis distincte agendum esse. nunc agere uult de eodem, ac ostendere quo tripliciter dicatur. agit autem de eodem ob duas præcipue causas. primo, quoniam superius dixit, definitionis problemata de eodem quærere, ut igitur huiusmodi problemata cognosci possint. de eodem hoc in loco agit, sicut terminos omnes superius definiuit, à quibus problemata sumuntur, ut problematum genera essent manifesta. ita hic de eodē agit, ut manifestū fiat, quæ sint problemata definitiua de eodem quærere. secundo, quoniam utile hoc est ad plurima, quæ in dialectica tractantur. dicit igitur idem tripliciter dici, numero, specie, & genere: ostenditq; quid sit horū unumquodque: deinde difficultatem quādam proponit, quòd aquæ partes ab eodem fonte desumptæ non uidentur esse idem aliquo dictorū modorū: ac difficultatē soluit ostendens, quòd sunt idem specie; postea ostendit, quòd id præcipue idem uulgo dicitur, quod est idem numero; & quid idem numero tripliciter dici solet. primo, quando duo nomina proponuntur, quæ eandem habeant definitionem, uel aliquod nomen, & sua definitio. secundo, quando subiectum, & eius proprium proponuntur. tertio, quādo subiectum, & eius accidens proponuntur. probatq; hoc etiam ultimo modo idē numero dici. *Vt figura complectamur.* id est uel agendo de his uniuersaliter, uel non exquísite. notat autem Alexander philosophum in aliis locis addidisse idem analogia. addunt alii, & idem materia. sunt autem idem analogia, ut definit Alexander, quæ genera differētia in ratione habent similitudinem: ut si dicamus, quemadmodum se habet fons ad fluuium, ita unitas ad numerum: & quemadmodum se habet in oculo uisio, ita in anima mens. dicemus igitur, quòd fons, & unitas sunt idem analogia; & uisio, & mens. notandum autem est, quod hic est alius modus analogiæ ab ea, quam uulgo dicuntur analogia. hæc enim uel ab uno, uel ad unū dicuntur: idem uero materia dicuntur, quæ eādem habent materiam: hæc uero sunt, quæ inter se mutuo transmutātur, sicut omnia generabilia, & corruptibilia.

**I D E M** numero dicit esse philosophus, quorum nomina plura, res uero una. intelligere autem oportet, quòd hæc nomina dicantur de aliquo indiuiduo, & singulari. quoties igitur aliquod singulare duo plura uel habet nomina, illa dicuntur esse idem numero. sed diceret quis, si aliquod singulare habeat unum tantum nomen, nunquid erit idem numero? dicendum est, quòd modo sit una res subiecta singularis, uel habeat unum nomen, uel plura, semper erit eadem numero. si quando pluribus nominibus appellatur, est eadem numero; quanto magis, si unum tantum nomen habet? sed hoc philosophus prætermisit tanquam notum. solent enim sapientes uiri ea, quæ exposita sunt, & facilia, prætermittere: quæ autē magis abdita sunt, explicare; quod sæpe notauit Galenus de Hippocrate.

*Videtur sane & ab eodem fonte.* Non ab re proponit philosophus difficultatem hanc, quomodo diuersæ partes aquæ ex eodem fonte desumptæ dicantur eadem



dem aqua. patet enim, quòd non sunt eadem aqua numero, quia distinctæ sunt inter se: neque uidetur, quòd sint eadem aqua specie, quoniam eadem aqua specie est, quæ etiam ex diuersis fontibus, aut fluminibus, aut lacubus sumitur. quæcunque enim aqua cuicunque aquæ eiusdem est speciei, quare diuersæ partes aquæ ab eodem fonte desumptæ habebunt plus aliquid, quàm quòd sint idem specie. erunt igitur idem alio quodammodo præter enumeratos. soluit hanc difficultatem philosophus, quòd diuersæ aquæ partes ab eodem fonte desumptæ sunt eadem aqua specie. maiorem tamen intensioremq; habent similitudinem, quàm quæ ab eodem fonte non sunt desumptæ: quemadmodum duo homines ualde sibi similes essent, idem homo specie, nō magis tamē, quàm qui ualde sunt dissimiles, sed ab illis differunt, quòd maiorem habent similitudinem. atque hinc eliciendum est, quòd magis, & minus non uariant spēcìem, dummodo sit eadem forma, licet in accidentibus sint ualde inter se dissimilia, quæ eam formam habent, non tamen dicuntur differre specie: præterea licet sint ualde inter se similia, non tamen erunt magis eadem specie, eo quòd substantia non suscipit magis, & minus.

solutio philosophi.

exemplum.

*Maxime autem constat id, quod est unum numero etc.* Hæc præcipue dicuntur idem, quoniam sensui patet, quòd idem sunt, quæ sunt idem specie, aut genere, non æque sunt sensui manifesta, sed ratione indigent, ut idem esse quis ea cognoscat: neque enim quis facile concedet Platonem, & Socratem esse idem, cum manifestum sit eos esse diuersos?

*Solet autem hoc assignari multipliciter.* Ostendit philosophus idem numero tripliciter dici. duo enim nomina, quæ eandem habeant definitionem, idem numero significant, ut ens; & gladius, item nomen, & eius definitio, ut homo, & animal gressibile bipes, & hic est primus modus. secundo modo, subiectum, & eius proprium idem numero sunt, ut homo & risibile. tertio modo, subiectum, & accidens in eo existens, idem numero sunt.

exemplis probat philosophus tripliciter idem numero dici.

SED hoc loco est difficultas quomodo homo, & animal gressibile bipes sint idem numero, quòd dixit Philosophus, Socrates, & filius Sophronisci est idē numero: at homo, & eius definitio nō uidetur quomodo sit idē numero.

difficultas.

SOLUIT Alexander, quòd species, quando ad se ipsa comparatur (eodem modo, & genus) idem est numero. si enim dicas, quòd non sit idem numero, erit igitur idem specie; atque sunt idem specie, sunt numero plura. ipsa igitur species ad se ipsa comparata, non autem ad indiuidua erit plura numero: quæ sunt plura numero, sunt inter se distincta, & unum ab alio separatum. ergo species erit à seipsa distincta, & separata præterea, quæ sunt plura numero, in materia sunt: differentia enim secundum numerum non est, nisi propter materiam: species igitur in eo, quòd species erit in materia, sed quod est in materia, est indiuiduum, & singulare, species igitur non erit species, sed indiuiduum, & singulare. de genere autem si dicamus ipsum non esse idem numero, sed idem genere, hoc etiam maius sequetur inconueniens, quòd idem à seipso erit specie differens: ea enim, quæ genere solum idem sunt, specie inter se differunt. his igitur rationibus probabiliter astruit Alexander, quòd species, & genus sint idem numero: aliter tamen sententiam fert. dicit enim, quòd si species, & genus essent aliquid per se, recte concluderent priores rationes. hoc enim supponunt, sed hoc suppositum est falsum, species, & genus in aliis habent esse, quare sicuti ea, in quibus habent esse, sunt idem inter se eodem modo, species, & genus erunt idem sicuti, sci licet particulares homines sunt idem inter se: ita & hominis species, quæ in ipsis esse habet, idem erit. quare species erit idem specie, & genus idem genere,

solutio Alexandri.

quæ sunt plura numero.

quid de genere.



difficultas. nere, quomodo igitur soluenda est proposita difficultas? quomodo dicat philosophus, quod homo, & animal gressibile bipes sunt idem numero. dicit Alexander, quod species, etiā sua definitio sunt idem numero, non quod species sit idem numero secundum se, sed quoniam utrumque species, scilicet & definitio de eodem indiuiduo, & singulari sub ipsa specie contento uerificatur, non autem eorum alterum de uno: alterum uero de alio. si enim de Socrate loquamur, possumus dicere, Socrates est homo, & Socrates est animal gressibile bipes.

alia difficultas. Est alia difficultas, cum idem tripliciter dicatur: est enim idem definitum, & definitio est idem subiectum, & proprium, & est idem subiectum, & accidens. quare philosophus problemata de eodem ad definitionem retulit potius quam ad proprium, aut ad accidens. hanc difficultatem soluit ipsemet philosophus, cum dicit, quod propriissime, & primo nomine, & definitione idem significatur. definitio enim uere idem est cum suo definito.

solutio difficultatis. NOTANDUM autem est, quod cum oppositorum sit eadem disciplina, quot modis idem dicitur, totidem modis dicitur diuersum; uel enim aliqua diuersa sunt numero, ut Socrates, & Plato; uel specie, ut Socrates, & Bucephalus; uel genere, ut Socrates, & ulmus: quæ autem sunt idem numero, sunt etiā idem specie, & idem genere: quæ uero sunt diuersa genere, sunt diuersa specie, & numero: quæ autem sunt idem specie, sunt etiam idem genere; non est autem necesse, quod sint idem numero. contra. quæ sunt diuersa specie, sunt etiam diuersa numero; non est autem necesse, quod sint diuersa genere: quæ sunt idem genere, non est necesse, quod sint idem specie, & idem numero: quæ uero sunt diuersa numero; non est necesse, quod sint diuersa specie, aut genere.

C A P. V. T. S E P T I M V M.

recenset obiter, quid in superiori capite egerit, & ostendit, quid in hoc sit tractaturus. Quod autem ex prius dictis, etc. CUM dixerit philosophus quatuor esse genera problematum: nunc ostendit, quod plura esse non possunt, neque pauciora. primo quidem per inductionem ostendit ab his quatuor sumi omnia problemata, & omnes propositiones: deinde probat per syllogismum, quod neque plura possunt esse, neque pauciora, quoniam omne, quod de aliquo prædicatur, uel de eo conuersim prædicatur, uel non si conuersim prædicatur, uel significat, quid est esse, & est definitio, uel non significat, quid est esse, & est proprium. si autem non prædicatur conuersim, uel assumitur in definitione subiecti, uel non si assumatur in definitione subiecti, uel est genus, uel differentia, si non assumitur in definitione subiecti, est accidens.

prædicamenta decem numero.

POSTEA philosophus, quoniam huiusmodi problematum genera, in quibusdam generibus rerum sunt, ostendit, quænam sint huiusmodi genera. sunt autem ipsa prædicamenta numero decem. semper enim accidens proprium genus, & definitio in aliquo horum decem generum reperiuntur. postremo ostendit, quod ipsum quid est, non solum in substantia reperitur, sed in aliis etiam omnibus. concludit demum, quod cum proposuerit ostendere ad quod, & quæ, & ex quibus constent orationes dialecticæ, quod hoc hactenus ostensum est, superestq; quod reliquum fuit propositum ostendere, quomodo, scilicet his possimus abundare. itaque ex Alexandri sententia huius libri primo secto finis imponitur.

quid uidetur intellexisse philosophum per orationes.

Orationes sint. Ex hoc patet philosophum superius intellexisse, per orationes dialecticos congressus, sicut & hoc loco intelligit.

Et



*Et per hæc, & ad hæc.* Per illud, per hæc, intelligit propositiones: per illud ad hæc, intelligit problemata. ex propositionibus enim sunt orationes: & ad problemata uel construenda, uel destruenda diriguntur orationes, & hæc utraque in his quatuor generibus sunt. hoc autem probat philosophus, & per inductionem, & per syllogismum. primo, quia hæ argumentationis species in primis efficaces sunt: aliæ uero ad has reducuntur, ut imperfectum ad perfectum exemplum, scilicet ad inductionem, enthymema autem ad syllogismum: unde recte dicit Alexander, quod utrumque horum & exemplum, & enthymema eò est priuatum, ut perfectum sit, & illud simpliciter, in quod est natura: & exemplum est inductio imperfecta, & enthymema imperfectus syllogismus propter contractionem in minus. enthymema enim syllogismum contrahit alteram ex præmissis ei auferendo: exemplum uero contrahit inductionem ex uno singulari colligens. secundo, utitur philosophus inductione, & syllogismo, quoniam hæ sunt argumentationes propriæ dialectici, ut oratoris exemplum, & enthymema.

quid intelligat per istas dictiones, per hæc, & ad hæc.

cur philosophus utatur inductione, & syllogismo.

quid per inductionem probetur.

PROBATVR autem per inductionem, quod omne problema, & omnis propositio in his quatuor generibus est, quoniam si singula quæque problemata, & propositiones spectemus, ita esse uidebimus. hoc enim problema, utrum tempus est motus cæli, an non, est problema definitionis. quærimus enim utrum assignata oratio sit temporis definitio: hoc autem utrum bonum sit in substantia, est problema generis. quærimus enim utrum substantia sit genus boni, hoc uero utrum motus sursum soli igni naturaliter competat, est problema proprii. quærimus enim utrum huiusmodi motus sit igni proprius, hoc demum problema, utrum ignis sursum moueatur, est problema accidentis. quærimus enim utrum igni insit motus sursum eadem non est de propositionibus.

SED dubitatur ad quod genus huiusmodi problemata reducantur. quare magnes attrahit ferrum, & quod est natura, aut motus. non enim uidetur, quod ad aliquod dictorum generum reduci possint. dicendum est, quod hæc non sunt dialectica problemata. dialectica enim problemata, sicut & dialecticæ propositiones sub interrogatione dialectica comprehenduntur, quæ alteram partem contradictionis præerit, sed huiusmodi problemata physica sunt. si autem ita proponantur, ut ad ipsa altera pars contradictionis possit responderi, sunt dialectica problemata de rebus physicis, sicuti & de rebus moralibus, & aliis.

dubitatio. magnetem attrahere ferrum.

NOTANDVM QVE est omnia dialectica problemata aut inquirere, si quid est, aut quod est: nunquam autem quid est, aut propter quid est. de his autem quatuor quæsitis agit philosophus initio secundi Posteriorum.

quid notadū.

PER syllogismum autem tot esse problematum genera probatur, quoniam in omni propositione, & problemate aliquid de aliquo prædicatur. à prædicatis autem sumuntur propositionum differentiæ, uel igitur hoc prædicatum conuersim dicitur, uel non conuersim: si conuersim dicitur est definitio, aut proprium: si non dicitur conuersim est genus, aut accidens. hic quærendum est, quomodo hæc Aristotelis ratio syllogistica sit. Alexander eam reducit ad primum modum primæ figuræ hoc pacto, quodcunque de aliquo prædicatur, uel æqualiter de eo prædicatur, uel non æqualiter. hæc est minor. omne quod æqualiter, uel non æqualiter prædicatur, uel ut definitio, uel ut genus, uel ut proprium, uel ut accidens prædicatur. hæc est maior. quodcunque igitur de aliquo prædicatur, uel ut definitio, uel ut proprium, uel ut accidens prædicatur.

quid sit prædicatum conuersim dici, uel non conuersim.

Quæ-



quæsitum simplex .

QVÆRENDVM etiam hoc esset, ad quod genus reduci debeat, quæsitum simplex, quo quæritur an aliquid sit, ut an uacuum sit, an infinitum sit, an sint dii: sed hoc quæsitum ad caput de accidente pertinet, ubi & Alexander, & Auerroes, & alii interpretes huius difficultatis meminerunt.

dialectica problemata in uariis generibus rerum esse: neque dialecticum unum determinatum genus habere. quomodo philosophus accipiat ipsum quid est.

Posthæc igitur oportet determinare genera prædicamentorum. quoniam dialectica problemata in uariis generibus rerum sunt: neque enim dialecticus unum determinatum genus habet, sed neque ipsa rerum genera sunt infinita, ideo explicat philosophus ipsa decem prædicamenta, in quibus consistere oportet omnia dialectica problemata: unde etiam patet utilem esse prædicamentorum tractationem ad dialecticam.

in quo differt essentia à substantia.

ACCIPIT autem philosophus ipsum quid est, ut uult Alexander, loco substantiæ, quoniam proprie in substantia reperitur. sed forte præstat dicere, quod accipit ipsum quid est pro essentia rei, quæ in omnibus prædicamentis reperitur, sicut ipse met philosophus declarat, licet uerius, ac prius reperitur in substantia. cum enim philosophus ita exponat ipsum quid est, neque admoneat se aliter accipere, eo modo igitur accipiendum est, quo ipse exponit, non quod substantia, sed quod rei essentia. differt autem essentia à substantia ( licet hoc nomen substantia, quæ est græcis οὐσία pro utroque sæpenumero accipiat ) quod substantia est, quod per se substat, neque alio indiget, ut sit. essentia uero est uniuscuiusque rei natura, quæ non solum in substantia est, sed etiam in accidentibus.

ostendit quatuor problematum genera esse in decem generibus.

Semper enim accidens etc. ostendit philosophus, quod in his decem generibus sunt ipsa quatuor problematum genera. omnia enim problemata et omnes propositiones uel in substantia dicunt aliquid de aliquo, uel in qualitate, uel in aliquo aliorum prædicamentorum: hoc autem patet, si per singula problematum genera inducamus, definitio enim uel est alicuius substantiæ, uel quantitatis, uel qualitatis, &c. Quare problema definitionis in omnibus erit prædicamentis, eodem modo & problema generis. in omnibus enim prædicamentis sunt genera, & differentiæ: in quibus enim prædicamentis sunt ipsa definita, sunt & eorum genera, & differentiæ. problema autem proprii non potest esse in substantia, quoniam omne proprium accidens est, sed problema proprii in eo erit genere, in quo erit proprium, eodem modo & problema accidentis in substantia non erit, eo quod substantia alicui non accidit.

dubitatio Alexandri. exemplum.

DVBITAVIT tamen Alexander, quod etiam in prædicamento substantiæ sint problemata accidentis, quando scilicet in substantia fit prædicatio præter naturam, ut si dicamus, utrum album est corpus, hocq; concedere uidetur Alexander, neque enim aliter dissoluit difficultatem.

NOTANDVM autem est, quod quando prædicata essentialiter dicuntur de subiecto, non magis à prædicato, quam à subiecto cognoscetur. prædicamentum in quo tale problema sit, quoniam in quo prædicamento est, prædicatum est & eius subiectum: at si non prædicetur essentialiter, tunc ex prædicato iudicium est sumendum, non autem ex subiecto.

quid notandum.

Vnumquodque autem horum. notandum est, quod in unoquoque prædicamento, quando idem prædicatur de se ipso, ut quid est, illud est homo, uel superius de inferiori in recta linea prædicamenti, tunc est prædicatio in quid: quando autem aliquid unius prædicamenti dicitur de re posita sub alio prædicamento, non amplius est in quid, sed nomen sumit ab ipso prædicato.

philosophum duo proposuisse explicanda.

Quare de quibus sane. cum duo proposuerit philosophus explicare, ex quibus & ad quæ sint orationes dialecticæ, & quomodo possimus his abundare. dicit de primo actum esse: reliquum esse, ut deinceps de secundo agatur.



## CAPVTOCTAVVM.

*Primum igitur determinetur.* CUM uelit Aristoteles docere, quomodo possimus dialecticis orationibus abundare, quoniam dialecticæ orationes comprehendunt non solū syllogismos, & inductiones, sed etiā propositiones, & problemata: antequam instrumenta tradat, quibus his abundemus; declarat, quid sit propositio, & problema dialecticum, ut scilicet ea prius cognoscantur, ad quorum habendam copiam methodum est traditurus. primum igitur declarat philosophus, quod non omnis propositio est dialectica, neque omne problema est dialecticum: deinde definit propositionem dialecticam, quod est interrogatio probabilis uel omnibus, uel plurimis, uel sapientibus, & his, uel omnibus, uel plurimis, uel maxime notis, non inopinabilis: declaratq; quare dixerit non inopinabilis, additq; præter hanc alias quatuor dialecticas propositiones, quæ scilicet est probabilis similis, & quæ probabilis contraria, sed per contradictionem prolata, & quæ contrarium de contrario enunciat, & quæ sit in arte aliqua recepta, atque harum unamquamque declarat.

declaraturus est, quomodo possimus dialecticis orationibus abundare, sed prius, quid sit propositio & problema dialecticum, declarat.

*Nullus enim proponet mentem habens.* Vocem *πρότασις* attribuit philosophus propositioni, uocem uero *πρόβλημα* attribuit problemati: nō proponet aliquis, quod nulli uideatur, id est nullus ea utetur propositione, quæ sit præter omnium opinionem, ut quod parentes sint contumelia afficiendi, quod Deus non sit honorandus, quoniam propositio dialectica semper debet esse probabilis: differt ergo propositio dialectica à propositione simpliciter, quod hæc est interrogatio, quæcunque alterius partis contradictionis facta per particulam *ἄρα*, aut nunquid: propositio uero dialectica uult præterea esse probabilis.

quæ uocē attribuisse philosophū propositioni: quæ problemati, hoc in loco demonstrat.

*Neque proponet, quod omnibus sit notum.* id est neque ullus eo utetur problemate, quod nullam habeat ambiguitatem, ut utrum sole irradiante dies est, an non, quoniam problema dialecticum debet esse dubitabile: differt ergo problema dialecticum à problemate simpliciter, quod problema simpliciter dictum est quæcunque interrogatio alterius partis contradictionis facta per particulam utrum: problema uero dialecticum debet esse de re ambigua, & dubitabile.

exemplis, quo ostendit, neminem debere uti eo problemate, quod nullā habeat ambiguitatē.

SED hoc loco insurgit difficultas, quomodo nunc dicat philosophus dialecticam propositionem esse probabilem, dialecticum uero problema esse dubitabile, cum superius in capite tertio dixerit, quod solummodo prolationis inter se differunt, & quod ex quacunque propositione problema fit? si modus commutetur, unde uolebat, quod essent numero æqualia propositiones, & problemata, dicendum est, ex sententia Alexandri, quod superius locutus fuit de propositione, & problemate simpliciter: hic autem agere de propositione dialectica, & problemate dialectico. cum igitur propositio, & problema simpliciter considerantur, & non quatenus ad materiam dialecticam contrahuntur, tunc differant solum modo; quando uero considerantur prout sunt dialectica, præter modum differunt, etiam ut dictum est.

REFERT Alexander ex Eudemo plures esse interrogationis species, uel enim quærimus aliquod accidens de aliquo subiecto, ut quis sit motus ignis secundum naturā, uel contra: quærimus, quod si cuiuspiam accidentis subiectum, ut quodnam bonum sit per se eligibile, & quisnam est, quod ibi sedet, uel inquirimus, quid nam sit aliquid, ut quid sit homo, uel circa propositionem aliquam inquirimus a respondente, ut uel affirmet, uel neget, ut nun-

quid referat Alexander ex Eudemo scilicet multas esse interrogationis species.

D quid



quid mundus est rotundus, & sub hoc modo interrogationis reponitur dialectica propositio, & dialecticum problema: unde patet, quod non omnis interrogatio est propositio dialectica, sed an est interrogatio contradictionis, neque tamen omnis huiusmodi interrogatio est dialectica propositio, sed quæ est probabilis: quare neque demonstratiuæ propositiones sunt dialecticæ, neque sophisticæ, ut nunquid uidens oculos habet: neque propositiones inopinabiles sunt dialecticæ, ut nunquid parentes iniuria afficiendi sunt, sed dialecticæ propositiones erunt huiusmodi, nonne sanitas est bona? nonne diuitiæ sunt bonæ? nonne uirtus est expetenda?

Quales sint  
dialectice p-  
positiones.  
dialecticā p-  
positionē es-  
se probabile  
interrogatio-  
nem.

*Est autem propositio dialectica etc.* Definens philosophus dialecticam propositionem, quod est interrogatio probabilis: repetit etiam, quid probabile sit, de quo superius dictum fuit.

*Ponet enim aliquis.* Quoniam dixit non inopinabilis, ideo hoc ipsum explicat, difficultatem quandam dissolvens, quæ iure posset hoc loco proponi, quoniam dixit probabilia esse, & quæ omnibus, & quæ plurimis probantur, & quæ sapientibus. at quandoque contingit, ut quæ sapientibus probantur, vulgo non probentur; immo sint inopinabilia, ubi huiusmodi incident opiniones. dicit philosophus, quòd vulgari opinioni magis adhærere debemus. sapientum autem opinionibus utemur, si præter communem opinionem non sint. nõ igitur acciperemus propositionem illam, quòd sanitas bona non sit, et si ab aliquibus sapientibus probata fuerit, quoniam est vulgo inopinabilis, eodem modo, neque eam, quòd omnia sint unum, & immobile. quod dixit Parmenides, aut quòd contraria idem sint, quod dixit Heraclitus, aut, quòd nulla est contradictio, quod dixit Antisthenes. hæc enim omnia, & alia huiusmodi non possunt esse dialectica propositiones, quoniam vulgo sunt inopinabiles, sed positiones appellantur.

hoc in loco  
declarat illud  
verbum ino-  
pinabilis.

quid dixerūt  
Parmenides,  
Heraclitus, &  
Antisthenes.

*Et quæ probabilibus similia.* Suggestit nobis hoc in loco philosophus dialecticorum propositionum copiam, non solum in propositionibus probabilia assumimus, sed & quæ probabilibus sunt similia, ut si probabile est, quòd eadem scientia sit, contrariorum probabile etiam est, eundem esse sensum contrariorum: hæc enim similia inter se sunt, quia eodem modo se habet scientia ad scibilia, sicut sensus ad sensibilia: utrumque enim est suorum obiectorum iudicatum, præterea & utrumque sub habitu collocatur, & ad aliquid est: quod autem probabile sit eandem esse scientiam contrariorum patet: medicina enim salubria cognoscit, & insalubria: arithmetica parem numerum, atque imparem: musica sonorum, atque insonorum.

quid in hoc  
exemplo no-  
tet Alexan-  
der.

NOTAT autem Alexander in hoc exemplo non esse requirendam exactam ueritatem: contra enim potius uidetur, quòd probabilius sit, & euidentius sensum esse eundem contrariorum, quàm eandem esse scientiam.

*Et si unam numero grammaticam esset. Posset enim quis dicere grammaticam, quæ est in Aristarcho, esse unam numero, eo quod sit in uno subiecto; & rursus esse unam specie, eo quod in multas actiones numero diuersas diuidatur. quod autem de grammatica dicimus, idem probabile est de aliis disciplinis dici, quod scilicet una sint numero, uel specie. est autem secundum ueritatem Aristarchi grammatica una numero.*

secundū Ale  
xandrum in  
priori exem-  
plo allata ef-  
se similia ana-  
logia scien-  
tia: in hoc ue-  
ro esse similia  
genere.

*Omnia enim similia et cognata.* Notat Alexander, quòd quæ in priori exēplo allata sunt, sunt similia analogia scientia, scilicet & sensus, quæ uero in hoc exemplo afferuntur sunt similia genere, grammatica, & tribicinnaria, & quid ob illud dixit *ἁπορρα*, ob hoc uero: *ὁμοιογενῶν*, si pupila ad modum pupillæ, & c.

*Similiter autem, & probabilibus contraria*. Notandum est, quòd illud, quod est probabile



probabile contrarium, probabile non est, ut si probabile est amicis benefacere, amicis malefacere probabile non erit. probabilis igitur erit sua contradictio, quæ est amicis non malefacere: & quoniam proponens etiam, quæ contraria habent subiecto aliquo, etiam modo sunt contrariæ: ideo si probabile est amicis benefacere, probabile non erit inimicis benefacere. at si contradictio erit probabilis, est inimicis non benefacere. prima quidē contrarietas est penes prædicatum propositionis: secunda uero penes subiectū. præterea probabilis est etiam propositio, quod contrario subiecto, contrarium enunciat prædicatum, ut si probabile est amicis benefacere, probabile etiam erit inimicis malefacere: et si uirtus ad felicitatem per se sufficit, ergo uitium ad infelicitatem per se sufficiat.

contradictionem esse probabilem, quæ admodum ab exemplo cognosci potest.

*Probabile autem, & in appositione.* Dixit probabile in appositione, quoniam si per se proferatur, inimicis conuenit malefacere, aut quid huiusmodi probabilitatem non præferat, quam ostendit, si appositum alteri proponatur, ei, scilicet, quæ dicit amicis oportet benefacere:

NOTANDUM autem est, quod propositiones, quæ aut subiectum, aut prædicatum habent, contrarium contrariæ dicuntur; et si altera earum probabilis est, altera non est probabilis: quæ uero utrumque habent contrarium, contrariæ non sunt, atque ideo utraque earum est probabilis. quod enim probabili est contrarium, probabile esse non potest.

quid annotandum.

*Utrum autem & secundum ueritatem sic habeat.* Dicit philosophus, quod posset quis existimare, quod hæc etiam propositiones sint inter se contrariæ, quæ scilicet de contrario subiecto contrarium enunciant prædicatum, ut conuenit amicis benefacere, conuenit inimicis male facere. differtq; huius rei considerationem in aliud tempus: de hoc autem agit, tum in secundo huius uoluminis, tum in fine libri de interpretatione, ubi dixit, quod contrariæ opiniones non sunt, quæ sunt contrariorum, sed quæ contrario modo se habent. eius enim quæ dicit bonum esse bonum contraria non est: quæ dicit malum esse malum, sed quæ dicit bonum esse malum.

*Ponet autem quis ea quæ uidentur his etc.* Probabilia etiam sunt ea, quæ in artibus recepta sunt, quoniam (ut uulgo dicitur) unicuique in sua arte expertus credendum est, & ea, quæ nescis scientibus credere conuenit: in rebus igitur medicis, medicis ipsis credendum est: in geometricis, geometris.

credendum unicuique in sua arte experto.

SED diceret quis, nunquid ea, quæ in artibus recepta sunt, & probata demonstratiua sunt, quomodo igitur philosophus ea enumerat inter probabilia, cum multa sit differentia inter probabilia, & demonstratiua, & uera?

obiectio.

DICENDUM est, quod hæc ipsis artificibus sunt demonstratiua, qui ea ex ueris principiis, ac proprias demonstrationes cognoscunt. iis autem, qui ea aliter non sciunt, sed solum scientium auctoritati innixi, ita esse, ut illi opinantur, sibi persuadent, huiusmodi sunt, ut spontaneæ lassitudines morbos prænunciant, & uictus humidus febricitantibus conuenit, atque alia huiusmodi, & in geometria quod cuiuscunque trianguli duo latera simul sumpta sint reliquo maiora.

responsio obiectionis.

## C A P V T N O N V M.

*Problema autem dialecticum est theorema, etc.* INSTITUIT philosophus ostendere, quid sit propositio dialectica, & quid problema dialecticum. quid esset propositio dialectica ostensum est. quare nunc ostendit quid sit problema dialecticum. primo igitur definit problema dialecticū, quod est theorema intē-

quid sit propositio dialectica supra de declarauit: in hoc capite quod sit problema dialecticū ostendit.



quæ etiam dicuntur pro-blemata.

omnem positionem esse problema, non omne problema esse positionem.

secundum Alexandrum per theorema intelligitur quæ situm.  
quid notet Alexander.

ab Alexandro dicta Aristotelis in angustum trahi.

quid sit logica facultas.

quid sit notandum ex Alexandro.

obiectio.

ratio obiectio nis.

dens uel ad electionem, & fugam, uel ad ueritatis cognitionem, uel ipsum per se, uel ut conferens ad aliquod horum, de quo uel neutra est opinio, uel contrarie. sentiunt sapientes quam multi, aut hi illi uel inter se dissentiunt. declaratque philosophus, quomodo problema conferat ad electionem, aut fugam, & quomodo ad cognitionem, & quomodo non per se conferat: addit problemata ea etiam dici, in quibus contrariæ sunt rationes, ut diiudicare difficile sit, quomodo res se habeat: problemata etiam ea dici, quorum, cum sint magna, & ardua, rationem non habemus: definit deinde positionem, quod est existimatio præter communem opinionem celebris alicuius philosophi: positio etiam est, quando efficacem aliquam rationem habemus. dicit etiam, quod omnis positio est problema, non tamen omne problema est positio: dicitque non esse considerandam omnem positionem, neque omne problema: neque enim ea sunt considerata, de quibus dubitant, qui aut pœna, aut sensu non indigent: neque ea, quæ propinquam, aut ualde remotam habent demonstrationem.

*Est theorema.* Per theorema intelligit philosophus, ut uult Alexander, quæsitum: plerumque enim speculari dicit pro quærere. theorema autem dictum est, eo quod causa sit cognitionis, & speculationis alicuius, uel scilicet rei moralis, uel physicæ, uel logicæ.

NOTAT Alexander, quod omne problema dialecticum est theorema uel morale, uel physicum, uel logicum. hoc enim intelligit Aristoteles, non tamen è conuerso: neque enim omne morale, aut physicum, aut logicum theorema problema est, sed oportet, ut de eo uel neutra sit opinio, uel sapientes multis contrariæ opinentur: aut hi illi uel inter se dissentiant. sed Alexander nimis in angustum contrahit Aristotelis dicta. sub his enim, quæ ad electionem, & fugam intendunt, non solum moralia theoremata sunt comprehendenda, uerum etiam, quæ in artibus proponuntur, locum habere debent. cû in his etiam dialecticus uersetur, ut utrum ad orientem sint extruenda ædificia: sub his autem, quæ ad cognitionem intendunt, non solum physica comprehendendi debent, sed etiam metaphysica, & mathematica, cum de his etiam agat dialecticus.

*Vel ut conferens ad aliquid aliud talium.* Quæcunque neque propter electionem, aut fugam quæruntur: neque propter cognitionem ueritatis conferunt: tamen uel ad eligibilium, uel ad uerorum inuentionem, & cognitionem logica problemata appellantur. logica enim facultas est philosophiæ instrumentum, quare quæcunque in logica quæruntur, ad philosophiam etiam conferunt: uel scilicet ad contemplatiuam eius partem, uel ad practicam, uel ad ipsas artes, quibus etiam ipsa logica deseruit.

NOTANDUM est ex Alexandro, quod in iisdem uersantur problemata, & propositiones dialecticæ. sed dices, quare philosophus annotauit problemata in his tribus generibus uersari. de propositionibus autem hoc non dixit. affert Alexander duas rationes non admodum ualidas: sed dicere possumus, quod cum de propositionibus, & problematibus eadem sit ratio, sat fuit Aristoteli de problematibus hoc admonere. sed dices, quare potius hoc admonuit de problematibus, quam de propositionibus.

RATIO est, quoniam à problemate instituitur disputatio, & propositiones omnes ad construendum, uel destruendum problema diriguntur.

*De qua uel neutro modo opinantur etc.* Quoniam dixit problema esse theorema, & quæsitum, & non omne theorema, aut quæsitum problema est, ideo adiecit differentias, secundum quas theorema efficitur problema. oportet enim theorema



theorema eiusmodi esse, quòd de eo uel neutra opinio sit, uel contrario sentiant sapientes quam multi, aut hi illi uel inter se dissentiant: sed hæc sigillatim explicemus. neutro quidem modo opinatur multitudo, quando neutri parti contradictionis magis adhæret, ut in moralibus, utrum uirtutes se mutuo consequantur, uel uerum uirtutes sint per se expetendæ, uel utrum uirtus in passibili, uel rationali animæ parti consistat. & in naturalibus, utrum mundus sit infinitus, utrum sphæricus sit, utrum anima sit immortalis. in logicis, utrum quadrupliciter dicantur opposita, utrum figuræ syllogisticæ sint tres. neutro etiam modo de quibusdam sapientes opinantur, ut utrum astra sint numero æqualia, uel inæqualia, atque in naturalibus pleraque sunt huiusmodi quæsitæ. de his autem omnibus potest dialecticus differere ex probabilibus. probabit enim, exempli causa, dialecticus cælum esse sphæricum, eo quòd perfectissimo corpori cõuenit perfectissima figura, sed cælum est perfectissimum corpus, perfectissimam igitur figuram habere debet: sed figura sphærica est omnium perfectissima, quia neque additionem suscipit, neque ablationem. cælo igitur conuenit sphærica figura. probabit etiam dialecticus ex probabilibus astra esse numero inæqualia. assumet enim id, quod est in numeris optimum, astris conuenire, cum dii existant. impar autem est numerorum optimus, imparia igitur astra sunt. Diximus de quibus neutro modo opinetur multitudo, & de quibus neutro modo opinentur sapientes, & quomodo de his agat dialecticus, explicemus etiam quomodo contrario modo opinetur multitudo, quàm sapientes. Hæc autem huiusmodi sunt, utrum bonum consilium sit melius, quàm bona fortuna: & utrum animi bona præstent corporis bonis: & utrum uoluptas bonum sit. multitudo enim bonam fortunam bono consilio præponit, & sanitatem uirtuti, & uoluptatem maximum bonum arbitratur: contra uero sapientes. contrarie autem inter se opinatur multitudo, quòd quidam sanitatem diuitiis præponunt, alii contra. quidam fortitudinem pulchritudini, alii contra. sapientes uero contrarie inter se opinantur de fato, de animæ immortalitate, de infinito, de uacuo, aliisque innumerabilibus.

*Sunt & problemata, quorum sunt contrarii syllogismi.* Duplicem huius loci expositionem affert Alexander. prima est, quòd philosophus præter dicta problemata, de quibus scilicet uel neutra opinio est, uel contrarie sentiunt multi & sapientes, aut multi sapientes uel inter se dissentiunt: nunc adiicit alium etiam modum problematum, de quibus scilicet sunt contrarii syllogismi. altera Alexandri expositio est, quòd hic non afferat philosophus alias problematum species, aut modos, sed, quòd hæc de prædictis intelligantur, quasi quòd hoc sit prior repetitio, & interpretatio quædam. contrarii enim syllogismi in his sunt, de quibus contrarie opinantur multi sapientibus, uel utrique inter se: quorum autem cum magna sint, rationem non habemus. ea dem sunt cum his, de quibus neutra est opinio apud multos uel sapientes.

E A A U T E M, quorum sunt contrarii syllogismi, cum ad utranque partem probabiles habeant rationes, difficultatem afferunt, quale est hoc, utrum uoluptas est bona an non: quod enim sit bona, hoc modo ostendi potest; quòd omnia appetunt bonum est, uoluptatem omnia appetunt, uoluptas ergo bona est: quod autem bona non sit, hoc modo ostenditur, omne bonum bonos efficit, sed uoluptas bonos non efficit, non ergo est uoluptas bona.

S E D dubitaret non immerito quis, quòd si hic modus in prioribus comprehensus est, prior igitur illa expositio nullo modo potest consistere. Dicendum est, quòd priora illa problemata ab his diuersa dici possunt, eo quòd

quale theorema debet esse.

exemplum.

quare figura sphærica dicitur omnium perfectissima.

quid multitudo præponat.

sapientes contrarie opinari de fato, & de immortalitate animæ. dupliciter huc locum ab Alexandro exponi.

quomodo probatur uoluptatem esse bonam. quomodo non esse bonam.

illa



illa spectantur penes assensum opinantium sine ratione, aut syllogismo: hæc uero considerantur penes rationes pugnantes absque aliquorum opinione. quare in his licet nulli secundum eas rationes opinentur, erit nihilominus problema.

PROBLEMATA etiam ea esse dicit, quorum cum magna sint, & difficilia, ac digna cognitione; rationem tamen non habemus, ut utrum mundus sit æternus.

Problemata fieri: propositiones uero dialecticas minime fieri.

NOTANDUM autem est, quod in his, de quibus aut neutra est opinio etc. problemata quidem fiunt, ut dictum est, non fiunt autem dialecticæ propositiones. in his enim nulla pars contradictionis est magis altera probabilis: propositio autem dialectica est petitio alterius partis contradictionis eius, scilicet, quæ simpliciter probabilis est, & cuius opposita non est probabilis, ut ratione sanitas est bona, quod si altera pars non sit simpliciter probabilis, non potest effici propositio, sed problema.

agens hoc loco de positione ostendit eam esse problema.

Positio autem est existimatio inopinabilis. Agit hoc loco philosophus de positione, quoniam positio uidetur esse problema, ostenditque quoddam problema sit positio: neque enim omne problema est positio.

POSITIO autem aliis etiam modis accipi solet, quam nunc ab Aristotele accipitur: quandoque enim significat scientiarum principia, quæ à communibus animi conceptionibus distinguuntur: quandoque significat suppositionem quamcunque: quandoque significat omne problema dialecticum.

opiniões Heracliti, Parmenidis, Zenonis, Chrysippi, & Antisthenis.

DICITUR autem positio existimatio, quoniam non ex rationibus digna est inquisitione, minus etiam ex seipsa hoc habet, sed ex auctoris celebritate: dicitur esse inopinabilis, quoniam est præter communem opinionem, qualis est Zenonis opinio, quod nihil moueatur; digna tamen est inquisitione ob auctoris insigne nomen. atque ideo problema fit, & in huiusmodi problemate, de auctore positionis semper mentio fieri solet, ut utrum omnia sunt in continuo fluxu, & semper generantur, ut cēset Heraclitus: & utrum omnia sint unum ens, & infinitum, ut existimat Parmenides: & utrum motus est, & non est, ut Zeno uult: & utrum sanitas mala est, ut Chrysippo uidetur: & utrum possumus contradicere, uel non, ut contendit Antisthenes.

licet positiones non habeant insignem auctorem, at tamen in his uis rationis potest esse.

Aut de quibus rationem habemus contrariam. Hæc est altera causa, qua recipiuntur, quæ communibus opinionibus aduersantur, ac positiones dicuntur: etsi enim hæc non habeant insignem aliquem auctorem, id tamen in his potest rationis uis, quod in illis potest auctoritas: affertque philosophus exemplum. hæc est communis opinio, quod omne, quod est, uel est factum, uel est æternum: at sophistæ quidam aduersus hanc sententiam rationem habent. assumunt enim aliquem musicum existentem grammaticum esse ex numero eorum, quæ sunt, probantque hoc neque esse factum, neque æternum, non est quidem æternum, quia non semper fuit musicus grammaticus, sed neque est factum, si fiat musicus grammaticus; uel ut ex materia ex musico efficitur grammaticus, sicuti ex ære fit statua; uel ut ex contrario, at non fit ex materia: neque enim musicus est materiæ grammatici, neque ex contrario. cum enim musicus, & grammaticus in eodem simul sint, non sunt contraria, nullo igitur modo musicus fit grammaticus, non ergo omne quod est, aut est factum aut æternum. soluitur autem hæc sophistarum ratio, quoniam ex musico fit grammaticus per accidens, ideoque non est necesse, ut ex eo fiat, uel ut materia, uel ut contrario: quod enim ex aliquo fit per se, ex illo fit, aut ut materia, aut ut contrario: per accidens autem fieri potest ex eo, quod neque est materia, neque contrarium: quodlibet enim

solutio rationis sophistarum.



enim ex quolibet fieri potest per accidens . ita quidem soluitur sophistarum ratio .

NOTAT Alexander quare huiusmodi sententiæ dicantur positiones , quoniam ex natura sua non sunt dignæ inquisitione , sed uel propter auctoris nomen , uel propter rationem probabilem , ut hoc quoque loco id , quod est positione diuidatur contra id , quod est natura , quemadmodum nomina etiã significare positione dicuntur , eo quòd non significant natura .

*Pene autem nunc omnia dialectica problemata etc.* Notat philosophus , quòd etsi positio proprie sit id , quod dictum est , attamen communis consuetudo omnia problemata appellat positiones : unde qui ad problema disputant , ad positionem dicere dicuntur : atque hoc modo accipi debet , cum dicitur dialecticum uersari theses , id est positiones , ut scilicet positio omne problema significat ; immo notat Alexãder , quòd quandoque rhetorica etiam problemata positiones dicuntur , quæ tamen proprie dicuntur suppositiones , eo quòd in suppositis , & definitis personis , locis , & temporibus uersentur .

*Differt autem nihil quomodolibet dicatur .* admonet philosophus nihil referre , uel secundum communem loquendi consuetudinem omnia problemata appellemus positiones , uel ipsa appellemus secundum traditam differentiam . non enim de his se egisse dicit philosophus , ut nomina imponeret , sed ut problematis differentias explicaret : quibus cognitis nihil est , quòd nominum curam habeamus .

HINC elicit documentum Alexander , quòd uti debemus nominibus his , quæ communi consuetudini sunt recepta , & ipsas rerum differentias inuestigare , non autem ex libito nostro nomina imponere , nisi si quando nomina definit ; tunc enim necesse est imponere nomina , ut quandoque facit philosophus : atque hoc loco diligenter notãdum est maximam habendam esse nominum curam , quoniam ex eorum ignoratione infinita in disciplinis sequuntur incommoda : ut igitur , & quæ ab aliis tradita sunt , recte assequamur , & nos ipsi cum aliis recte loqui possimus : occupatio circa nomina est nobis maxime necessaria . præterea uero circa nomina minime omnium solliciti esse debemus , sed circa res : atque huc tendit frequens illa Galeni uox , dummodo in rebus conueniamus , nomina nobis curæ non sint , licet ipse sæpenumero non aspernandum hunc laborem testatus fuerit .

*Non oportet autem omne problema etc.* cum definierit dialecticum problema , ostenderitq ; quid sit positio , addit recte constitutum fuisse problema dialecticum tale esse debere , quoniam non omne problema , neque omnis positio à dialectico debet considerari , sed ea solum , quæ indigent rationibus . reicienda autem sunt , quæ sensu indigent , aut pœna . ea autem rationibus indigēt , quæ dubitationem habent , & quæ alteram partem contradictionis non habent inopinabilem . hæc enim rationibus à dialectico possunt confirmare , ea indigent sensu , quæ proponuntur contra euidentiã sensus , ut quòd nix sit nigra , aut ignis frigidus : ea indigent pœna , quæ aduersus pietatem ab omnibus approbatam proponuntur , ut quòd parentes nō sint honorandi . reiciuntur autem hæc , quia eiusmodi non sunt , ut neutro modo opinentur homines , aut contrarie opinentur multi , & sapientes , uel utrique inter se : sed quamuis aliquis haberet probabiles aliquas rationes , attamen nullo modo recipiendæ sunt in positionum numerum .

Sed quæreret quis , quare hæc etiã non possint esse problemata : cum enim problema utranque partem contradictionis comprehendat . ille , qui proponit utrum parentes sint honorandi , uel non , non dicit , quòd parentes non

ratio ex Alexandro , quare huiusmodi sententiæ dicantur positiones .

secundum cōmunem consuetudinē omnia problemata appellari positiones .

hinc Alexandrum documentum elicere . quādo nomina sunt imponenda .

minime circa nomina sollicitos nos esse , sed circa res .

quæ à dialectico sint cōsideranda .

quæ sensu indigēt ab exemplo cognoscuntur .

dubitatio .  
sint



# T O P I C O R V M A R I S T .

quæ non sunt dialectica problemata. sint honorandi. dicendum est, quod hæc non sunt dialectica problemata, cuius contradictionis altera pars est inopinabilis, neque altera etiam indiget ratione, eo quod probabilis per se est, & evidens: præterea hæc etiam problemata dialecticus reiicit, quoniam posse in huiusmodi sententias argumē tari in moribus peiores reddit, tum differentes, tum ansientes, eo quod pietati, & rectæ institutioni aduersentur, quod est maxime alienum ab exercitativa facultate, quæ cum sit preparatio quædam ad philosophiam, morum non minorem curam, quam orationis habere debet. hæc igitur problemata non erunt, sed pars illa probabilis erit propositio hoc modo prolata, nōne parentes sunt honorandi, nonne dii sunt colendi?

quæ dubitationem nō habent. *Neque uero quorum propinqua est demonstratio etc.* Ea enim, quorum propinqua est demonstratio, ut ipse dicit, dubitationem non habent, & parua etiam adhibita attentione cognoscuntur. problemata autem debent esse dubitabilia: talia autem sunt, ut si quis proponat utrum homo sit anima, utrum ni-

ex Alexandro quæ à stoicis quæsitum fuerint. mium sit coloratum, talia fuisse dicit Alexander à Stoicis quæsitum circa decedentia, ut utrum qui cum aliquibus conuiuat, manus extendere debet ad partes remotiores, an à positis esse contentum, & utrum conueniat auditores philosophi pedes mouere. eadem etiam ratione sophistica reiiciuntur,

quæ reiiciantur. quæ superficiale solum habent dubitationem, ut utrum uirile uirilitatem habet: utrum iustus iniustus est: utrum sapiens est scientiæ expertus. uidetur enim quod uirile non habeat uirilitatem, eo quod uirilis uestis, ut militari uirilitatem non habet: sed statim soluitur hæc superficialis dubitatio, si de

quando soluitur superficialis dubitatio. homine intelligamus, uidetur etiam, quod iustus iniustus sit, eo quod iniuste quandoque agit: sed statim soluitur hæc apparens dubitatio, quoniam iustus dicitur propter iustitiæ habitum, sicuti & iniustus propter habitum iniustitiæ. nihil autem inconuenit, quod qui iustitiæ habitum habet, quando-

solutio facilis. que iniusta agat, sed non propterea erit iniustus. uidetur etiam, quod sapiens sit expertus scientiæ, eo quod qui discit, sit expertus scientiæ, sed sapiens discit, ergo sapiens est expertus scientiæ. soluitur & hoc facile, quoniam ille dicitur sapiens, qui multa cognoscit, etiam si aliqua ignorat. ille autem est expertus scientiæ, quod nihil, aut parum nouit: eadem ratione & hæc reiiciet, ut possibile est cæcum uidere, possibile est tacentem dicere. superficialis enim & leuem ambiguitatem habent ex dictionis duplicitate.

quid notet Alexander. NOTAT Alexander, quod problemata etiam illa, quæ ex artibus, & scientiis proponuntur à dialectico tractari possunt, dum ex probabilibus tractentur. dictum enim est dialecticam esse facultatem, quæ differit ex probabilibus, quare quæcunque theorematum communes, & probabiles rationes susci-

quæ à consideratione dialectici cadāt. piunt, poterunt esse dialectica problemata: quæcunque autem talia non sunt, sed maiorem requirunt contemplationem, à dialectici consideratione cadunt, quare non disputabit dialecticus, utrum omnes triangulus habeat tres angulos æquales duobus rectis. non enim suppetunt communes, & probabiles aliquæ rationes ad hoc probandum, sed solus geometra hoc demonstrabit: neque omnia philosophica problemata à dialectico tractari possunt, ut utrum una sit omnium materia; & utrum ipsa materia unita sit, an discreta in partes; & utrum insectilia corpora sint rerum principia; & utrum omne, quod mouetur, ab alio moueatur; & utrum motus sit æternus. hæc enim maiorem exigunt diligentiam, & supra dialectici uires sunt. ita igitur quæcunque circa eligens, & euitanda circa ueritatem, & cognitionem, & quæ alicui horum conferunt, uersantur. siquidem probabilia sint, propositiones sunt dialecticæ: si autem dubia sint, erunt dialectica problemata.

Caput



CAPVT DECIMUM.

*Determinatis autem his.* PROPOSITVM est philosopho in hoc secundo secto huius libri tradere methodum, per quam possimus abundare orationibus dialecticis. quare ostendit hoc loco duo esse genera orationum dialecticarum, nempe syllogismum, & inductionem. & quoniam superius dictum fuit, quid est syllogismus, ideo ipsum prætermittit, definitq; inductionem, quod est à singularibus in uniuersalia accessio: atque hoc exemplo manifestat: deinde comparat syllogismum inductioni.

quæ intentio sit philosophi. quid hoc loco ostendat.

PROBAT Alexander, quòd hæc duo sunt suprema genera probationum, syllogismus scilicet & inductio, quoniam quicumque aliquid probat, uel id ex aliquo uniuersali probat, (per uniuersale autem comprehenditur æquale, & magis commune) uel ex aliquo minus communi, & quod est sub ipso. ipsum enim per seipsum nihil potest probari. probatio igitur, quæ ex uniuersalibus fit, syllogistica est: quæ autem ex minus communibus, inductiua est. sub syllogismo autem comprehenditur enthymema: sub inductione autem exëplum.

quid notet Alexander.

NOTAT etiam Alexander, cum dixerit philosophus inductionem esse progressum per singularia ad uniuersale, hinc sequi non recte dicere quosdam inductionem esse orationem à simili ad simile, quoniam uniuersale non est simile singulari, sed hoc magis habet exemplum, quòd à simili ad simile procedat: hæc tamen sententia suspecta est: neque enim minus est necessaria similitudo in inductione, quam in exemplo. cum enim inductio singularia omnia non inducat, nisi ea, quæ prætermittit, similia sint his, quæ assumit, nullam prorsus uim habebit, non est, quòd similitudo sit inter singulare, & uniuersale; sed similitudo debet esse inter ipsa singularia, ut scilicet cum quædam solum inducamus, de omnibus possimus colligere: exempli causa, si nautis gubernator, qui sit peritus, est optimus; & auriga, qui sit peritus, est optimus; & medicus, qui sit peritus, est optimus; & dux eodem modo, & geometra, & musicus, & architectus, ergo uniuersaliter in artibus omnibus, qui peritus sit, est optimus.

sententiã Alexandri suspectam esse.

exemplum.

DIFFERENTIAM ostendens philosophus inter inductionem, & syllogismum, dicit inductionem esse suasibiliorem, & manifestiorem; & quomodo sit manifestior, adiecit: quoniam secundum sensum est notior, & communis multis: syllogismus uero maiorem habet uim, & necessitatem.

differentia inter inductionem, & syllogismum.

HABET igitur inductio persuasionem, quia per singularia procedit, quæ sunt sensibilia, & multis communia, & nota. uniuersalia enim, quoniam à sensibus longius absunt, ideo à uulgare cognitione sunt remotiora: habet igitur inductio persuasionem, non tamen habet necessitatem. neque enim ex singularibus necessario colligi potest uniuersale, cum impossibile sit cuncta singularia percensere, quoniam sunt infinita: quòd si quis etiam posset cuncta assumere singularia, tunc nullus esset inductionis usus, quoniam inductio fit, ut uniuersale ostendatur. si autem omnia assumuntur singularia, iam ipsum uniuersale habetur, cuius causa fit inductio. ut igitur fiat inductio singularia cuncta, sicut non possunt, ita neque debent assumi: quòd si non assumantur omnia singularia, instantiæ semper locus relinquetur: quòd non recte ex assumptis uniuersalis conclusio fiat, ita igitur inductio suasionem quidem habet, non autem habet necessitatem. syllogismus autem, cum minorem suasionem habeat, necessitatem maiorem habet, & uim. si enim syllogismo præmissæ concedantur, conclusio nullo pacto negari potest, sed, uel ab inuito concedatur, necesse est.

quid habeat inductio.

quid habet syllogismus.



quid notan-  
dum.

quid dicat  
Alexander.

NOTANDVM etiam est, quòd quemadmodum non omnis syllogismus est dialecticus, est & demonstratiuus, & sophisticus: ita neque omnis inductio est dialectica. dicitq; Alexander, quòd ea est dialectica, quæ fit ad probandũ uniuersale, ut scilicet ille, qui singularibus credit, uniuersali etiam assentia-  
tur. illa autem quæ fit non ad probandum uniuersale, sed ad declarandas di-  
gnitates, quæ ex seipsis sunt notæ. dialectica inductio non est, sed neque  
proprie est inductio. addere etiam possumus, quòd inductio, quæ fit in mate-  
ria, necessaria non est dialectica, sed demonstratiua: atque in hac unum sin-  
gulare sufficit ad inferendum unum uniuersale, ut Socrates est animal, ergo  
omnis homo est animal.

Genera ergo intelligit quatuor illa, definitionem, proprium, genus, & accidens, de quibus  
sunt orationes. Hæc sunt problemata, quæ in illis quatuor generibus  
reperiuntur.

Et ex quibus. Hæc sunt propositiones, quæ & ipsæ in iisdem generibus sunt.

### CAPITULUM V N D E C I M V M.

Instrumenta autem etc. CONTINVAT Alexander, quòd cum superius in capite  
tertio proposuerit agendum esse ad quot, & quæ, & ex quibus essent diale-  
ctica orationes, & quomodo iis possimus abundare, cum hætenus ostende-  
rit de propositionibus, quas intelligebat per illad ex quibus, & de proble-  
matibus, quæ intelligebat per illud ad quot, & quæ nunc agit de instrumen-  
tis, ex quibus dialecticis orationibus possimus abundare, quæ dialectica o-  
rationes sunt syllogismus, & inductio. dicit igitur hæc instrumenta quatuor  
esse propositiones sumere, posse distinguere, quotupliciter unumquodque  
dicatur, differentias inuenire, & similitudines considerare. ostenditq; quòd  
tria posteriora instrumenta, ad primum quodam modo reduci possunt.

dialecticas o-  
rationes esse  
syllogismũ,  
& inductio-  
nem.

quod est ali-  
cuius pars,  
non esse eius  
instrumentũ.

Vnum quidem propositiones sumere. Non est intelligendum, quòd propositiones  
sint instrumentum dialecticarum orationum. sunt enim earum partes, quod  
autem est alicuius pars, non est eius instrumentum, sed instrumentum est pos-  
se propositionibus abundare. patet autem, quòd si propositionibus abunde-  
mus, facile poterimus de re proposita disputare, cum syllogismi, & indu-  
ctiones ex propositionibus fiant. quantum autem reliqua, etiam instrumen-  
ta conferant, ipsemet philosophus inferius ostender.

exemplum.

Sunt autem & modo quodam. Ostendit philosophus hac etiam uia reliqua instru-  
menta ad propositionum abundantiam reduci posse, exempli causa, ex mul-  
tipleis diuisione propositiones habere poterimus, unde de problemate pro-  
posito differamus. si enim sciamus, quòd omne bonum aut est honestum, aut  
delectabile, aut utile. argumentari poterimus ad problema, utrum tyranni-  
dem exercere sit bonum: si enim omne bonum. uel est honestum, uel delecta-  
bile, uel utile, tyrannis autem nihil est horum, ergo non est bona. eodem  
modo ex diuisione corporis habentes propositionem hanc, quod aliud est  
naturale, aliud est mathematicum. argumentari poterimus ad problema, u-  
trum anima sit corporea, uel non: si enim ostendamus eam non esse corpus  
naturale, neque mathematicum, conficietur ipsam non esse corpoream, ex  
cognitione etiam differentiarum habetur copia propositionum. cum enim  
sciamus differre sensum à scientia, quòd qui scientiã amittit, ipsam rursus po-  
test acquirere: qui autem amittit sensum ipsum, non recuperat: præterea  
quòd scientia ab alio accipitur, sensus autē ex generatione habetur: & quòd  
sensum habere possumus magis, & minus. aliquis enim alio melius uidebit,

posse acquiri  
scientiam a-  
missam: sen-  
sum uero a-  
missum mini-  
me recupera-  
ri.

aut



aut au diet, scientiam autem non & sensus omnia animalia participant, scientiæ uero sola rationalia: ex his differentiis propositionibus abundabimus ad differendum de problemate, utrum sensus, & scientia idem sint: eodem modo ex differentiis ostendemus opinionem non esse idem cum scientia, quoniam opinio circa contingētia uersatur: scientia uero circa ea, quæ aliter esse non possunt: ex similium etiam consideratione, & propositionū copiam habebimus, & argumentari poterimus ad problema, ut si sciamus ita se habere *δ'εκτινὰ* ad bonam habitudinem, ut sanum ad sanitatem ostendere poterimus, quod sicut sana sunt effectiua sanitatis, eodem modo & effectiua boni habitus erunt *δ'εκτινὰ*.

C A P V T D V O D E C I M V M.

*Ipsas igitur propositiones eligendum etc.* C V M proposuerit philosophus quatuor instrumenta, quibus syllogismis possimus abundare, nunc eorum primum incipit explicare, quod est propositiones assumere. ostēdit enim quomodo propositionum copiam habere possimus, dicitq; quod eligere debemus propositiones tot modis, quot ipse propositiones dicuntur. assumere enim debemus, & quæ omnibus uidentur, & quæ pluribus, & quæ sapientibus, & his uel omnibus, uel pluribus, uel maxime insignibus: præterea assumere etiam debemus propositiones eas, quæ probabilibus contrariæ sunt per contradictionem propositæ, & quæ in artibus receptæ sunt, ut in capite octauo dictum fuit: præterea & quæ probabilibus similes sunt: præterea & quæ in plurimis esse uidentur, & si forte in aliquibus ita non sint: præterea & ex descriptis orationibus propositiones sumendæ sunt. sed illud præcipue obseruandum, ut certo quodam ordine has propositiones digeramus. obseruare etiam debemus aliorū opiniones. ostendit deinde philosophus tria esse in uniuersum propositionum & problematum genera, alia phisica, alia moralia, alia logica: & quod hæc difficile est definire, sed per exempla dignoscenda sunt: & quomodo circa hæc uersetur dialecticus: & quomodo philosophus ultimo admonet, quod propositiones quammaxime licet uniuersales accipere, & earum unamquamque in plures diuidere.

Q V A E N A M sunt probabilia omnibus, quæ pluribus, quæ sapientibus, atque horum, quæ omnibus, quæ pluribus, & quæ maxime notis superius dictum fuit in expositione primi capitis. hæc autem sola non sunt assumenda ut propositionibus abundemus, sed alia præterea multa.

*Aut etiam contrarias apparentibus.* hoc loco est duplex lectio: altera enim dicit aut etiam contrarias apparentibus, & quæcunque opiniones secundum artem sunt. oportet autem proponere contrarias apparentibus probabilibus secundum contradictionē: altera uero lectio dicit uel contrarias apparentibus secundum contradictionem. Alexander uidetur priorem interpretari, ut uelit philosophus non solum assumendas esse propositiones illas, quæ cōmuniter approbantur, aut quæ uidentur pluribus, aut quæ sapientibus; sed & eas, quæ sunt probabilibus cōtrariæ, & quæ ex artibus proponuntur, quæ admodum in capite octauo, ubi de propositionibus agebatur, dictum est: & quoniam dixit assumendas esse propositiones contrarias probabilibus, statim admonet, quomodo eas assumere, ipsisq; uti debeamus, quod scilicet oportet ipsas assumere per contradictionē. cum enim ea, quæ sunt contraria probabilibus, probabilia nullo modo esse possint, ideo fit, ut eorum con-

propositorū  
quatuor in-  
strumentorū  
primum inci-  
pit explicare.

de his omni-  
bus dictū fuit  
in expositio-  
ne primi ca-  
pitis.



tradictoria probabilia sunt, ut si probabile est amicis benefacere, probabile etiam erit inimicis non benefacere.

probabilia et  
videri, quæ  
probabilibus  
similia.

*Vtile autem & facere ipsas etc.* illa etiam, quæ probabilibus similia sunt, probabilia esse videntur, ut superius etiam dictum fuit: ut si probabile est eandem esse scientiam contrariorum, probabile etiam est eundem esse sensum: & si probabile est, quod auditus fiat non exeunte aliquo ex sensus organo ad ipsum obiectum, sed contra potius specie soni ad organum delata, in eoq; recepta atque eodem modo olfactus, & gustus fit, quia dum aliquid olfactu, aut gustu percipimus, palam est nihilo ex sensorio ad obiectum exire, sed contra potius aliquid suscipit, ergo probabile etiam est uisionem eodem modo fieri, non aliquid emittendo, sed suscipiendo, non ergo dicere debemus uisuales aliquos radios ex oculo ad obiectum referri, sed contra potius uisiles species in oculo recipi.

quid notet A  
lexander.

**N O T A T Q U E** Alexander, quod quemadmodum ea, quæ probabilibus contrarium enunciant, de contrario non per se proponuntur, sed ipsis probabilibus apposita. cum enim per se proposita non sint probabilia, ex ea appositione probabilitatem acquirunt. eodem modo & quæ probabilibus sunt similia debent ipsis probabilibus apponi, ut nonne contrariorum est idem sensus, quemadmodum est eadem scientia, uel si probabilius sit eundem esse sensum contrariorum, quam eandem esse scientiam? hoc modo, nonne eadem est scientia contrariorum, quemadmodum est idem sensus? & nonne uidemus patiente aliquid sensu, cum & in aliis sensibus susceptio aliqua fiat?

Philosophū  
notare, quæ  
uidetur in sin  
gularib⁹, uni  
uersaliter ac-  
cipienda.

*Insuper quæcunque in omnibus, uel pluribus apparent.* notat philosophus, quod ea, quæ in omnibus singularibus ita esse videntur, uniuersaliter accipere debemus, tanquam principium quoddam, & apparentem positionem, id est quod huiusmodi propositionibus tanquam principiis quibusdam, atque ab omnibus concessis uti debemus. hoc enim loco uerbum illud positio, ut Alexander dicit, significat, quod sit ab omnibus concessum, & approbatum: neque solum uult philosophus, ut ea accipiamus, quæ in omnibus sunt uera pro uniuersalibus, ac concessis, sed & ea, quæ in pluribus talia sunt, licet forte in aliquibus sint falsa: neque enim omnes ita solertes sunt, ut errorem deprehendant, huiusmodi est, quod maiori bono contrarium est, est maius malum, hoc enim etsi in multis uerum sit, alicubi tamen est falsum, quoniam bono habitui, qui maius bonum est, quam sanitas, contrarius est malus habitus, qui minus malum est, quam morbus: eodem modo si dicamus, si aliqua sint contraria in duabus coniugationibus posita, atque unum ex his contrariis, quæ sunt in eadem coniugatione, sequatur unum ex his, quæ in altera coniugatione sunt, contingit, ut alterum etiam contrarium ex his, quæ in prima coniugatione sunt, consequatur eorum alterum, quæ sunt in secunda.

exemplum.

exempli causa, album, & nigrum in una coniugatione ponantur, in altera congregatiuum, & disgregatiuum uisus: quoniam igitur congregatiuum sequitur album, ideo disgregatiuum sequitur nigrum: pariter quoniam dulce sequitur iucunditas, ideo amarum sequetur tristitia: atque hoc in aliis plurimis uerum esse deprehendetur, non tamen in omnibus. non enim uerum est in sanitate, & morbo bono habitu, & malo habitu. bonum enim habitum consequitur sanitas, non tamen malum habitum consequitur morbus. qui enim bonum habitum habet, omnino habet & sanitatem, non tamen qui malum habitum habet, omnino morbum habet, eodem modo si dicamus, cuius bene est eligibilis, ipsum quoque est eligibilis: hoc enim in plurimis est uerum, ut quoniam bene facere melius est, quam bene dicere, ergo melius est

sanitatem cō  
sequi bonum  
habitum, nō  
tamen mor-  
bū consequi  
malum habi-  
tum.

facere,



facere, quàm dicere: & quoniam bene dicere melius est, quàm bene currere, ergo dicere melius est, quàm currere. hoc tamen in omnibus, ita nō est: nam melius est quidem bene mori, quàm bene scribere, non tamen melius est mori, quàm scribere: tale etiam est, quod in omnibus animabus cor sit principium uitæ. hoc enim etsi in plurimis ita sit, non est tamen in omnibus, cum quædam sint animalia, quæ corde destituantur, ut insecta, sed hæc omnia etsi in aliquibus non sunt uera, uniuersaliter tamen accipere ipsa debemus, præcipue quòd facile non est deprehendere, in quibus uera non sint.

QVÆRIT Alexander, quomodo hæc differant ab his omnibus, uel plurimis uidentur, respondetq; , quòd illa non sunt assumenda sine interrogatione, ut nonne parentes sunt honorandi, non Deus colendus. hæc uero, de quibus modo diximus, sine aliqua interrogatione assumi possunt, tanquā principia quædam: neque enim principia aliquis cum interrogatione assumit, nisi forte, inquit, interrogatione utamur, ut per inductionem ipsa assumamus, quod etiam in principiis usu euenit. uerū hæc sententia suspecta est, cum hic philosophus doceat, quomodo dialecticis orationibus abundare possimus: præterea, quod non maiorem uidentur habere fidem hæc, quàm illa, quæ omnibus, aut plurimis uidentur; immo potius minorem, non ergo aliter ea differre dicemus, quàm quòd ea ex iudicio opinantium sumuntur. hæc uero, eo quòd in omnibus, uel in plurimis ita sint.

quid querat  
Alexan. hoc  
in loco.

sententia phi-  
losophi esse  
suspectam.

*Deligere autem oportet.* Non solum uult philosophus, ut opiniones, quæ uulgo circumferuntur, assumamus, sed etiam ex scriptis orationibus, & disputationibus, quæcunque probabilia sint. sed id præcipue attendendum, ne has propositiones confuse aggregemus: sed in ordinem quendam ipsa digeramus, ut scilicet unoquoque genere proprias propositiones constituamus, ut de bono, de uirtute, de sapientia, atque in unoquoque genere ordinem etiam quendam obseruare debemus, ut scilicet ea prius ordinemus, quæ pertinent ad quid est. ea deinde, quæ ad quale, deinde alia consideremus, quòd ipsi insit, & an habeat aliquid contrarium, & quodnam sit huiusmodi contrarium, & quid ad ipsum, & ad quid ipsum consequatur, exēpli causa, quòd animal sit, substantia sit, corpus sit uiuens: deinde quòd sit sensituum, & loco motiuum, & quid ipsi insit, ut quòd omne animal uel est terrestre, uel aquatile, uel uolatile, uel quòd non omne animal spirat, & non omne animal fert cornua. hæc autem præparata habere oportet, & digesta, præparata quidem, quoniam impossibile esset eum, qui hoc modo non esset instructus, ex tempore de aliqua re recte posse differere: digesta autem ut prompte, & facile per unumquodque genus respicientes ea possimus inuenire.

qd fieri uult  
philosophus.

exemplum.

*Incipientes ab ipso, quod est.* dupliciter hanc particulam exponit Alexander, primo quidem, quòd in digerendis generibus incipiamus ab iis, quæ essentialiter unicuique insunt: deinde ad ea, quæ accidentaliter insunt, procedamus: uel quòd hoc dictum sit de ipso bono, quòd cum in omnibus generibus reperiatur, incipere debeamus ab eo, quod in substantia reperiatur, atque ita ad reliqua deinceps progredi.

dupliciter ab  
Alexandro  
particulā ex-  
poni.

*Annotare autem & singulorum opiniones.* annotantur quidem singulorum opiniones, quoniam plerunque fides non habetur alicui opinioni, si simpliciter proferatur, quæ si testimonio alicuius, qui ita fuerit opinatus, confirmetur, statim fidem accipit.

quare plerū-  
que fides nō  
adhibeat ali-  
cui opinioni.

*At uero quales sint singule predictarum.* admonet philosophus difficile esse has propositionū species definitione cōplecti: quare debere nos ex propositis exēplis tentare, reliqua cognoscere, quòd autem facile non sit ea complecti defi-



# T O P I C O R V M A R I S T .

quædam pro-  
blemata in na-  
turalibus.

quomodo  
philosophus,  
& dialecticus  
agant differē-  
ter.

definitione, hinc patet. ea enim conueniens uidetur definitio, quòd ea moralia sint, quæ ad electionem, & fugam intendunt: sicuti prius ea appellauit, non tamen omnia moralia comprehendit. quærere enim utrum uirtutes se mutuo consequantur, est quidem morale problema, non tamen ad electionem intendit, sed ad cognitionem. sunt & quædam in naturalibus, problemata, quæ ad electionem, aut fugam pertinent, ut utrū omnia ex fato regantur, utrum sit diuina providentia in his rebus mortalibus. distinxit autem philosophus problemata per has species, ut admoneret, quòd circa horum unumquodque proprias propositiones assumamus, ac constituamus.

*Ad philosophiam igitur secundum ueritatem.* Quoniam circa hæc tria genera, in quibus consistere dixit dialectica problemata, uersatur etiam philosophus, ostendit quomodo philosophus, & dialecticus de eisdem rebus agant differenter. philosophus enim de iis agit, ut ueritatem inquirat: dialecticus uero, ut inquirat probabilitatem. atque hinc eliciendum est eandem rem posse à diuersis artificibus tractari, dummodo differenter, ac prout unicuique conuenit, tractetur. postea admonet philosophus quammaxime fieri potest uniuersales accipiendas esse propositiones, ut quòd omnium oppositorum sit eadem disciplina, quòd omnis motus sit mutatio alicuius ex aliquo,

## C A P V T D E C I M V M T E R T I V M .

hoc caput in  
duas partes  
esse diuisum.  
quid hoc lo-  
co agat philo-  
sophus.

*Ipsam autem quotupluciter considerandum est.* CAPVT hoc ob eius prolixitatem in duas partes diuidemus. prima pars eò usque perueniet, ubi dicit philosophus. consideranda autem & genera secundum nomen prædicamentorum. ex quatuor igitur propositis instrumentis cum primum absoluerit, secundum hoc loco explicat, quod est cognoscere quotupluciter unumquodque dicatur. uult igitur philosophus locos quosdam, & regulas tradere, unde cognoscere possimus, num propositum nomen dicatur multiplicitur. admonet igitur primo, quòd quando aliquod multiplex distinguimus, non solum dicere debemus diuersa eius significata, sed etiam qua ratione unumquodque significet: affert deinde locos, unde deprehendamus aliquid esse multiplex. primus locus est, ut eius contrarium inspiciamus, nunquid dicatur multiplicitur, quod quidem contrarium aliquando multiplex est, solum specie aliquando etiā nominibus. secundus locus est, quando aliquod nomen multa significat, nescimusq; an multiplex sit, consideremus, si unum eorum, quæ significatur, habet contrarium, aliud autem non habet. tertius locus est, si eadem contrariorum nomina alicubi medium habeant, alicubi non habeant, uel ubique habeant medium: sed non idem uel alibi plura, alibi unum tantum medium habeant. quartus locus est, ut consideremus suum contradictorium, nunquid multiplicitur dicatur. quintus locus est, & in his, quæ secundum priuationem, & habitum opponuntur, consideremus, nunquid alterum multiplicitur dicatur, nam & alterum eodem modo dicatur. sextus locus est, ut casus consideremus, si quid enim ab aliquo per casum dicitur, & eorum alterum multiplicitur dicatur, alterum quoque multipliciter dicatur.

quid Admo-  
neat philoso-  
phus.

*Non solum quæcunque dicuntur secundum alium modum.* Hoc est philosophi documentum, quo admonet, quonam modo eorum, quæ multiplicitur dicuntur, distinctionem, ac assignationem efficere debeamus. non solum enim debemus ipsum multiplex in sua significata distinguere, sed rationes etiam afferre, quibus de eorum unoquoque dicatur, exempli causa, si bonum uelimus distinguere,



stinguere, non solum dicere oportet, quòd bonum alio modo de iustitia, & fortitudine dicitur; alio uero modo de sanatio: sed adiicere etiam oportet, quòd de habitibus illis etià dicitur bonum, eo quòd sunt per se talia. de sanatio uero bonum dicitur, eo quòd est boni effectuum. hinc sequitur, quòd ea, quæ bona dicuntur, eo quòd sunt per se talia, bonos efficiunt possidentes: quæ autem bona sunt, eo quòd sunt boni alicuius effectiua, neque per se bona sunt, neque bonos efficiunt possidentes, sed solum potentes, aliquod bonum efficere: & quòd, quæ sunt per se bona, habitum quendam, uel dispositionē inducunt possidentibus: quæ uero sunt boni effectiua promptitudinem, uel potentiam quandam ad bonum efficiendum.

*Utrum autem multipliciter specie dicatur.* Notandum est ea, quæ multipliciter dicuntur, uel esse æquiuoca, uel ambigua: æquiuoca in eadem uoce spectantur: ambigua in pluribus. sed in his, & in illis oportet, ut ratio, & definitio sit diuersa, quòd si ipsa ratio non sit diuersa, neque erunt æquiuoca, neque ambigua, neque multipliciter proprie dicētur. animal enim, exempli causa, de pluribus dicitur: sed quoniam plura illa non differunt ratione secundum illud nomen commune, ideo animal non est ex his, quæ multipliciter dicuntur: ob hoc igitur philosophus adiecit illud specie, per speciem intelligens, ut uult Alexander. rationem, quòd autem per speciem intelligi debeat ratio, innuit philosophus, cum dicit, siue specie, siue nomine dissonet. ratio enim contra nomen distingui solet, ut in prædicamentis cum definiuntur uniuoca, & æquiuoca.

ea esse notanda, quæ æqui uoca, uel ambigua.

*Primum in contrario inspiciendum.* ostendere uult philosophus, quomodo cognoscere possimus aliquod multiplex per suum oppositum: & quoniam opposita multis modis dicuntur, ideo ostendit primum, quomodo cognosci possit aliquod multiplex per suum contrarium, ubi quomodo etiam ex mediis cognoscatur: deinde ostendit quomodo cognosci possit multiplex per suum contradictorium: deinde quomodo cognosci possit per oppositum habitum, aut priuationem. primo igitur dicit, quòd inspicere debemus, utrū contrarium dicatur multipliciter. si enim unum contrariorum multipliciter dicitur; alterum quoque multipliciter dicetur: & quoniam quandoque ipsum contrarium ratione tantum multipliciter dicitur, non etiam nomine quandoque uero nomine, & ratione, ideo de utroque nos admonet, atque exemplis totam rem illustrat. si quis uelit cognoscere utrum acutum dicatur multipliciter, spectet eius contraria. acuto enim contrariantur graue, obtusum, & dulce: acuto, quod est in uoce, contrariatur graue acuto, quod est in magnitudine, contrariatur obtusum; acuto, quod est in sapore, contrariatur dulce, aut insipidum. atque hæc non solum specie sunt inter se distincta, sed etiam nominibus. cum igitur quòd acuto contrariatur multiplex sit, ergo & acutum ipsum multiplex erit. aliud enim erit acutum, quod graui opponitur; aliud, quod opponitur obtuso; aliud, quod opponitur dulci. eodem modo cognoscemus & ipsum graue dici multipliciter, eo quòd ipsi opponitur acutum, & leue. graui enim, quod est in uoce, opponitur acutum: graui uero, quod est in pondere, opponitur leue. eodem modo probabimus & honestum multipliciter dici, eo quòd ipsi plura sint contraria, nempe turpe, & flagitiosum. honesto enim, quod in animalis figura spectatur, opponitur turpe. ei uero, quod est in moribus, opponitur flagitiosum, ergo honestum multipliciter dicitur. apud græcos autem nomen illud *καλόν* alio modo est

quid ostendere uelit philosophus.

exempla.



dubitatio.

est multiplex, eo quod τῷ καλῷ, quod est in animali opponitur αἰσχρὸν: ei uero, quod est in domo, opponitur μόχθηρόν.

solutio.

SED dubitaret quis, nunquid eodem modo probare possimus timiditatem multipliciter dici, eo quod ipsi contraria sint. fortitudo, & temeritas, ita & fortitudo cum timiditati, & temeritati opponatur, multipliciter dicetur. dicendum est cum Alexandro, quod in iis diuersa est ratio. in prioribus enim illis unicuique eorum contrariorum, quæ plura erant, id, de quo quærebatur, an esset multiplex, opponebatur nō secundum aliquam sui partem, sed secundum totum integre, & perfecte. hic uero timiditas non opponitur fortitudini, & temeritati secundum totum, sed secundum aliquid sui opponitur fortitudini, secundum aliquid, temeritati. cum enim timiditas sit uitium in defectu existens circa has aliquas passiones in eo, quod uitium est, ac proinde immoderatio quædam circa ipsas passiones: opponitur fortitudini. in eo uero, quod est in defectu, opponitur temeritati, quæ est in excessu. neque enim timiditas temeritati opponitur in eo, quod uitium est. in hoc enim conueniunt, neque fortitudini opponitur timiditas in eo, quod est in defectu. neque enim defectuosum moderato est contrarium: timiditas autem non est horum alterum tantum, neque scilicet solum uitium, neque solum defectus, sed utrumque comprehendit: fortitudo autem opponitur timiditati, & temeritati eadem ratione quatenus scilicet utraque est immoderatio quædam circa has aliquas passiones, & utraque est uitium, fortitudo igitur non erit multiplex.

exemplum.

*In quibusdam autem nomina quidem non sunt posita differentia.* Quomodo, quæ aliqui contraria sunt, non solum ratione differant, sed etiam nominibus, superius declarauit. nunc uero declarat, quomodo ratione tantum differant. nomen autem unum tantum sit claro, exempli causa, opponitur obscurū, at obscurum multipliciter dicitur, ergo & clarum multipliciter dicetur. dicitur autem obscurum multipliciter, quoniam & uox obscura dicitur, & obscurus color, quæ ratione inter se differunt. longe enim aliud est obscurum in uoce, quam in colore: aliud ergo erit clarum, quod obscuro in uoce opponitur: aliud uero quod opponitur obscuro, in colore.

quomodo differat inter se, obscurum in uoce, & obscurum in colore.

*Manifestum autem hoc est per sensum.* Ostendit philosophus, quod obscurum, quod est in colore, specie inter se differunt: simulq; methodum tradit. quæ ea, quæ sunt eadem, ac dissimilia specie, discernere possimus. eorum enim, quæ sunt idem specie, idem est sensus: quorum autem non est idem sensus, ea non sunt idem specie. obscurum autem, quod est in uoce, & quod est in colore, eodem sensu non percipiuntur, sed hoc uisu. illud uero auditu, hæc ergo specie erunt inter se diuersa.

quid notet Alexander.

NOTAT Alexander, quod ex hoc etiam loco ostendere possumus aliquid esse æquiuocum, non aliter eius contrarium considerandum, sed ipsummet, exempli causa, si ostendamus, quod clarum aliud uisu percipitur, aliud auditu: compertum erit, quod clarum multipliciter dicitur.

exemplum.

*Præterea si huic quidem sit aliquid contrarium, huic autem simpliciter nullum.* Tradit hic philosophus secundum locum, ex quo ea deprehendere possimus, quæ multipliciter dicuntur: si eorum, quæ ab ea uoce significantur, quam inquirimus, an multiplex sit, huic quidem sit aliquid contrarium, huic autem nullum, patet, quod uox illa multipliciter dicetur, exempli causa, quoniam uoluptas significat, & eam, quæ edendo percipitur, & quæ contemplando, quoniam uoluptas, quæ edendo percipitur, habet aliquid contrarium: tristitiam



stitionem scilicet, quæ in fame fit: uoluptas autem contemplandi nihil habet contrarium, uoluptas ergo multipliciter dicitur. eadem ratione deprehendamus & amare secundum corpus, & secundum animum, æquiuocum esse, quoniam amare secundum animum contrarium habet, odisse: amare uero secundum corpus, quod est corpore frui, ipsumque in suam libidinem conuertere, nihil habet contrarium: amare igitur æquiuocum est. eadem ratione dicemus, & substantiam æquiuoce dici, eo quod cum dicatur de forma, & de materia formæ, quidem est contraria priuatio: materia uero nihil habet omnino contrarium.

quid sit amare secundum corpus, & quod secundum animum.

HINC emergere potest difficultas, quod uoluptati, quæ est in speculando ea, opponitur tristitia, quæ est in non speculando. soluit Sueffanus, quod philosophus intelligit contrarium, quod destruit corpus: sed dicendum est, quod delectationi, quæ est in speculando bene, opponitur negatio, aut forte priuatio. contrarium autem nullo modo, quoniam contrarium uult esse positium, idem dicatur de amare secundum corpus.

difficultas.

Solutio Sueffani.

SED dubitaret quis, quod hic secundus modus uidetur priorem destruere. in eo enim dicebatur, quod si alicuius contrarium multipliciter dicitur, ipsum quoque multipliciter dicitur. ex his autem, quæ hic dicta sunt, elici potest, quod aliquod contrarium multipliciter dicitur, cuius tamē contrarium multipliciter non dicitur. si enim accipiamus odisse, eius contrarium, quod est amare, multipliciter quidem dicitur, ipsum tamen non dicitur multipliciter. dicendum est non propterea destrui priorem illum modum: in eo enim accipiebatur, si id, quod est alicui contrarium, multipliciter dicitur, & iis omnibus illud est contrarium, ipsum quoque multipliciter dicitur, exempli causa, quoniam quod est acuto contrarium, multipliciter dicitur, ut in uoce graue, in magnitudine obtusum, in sapore insipidum: & his omnibus opponitur acutum: ipsum igitur acutum multipliciter dicitur: hic autem odisse non est contrarium his omnibus, quæ amare significant, immo dicere possumus, quod amare multipliciter dictum, non est contrarium ipsi odisse, sed significatum quendam ipsius amare opponi ipsi odisse.

dubitatio.

Solutio.

exemplum.

Præterea in medijs, si huic quidem est aliquid medium. ostendit nunc philosophus, quomodo ex medijs deprehendere possimus, nunquid aliqua dicantur multipliciter: atque hic tertius modus in eo est à prioribus diuersus, quod in illis ex uno contrario alterum contrarium multipliciter dici cognoscebamus. in hoc uero ex ipsis medijs utrunque contrariorum nunquid multipliciter dicantur, cognoscimus.

DOCET autem hic locus, quod quando aliqua contraria plura significant, uelimusque cognoscere, nunquid multipliciter an uniuoce de omnibus dicantur, debemus considerare, nunquid in utrisque sint eadem media. si enim contingat, quod in aliquibus sint media, in alijs uero non sint, aut si in omnibus quidem sint media, sed non eadem, aut in aliquibus plura sint media, in aliquibus uero unum tantum, in his tribus casibus contraria, quæ ita differenter se habent, penes media æquiuoce dicuntur. exempli causa, clarum, & obscurum contraria sunt, quæ & in uoce, & in colore reperiuntur: & quoniam inter ipsa, in colore media quædam reperiuntur, in uoce autem uel nullum est medium, uel forte male, quod admodum est diuersum ab his medijs, quæ in coloribus sunt, clarum igitur, & obscurum æquiuoce dicuntur. huius autem loci ratio est, quoniam cum contraria alia sint immediata, alia uero mediata, quemadmodum in prædicamentis dictum est, ideo in quibus medium deprehendimus, non poterunt eadem esse cum his, quæ medijs ca-

quod locus doceat.

F rent,



rent, neque minus ea differunt, quæ media habent diuersa, cum hoc non minus arguat rationis, & naturæ diuersitatem.

quomodo co-  
gnoscendum  
sit illud ali-  
quid multi-  
plex ex con-  
trariis.

*Rursus in eo, quod secundum contradictionem.* cum ostenderit philosophus, quomodo ex inspectione contrarii, & mediorum cognosci possit aliquod multiplex, nunc id ipsum cognoscere ostendit ex contradictorio. si enim unum contradictoriorum multipliciter dicitur, alterum quoque multipliciter dicitur, exempli causa, sit nobis propositum considerandum, an uidere multiplex sit, inspiciamus eius contradictorium, quod est non uidere. si enim non uidere dicitur multipliciter, dicitur pariter multipliciter ipsum uidere. multipliciter autem dicitur non uidere, eo quod potest significare & eum, qui uisum non habet, & qui uisum habet: sed actu non uidet, quare & uidere multipliciter dicitur, & quemadmodum uidere, & non uidere dicuntur multiplicitur, eodem modo, & secundum alios sensus sentire, & non sentire dicuntur multipliciter, ut audire, & non audire, olfacere, & non olfacere, gustare, & non gustare, tangere, & non tangere.

ubi affirma-  
tio, & nega-  
tio, multipli-  
citer dicatur.

NEC solum in particularibus sensibus affirmatio, & negatio dicuntur multiplicitur, sed & uniuersaliter ipsum sentire dicitur: multipliciter dicitur enim quid sentire actu, & potestate, ita & non sentire: præterea non solum sentire significat percipere sensibile aliquod sensu corporeo, sed etiam ad mentem transfertur, & significat intelligere.

NOTANDVM autem est, quod hic modus, quem nunc tradidit philosophus de contradictoriis, is est, quem etiam primo tradidit de contrariis, sicut enim si unum contrariorum multipliciter dicitur, alterum etiam dicitur multipliciter: ita etsi unum contradictoriorum, alterum quoque. alii autem modi de contrariis traditi contradictoriis aptari non possunt. non quidem secundus, qui est, quod si unum ex iis, quæ ab eadem uoce significantur, habeat contrarium: aliud uero non habeat, uox illa erit multiplex, quoniam omnis enunciatio habet suam contradictoriam, non est, quod aliqua habeat, aliqua non habeat: neque alius modus, qui est ex mediis, conuenire potest contradictoriis, quoniam inter contradictoria non datur medium.

quid ex Ale-  
xandro no-  
tandum de af-  
firmatione, &  
negatione nõ  
simpliciter.

NOTANDVM autem est ex Alexandro, quod ut fiat affirmatio, uel negatio non simpliciter, oportet dicere uidere, uel non uidere, sed adiacere oportet subiectum aliquod, ut Platonem non uidere. huius rei ratio est, quoniam ut dictum fuit in libro de interpretatione in capite de uerbo, ipsa uerba per se prolata non significant aliquid esse, uel non esse.

Exemplum.

*Præterea in ijs, quæ secundum habitum, & priuationem dicuntur.* Primus ille modus in contrariis dictus non solum contradictoriis conuenit, sed & his, quæ secundum habitum & priuationem opponuntur. si enim alterum eorum dicitur multipliciter, alterum pariter dicitur multipliciter, exempli causa, quoniam sentire multipliciter dicitur & secundum sensum, & secundum intellectum, ergo & insensibile esse, quod dicunt græci ἀνουσντέιν multipliciter dicitur, & de eo scilicet, qui sensu non percipit, cum percipere natura aptum sit: ut de eo, qui nõ intelligit, cum natura aptum sit intelligere: quod autem sentire, & insensibile esse opponantur secundum priuationem, & habitum, tam secundum sensum, quam secundum intellectum, probauit philosophus dicēs manifestum, quoniam natura apta sunt utrumque sensum habere animalia, & secundum animam, & secundum corpus. quod enim natura aptum est aliquid habere, quando illud habet, in eius habitu est: quando uero non habet in eius est priuatione. si igitur animalia sensum habere natura apta sunt, ergo quando ipsum habet in eius habitu sunt, quando non habent, sunt in eius priuatione



tione: sentire igitur, & esse insensibile opponuntur secundum habitum, & priuationem. atque hinc fit cum habitus, & priuatio dicantur solum de propriis subiectis, quòd esse insensibile non dicetur de lapide, aut ligno, aut alio quoquã, quòd sensum habere natura aptum non sit: aut si forte dicatur, non ut priuatiuum, sed ut negatiuum dicetur: de quolibet enim dicitur affirmatio, aut negatio.

SED dubitaret quis, cur philosophus cum docuerit, quomodo cognoscatur aliquod multiplex inspecto contrario, contradictorio, habitu, aut priuatione, non idem de relatiue oppositis dixerit, dicendum est cum Alexandro hoc non dixisse philosophum, quoniam manifestum est ex ipsa relatiuorum definitione, cum enim ipsis relatiuis esse idem sit, quod ad aliquid quodammodo se habere patet, quòd si alterum eorum multipliciter dicitur, alterum quoque multipliciter dicetur: quare si scientia dupliciter dicitur actu, & potestate; scibile quoque dupliciter dicetur. & si amatum multipliciter dicitur, amans quoque multipliciter dicetur. idem dicatur de sensu, & sensibili: de excessu, & excessu: de motu, & mobili: de habitu, & habito.

quid cum Alexandro dicendum.

*Præterea & in casibus considerandum.* Docet hic sextus locus cognoscere multiplex ex casibus. si enim casus multipliciter dicitur, ipsum quoque, unde casus deducitur, multipliciter dicetur: & conuerso, exempli causa, si iuste dicitur multipliciter, ergo & iustum multipliciter dicitur, & econuerso. dicitur autem iuste multipliciter: nam & qui ex sua ipsius sententia indicat aliquid id existimans rectum esse (quod uulgo dicimus) ex conscientia, iuste dicitur iudicare, & si forte illud iustum non sit. Is etiam recte dicitur iudicare, qui, ut oportet iudicat: sed & is iuste iudicat, qui iudicat, ut leges sanciunt: & si hoc re uera iustum non sit, totidem igitur modis dicetur iustum. eodem modo quoniam salubre dicitur multipliciter, salubriter quoque dicetur multipliciter: dicitur autem salubre multipliciter, nam & effectiuum sanitatis salubre dicitur, ut Pharmacum: & conseruatiuum, ut uictus ratio: & significatiuum, ut pulsus, & color, salubriter igitur totidem etiam modis dicetur.

quomodo multipliciter casum dici.

NOTANDVM est, quòd ut ostendat philosophus locum hunc conuerti, quòd scilicet si casus multipliciter dicitur, & id, unde casus dicitur, multipliciter dici. in primo exemplo dixit, si iuste dicitur multipliciter iustum, quoque dici multipliciter. in altero uero dixit, quòd si salubre est multiplex, erit multiplex, & salubriter.

id, ex quo casu, multipliciter dici.

NOTANDVM est tria hæc inter se differre coniugata, quæ σύντονα græci dicunt denominatiua, & casus. coniugata enim dicuntur, & quæ proportionaliter ad aliqua se habent, unde & analogica dicuntur, ut sunt sensus, & scientia princeps, & cor punctus, & unitas. præterea sensibile, & scibile dicuntur & coniugata ipsa denominatiua cum suis principalibus, ut iustitia denominatiue dicitur iustus, iustum, & iuste. hæc igitur & inter se, & cum iustitia dicuntur coniugata. denominatiua autem inter se non dicuntur, neque etiam cum illis suum principale dicitur denominatiuum: sed solum ab eo denominatiua dicuntur, ut à grammatica grammaticum: denominatiuum est non autem à grammatico grammatica: casus autem dicuntur aduerbia à nomine aliquo efformata, ut iuste musice, prudenter, & huiusmodi alia. alio etiã modo dici solet casus differētia scilicet terminationis qualemunque habet formationem ab aliquo, & hoc modo appellarunt ueteres casum, & appellauit philosophus in prædicamentis definiens denominatiua. uulgo autem proprie dicuntur casus uoces illæ, quæ per influxionem à recto cadunt. tri-

quid notandum.



non necesse  
esse primiti-  
uum multipli-  
citer dici, li-  
cet denomi-  
natum dica-  
tur.

bus igitur modis casus dicitur, hoc enim loco prætermittimus, quòd casus accidentalem causam significet, quòd nimis sit à proposito nostro alienum. NOTATQVE Alexander non esse necesse, quòd si aliquod denomina-  
tium dicitur multipliciter, ut suum quoque principale dicatur multiplici-  
ter: neque enim si sanum dicitur multipliciter, etiam sanitas dicetur multi-  
pliciter: neque si iustum, aut iuste dicitur multipliciter, oportet iustitiam  
etiam dici multipliciter.

*Considerare autem & genera etc.* Hæc est secunda pars huius capituli decimi ter-  
tii, in qua alios locos affert philosophus, quibus cognoscamus, nunquid  
uox aliqua proposita multipliciter dicatur. iubet enim considerare prædica-  
mèta, in quibus unumquodque eorum, quæ ab ea uoce signanter reperitur.  
si enim non sit idem prædicamentum, uox illa erit æquiuoca, & hic est septi-  
mus locus cognoscendi multiplicis. Octauus locus est, ut consideremus ge-  
nera propinqua, sub quibus, quæ ab eadem uoce significantur, posita sunt. si  
enim diuersa sint, & non subalterna, uox illa erit multiplex, licet sub eodem  
essent prædicamento. si autè genera essent subalterna, non est necesse, quòd  
uox illa sit multiplex. admonetq; philosophus hunc octauum locum non solù  
esse exercendum in proposito nomine, sed etiam in eius opposito. Nonus  
locus est, ut ad definitiones respiciamus, quæ dantur de nomine composito,  
ut de claro colore, & de clara uoce: deinde auferamus ab his definitionibus  
id, quod est proprium, quòd si reliquum in utraque definitione diuersum sit,  
nomen illud erit multiplex. Decimus locus est, si ea, quæ ab ipso nomine si-  
gnificantur, non sunt inter se comparabilia, nomen illud erit multiplex. Vnde-  
cimus locus est, ut consideremus, utrum quæ ab eodè nomine significatur,  
sint differentia diuersorum generum, & non subalternorum, tunc enim no-  
men illud erit multiplex. Duodecimus locus est, si eorum, quæ ab eodem no-  
mine significantur, diuersa sint specie differentia, tunc nomen illud erit mul-  
tiplex. Vltimus locus est, si ea, quæ ab eodem nomine significantur, alicubi  
sint species, alicubi sint differentia, tunc nomen illud erit multiplex.

quid præci-  
piat philoso-  
phus.

*Considerare autem & genera.* Præcipit philosophus, ut consideremus, nunquid  
idem prædicamentum ea omnia comprehendat, quæ ab eo nomine signifi-  
cantur, de quo inquirimus, an sit multiplex. si enim idem prædicamentum ea  
non comprehendat, nomen illud erit æquiuocum, exempli causa, bonum  
quoniam in pluribus prædicamentis reperitur, ideo erit æquiuocum. repe-  
ritur autem bonum in prædicamento substantia, cum dicimus Deum esse bo-  
num, aut mentem esse bonam: aliquando bonum est in prædicamento quan-  
titalis, ut cum bonum appellamus, quod mediocre est, neque excedens, ne-  
que deficiens: aliquando est in prædicamento qualitalis, ut cum dicimus ani-  
mam bonam nempe sapientem, iustam, fortem; ex eo enim quòd qualitatem  
quandam habet, ipsam hoc modo appellamus: aliquando bonum est in præ-  
dicamento relationis, ut cum dicimus commensuratum esse bonum aliquan-  
do ad prædicamentum facere reducitur, ut cum bonum illud dicimus, quod  
est boni effectuum: aliquando etiam bonum est in prædicamento passionis,  
ut cum dicimus sanari, & doceri bonum esse: aliquando bonum est in prædi-  
camento ubi, ut cum dicimus esse in locis salubribus bonum esse: aliquando  
est in prædicamento, quando ut cum dicimus aliquid esse bonum, propterea  
quod in occasione, atque opportune factum sit: est etiam in prædicamento  
positionis, ut cum dicimus febricitantem iacere bonum est: est etiam & in  
prædicamento habitus, ut cum dicimus in pugna armis indui bonum esse. cū  
igitur in omnibus decem generibus bonum reperiatur, patet bonū æqui-  
uoce

offensum ef-  
se, bonum æ-  
quiuoce dici.



uoce dici . eodem modo ostendere poterimus , & clarum esse æquiuocum , eo quòd clarum , quod in colore reperitur , ad qualitatem reducitur . clarum uero , quòd est in uoce ad facere : clara enim dicitur uox , quæ auditum uelociter , & uehementer mouet . eodem modo & acutum ostendetur esse æquiuocum , quoniam non omnia , quæ ab eo significantur , sub eodẽ sunt prædicamento : acutum enim in uoce ad facere deducitur . est enim acuta uox , quæ uelociter aerem diuidit certa quadam percussione , ut Pythagorici dicunt , qui circa mathematica plurimum uersantur , atque ita numeris suis delectantur , ut sicut omnia alia , ita armonias quoque ac concentus ad certos quosdam numeros referunt . at uero acutum , quod in angulo reperitur , ad aliquid est . dicitur enim angulus acutus , qui est minor recto : minus autem ad aliquid est , acutum uero , quod est in magnitudine , ut in gladio ad qualitatem reducitur . dicitur enim gladius acutus , eo quòd acutam figuram habet : figura autem est qualitas , si igitur acutum , & ad prædicamentum facere , & ad prædicamentum relationis , & qualitatis reducitur , æquiuocum igitur erit .

*Considerare autem & genera eorum , quæ sub eodem nomine sunt , si diuersa sint , & non subalterna .* Differt hic locus à præcedente , ille enim erat à prædicamentis . si enim ea , quæ à proposito nomine significantur sub diuersis sint prædicamentis , nomen illud est æquiuocum . hic uero docet cognoscere multiplex à genere propinquo . si enim ea , quæ à proposito nomine significantur , sint sub diuersis propinquis generibus non subalternis : & si illa ad idem prædicamentum reducuntur , attamen nomen illud erit æquiuocum : at si ea , quæ ab eodem nomine significantur in pluribus generibus sint subalternis , non oportet nomen illud esse æquiuocum . coruus , exempli causa , de multis dicitur , quæ & sub aui , & sub animali sunt , neque tamen coruus est æquiuocum nomen , quoniam utrumque horum generum de eodem dicuntur . qui enim aue dicit , animal dicit : & qui dicit animal uolatile , bipes aue dicit : non igitur coruus erit nomen æquiuocum . at si quæ à nomine significantur , sub diuersis generibus sint non subalternis , nomen illud erit æquiuocum , exempli causa , *ovos* duo significat nempe asinum , & interiorem malam retinentem frumentum , asinus quidem sub animali est , mole sub uase , aut instrumento . hæc autem uas , & animal non sunt genera subalterna , quamuis igitur utrumque sit sub eodem prædicamento substantiæ . uox illa *ovos* erit æquiuoca , quòd autem uas , & animal non sint subalterna genera , patet enim qui uas dicit , dicit animal : neque qui dicit animal , uas dicit , quod quidem fit in ipsis subalternis generibus , quòd etiam hæc sub his generibus diuersis sint , nempe asinus , & mola , patet , quoniam eorum definitiones sunt diuersæ : asinusq; dicetur esse animal quale quid , idest , si definiatur sub animali , ut genere reponetur adiecta differentia , quæ quale quid significat . mola autem si definiatur sub uase , ut genere reponetur , sua etiam differentia adiecta , quæ quale quid significat .

*Considerare autem non solum in proposito .* Admonet philosophus hunc locum , de quo modo dictum est , non solum esse exercendum in nomine proposito , sed & in eius contrario . sed oportet primo , ut ipsum nomen propositum habeat aliquid contrarium : deinde quòd multiplicitas facilius deprehendi possit in contrario , quàm in proposito . si igitur & contrarium habeat , & facilius deprehendere possimus , an sit multiplex in contrario , quàm in proposito , tunc considerare debemus , nunquid ea , quæ à contrario significantur , sint sub diuersis generibus non subalternis . tunc enim nomen illa significans erit multiplex

Exemplum.

nomen propositum habere aliquid contrarium .



Exemplum.

tiplex . & quoniam si unum contrarium est multiplex , alterum quoque multiplex est : hinc fit , ut propositum nomen multiplex esse ostendatur . exempli causa , proponatur nobis obtusum , de quo uelimus inquirere , an multiplex sit , inspiciamus eius contrarium , nempe acutum , nunquid in diuersis generibus sit , & non subalternis . cum igitur acuti quod est in uoce genus sit , sonus , acuti uero quod est in sapore genus sit , sapor acuti , quod est in magnitudine , genus sit , figura , quæ genera subalterna non sunt , ideo acutum erit æquiucum , quare & obtusum erit æquiucum .

Dubitatio.  
Solutio.

SED quæreret quis , nunquid hunc locum exercere solum possimus in contrario , an etiam in contradictorio , & aliis oppositis . dicendum est hoc solum in contrario uerum esse , quoniam contradictoria sub genere non reponuntur , cum sint complexa . priuatio autem , & habitus ad idem genus reducuntur , sicut & relatiua .

hoc in loco  
cognoscitur  
nomen com-  
mune multi-  
plex.

*Vtile autem est & in definitionem respicere .* Hic est nonus locus cognoscendi multiplexis , qui quidem huiusmodi est , quando nomen aliquod de pluribus dicitur , nescimusq; , an nomen illud sit uniuocum , aut multiplex . assumamus unumquodque eorum , quæ significantur simul cum nomine illo communi , atque hoc compositum definiamus : ex his deinde definitionibus auferamus id , quod in definitione positum est gratia eius proprii , quod nomini communi fuit adiunctum . & si id , quod relinquitur , sit idem in illis definitionibus , nomen illud commune erit uniuocum , quod si idem non sit , nomen commune erit multiplex , & æquiucum , exempli causa , homo dicitur de mare , & femina . si quæramus igitur nunquid de his uniuoce dicatur , an multipliciter , unumquodque eorum simul cum nomine communi definiamus , uidelicet hominem marem , & hominem feminam : est autem homo mas animal gressibile bipes in alio generare potens : homo femina est animal gressibile bipes , in quo aliud potest generare : si igitur ab his definitionibus auferatur , quod est mari , & feminæ proprium , siquidem reliquum erit idem , homo erit nomen uniuocum . id autem est proprium maris in alio potens generare , id proprium feminæ , in quo aliud potest generare . iis igitur demptis , quoniam quod reliquum est in utrisque definitionibus , idem est , ideo homo est nomen uniuocum , in quibus autem ablatis propriis , quod reliquum est , non est idem nomen , quod de illis est æquiucum , exempli causa , clarum de corpore dicitur , & de uoce : clari igitur corporis definitio erit magnitudo trifariam dimensa colorem habens disgregatiuum uisus : claræ autem uocis definitio est sonus animalis uocalibus instrumentis efformatus secundum affectum aliquem , & bene audibilis . si ab iis definitionibus auferamus , quod est proprium corporis , & uocis , quoniam id , quod relinquitur , non est idem , ideo clarum erit nomen æquiucum . est autem proprium corporis magnitudo trifariam dimensa , proprium est uocis sonus animalis uocalibus instrumentis efformatus secundum affectum aliquem , quæ si remoueantur , relinquetur ex definitione corporis clari colorem habens disgregatiuum uisus . ex definitione autem uocis relinquetur bene audibile , quæ quoniam diuersa sunt , indicant clarum multipliciter dici .

Exemplum.

idem nomen , quod de illis est æquiucum , exempli causa , clarum de corpore dicitur , & de uoce : clari igitur corporis definitio erit magnitudo trifariam dimensa colorem habens disgregatiuum uisus : claræ autem uocis definitio est sonus animalis uocalibus instrumentis efformatus secundum affectum aliquem , & bene audibilis . si ab iis definitionibus auferamus , quod est proprium corporis , & uocis , quoniam id , quod relinquitur , non est idem , ideo clarum erit nomen æquiucum . est autem proprium corporis magnitudo trifariam dimensa , proprium est uocis sonus animalis uocalibus instrumentis efformatus secundum affectum aliquem , quæ si remoueantur , relinquetur ex definitione corporis clari colorem habens disgregatiuum uisus . ex definitione autem uocis relinquetur bene audibile , quæ quoniam diuersa sunt , indicant clarum multipliciter dici .

in hoc loco  
ab exemplis  
cognosci po-  
test , an defini-  
tio sit æqui-  
uoca .

*Multoties autem & in ipsis definitionibus .* Docuit philosophus , quomodo cognosci possit æquiucum ex definitionibus : sed quoniam in definitionibus , etiam aliquando latet æquiuocatio , ideo docet , quomodo cognoscamus , an definitio sit æquiuoca : admonetq; , ut id , quod commune est in definitione proprium , efficiamus . ita enim comperietur differentia , exempli causa , sanum dicitur , & sanitatis effectiuum , & indicatiuum . si quis ex tradito loco proce-  
dens



dens hoc modo ipsa definiret, quòd sanum effectiuum, id est, quod moderate se habet ad sanitatem efficiendam: sanum autem indicatium definiat, quod sit id, quod moderate se habet ad sanitatem indicandam. ablati igitur propriis idem relinquetur in utrisque definitionibus, uidelicet, quod moderate se habet ad sanitatem. uidetur igitur, quod sanum sit uniuocum, non tamen ita est: oportet igitur, dicit philosophus, ut in his id etiam, quod relinquitur, inquiramus. quid significet. si enim non idem significet, sed res diuersorum prædicamentorum nomen commune erit æquiuocum, ut in proposito illud moderate se habens in effectiuo quantitatem significat. est enim sanitatis effectiuum, eo quòd commensurationem quandam habet in quantitate. sanitatis autem indicatium est commensuratum in qualitate, non in quantitate. si igitur eorum, quæ à commensurato significantur, accipiantur definitiones simul cum ipso commensurato, & quæ eorum sunt propria, auferantur, non relinquetur eadem commensurati definitio. non igitur uniuocum erit commensuratum, sed æquiuocum, quare & sanum erit æquiuocum, hoc eadem ratione inueniemus motum æquiuoce dici, & si omnia eius significata unam uideantur habere definitionem. dicitur enim motus esse actus mobilis, quatenus mobile est: sed quoniam non est idem mobile in quantitate, aliud est mobile in substantia, aliud est mobile in quantitate, aliud est mobile in qualitate, aliud in loco, ideo & eorum actus erit multiplex. cum enim mobilia sint diuersa. diuersa, etiam erit eorum potentia, quare & actus, siue perfectio erit diuersa, different igitur secundum rationem motus generatio, & corruptio, augmentum, & decrementum, alteratio, & latio.

NOTANDUM autem est uocem illam οὐκ ἀποτέον significare non esse deficientem, quamuis scilicet in his eadem esse uideat definitio, non propterea ab inquisitione esse deficientem, sed inquirendum, ut dictum est, nunquid definitio illa idem significet.

quid significet οὐκ ἀποτέον.

*Adhuc si non comparabilia sunt secundum magis, et minus.* Hic est decimus locus cognoscendi multiplicis. si enim ea, quæ ab eodē nomine significantur, non sunt comparabilia inter se neque secundum magis, & minus, neque secundum similitudinem, nomen illud erit æquiuocum, ratio huius rei est, quoniam quæcunque idem aliquid participant, uel similiter idem participant: & secundum similitudinem dicuntur esse comparabilia, uel alterum altero magis, & secundum magis, & minus sunt comparabilia circuli, exempli causa, omnes quoniam eandem participant definitionem, ideo similiter omnes inter se circuli dicuntur. eodem modo & homines, & in uniuersum quæcunque non suscipiunt magis, & minus: at non ita est de albo. quædam enim magis, quædam minus ipsum participant, quædam etiam similiter: quare comparatio inter ipsa fiet & secundum magis, & minus, & secundum similitudinem. si igitur quæ idem aliquid participant, sunt inter se comparabilia, patet, quòd quæ non sunt inter se comparabilia, non participant idem aliquid, quòd si non participant idem aliquid, erunt igitur æquiuoca, ut clarum & de uoce dicitur, & de ueste candida, quæ comparari inter se non possunt secundum nomen commune. quis enim quærat, nunquid uox, an uestis sit magis clara, si cut quærent multi, nunquid ipsum, aut uestis sit magis alba. clarum igitur quod de uoce, & de ueste dicitur, æquiuoce dicetur. eodem modo, quoniam acutum de sapore, & uoce dicitur, quæ non comparantur inter se, ideo acutum de ipsi æquiuoce dicitur.

Exemplum.

*Quoniam autem diuersorum generum, & non subalternatim positorum.* Hic est undecimus



hic est locus  
undecimus  
cognoscendi  
multiplicis.

primus locus cognoscendi multiplicis, qui quidem docet, ut consideremus, nunquid ea, quæ ab eodem nomine significantur, sint differentiæ diuersorum generum, & non subalternorum. si enim ita sit, nomen illud erit æquiuocum. & ratio est, quoniam, ut in prædicamentis dictum fuit, diuersorum generum, & non subalternorum differentiæ sunt inter se diuersæ specie. atque hinc etiam cognoscemus acutum esse æquiuocum nomen, quoniam est differentia uocis, & magnitudinis, quæ sunt genera diuersa, & non subalterna.

dubitatio.

solutio Ale-  
xandri.

SED quæreret quis, quomodo uerum sit, quod dicitur à philosopho, quòd differentiæ diuersorum generum, & non subalternorum sunt specie inter se diuersæ. bipes enim est differentia animalis terrestris, & uolatilis, quæ sunt inter se diuersa, & non subalterna, & tamen æquiuocum non est. Solut Alexander, quòd hoc modo intelligere debemus, quòd differentiæ generum diuersorum, & non subalternorum sint specie diuersæ, modo sub communi genere proximo non sint. talia enim sunt, quæ philosophus attulit, animal, & scientia, uox, & magnitudo. cum autem terrestre, & uolatile sub eodem genere sint, nempe animali; ideo bipes in ipsis non differet specie, sed sicuti uniuscuiusque eorum est differentia, ita & ipsius animalis est differentia, cum autem in eodem sit genere, erit etiam eadem specie, & non æquiuoce dicta.

aliter Ammo-  
nium sentire.

aliter tamen Ammonius sentire uidetur: uult enim genera tripliciter dici, quædam sunt omnino inter se distincta, ut quantitas, & substantia: quædam ab eadem diuisione inter se contradistincta, ut gressibile, & uolatile: quædam uero sunt subalterna, ut animal, & auis. in generibus omnino inter se distinctis differentiæ sunt diuersæ, ut substantiæ, & quantitatis animalis, & scientiæ: in his autem, quæ eadem diuisione contra distinguuntur, differentiæ sunt diuersæ. rationalis enim differentiæ sunt mortale, & immortale, cæleste, & terrestre, irrationalis autem uolatile, & aquatile. in generibus autem subalternis constitutiua differentiæ eadem sunt, diuisiua quandoque eadē sunt, quandoque diuersæ, ut animalis: constitutiua differentiæ sunt animatum, & sensituum, quæ autem etiam competunt. at animalis diuisiua differentiæ sunt rationale, & irrationale, mortale, & immortale: quæ autem non competunt, sed animalis etiam diuisiua differentiæ sunt uesci carnibus, uel herbis, uel seminibus. quid igitur? dicemus ne hos præclarissimos philosophos Alexandrum, & Ammonium dissentire inter se? an dicere possimus, quòd genera quidem contradistincta quandoque habent easdem differentias? bipes enim, ut dictum est, est differentia uolatilis, & gressibilis, & terrestre est differentia rationalis, & irrationalis. sed has differentias habent ipsa genera contradistincta, quatenus sunt subalterna communi generi. cum enim sub eodem genere sint, quatenus ei sunt subalterna, possunt habere easdem differentias. ita igitur contingit contradistincta genera easdem habere differentias, sed non quatenus contradistincta, sed quatenus subalterna.

locus est duo-  
decimus co-  
gnoscendi mul-  
tiplicis.

Rursus si eorum, quæ sub eodem nomine. Hic est duodecimus locus cognoscendi multiplicis. ostendit in superiori loco philosophus nomen significans differentias, quæ sub diuersis generibus sunt, non subalternis æquiuocum esse. nunc ostendit illius loci conuersum, quòd nomen genera quædam significans, in quibus differentiæ sunt differentes inter se, specie est æquiuocum, quemadmodum diuersorum generum diuersæ sunt differentiæ, ita quorum differentiæ sunt diuersæ, illa quoque erunt diuersa *χρῶμα*, exempli causa, id significat, quod in corporibus conspicitur, ut album, nigrum, & horum media. significat etiam quod est in musicis: est enim quid in musicis, quod *χρῶμα* dicitur, eius, quod est in corporibus, differentiæ sunt congregatiuum, & disgre-

exemplum.



disgregatium uisus. eius uero, quod est in musicis, differentia sunt sesquitercium separationem habens, & molle, quemadmodum musici tradunt. cū igitur hæc genera habeant diuersas differentias, nomen igitur ea significans erit æquiuocum.

*Præterea quoniam species nullius est differentia.* Hic est decimustertius, & ultimus locus cognoscendi multiplicis. docetq; quod si nomen aliquod plura significat, quorum alterum sit species, alterum uero sit differentia. quod nomen illud erit æquiuocum, exempli causa, clarum quando album colorem significat, & uocem claram, & clarum est coloris species: uocis uero est differentia, ideo clarum de illis dicitur æquiuoce. ratio autem huius rei est, quoniam species non potest esse alicuius differentia: differentia enim est constitutiva speciei: species uero ab ipsa differentia constituitur, & fit, & differentia in quale prædicatur: species uero in quid, & species aliquando est id ipsum, quod genus. differentia uero generis quidem est, non autem est genus. præterea species sunt, in quas fit generis diuisio: differentia uero sunt, per quas fit generis diuisio.

**S E D** dubitaret quis, quod differentia possit esse species, & genus: & quod genus aliquando diuidatur per species, quod differentia possit esse species, patet, quoniam mortale, & immortale, uolatile, & terrestre sunt differentia animalis, & tamen sunt etiam species, & genera, cum ipsa habeant alias differentias, per quas diuiduntur, ut bipes, & quadrupes, & alias plures. quod autem genus diuidatur per species, patet, cum dicimus, quod magnitudinum hæc est linea, hæc superficies, illa uero corpus. dicendum tamen est nullo modo differentiam posse esse speciem, aut genus, si eodem modo sumatur. sed quandoque aliquod nomen accipitur, prout significat formam, & est adiectiuum, & tunc est differentia. aliquando uero substantiue dicitur, & prout significat compositum, & tunc est species: & hoc modo mortale, & immortale, animatum, & inanimatum. cum ita diuersimodè accipiuntur, possunt esse species, & differentia. magnitudo uero non diuiditur per species, sed in species. uidetur autem per species diuidi, quoniam prætermittuntur differentia.

*De eo igitur, quod multipliciter dicitur per hæc, & huiusmodi.* Cum tradiderit philosophus præcipuos locos, ex quibus cognosci possit multiplex, quoniam pos sunt & alii quidam loci inueniri. propterea dixit per hæc, & huiusmodi.

**P O T E S T** autem aliquid ostendi multiplex si plura significet, quorum aliquod species sit, aliud uero sit indiuiduum, ut homo, quoniam humanam speciem significat, & nomen etiam fuit pugilis cuiusdam, de quo in Ethicis meminit philosophus, ideo homo est iis æquiuocum nomen: coruus etiam nomen non solum speciem auis significat, sed & rhetor quidam eo nomine fuit appellatus, alio etiam modo deprehendi potest aliquod nomen esse multiplex, quando scilicet significat & aliquid commune, & aliquid etiam quod sub eo communi continetur, sicuti proprium, ut in capite tertio dictum fuit. significat et commune illud, quod comprehendit definitionem, & id, quod cum re conuertitur, sed non est de rei essentia: & peculiariter postea idem etiam nomen huic speciei accommodatur. proprii igitur nomen æquiuoce dicitur. eadem ratione & hoc nomen *δικαιοσύνη* æquiuoce dicitur, eo quod & uirtutem communiter significet, & eius speciem quandam, quæ in distribundo, & commutando consistit: in relatiuis etiam cognoscere poterimus aliquid multipliciter dici. si enim unum relatiuorum dicitur multipliciter, omnino & alterum. præterea & si, quæ ab eodem nomine significatur, a di-

decimus tertius locus & ultimus cognoscendi multiplicis.

dubitatio.

solutio.

etiam in relatiuis aliquid multipliciter dici.

G uersis



uerfis sensibus percipiantur, nomen illud erit æquiuocum. sed forte dicere possemus philosophum huius loci aliquo modo meminisse, atque ita patet, quare dixerit philosophus, per hæc & huiusmodi.

C A P V T D E C I M V M Q V A R T V M .

quid admo-  
neat philoso-  
phus.  
quartum in-  
strumentum  
esse similitu-  
dines cogno-  
cere.

*Differentias autem in ipsis generibus ad se inuicem perspiciendum.* Ex quatuor propositis instrumentis duo hætenus explicauit philosophus, nempe quomodo abundare possemus dialecticis propositionibus, & quomodo cognosci possit multiplex. nunc tertium aggreditur quomodo scilicet differentiæ sint cognoscendæ. admonet igitur philosophus, in quibusnam sint inquirendæ differentiæ, quòd scilicet in his, quæ sub eodem genere sunt, uel sub diuersis generibus. sed quæ sint admodum similia, & propinqua. deinde conuertitur philosophus ad explicandum quartum instrumentum, quod est similitudines cognoscere: admonetq; in quibusnam inquiri debeat similitudo, quòd scilicet in his, quæ sub eodem genere sunt, & quæ sub diuersis generibus. sed quæ analogia conueniant, uel ad aliquid, uel in aliquo: & quòd similitudines perquirere præcipue debemus in iis, quæ maxime sunt inter se distincta: conuertitur deinde ad ostendendum utilitatem, quam ex iis instrumentis percipere possumus: ostenditq; quòd multiplicis distinctio. primo confert, ut manifestum sit, quid ponatur. secundo ut ad ipsam rem instituaturs disputatio, & non ad nomen: interrogansq; ac disputans in eo, de quo loquuntur, conueniant. tertio confert, ne falsa ratione decipiamur, sed decipiamus potius: ostendit deinde ad quid conferat inuentio differentiarum, quòd scilicet confert ad conficiendos syllogismos ad problema de eodem. secundo ad conficiendas definitiones. ostendit demum ad quid conferat quartum instrumentum consideratio scilicet similitudinum, quòd scilicet confert primo ad conficiendas inductiones, secundo ad syllogismos ex suppositione. tertio ad definitiones designandas.

NOTAT autem Alexander, quòd philosophus de differentiis agens locos quidem non tradit, ex quibus ipsas possumus cognoscere, quemadmodum in propositionibus, & distinctione multiplicis: sed tradit uel & melius in propositionum inuentione, in quibusnam inquirendæ sint differentiæ, & in quibus exerceri debeamus ad faciliem cognitionem differentiarum. quare autem philosophus non tradiderit locos differentiarum, & similitudinum, alias considerandum relinquatur.

in quibus per-  
scrutari de-  
beamus diffe-  
rentias.

duo proponi  
à philosopho.

ADMONET igitur philosophus debere nos differentias perscrutari in his, quæ non admodum inter se differunt. ea enim, quæ multum inter se differunt, manifestas, atque omnibus notas habent differentias. ea autem, quæ sunt inter se propinqua, & similia, non ita conspicuas habent differentiæ. semper autem, qui exercentur in rebus difficilioribus, debent exerceri, quoniam in difficilioribus exercitati ad faciliora prompte admodum conuerti poterunt. Duo autem proponit philosophus, in quibus uult inquiri differentias, & in ipsis generibus, & ex alio in aliud. prima quidem sunt ea, quæ sub eodem genere posita sunt, in quibus propriæ, & specificæ reperiuntur differentiæ. secunda uero, quæ intelligit per illud ex alio in aliud, sunt ea, quæ in diuersis quidem generibus sunt analogia, tamen inter se conueniunt. quare ea, in quibus inquiruntur differentiæ, sunt quodammodo unum. prima enim sunt unum genere. secunda uero sunt unum analogia. primorum exempla attulit philosophus, quod differt iustitia à fortitudine, & prudentia à temperantia.

hæc



hæc enim sub eodem genere sunt, nempe uirtute. differt autem iustitia à fortitudine, quòd iustitia media est inter duo uitia contraria, quæ sunt plus tribuere, & minus tribuere, quam par sit (quæ Alexander appellat *πλεονεξίαν, καὶ μισοπενεξίαν* licet hæ uoces auaritiæ, & prodigalitati cōuenire so leant) fortitudo autem media est inter timiditatem, & temeritatem. præterea iustitia uersatur circa æquale in tribuendo, & commutando. fortitudo autem uersatur in periculis subeundis, atque aduersitatibus tolerandis. prudentia uero à temperantia differt, quòd prudentia media sit inter uersutiam, & imprudentiã. temperantia uero media sit inter luxuriam, & insensibilitatem, ut ita dicamus. huiusmodi quoque sunt, quid differat, continentia à temperantia, liberalitas à magnificentia, casus à fortuna, motus à mutatione, proprium à definitione, & huiusmodi alia. attulit autem exempla philosophus de iis, quæ in diuersis generibus sunt analogia, tamen conueniunt, in quo differt sensus à scientia. hæc enim genere quidem sunt inter se diuersa, quoniam scientia sub existimatione ponitur, quam *ὑπόληψιν* græce dicunt. sensus uero non est existimatio, sed potentia quædam; conueniunt tamen analogia, quoniam ut sensus se habet ad sensibilia, ita scientia ad ipsa scibilia, quia eorum utrumque est suorum obiectorum indicatiuum. differunt autem inter se primo, quoniam sensus circa contingentia etiam uersatur: scientia uero solum circa ea, quæ aliter esse non possunt. secundo, scientia uniuscuiusque scibilis substantiam cognoscit: sensus autem nullius sensibilis substantiam attingit. tertio, sensus habetur à principio ortus: scientia uero posterius acquiritur. quarto, sensus est aliis etiam animalibus communis: scientia autem est hominibus propria. quinto, sensus natura habetur: scientia uero doctrina, & disciplina. sexto, in sensu habitus præcedit actum, non autem actus habitum. natura enim statim à principio sensus habitum nobis tribuit: in scientia uero actus præcedit habitum: ex actibus enim habitum acquirimus. septimo, destructo sensu animal destruitur: sine tactu enim animal non consistit: scientia autem deperdita non propter ea scientiam habens, destruitur. octauo, scientia deperdita rursus acquiri potest: sensus autem, si amittatur, recuperari non potest. nono, scientia non est sine ratione: nescit enim qui rationem ignorat, sed et omnis nostra scientia in ratiocinio consistit, & discursu: sensus uero est sine ratione, & discursu. decimo, sensus est solum rerum præsentium: scientia uero non solum præsentium, sed etiam eorum, quæ præterita, ac quæ futura sunt. undecimo, sensus est scientiæ principium: scientia uero non est principium sensus: ex sensu enim memoria fit, ex memoria fit experientia, unde ortum habet scientia: ita igitur differunt inter se sensus, & scientia. eodem modo perscrutari debemus, quid differat punctus ab unitate, & quid differat serenitas à tranquillitate, & huiusmodi alia, quæ analogæ sunt.

NOTAT autem Alexander, cum differentia multis modis accipiat, ut uidimus apud Porphyrium, quòd hoc loco philosophus non solum accepit differentias proprie dictas, quæ specificæ sunt, secundum quas fit generis diuisio in species, sed communius accepit differentiarum nomen. in iis enim, quæ sub eodem genere non sunt, non suppetunt proprie dictæ differentiarum, sed & in iis, quæ sub eodem genere sunt, non solum sunt obseruandæ specificæ differentiarum, sed aliæ etiam, quæ specificæ non sunt. *ὁμοιότητος καὶ ἀλλοιότητος* Similitudinem autem considerandum est. Quemadmodum docuit philosophus inquirendas esse differentias in iis, quæ similia sunt, & propinqua, quoniam hoc est difficilius, & arduum magis, ita nunc docet perquirendas esse similitudines in iis, quæ multum inter se distant.

Alexandrum notare, quomodo philosophus accepit hoc loco differentias.



Duobus modis inquirendas esse similitudines, quæ sunt in analogia.

Dvobvs autem modis docet philosophus inquirendas esse similitudines in diuersis generibus . primo quidem in iis , quæ analogiam quandam habent ad aliquid . secundo , in iis , quæ analogiam quandam habent in aliquo . primo modo ita procedere debemus , accipere aliquid habitudinem quandam habens ad aliqua eiusdem generis inter se , & inquirere aliud quid eodem modo se habens ad alia quædam eiusdem quidem generis inter se , à prioribus tamen diuersa . hæc enim erunt analogia , exempli causa , quoniam sensus ita se habet ad sensibilia , ut utrumque oppositorum cognoscat , inquirere debemus aliquid , quod non sit eiusdem generis cum sensu , & ad alia quædam eiusdem etiam generis inter se , sed à prioribus diuersa ita se habeat , sicut sensus ad sensibilia , quoniam igitur talis est scientia : utrumque enim oppositorum cognoscit : ergo sensus , & scientia erunt similia analogia . eodem modo cognoscemus intellectum , & sensum esse analogia , eo quòd sicuti se habet intellectus ad scientiam , ita se habet sensus ad opinionem , ita quoque punctum , & unitatem esse analogia deprehendemus , quoniam ut punctus se habet ad lineam : est enim eius principium , ita unitas ad numerum . secundo autem modo ita procedimus , accipimus aliquid in aliquo existens , inquiremusq; aliud quid in alio , eodem modo existens , ut sicut est in oculo uisio : est enim eius nobilissima pars , ita est in anima intellectus : similia igitur sunt intellectus , & uisio . eodem modo deprehendemus similia esse uirtutem , & sanitatem . sicut enim uirtus est in anima , ita sanitas est in corpore . sunt enim perfectiones suorum subiectorum , ita serenitas , & tranquillitas , similia dicentur . sicut enim est serenitas in aere , ita tranquillitas in mari : utraque enim est quies in suo subiecto . pariter quoque iustitia , & pulchritudo dicentur similia , eo quòd sicuti pulchritudo in æqualitate quadam consistit , & proportionem membrorum , & partium corporis , ita iustitia in æqualitate , & proportionem distributionis , & commutationis .

quomodo inuestiganda sit similitudo , quæ est sine analogia ,

*Consideranda autem , & in eodem genere existentia .* Docuit philosophus superius quomodo sit inuestiganda similitudo , quæ est in analogia quadam , tum ad aliquid , tum in aliquo . nunc docet quomodo inuestiganda sit similitudo , quæ est sine analogia . docet enim ut consideremus , quidnam communiter insit iis , quæ sub eodem genere sunt . dissimilis tamen inter se speciei . siquid enim ipsis communiter inest similia erunt inter se , & hoc modo similia dicemus hominem , leonem , equum , & canem , eo quòd omnia gressibilia sunt , & hominem , & aues in eo , quòd bipeda omnia sunt , pisces habentes brachia , & insecta similia dicemus , quoniam pulmonem non habent . bos autem , ceruus , & ouis , & capra similia erunt , quòd non sunt utrinque dentata . in arboribus etiam dicemus platanum , uitem , & ficum esse similia , quòd tenuia , & lata folia habent , & proinde decidua . oliuam autem , & laurum , & myrtum , quod habent folia crassa , & angusta , & non decidua .

ostendit in hoc loco utilitatem instrumentorum .

*Vtile autem est ipsum quidem quotupliciter dicitur .* explicauit hactenus philosophus omnia quatuor instrumenta , quibus abundemus dialecticis orationibus . nunc ostendit eorum utilitatem . prætermittit autem utilitatem primi instrumenti , quod est abundare propositionibus , quoniam , ut ait Alexander , euidens est , & manifesta . cum enim propositiones sint materia , & partes ipsorum syllogismorum , patet , quòd propositionum copia syllogismorum etiam copiam suppeditabit aliam : etiam causam attulit Sæssanus , quoniam cum hæc tria instrumenta reducuntur ad propositionum summptionem , ideo fit , ut assignando utilitates horum , illius etiam utilitatem referat .

dubitatio ,

S E D dubitaret quis , quomodo propositiones sint materia , & partes syllogismorum ,



gismorum, cum de dialecticis propositionibus, non autem de syllogisticis actum sit. dicendum est, quod cum syllogisticae propositiones à dialecticis differant, solo modo ideo fit, ut ex dialecticis facile effici possint syllogisticae. *solutio.*  
 ELICIENDVM autem hinc est, quod si propositiones sunt materia syllogismi, ut dixit Alexander, quod male sentiunt, qui dicunt ipsas præmissas esse materiam syllogismi, conclusionem uero formam, male etiam qui dicunt medium terminum esse formam, alios terminos materiam syllogismi. propositiones enim omnes sunt materia. connexio autem syllogistica est eius forma non aliter, quàm in domo, aut naui.

TRES utilitates affert philosophus distinctionis multiplicis. prima est, tres utilitates distinctionis multiplicis.  
 quod multiplicis distinctio utilis est, ut perspicua, & dilucida sit oratio nostra, atque id, quod dicimus, ab omnibus intelligatur: facile enim unusquisque intelligit, quod dicitur, si sciat quotupliciter ipsum accipi possit, eiq; præmonstretur, quo sensu accipiatur. atque hæc est ratio, quare Parmenidis, & Melissi opiniones à nobis non intelligantur, quoniam de re multiplici sine distinctione locuti sunt: & propter hanc rationem nefas est æquiuocis nominibus uti in disciplinis. Secunda utilitas est, ut ad rem, & non ad nomen dirigatur disputatio: si enim conueniant interrogans, & respondens in eo, de quo loquuntur, ridiculus erit interrogans, si non de re ipsa disputet: at si non conueniant inter se, facile continget, ut propter nominis multipliciter non ad eundem nominis signatum uterque mentem intendat, atque ita non de re disputent, sed de nomine, exempli causa, si quis concederet scientiam ab anima esse inseparabilem. posset alter probare, quod scientia sit animæ innata. si enim scientia est ab anima inseparabilis, inseparabile autem ab aliquo, uel in eius substantia est, uel ab eius substantia fluit, scientia igitur, cum sit ab anima inseparabilis, erit ipsi animæ innata, sed frustra est hæc argumentatio, si distinguatur ipsum inseparabile, quædam enim ita ab aliquo sunt inseparabilia, ut ipsum quoque ab illis sit inseparabile: alia uero dicuntur inseparabilia eo quod non possint per se esse, sed corrumpuntur: si non sint cum illis, in quibus sunt, & ex horum numero est scientia, & omne, quod est in subiecto, & de iis non procedit argumentatio prædicta. Secunda utilitas distinctionis multiplicis est, ut ne falsis rationibus decipiamur, sed decipiamus potius. qui enim sciat quot, & quænam significat, quod proponitur, non assentietur propositionibus, quæ in aliquo alio significato accipiuntur, exempli causa, si quis poneret diuitias esse bonas cognoscens boni æquiuocationem, non concedet, quoniam bonum bonos efficit, quod diuitiæ bonos efficere debeant. quod enim est bonum, ut possessio quædam non efficit bonos, neque quod est bonum, ut facultas, & potentia quædam, sed ut decipiamus potius transferentes scilicet sermonem ab uno significato ad alium, ut si quis concedat, quod mouetur, locum mutare poterit, alter concludere quod alteratur locum mutare, quoniam quod alteratur loco mouetur. hæc tamen deceptio non semper effici potest, sed tunc solum, quando id, quod dicitur in aliquo nominis significato, uerum est, in alio falsum. at si in utroque uerificetur, nihil proficit huiusmodi transmutatio. nullus enim fiet parallogismus, si quis dicat Aiace interfuisse Troiano bello, quando hoc uerum est de utroque Aiace. at si quis dicere Aiace cum Hectore singulari certamine pugnasse, quoniam hoc uerum est de Aiace Telamonis falsum de Aiace Oieiei. idem effici potest parallogismus hoc modo non ne Oieiei filius Ajax est, & assumens, quod est: quærat deinde nunquid Oieiei filius cum Hectore decertauit, & assumens, quod non concludet. non igitur Ajax cum Hectore



ctore decertauit . idem licet efficere in hoc , quòd uirile habet uirilitatem , & in aliis , quæ multiplicem habent significatum , in quorum altero uerum fit , quod dicitur in altero falsum , sed admonet philosophus hoc non conuenire dialectico falsis scilicet rationibus decipere , sed esse proprium sophistæ , ideo hunc modum decipiendi esse euitandum , nisi configat , quòd aliter nullo pacto propositum problema construere , aut destruere possimus .

tertiū instru-  
mētī duas u-  
tilitates alla-  
tas esse à phi-  
losopho .

exemplum .

*Differentias autem inuenire .* Ostendit philosophus ad quæ utile sit tertium instrumentum , eiusq; duas affert utilitates , prima est ad problemata de eodē , quæ definitioni adnectuntur . secunda est ad cognoscendam uniuscuiusque rei substantiam , ad problemata quidem de eodem confert hoc instrumentum , quoniam inuenientes nos differentias eorum , quæ proponuntur , ostendemus , quòd eadem non sunt , exempli causa , ostendemus non esse idem continentiam , quam græci dicunt ἐγκράτειαν , & temperantiam , quam appellant σωφροσύνην , eo quòd temperantia quietem habet affectum , & cupiditatum . continentia uero uehementes habet affectus . eodem modo ostendemus incontinentiam , quam dicunt græci ἀκολασίαν , & intemperantiam , quam dicunt ἀκρασίαν non esse idem , eo quòd intemperantia cum electione agit , incontinentia uero præter electionem . ita quoque ostendemus non esse idem munificentiam , quæ græcis dicitur ἐλευθεριότης , & magnificentiam , quæ dicitur μεγαλοπρέπεια , eo quòd munificentia circa communes , & uulgares expensas uersatur . magnificentia uero in expensarum magnitudine consistit . confert autem differentiarum cognitio ad cognoscendam rerum substantiam , quoniam uniuscuiusque rei definitio ex genere constat , & differentiis . addit etiam Alexander conferre cognitionem differentiarum ad diuisionem generū in species : præterea ad obiciendas instantias contra inductiones . si enim cognoscamus , in quo differant ea , quæ assumuntur , instare poterimus , quòd similia non sint , quæ inducuntur : confert etiam ad obiciendum contra phisicas opiniones , ut quòd unum sit ens , ut dixit Parmenides . si enim cognoscamus differentias eorum , quæ ab ente significantur , hanc opinionem destruemus , atque hoc etiam modo ipsam destruxit philosophus in primo Physicorū .

quartum in-  
strumentum  
ad tria confer-  
re .

exemplum .

*Similitudinis autem consideratio .* Ad tria conferre dicit hoc quartum instrumentum ad inductiuas rationes , ad syllogismos ex suppositione , & ad assignationes definitionum : ad inductiuas quidē rationes , quæ dialectici sunt propriæ , quoniam cum inductio ex singularibus colligat uniuersale , neque tamen possit , aut debeat singularia omnia colligere , ideo fit , ut nisi ea , quæ prætermittuntur , sint his similia , quæ assumuntur , inductio nullam habeat uim . recte igitur dicit , quòd non facile inducit , qui ignorat similia . atque hinc colligendum est , quòd superius dictum fuit , non minus esse necessariam similitudinē in inductionem , quā in exemplo . conferre etiam similitudinis cognitionē ad syllogismos ex suppositione , dicit philosophus intelligens per syllogismos ex suppositione ( ut uult Alexander ) eos , qui ex concessione appellantur , cum scilicet supponimus , quod in aliquo demonstretur idem in omnibus suis similibus esse uerum , exempli causa , quoniam opposita omnia similitudinem quandam habent inter se . si supponamus , quòd in aliquo oppositorum modo demonstretur , idem in omnibus uerum esse , ostendamusq; , quòd contraria non possunt esse simul in eodem subiecto , eo quòd mutuo se destruunt . idem arbitramur in aliis etiam omnibus esse demonstratum propter id , quod initio concessum fuit . hoc autem nemo concederet , nisi eorum similitudinem cognosceret . eodem modo ostendere possemus omnem animam esse immortalem , si supponamus de omnibus animabus eandem esse rationem , ostēdamusq;



damusq; rationalem animam esse immortalem, ita quoque probabimus, quòd omnis motus est ab aliquo loco ad aliquem locum, eo quòd in motu locali hoc contingit. confert demum similitudinis cognitio ad definitionum redditionem. cum enim cognoscamus, quid in rebus differentibus simile sit, facile earum genus inueniemus. est enim genus, quòd aliquibus commune est, & prædicatur in quid, exempli causa, in homine, cane, & boue similitudines accipiētes, ut quòd sunt in loco, quòd colorata, quòd sensitiua, quòd gressibilia, quòd animalia, hæc postea comparantes inter se genus inueniemus. id enim quod prædicatur in quid, uel est genus, uel species. si enim ea, de quibus dicitur, specie differant, est genus: si numero tantum species est.

*Communium enim quod maxime in quid est prædicatur, genus est.* Notat Alexandr. par-  
 ticulam illam maxime, dici potuisse tum ratione differentia, tum ratione species, ratione quidem differentia, quoniam ipsa quoque differentia in quid, prædicatur, proprie tamen genus prædicatur in quid. differentia uero potius in quale quid, tuncq; si particula illa maxime dicta sit ratione differentia, referri debet ad uerbum illud prædicatum. potuit etiam dici particula illa maxime ratione species, eo quòd species, & ipsa prædicatur in quid, differt tamen à genere, eo quòd genus est cōmunius, tuncq; particula illa maxime referri debet ad uerbum cōmune: atque ex hoc loco exceperit Auerroes suam illam definitionem generis, quòd est communius duorum uniuersalium, quæ prædicantur in quid.

Alexandrum  
 notare parti-  
 culam illam,  
 maxime.

*Similiter autem in iis, quæ multum differunt.* Admonet philosophus quòd non solū in iis, quæ non multum inter se differunt, suntq; in eodem genere: utilis est similitudinis contemplatio ad inuentionem definitionis, sed & in iis, quæ multum inter se distant, & sunt in diuersis generibus, inter se tamen analogæ. nā & in his accipientes, quæ in ipsis sunt, similia habebimus commune genus, cui addentes id, in quo differunt, ipsa definiemus, exempli causa, quoniam ita se habet tranquillitas in mari, sicut serenitas in aere: utrumque enim est quies: tranquillitatem igitur definiemus dicentes ipsam esse maris quietem, & serenitatem dicentes ipsam esse aeris quietem. eodem modo definiemus punctum esse principium lineæ, & unitatem principium numeri, cū sciamus ita se habere punctum ad lineam, ut unitas ad numerum, utrumque enim est principium. Notat demum Alexander similitudinis considerationem maxime esse utilem omni scientia, & rationali cognitioni, quoniam scientia circa uniuersale maximo uersatur: uniuersalis autem cognitio ex similitudine acquiritur.

quid Alexan-  
 der notet.

Cum autem primum hunc librum absoluerimus, breui repetamus, quæ in eo tradita sunt, ut scilicet uno intuitu ea uniuersa, quæ in ipso tradita sunt, possimus contemplari. ostendit igitur primo philosophus, quodnam sit propositum huius tractationis. quid sit syllogismus. & quæ eius differentia. quid ab aliis differat syllogismus dialecticus. quid sit probabile. qualis certitudo in hac tractatione sit expectanda. ad quot, & quæ sit utilis dialectica. quando perfecte hanc artem erimus adepti. & quod consistit in propositionibus problematibus, & instrumentis. ex quibus dialecticis rationibus possimus abundare. agitq; primum de propositionibus, & problematibus communiter. ostenditq; quòd secundum subiectum idem sunt. (hæc enim omnia propositio, problema, sumptio, conclusio sunt idem subiecto prolationis modo, & habitudine quadam inter se differunt) ostendit deinde quatuor esse genera problematum, & propositionum. & de uno quoque

resumit breui-  
 ter omnia in  
 hoc libro tra-  
 ctata.



# T O P I C O R V M A R I S T .

quoque eorum differit . & simul de iis , quæ propter similitudinem ipsis adne-  
ctuntur . probatq; ex inductione , & syllogismo , quòd neque plura sunt , ne-  
que pauciora . deinde ostendit quotupliciter dicatur idem . postea agit de  
dialectica propositione , & de dialectico problemate . addit & de positio-  
ne , quoniam positio est problema quoddam . agit deinde de inductione ,  
quoniam pars est dialecticarum rationum , sicut & syllogismus . ostendit  
deinde quatuor esse organa , ex quibus dialecticis rationibus possimus  
abundare . explicatq; eorum unumquodque , postremo ostendit uniuscu-  
iusque utilitatem .



# SECUNDI LIBRI TOPICORVM

## EXPOSITIO,

**A**NTEQVAM contextum philosophi exponamus, uideamus prius eius propositum in hoc secundo libro: simul & ea, quæ ad propositum attinere uidentur.

**C**VM superius proposita fuerint quatuor problematum genera, definitionis, proprii, generis, & accidentis. propositum philosophi est in hoc secundo libro tradere locos, ex quibus differere possimus de problemate accidentis, cum in primo ea omnia tradiderit, quæ præcognoscenda erant, antequam traderentur loci: merito igitur hic incipit explicare locos. sed hic duo sunt examinanda. primo, quid sit locus: etsi enim de hac re nonnulla dixerimus, cum agebamus de inscriptione libri, hoc ipsum tamen nunc est diligentius explicandum. cum enim omnis futura tractatio sit de locis, par est, ut diligenter inquiramus, quid sit locus: alterum, quod est à nobis inquirendum, est, cur philosophus inceperit à locis accidentis. cum enim reliqua illa sint natura priora definitio, genus, & proprium, sicut etiam philosophus ea proposuit, rectum ordinem nunc uidetur perturbasse priori loco agens de locis accidentis.

intentio philosophi in hoc secundo libro.

duo esse examinanda ante explicationem locorum,

**L**OCUS igitur, ut definit Alexander, est principium, & occasio epicherematis. est autem *ἐπιχείρημα* dialecticus syllogismus. Theophrastus autem hoc modo definiuit locum, quod est principium quoddam, uel elementum, à quo principia, quæ circa unumquodque sunt, accipimus, ratione quidem circumscriptionis uniuersalium definitum, ratione uero singularium indefinitum. in hac definitione per illud, quæ sunt circa unumquodque principia, intelligere debemus, quæ de unoquoque problemate afferri possunt argumenta: per illud autem rationem quidem circumscriptionis uniuersalium definitum, ratione uero singularium indefinitum, intelligere debemus, quod huiusmodi principium, & elementum uniuersale ipsum definit, & determinat. singularia autem indefinite comprehendit, neque enim de hoc, aut de illo singulari loquitur, sed de ipso uniuersali, sub quo omnia singularia indefinite comprehenduntur, exempli causa, hic est locus, si alicui contrario aliquid inest contrarium, reliquo quoque contrario reliquum contrarium inerit. in hac propositione uniuersale est determinatum, singularia uero indefinite comprehenduntur: atque ex ea argumenta accipimus ad unumquodque eorum, quæ sub ea comprehenduntur. si enim quærat utrum bonum proficit, ab eo loco accipiemus propositionem huic proposito problemati conuenientem; si enim malum obest, ergo bonum prodest. patet autem, quod hæc propositio ex eo loco & est, & probabilitatem nata est, eodem modo si quærat, utrum albus color sit disgregatiuus uisus ex prædicto loco conueniens, argumentum proposito problemati accipiemus hoc modo, si nigrum est congregatiuum uisus, ergo album est disgregatiuum. eodem modo probabimus uoluptatem esse bonam: si enim tristitia mala est, ergo uoluptas est bona. hæc igitur omnia, & plura alia in eo loco indefinite, & indeterminate comprehenduntur. hic etiam est locus, si id, quod magis uidetur alicui inesse non inest, tamen neque id, quod minus uidetur inesse ipsi inerit, qui sicut & in priori uisum est, uniuersale quidem definite, singularia uero indefinite comprehendit, neque enim de hoc, aut illo quicquam pronunciat: ex

definitio loci secundum Alexandrum.

exemplum.



eo tamen de his omnibus possumus argumentari, ut si uelimus probare diuitias non esse bonas, ex eo loco hoc modo argumentabimur. si sanitas, quæ magis uidetur esse bona, quàm diuitiæ, bona tamen non est, ergo neque diuitiæ bonæ sunt. si enim deinde probemus sanitatem non esse bonam ex eo forte, quòd aliquibus. sit causa mali, ex loco proposito ostensum erit diuitias non esse bonas.

probare uult  
longe præstā  
tius, atque ex  
quisitius de  
locis egisse  
Aristotelem,  
quàm Cice-  
ronem.

NOTANDVM autem hoc loco est, alio modo intelligi locum à M. Tullio, quàm intelligatur ab Aristotele, & Peripateticis. Peripatetici enim intelligunt locum esse propositionem uniuersalem manifestam, & notam, quæ à recentioribus maxima est appellata, sub qua multæ aliæ propositiones potentia cōprehenduntur indefinite, & indeterminate, ut uidimus in explicatio-  
ne definitionis Theophrasti. atque hæ propositiones, ut ostendit Boetius, quandoque ingrediuntur argumētationē, quandoque uero extra positæ uim solum ipsi tribuunt. Cicero autem intelligit locum esse terminum, unde hæ maximæ propositiones desumuntur. cum enim hæ maximæ propositiones plurimæ sint: termini autem, unde sumuntur, longe pauciores; ideo uniuersa earum multitudo in paucos illos terminos collecta est, ut aliæ in definitione consistant, aliæ in genere, aliæ in toto, atque aliæ in aliis, atque hi termini à Boetio appellantur differentiæ, eo quòd maxime propositiones per ipsos diuidantur, sicuti genus per differentias. maximæ enim propositiones aliæ sunt ex toto, aliæ ex partibus, aliæ ex genere, &c. & sicut maximæ illæ propositiones minorum propositionum copiam intra suum ambitum continent, ita termini illi, in quos maximæ illæ propositiones conuenienti ratione reducuntur, illas continere quodam modo uidentur; ideoq; loci dicuntur: ita igitur locum intelligit M. Tullius, de illisq; in suis Topicis agit, cum Aristoteles priori modo locum intelligat, ac de illis agat.

dubitatio,

SE D incidit hoc loco non indigna cōtemplatio. quis scilicet melius, atque ad usum accomodatius rem hanc tractauerit, an Aristoteles, qui uniuersales, & maximas illas propositiones explicauerit; an M. Tullius, qui maximis propositionibus prætermisiss eos tantum terminos, in quos illæ colliguntur, exposuerit? hoc autem ita inuestigari posse uidetur. si quis ex terminis illis uelit in proposita quæstione argumenta sibi conficere, cum ad argumenta conficienda necessariæ sint propositiones: ideo oportet, ut ex terminis illis propositiones inueniat, ex quibus argumenta construat. sed hoc difficillimum est, & multa indiget prudētia, & longa consideratione. quis enim posset statim inspecto termino propositionum, quæ probabiles sint, & indubitata copiam inuenire; atque ex his eas, quæ propositæ quæstioni conueniāt, eligere? si hoc ita est, patet longe consultius, & præstantius egisse philosophum, qui has propositiones nobis inuenerit, & explicauerit; easq; secundum unumquodque quæstionis genus certo ordine ita digesserit, ut quamuis plurimæ sint, nihil tamen confusionis pariant, sed maximam, ac certam in unaquaque re argumentorum copiam suppeditant: neque tamen præmittit philosophus terminos, ex quibus maximæ propositiones desumuntur: hoc enim facile admodum est ex eius dictis elicere. sed noluit ipse terminorum ordinem sequi, quoniam ordo ille problematum ordinem inturbasset, qui longe præstantior est, & ad usum accōmodatior. qui igitur terminorum doctrinam sequitur, primo propositiones ignorat; quarum præcipuus est usus in argumentis: & sine quibus nullus est terminorum usus. deinde nullum secundum quæstionum genera ordinem habet, quo fit, ut in omni quæstionis genere per omnia loca temere uagari coactus sit. atque ita patet longe



ge præstantius, atque exquisitius de locis egisse Aristotelē, quàm Ciceronē. ALTERVM ex his, quæ inquirenda proposuimus, est, cur philosophus incepit à locis problematis accidentis, cum reliqua problemata sint natura priora. dicendum est propter duas rationes hoc factum fuisse. primo quoniam loci accidentis sunt aliis communiore, & propterea priores. definitur autem accidens, quod non est neque genus, neque definitio, neque proprium. inest autem rei inesse: igitur est proprium accidentis, at ipsum inesse aliis etiam competit. quod enim non inest rei, neque est eius genus, neque definitio, neque proprium. destructo igitur ipso inesse, quod est accidentis proprium; reliqua etiam destruuntur, non tamen econuerso. si enim reliqua destruuntur, non est necesse ipsum inesse destrui: ita igitur loci accidentis proprii, qui ad ipsum inesse diriguntur, sunt aliis priores. secunda ratio est, quoniam locorum tractatio hoc modo certo quodam ordine, ac serie procedit, quæ alioqui esset confusa. incipiens enim Philosophus ab accidente locos ad ipsum inesse, uel non inesse, ut proprios accidentis, tradit. deinde de genere agens eos, ut generis proprios retulit, qui præter ipsum inesse pertinent ad prædicari in quid. deinde eos locos assignauit proprio, qui præter ipsum inesse ad conuersim prædicari pertinent. quicumque autem præter hos omnes sunt, qui scilicet construunt, uel destruunt, ipsum explicare quid est esse rei definitioni assignauit. at si à locis definitionis incepisset, confusa fuisset doctrina. cum enim definitio non solum explicet ipsum quid est esse, sed prius insit ei, cuius est definitio. præterea & in quid de eo prædicetur, & de eo conuersim dicatur: ideo oportuisset philosophum eos etiam locos recensere, qui construunt & destruunt ipsum inesse, tanquam ad definitionem pertinentes, qui tamen accidentis proprii sunt. necnon & eos, qui construunt, destruuntq; ipsum prædicare in quid, qui generis sunt proprii, sed & eos, qui construunt, & destruunt ipsum prædicare conuersim, qui ad proprium pertinent. atque ita omnes loci cōfunderentur, qui à philosopho distincte traditi sunt, procedente ab accidente ad genus, deinde ad proprium, ultimo ad definitionem.

*Sunt autem problematum hæc quidem uniuersalia, etc.* Primo philosophus problemata diuidit, quòd alia sunt uniuersalia, alia uero particularia. ostenditq; quòd ea, quæ construunt, aut destruunt uniuersalia problemata, communia sunt etiam particularibus. dicitq; primo agendum esse de locis destructiuis uniuersalis problematis, quoniam hæc sunt communia, & ipsis particularibus: & quoniam, ut plurimum qui disputant aduersus positionem, solent destruere: ostendit deinde difficile esse ab accidente conuerti appellationem, quoniam accidens competere potest subiecto secundum partem. ab aliis autem prædicatis omnino conuertitur, quoniam simpliciter insunt. ostendit deinde duo contingere peccata circa problemata, uel falsum dicere; uel alienis, & inuinitatis nominibus res appellare.

*Sunt autem problematum hæc quidem etc.* Notat Alexander diuisionem hanc problematum, quòd alia sunt uniuersalia, alia particularia, non solum in problematibus accidentis, sed in aliis etiam fieri posse. nam hæc problemata definitionis, & proprii, & generis alia sunt uniuersalia, alia particularia: maxime tamen, & præcipue conuenit problematibus accidentis, eo quòd in aliis problematibus definitioni scilicet proprii, & generis. & si sumatur aliquid particulare, ut per se uerum habet, tamen uniuersale aliquid eo, quòd definitio, proprium, & genus non possunt alicui individuo inesse, & alicui non inesse: sed uel omnibus insunt, uel nullis. quare qui dicit aliquem equum,

H 2 exem-

problemata  
alia esse uni-  
uersalia, alia  
particularia.

Alexandrum  
annotare diui-  
sione proble-  
matum.



# T O P I C O R V M A R I S T .

**exemplum.** exempli causa, esse animal, dicit quidem aliquid particulare; in eo tamen aliquid est uniuersale, eo quod animal in omnibus particularibus animalibus reperitur. accidens uero alicui potest inesse, alicui non inesse. quidam enim homo est musicus, & quidam non est musicus: atque hinc fit, quod in accidentibus ipsum etiam particulare sit per se uerum.

**quid cōferat diuisio problematum.** NOTAT etiam Alexander, ad quid conferat hæc diuisio problematum à philosopho assumpta. ut scilicet ex ipsa assumat ordinem traditionis locorum. primum enim ex hac diuisione ostendit, quod non oportet omnium horum problematum proprios quosdam locos afferre, eo quod loci, qui construunt uniuersale, particulare etiam construunt: & qui uniuersale destruunt, particulare etiam destruunt. sufficiunt igitur loci uniuersalium ad ipsa etiam particularia: de uniuersalibus igitur agendum est. præterea quoniam hæc problemata alia sunt constructiua, alia destructiua, ostendet philosophus à destructiuis esse incipiendum, eo quod qui problemata ponunt, ut plurimum ea ponunt affirmatiua. quare oportet, ut qui contra disputat, negatiuam partem probet: hoc autem est destruere. ab his igitur locis incipiendum est, ex quibus probare possimus problema uniuersale negatiuum accidentis.

*Problematum.* Vidimus in primo libro quid esset problema, quod scilicet est interrogatio dubitabilis comprehendens utranque partem contradictionis, nunc autem notat Alexander, quod intelligit philosophus per problema id, quod determinatum est ad alteram partem contradictionis, ad quod instituitur disputatio, quemadmodum enim propositionum quædam in interrogatione consistunt, quæ utranque contradictionis partem comprehendunt: aliæ autem sunt, contradictionis altera pars & in syllogismo assumuntur, & hoc fit, quando concessæ sunt, & positæ à respondente, eodem modo & problematum quædam utranque contradictionis partem comprehendunt: quædam alteram determinate, de quibus nunc in textu philosophus.

*Hæc quidem uniuersalia.* In libro de interpretatione dictum fuit, aliud esse uniuersale, aliud uero uniuersale uniuersaliter. omne enim commune nomen uniuersale dicitur, etsi impræfinite dicatur, & contra singulare distinguitur, uniuersale autem uniuersaliter dicitur, quando communi nomini additur præfinitio uniuersalis, & distinguitur contra particulare. id autem philosophus per uniuersalia intelligit, quæ ibi dixit uniuersalia uniuersaliter.

**ratio, quare non oporteat proprios locos afferre ad problemata particularia,**

*Sunt autem ad utraque genera problematum.* Ostendit nunc philosophus, quod non oportet proprios locos afferre ad ipsa problemata particularia, quoniam loci illi, quibus uniuersalia problemata construimus, aut destruimus, communes etiam sunt ipsis problematibus particularibus: quare non oportet præter hos communes locos alios ipsis particularibus, problematibus afferre.

**solutio dubitationis.**

**S E D** dubitaret quis, quomodo possimus iisdem locis construere & destruere, uniuersale, & particulare. nam uerum quidem est, quod qui construit uniuersale affirmatiuum, construit & particulare; ut si quis ostendit, quod omnis homo spirat, ostendit etiam, quod aliquis homo spirat. eodem modo & qui construit uniuersale negatiuum, particulare etiam construit. qui enim probat nullum hominem esse immortalem, probat etiam, quod non omnis homo est immortalis: at in destruendo hoc non uidetur uerum. qui enim destruit uniuersale affirmatiuum, non destruit particulare: hæc enim simul consistunt, neque qui destruit uniuersale negatiuum, particulare etiam destruit, cum hæc simul consistent. dicendum est philosophum intelligere tunc constitui uniuersale, quando probatur uniuersale affirmatiuum: tunc destrui uniuers-



uniuersale, quando probatur uniuersale negatiuum. quòd autem ita sit, patet ex eius exemplis. ostendens enim si construatur uniuersale, construi etiã particulare dicit. ostendentes enim quòd omni inest, & quòd alicui inest, ostendentes erimus. declarans autem quòd si destruaturs uniuersale, destruitur etiam particulare; dicit similiter et si, quòd nulli inest, ostēdemus, quod non omni inest, ostendentes erimus. hoc idem præterea patet ex eius proposito. cum enim uelit philosophus eos locos, qui ad uniuersalia problemata diriguntur, referre, quoniam scilicet particularibus etiam communes sunt, ergo patet, quòd per destruere uniuersale non intelligit ostendere quòd uniuersalis affirmatiua sit falsa, aut uniuersalis negatiua: cum hoc ostendatur ex eo, quòd ueræ sint suæ contradictoriæ, præsumunt particulares, quare oportet ret locos etiam afferre ad problemata particularia.

*Primum ergo de uniuersalibus destructiuis dicendum.* Primum agendum esse inquit philosophus de locis, ex quibus destruere possimus problema uniuersale, quoniam scilicet ii communes sunt ipsis quoque particularibus. quare autem de locis destructiuis agendum sit, ratio est, quoniam ut plurimum positiones, & problemata affirmatiua ponuntur. propositum autem dialectico est id, quod ponitur destruere: quare oportet, ut negatiuam partem probet. negatio enim affirmationem destruit. prius igitur de negatiuis problematibus agendum est, eo quòd sint dialectico utiliora, ut in quibus potissimum uerferetur. de uniuersalibus autem, eo quòd eorum loci particularibus etiam sint communes. de problematibus autem accidentis, quoniam ita recto ordine procedit locorum tractatio. aliam etiam rationem affert Alexander ex Eudemo, quare magis proprium dialectico destruere, quàm construere, quoniam pauca admodum construit dialecticus, sed omnis fere eius uis, & facultas in destruendo consistit.

quid agēdum prius.

*Et quia magis positiones afferunt.* Positiones nomine hoc in loco usus est philosophus communiter, pro quocunque problemate, quod in capite nono primi libri admonuit fieri solere.

*Est autem difficillimum ab accidente.* Explicemus primo, quid intelligat hoc loco philosophus: deinde quo proposito hoc dixerit. dicit igitur, quòd ab aliis quidem omnibus prædicatis definitionis, scilicet proprio, & genere conuertitur appellatio: ab accidente autem non semper. appellat autem philosophus conuerti appellationem, quando subiectum appellatur nomine eius rei, quæ ipsi inest, quoniam scilicet prius ab eo, quòd inest, incipimus, & ad subiectum deuenimus. deinde uero incipimus à subiecto, & ad id, quòd ipsi inest, deuenimus, ut animal inest homini, ergo homo est animal. hæc igitur conuersio in alijs prædicatis semper fit, si cui enim insit definitio, aut proprium, aut genus statim ab ipsis nomen assumit. si cui enim insit animal, illud dicitur animal. in accidente autem hoc non semper fit: neque enim si alicui insit album, omnino illud album dici potest: sed neque si non dicatur album, oportet, quòd album ipsi non insit. Huius rei causa est, quoniam accidens potest subiecto inesse secundum partem. si quid autem inest alicui subiecto non secundum totum, sed secundum partem, subiectum illud non potest ab eo nomen sibi desumere: quod enim secundum aliquid est album, album non dicitur: Aethiops enim cum sit albus secundum dentes, non tamen albus dicitur. cetera autem prædicata non possunt suis subiectis inesse secundum partem, sicuti neque possunt inesse uni tantum indiuiduo, sed uel secundum totum insunt, uel nulla ex parte, uel omnibus indiuiduis, uel eorum nulli. ita igitur & si ostendamus aliquid non conuerti, non tamen ostendemus, quòd accidens

quando conuerti appellationem dicitur.

non



non sit : neque si ostendamus aliquid esse accidens , non tamen ostendemus , quòd conuertatur appellatio .

Difficultas .

S E D hic emergit difficultas , quomodo uerum sit philosophi dictum , quòd ab accidente non sumat nomen ipsum subiectum , quia accidens inest secundum partem . fatetur enim quòd si accidens inest secundum totum quòd prædicabitur de suo subiecto : aliud autem uidetur dicere in prædicamentis , ubi dicit , quòd eorum , quæ sunt in subiecto , in pluribus quidem neque nomen , neque definitio prædicatur de subiecto , in aliquibus tamen nomen prædicatur , ratio autem nunquam . hic enim non distinguit philosophus , quòd accidens inest uel secundum totum , uel secundum partem , sed quomodocunque inest , dicit , quòd ut plurimum non prædicatur de suo subiecto . præterea in capite de quali dicit , quòd in pluribus quidem , & fere in omnibus subiectum denominatiue dicitur ab accidente , quod in ipso existit , ut ab albedine album , à iustitia iustum . In aliquibus autem , eo quòd ipsis accidentibus non sunt imposita nomina : ideo subiecta non dicuntur denominatiue : quare uult , quòd semper sumat nomen ab ipso accidente , præterquam ubi ipsi accidenti non sit nomen impositum . hoc autem in loco uult subiectum non sumere nomen , nisi accidens ipsi inest secundum totum . Prima quidem apprensens contradictio hoc modo est soluenda , quòd in capite de substantia philosophus dicit , accidens ut plurimum non prædicari de suo subiecto , ita scilicet quòd idem nomen accidentis prædicetur de subiecto , quæ est prædicatio æquiuoca , quia ut plurimum fit denominatiua prædicatio , & hoc intelligi debet ubi accidens inest secundum totum , quia nisi inest secundum totum , neutro modo prædicatur . hic autem uult , quòd si accidens inest secundum totum , quòd prædicatur de subiecto uel scilicet æquiuoce , uel denominatiue : nulla igitur est contradictio . secunda etiam soluitur , quoniam cum in capite de quali dicit , quòd in pluribus , & fere in omnibus subiectum denominatiue dicitur à qualitate , quæ in ipso existit . intelligit ubi huiusmodi qualitas ipsi inest secundum totum , quòd si inest secundum partem , non fit simpliciter denominatio , neque huius oppositum hoc loco dicit .

quare à philosopho dicitur , ab accidente non conuerti appellationem .

S U P E R E S T , ut ostendamus , quo proposito dixerit philosophus ab accidente non conuerti appellationem , cum uellet philosophus locos tradere ad problemata accidentis . uoluit admonere non conuerti ab accidente appellationem , eo quòd hoc utile esset ad ipsas disputationes . in aliis enim problematibus , qui ostendit , quòd homo non sit animal , uel animal rationale , mortale , uel risibile : simul ostendit , quòd id , quod assignatur non est neque genus , neque definitio , neque proprium . qui autem ostendit , quòd homo non sit albus , uel niger , non iam ostendit quòd ipsi albedo , aut nigredo non accidat . forte enim horum aliquid ipsi accidit secundum partem . ut igitur hoc ostenderet philosophus , quòd scilicet non ualet ad destruendum accidens probare , quòd suum subiectum ab ipso nō denominetur , quòd præcipuum quodam est in disputatione accidentis , ideo meminit de hac conuersione secundum appellationem .

*Ut albedinem , uel iustitiam .* Sed dicet quis , quomodo iustitia potest alicui inesse secundum partem , cum aliquis ex natura inclinationem quandam & propensionem habeat ad iustitiæ habitum ? uel si quis ex consuetudine , & moribus ad aliquam iustitiæ partem sit recte affectus ? ii enim etsi aliquo modo iustitia ipsis inest , nondum tamen sunt iusti .

duo errata in hac parte esse consideranda .

*Determinare autem oportet .* Admonet philosophus in problematibus duo errata esse consideranda , alterum est circa rem , quod est falsum dicere : alterum est



est circa dictionem, quod est alienis, & inusitatis uti nominibus. falsum dicunt, qui id, quod inest, non inesse dicunt: uel qui id, quod non inest, inesse dicunt. ut qui asserit uoluptatem esse finem hominis, ut Aristippus: aut qui dicit motum in uacuo fieri, ut Anaxagoras: aut qui dicit magnitudines quasdam esse indiuisibiles, ut Democritus, & Leucippus: aut qui ex superficiebus corpora dicit posse constitui, ut Plato: & qui dicit rationalem animam esse inseparabilem, & mortalem, ut Alexander: & qui dicit, quod solum honestum est bonum esse, ut Stoici: transgrediuntur autem positam locutionem, qui rei quidem naturam cognoscunt, quomodo se habeat: sed non utuntur uulgato, usitatoq; nomine, atque hoc modo errant, qui dicunt hominem esse se plantam euersam, ut Diogenes: & qui dicunt solum sapientem esse diuitē, uel solum nobilem, uel solum liberum, ut Stoici: ii enim non ignorant, quid sapienti inest, sed hoc appellant diuitias, nobilitatem, libertatem. iis scilicet nominibus abutentes ad significandam sapientiam, cum tamen diuitiæ non sapientiam significant, sed pecunias, ac possessiones. ita & nobilitas, & libertas aliud uulgo significant, quam sapientiam.

SED hic est difficultas, primo quomodo problema possit esse falsum: si enim problema utranque partem contradictionis comprehendit, non uidetur, quod possit aliquo modo esse falsum. dicendum est, quod cum dupliciter accipi possit problema, sicut & propositio, uel quod utranque partem contradictionis comprehendit, uel quod alteram tantum, ad quam scilicet tanquam scopum dirigitur disputatio: hoc loco accipitur, prout ad alteram partem est determinatum, quod iam potest esse uerum, & falsum.

DUBITARET etiam quis quo proposito hæc errata ostendat philosophus. dicendum est, quod cum destructiones problematum fiant ostendendo errata, quæ in ipsis sunt; ideo antequam locos traderet, hæc errata explicauit. per quæ scilicet fit problematis redargutio. si enim ostendatur problema, altero horum modorum peccare iam erit destructum.

DUBITARET etiam quis cur philosophus dixerit, solum mentiri qui, quod non inest, inesse dicunt, cum non minus mentiantur, qui dicunt inesse, quod non inest. dicendum est, cum ut plurimum problemata affirmatiua ponantur: raro autem negatiua, sicuti superius dixit ipsemet philosophus: ideo hoc modo locutus est. qui enim dicit id, quod non inest inesse, affirmatiuam efficit propositionem. qui autem dicit id, quod inest non inesse, negatiuam.

*Vt platanum hominem.* Notat Alexander, quod qui arbitraretur hominem uidelicet animal rationale, mortale esse platanum arborem primo modo errare. si autem non ignorans, quid sit homo, ipsum appellet platanum. errat secundo modo, quod scilicet transgreditur positam appellationem: attulitq; hoc exemplum philosophus, ut ostenderet, quod non solum in problematibus contingit primum peccatum, quod est falsum dicere, sed hoc quoque secundum, & quod iuxta utrunque destrui potest problema.

### PRIMVS LOCVS.

*Vnus igitur locus est inspicere si secundum aliquem alium.* Constituit philosophus agendum esse de problematibus uniuersalibus accidentis. incipit igitur locos tradere, quibus destruere possimus huiusmodi problemata. primumq; locum affert, ut consideremus, utrum id, quod pro accidente affertur, alio quodam modo inest, uel scilicet ut genus, uel ut definitio, uel ut propriū. sæpius autem contingit id, quod est genus, pro accidente poni. & hoc quidem dupliciter,

primus locus a prædicatorū distinctione. si id, quod ponitur accide-  
re alicui, inest ei, ut genus, propriū,



# T O P I C O R V M A R I S T .

aut definitio,  
tale nouerit  
accidens.

pliciter uel dicendo id, quod est genus accidere suæ speciei, uel genus de specie denominatiue prædicando. quando autem aliquid de aliquo dicitur denominatiue, non potest esse genus, quoniam genus non prædicatur denominatiue; sed neque potest esse definitio, aut proprium, quoniam definitio, & proprium soli conueniūt. quod autem denominatiue prædicatur, pluribus conuenit.

secundum  
Theophrastū  
locum differ-  
re à præce-  
pto.

ADNOTAUIT Theophrastus differre locum à præcepto. sicut enim locus est principium dialectici argumenti, ita præceptum est principium loci. est enim præceptum communius quiddam simplicius, & uniuersalius, quàm locus, & ab eo locus inuenitur, exempli causa, præceptum est, si ita dicatur, quòd argumentari oportet à contrariis, uel à coniugatis. locus autem est propositio, quæ à præcepto ortum habet, ut si uni contrario unū inest contrarium, alteri quoque contrario alterum inest contrarium: & sicuti se habet unum coniugatorum, ita se habent & reliqua. Hanc differentiam constituit Theophrastus inter præceptum, & locum: atque hunc primum locum dictum, & alios tales præcepta esse dicit, & appellat locos præceptorios. si enim ita dicimus, considerare oportet, si id, quod pro accidente affertur, secundum alium quempiam modum inest, præceptum est. si autem ita dicamus, si id, quod pro accidente ponitur, secundum alium quendam modum inest, non recte ponitur. locus est uel hoc etiam modo conuenientius, si id, quod pro accidente ponitur, genus sit, uel definitio, uel proprium, non recte ponitur pro accidente. sed diceret quis, si distincta sunt à locis præcepta, quare philosophus ea appellat locos. respondet Alexander, quoniam simul cum præcepto locus affertur: semper autem ab his, quæ magis propria, & specialia sunt, fieri debet denominatio. cum enim in substantia sit, & ens, & substantia, ipsam tamen non appellamus ens, sed substantiam: ita & cum in animali sit ens, substantia corpus mixtum uiuens, & animal ipsum tamen non ex communibus, sed ex proprio nomine appellamus. cum igitur in huiusmodi præceptis loci contineantur, qui sunt magis speciales, quàm præcepta, ideo ipsa appellauit locos. forte etiam dicere possumus, quòd in hoc proposito præceptum non differt à loco, nisi modo (sicuti superius dictum fuit) de problemate, & propositione, & hoc in prioribus exēplis facile conspici potest: uel etiam dicere possumus, quòd locus est ratio præcepti: uel igitur præceptum sit principium loci, & ipsum comprehendat: uel subiecto idem sint modo tantum inter se differentia: uel locus sit præcepti ratio, cum parum admodum differant: ideo philosophus præceptum appellauit locum. SED cum superius duo peccata relata sint, ad quæ reducitur omnis redargutio problematis, præstat inquirere, ad quod eorum hic locus reducatur: ut scilicet in aliquibus locis exercitati, facile alios etiam ad ea peccata reducere sciamus. qui igitur id, quod alicui inest uel ut genus, uel ut definitio, uel ut proprium, arbitratur ipsi accidere, primo modo errat uidelicet circa rem. qui autem nouit eorum differentiam, sed tali utitur locutione, secundo modo errat uidelicet circa dictionem: transgreditur enim positā appellationē. *Secundum aliquem alium modum.* Omne quod alicui inest uel ut genus, uel ut definitio, uel ut proprium, uel ut accidens, ipsi inest. cum autem hæc sint inter se distincta, patet, quòd si quid inest secundum alium modum, uel scilicet ut genus, uel ut proprium, uel ut definitio, quod accidens non erit.

dubitatio.

*Peccatur autem maxime circa genera.* Dubitaret quis, quare maxime peccetur circa genus. uidetur enim quòd maxime peccare contingat circa ea, quæ magis sunt inter se similia: sed cum proprium maiorem habeat similitudinem cum



cum accidente, quàm genus uidetur, igitur quòd magis peccari debeat circa proprium, quàm circa genus.

DICENDVM est, quòd in natura sua magis quidem similia sunt proprium, & accidens, quoniam utrunque eorum est extra rei essentiam: sed apparen-  
ter maiorem habet genus, & accidens, quoniam scilicet proprium, & acci-  
dens insigni nota distinguuntur, quòd illud uni tantum hoc uero pluribus  
conuenit. genus autē, & accidens in plus sunt, quàm illud cui insunt: ideoq;  
cum eo non conuertuntur.

*solutio dubi-  
tationis.*

Contingit autem & secundum appellationem determinare. Duos ostendit modos phi-  
losophus, quibus genus affert pro accidente. primus est, quando ignoratio  
ne ponitur uerbum accidit, ut si dicamus homini animal esse, uel accidere  
albedini colorem esse, uel accidere iustitiā uirtutem esse: atque hic modus  
manifestus est. alius modus est, quando prædicatum denominatiue dicitur  
de subiecto, ut si dicat quis albedinem esse coloratam, uel progressiōem  
moueri.

*duobus mo-  
dis afferri ge-  
nus pro acci-  
dente.*

SED diceret quis, quomodo uerum est hoc, quando aliquod prædicatum  
denominatiue dicitur de subiecto, quòd ponatur per accidente. dicendum  
est, quoniam sola accidentia prædicantur denominatiue. genus autem nullo  
modo prædicatur denominatiue de speciebus: quòd si genus denominatiue  
dicitur, non de speciebus, aut indiuiduis suis dicitur, sed de eorum aliquo,  
quibus aliqua specierum inest, ut cum coloratum esse dicitur de aliquo ha-  
bente albedinem, & dispositum esse habente iustitiā, & propter hanc rā-  
tionem ipsum ens non potest esse genus ipsis prædicamentis, quoniam de ip-  
sis denominatiue prædicatur. esse enim quòd ab ente denominatiue dicitur,  
de substantia, & de qualitate, & aliis prædicamentis dicitur: quæ autem de-  
nominatiue de aliquo dicuntur, genera non sunt, sed accidentia: atque hinc  
eliciendum est, quòd problema simplex, quo quæritur, an aliquid sit, referri  
debet ad problema accidentis potius quàm ad problema generis: quæ fuit  
opinio Alexandri, & Auerrois. ita igitur paret genus non prædicari denomi-  
natiue de eo, cuius est genus. quòd etiam definitio non prædicetur denomi-  
natiue, palam est, sed de proprio est difficultas. uidetur enim quòd denomi-  
natiue dicatur de suis subiectis, ut risibile, & scientiā susceptiū, atque ea-  
dem est difficultas de differentia. Duas affert solutiones Alexander, prima  
est, quòd si proprium generi coniunctū prædicatur, ut uult Aristoteles, quòd  
erit oratio, & non nomen, quare non prædicabitur denominatiue. denomi-  
natiua enim non sunt orationes, sed nomina. Alia solutio longe melior est,  
quòd propria non prædicantur denominatiue de suis subiectis. si enim pro-  
prium esset hominis ridere, tunc de homine diceretur denominatiue, quo-  
niam risibile, quòd est denominatiuum, ab ipso ridere de homine dicitur,  
sicuti dicimus iustitiā denominatiue dici de Socrate: quoniam igitur ipsa  
propria sunt, quæ denominatiue dicta sunt, non autem ea, à quibus deducun-  
tur: ideo non dicuntur denominatiue de suis subiectis. idem dicendum est  
de differentia, de qua non meminit philosophus, quoniam ad genus  
reducitur.

*obiectio.*

*duas solutio-  
nes Alexan-  
dri.*

Nam definitio, & proprium nulli alijs inest. Non dixit philosophus definitionem,  
& proprium soli inesse, ut ipsa ab accidente separaret, quasi concederet,  
quòd denominatiue dicantur: sed intelligit, quòd hoc etiam modo manife-  
ste ostendetur id, quòd ponitur non esse proprium, aut definitionē, eo quòd  
de pluribus dicatur: hæc autem soli insunt.



# T O P I C O R V M A R I S T .

## S E C V N D V S L O C V S .

secundus lo-  
cus est à diui-  
sione, si id,  
quod ponitur  
accidere o-  
mnibus, ali-  
cui speciei nō  
insit, neque  
omnibus ine-  
rit. si autem  
nulla inuenia-  
tur species,  
cui non insit,  
omnibus ines-  
se conceden-  
dum est.

*Alius locus est inspicere etc.* Hic est secundus locus ad destruendum problema uniuersale accidentis, quem Alexander dicit esse præceptum. quid autem dif-  
ferat præceptum à loco, superius dictum est, quod scilicet uel est principium  
loci, uel ab eo modo tantum differt, uel est eius ratio. tria autem hic osten-  
dit philosophus. primo enim locum proponit, secundo modum exponit, quod  
eo loco uti debeamus, tertio ostendit ipsum non solum ad destruendum, ue-  
rum & ad construendum conferre. locus quidem talis est, proposito proble-  
mate aliquo, aut affirmatiuo, aut negatiuo diuidere debemus ea, quibus aut  
omnibus, aut nullis quippiam accidere in problemate positum est, & sigilla-  
tim in eorum unoquoque perpendere, an ei conueniat, quod ipsi conuenire  
sumptum est. si enim inueniamus aliquid, cui accidens illud non insit, patet,  
quod uniuersale problema affirmatiuum destruemus. & si aliquid inueniamus,  
cui accidens illud insit, quod nulli inesse sumptum est, patet, quod uniuersa-  
le problema negatiuum destruemus. modus autem, quo hunc locum exercea-  
mus, talis est. debemus enim propositum diuidere in propinquiores, & com-  
muniores species, & in singulis inquirere, nunquid uerum sit propositum: &  
si obiectionem nullā inueniamus, rursus species illas in alias propinquas spe-  
cies diuidemus: atque idem in illis inuestigabimus: neque cessare debemus  
hoc modo obiectionem inquirere, donec ad indiuiduas species deueniamus.  
ita enim certo quodam ordine, & connexu instar cathenæ procedet diuisio:  
atque hoc ostendit philosophus appposito exemplo. ostendit demum locum  
hunc non solum ad destruendum conferre, uerum & ad construendum. si e-  
nim hoc modo, quo dictum est, propositum diuidamus, ac in singulis qui-  
busque, aut saltem in pluribus eorū ostendamus accidens inesse, utique pro-  
babimus problema uniuersale. oportet enim ut aduersarius ipsi assentiatur,  
si instantiam nequit adducere.

tria pro intel-  
ligentia huius  
loci esse agen-  
da.

Pro exactiori huius loci intellectu tria nobis agenda sunt: primo, quæ-  
dam circa philosophi contextum annotanda: secundo, aliquibus propositis  
exemplis locum exercebimus: tertio, difficultates quasdam emergentes dis-  
soluemus. primo igitur notandū est ex Alexandro, quod ubi dicit philosophus,  
*Et usque ad indiuidua*. Non intelligit singularia, quæ numero tantum sunt inter  
se distincta, sed intelligit ipsas species indiuiduas, ad quas usque progredien-  
dum est diuidendo, & ibi consistendum. ut enim admonebat Plato indiuidua  
sunt relinquenda, eo quod cum infinita sint propter æternam eorum, & nun-  
quam deficientem successionem scientia comprehendi non possunt. quod au-  
tem hoc intelligat, philosophus ipsemet indicat in principio huius loci, cum  
dicit, considerandum esse ultimas species, & non in infinitis: secundo no-  
tandum est, quod non solum subiectum problematis diuidendum est, sed e-  
tiam prædicatum: si ipsum quoque diuisionem queat suscipere. philosophus  
autem de subiecti diuisione præcipue meminit, quoniam ex eo præcipua ha-  
betur utilitas. tertio notandum est, quod uerba illa,

uerba philo-  
sophi duplici-  
ter exponi ab  
Alexandro.

*Similiter & si nulli inest*. Dupliciter exponuntur ab Alexandro. una est expositio  
ueram ipsius philosophi sententiam explicans, quod cum ostenderit, quod  
problema uniuersale affirmatiuum destruitur, si ostendamus, quod alicui  
non inest, si particularis negatiua, quæ est eius contradictoria, uera sit, eo  
quod sicut necesse est contradictionis alteram partem esse ueram, ita utran-  
que est impossibile. eodem modo destruetur problema uniuersale negati-  
uum, si ostendamus particularem affirmatiuam esse ueram, scilicet id, quod  
ponitur



ponitur nulli inesse, ostendamus nos inesse alicui. Altera Alexandri expositio est similiter, & si nulli inest, idest quemadmodum problema uniuersale affirmatiuum destruitur ostendendo, quòd alicui non inest, destruetur quoque, si ostendatur, quòd nulli inest, eo quòd sicut uniuersalis affirmatiua, & particularis negatiua non se compatiuntur: ita neque uniuersales affirmatiua, & negatiua. ambas enim esse ueras est impossibile. quarto. notandum est, quòd etsi philosophus proposuerit agere de locis destructiuis, ex quibus scilicet problema uniuersale affirmatiuum destruere sciamus: hic tamen locus non solum ad uniuersale affirmatiuum, sed etiam ad negatiuum; non solum ad construendum, uerum & ad destruendum confert. secundo notandum est dixisse philosophi in omnibus, uel in pluribus propter duas rationes, prima est, quoniam ea uniuersa percurrere uix possumus: quare sufficit aliqua assumere: reliqua autem his esse similia supponere, ut si quis uelit ostendere, quòd omne uiuens habeat animam, sufficiet hoc ostendere in aliquibus speciebus uerum esse. secunda ratio est, quoniam plerunque id, quod dicimus non est in omnibus: uerum instantiam tamen inuenire difficile est: & tunc si illud in multis esse uerum ostendamus, facile existimabit aduersarius ipsum esse uerum in omnibus, ueluti si dicamus, quòd omne animal inferiorem maxillam moueat superiori immobili existente; uel quod maiori bono opponitur, maius malum sit. hæc enim etsi in pluribus, non tamen in omnibus uera sunt.

secunda Alexandri expositio.

SEQUITUR, ut locum hunc propositis aliquibus exemplis exerceamus: primumq; in problemate affirmatiuo: deinde in problemate negatiuo. sit igitur hoc problema propositum, quòd omnium oppositorum sit eadem disciplina, aduersus quod sit nobis disputandum: quoniam igitur opposita quadrupliciter dicuntur ut contraria, ut relatiua, ut priuatio, & habitus, & ut contradictoria. in his igitur omnibus inquiremus, utrum eadem sit scientia: & quoniam uidemus, quòd finitum, & infinitum opponuntur, ut habitus, & priuatio: & finiti quidem est scientia, infiniti autem nequaquam: præterea quoniam uidemus, quòd ens, & non ens contradictorie opponuntur, & ipsius entis est scientia, non entis autem nequaquam: non igitur erit uerum uniuersaliter, quòd oppositorum sit eadem scientia. idem quoque uidemus in scibili, & non scibili; in uero, & falso; possibili, & impossibili. hæc igitur obiiicientes uniuersale illud problema destruemus, quòd oppositorum sit eadem disciplina. eorum enim, quæ ad aliquid sunt, necesse est eandem esse disciplinam, eo quòd ipsorum esse in hoc consistit, quòd aliquo modo ad aliud se habent. aliorum autem oppositorum eadem esse disciplinam non est necesse. rursus sit propositum aliud problema, aduersus quod sit nobis disputandum, ut quòd omne animal spiret: diuidemus animal in uolatile, gressibile, & aquatile, & inuestigabimus utrum horum unumquodque spiret: & quoniam uidemus, quòd ex uolatilibus ea, quæ insecta sunt, ut cicadæ, uespæ, & muscæ non spirant: & ex aquatilibus ea, quæ habent brachia, ideo hæc obiiicientes destruemus positum problema. eodem modo destruemus problema hoc, quòd omnis uirtus sit scientia uirtutem diuidentes in intellectualem, & moralem: ostendentesq; uirtutem moralem non esse scientiam. si autem positum sit problema negatiuum, aduersus quod sit nobis disputandum, ut quòd nullus amor honestus sit: si diuidamus amorem, quòd alius est uehemens appetitus irrationalis uoluptatis, ut dicebat Epicurus, alius est desiderium quoddam sibi comparandi amicos propter pulchritudinem in hoc existentem: alius uero consistit in reminiscencia pulchritudinis alias conspectæ, ut

hunc locum exemplis esse exercendum.



dicebat Plato . si igitur ostendamus aliquem ex amoribus honestum esse , destruemus problema illud positum , quòd nullus amor honestus sit . Ita igitur ex diuisione subiecti destruemus positum problema . ex diuisione autem prædicati hoc modo sit positum problema sapientem non debere esse seditionis participem . si enim diuidamus , quòd immiscere se seditioni dupliciter contingat , uel ut ipsam foueat , & suscitetur ; uel ut sedet . ostendamusq; sapienti conuenire seditionem sedare , positum problema destruemus .

huius loci difficultates esse diluendas.

RELIQVVM modo est , ut difficultates quasdam hic emergentes diluamus . primo , hæc est uera , omnis homo necessario est animal , non tamen licet ad contenta sub ea descendere : neque enim uerum est , quòd Socrates , exempli causa , necessario sit animal . secundo , posito , quòd decem homines trahant nauim , uerum est dicere , ii omnes homines trahunt nauim , falsum tamen est dicere , hic trahit nauim . dicendum est , quòd hic philosophus loquitur de problematibus accidentis , non autem de problematibus de necessario , in quibus descensus fit ad singularia cum nota reduplicationis , non autem absolute , ut omnis homo est animal necessario , ergo Socrates quatenus homo necessario est animal . ad aliud dicendum est , quòd hic philosophus loquitur de uniuersalibus propositionibus diuise sumptis , non autem collectivè .

T E R T I V S L O C V S .

tertius locus à definitione , si definitio prædicati subiecto non inest ; aut prædicatum definitioni subiecti ; aut definitio prædicati definitioni subiecti : neque ipsum prædicatum subiecto inest . si autem illa inest , hoc quoque inest .

*Alius locus est definitiones facere & accidentis , & eius , cui accidit .* Explicemus prius philosophi sententiam : deinde circa contextum quædam annotabimus : postremo hunc locum propositis exemplis exercebimus . in tres , quæ dicit philosophus , apte distingui possunt . primo enim locum explicat , secundo exempla quædam apponit , tertio documentum quoddam affert . locus igitur est à definitione sumptus , & uniuersalis problematis destructiuus . cum enim problema , ad quod disputatio dirigitur , sit categorica propositio : omnis autem categorica propositio ex subiecto constet , & prædicato ; ideo & problema accidentis , de quo nunc agitur , constabit ex subiecto , & prædicato , quod est accidens . iubet igitur philosophus , ut hos terminos definiamus , atque ex ipsis definitionibus inquiramus obiectionem aliquam . cum enim ipsi termini definitione explicantur , facile erit , ut , si qua obiectio ad problema fieri potest , ostendatur exempla , quæ affert philosophus , tria sunt : primum , utrū Deus lædi possit ; secundum , utrum sapiens sit inuidus ; tertium , utrum indignans sit inuidus . documentum autem , quod affert philosophus , tale est , quòd si ex prima horum terminorum definitione obiectionem non inueniamus , non propterea desistamus : sed ea rursus , quæ in prima definitione posita sunt , definiamus . quandoque enim in prima definitione nondum manifestum est , quod quærimus : fit autem manifestum accepta definitione eorum nominum , quæ in prima definitione fuerunt accepta , exempli causa , si sit positum problema , uoluptatem esse bonum , uolentes hoc problema infirmare , uoluptatem definimus ; ut quòd uoluptas est suavis quidam motus . sed quoniam nullam adhuc obiectionem conspiciamus , ideo motum , qui in uoluptatis definitione accipitur , definimus ; ut quòd motus est actus imperfectus , hic statim aperitur instantia , quòd uoluptas non est bonum . nullum enim imperfectum est bonum , at uoluptas est quid imperfectum , ergo uoluptas non est bonum .

Exemplum.

quatuor esse annotanda.

CIRCA cōtextū philosophi quatuor præcipue annotanda sunt . primo cū dicit , *Aut utriusque secundum utrumque , aut alterius .*

ADMONET



ADMONET philosophus, aliquando utriusque termini subiecti scilicet etiā prædicati dandam esse definitionem, aliquando uero alterius tantum alterius quidem, quoniam alterum perspicuum sit, & notum. si autem neutrum notum sit, utrumque definiatur, sed seorsum, & per se alterum, quodq; ne scilicet utrumque simul definiamus, ut cum definimus hominem ambulantem, quod est animal gressibile, bipes, quod cruribus defertur: itaque considerare debemus nunquid definitio prædicati insit subiecto; nunquid prædicatum insit definitioni subiecti; & nunquid definitio prædicati insit definitioni subiecti. secundo, notat Alexander, quod illud *ἐστὶ θεὸν ἀδικεῖν*, exponi debet, utrum Deus lædi possit: cui expositioni fauent dicta philosophi. ubi postea dicit *ὅτι οὐκ ἐστὶ θεὸν ἀδικεῖσθαι. & οὐ γὰρ ἐνδέχεται ἐλαττωθαι τὸν θεόν*. alii exponunt, utrum Deus nocere possit: & sequentia uerba illud scilicet *ἀδικεῖσθαι*, & illud *ἐλαττωθαι* actiue exponunt. tertio, notat Alexander tertium exemplum à philosopho allatum posse etiam esse *ὀρικόν*, idest definitioni annexum. id autem est, utrum *νεμεσιτικός* sit inuidus: si hoc modo quærat utrum *νεμεσιτικός* idem sit, quod inuidus, problemata de eodem, ut uidimus in primo libro, definitioni sunt annexa. quarto, notandum est, quod sumendas esse pro nominibus, quæ in definitionibus sunt, definitiones, dixit philosophus duabus rationibus, uel scilicet quoniam nomina illa sint æquiuoca, uel quoniam alioqui obscura æquiuoca; ut si quis definiret sanum, quod est id, quod est commensuratum ad sanitatem, illud commensuratum æquiucum est: effectiuum enim sanitatis, quantum est. indicatiuum uero est quale, ut dictum fuit superius in capite decimotertio primi libri loco nono, uel alia ratione obscura, ut cum quis definit uoluptatem esse leuem quendam motum. obscura autem dicuntur hæc nomina, eo quod nondum ostendunt obiectionem aliquam aduersus problemata. *non enim in eo est, ut ostendatur, quod deus non sit inuidus, aut superest, ut hunc locum aliquibus exemplis exerceamus; & quoniam aliquando prædicatum tantum, aliquando subiectum tantum, aliquando utrumque est definiendum, ostendamus sigillatim, quomodo ex hoc loco instantiæ inueniantur aduersus positum problema. ex definitione igitur prædicati hoc modo procedemus. sit positum problema, utrum Deus possit aliquem iniuria afficere, si definiamus, quod iniuria afficere est præter rationem sponte alicui nocere, manifestum est hoc abesse à Deo. eodem modo ostenderemus Deum non irasci. si enim irasci est uindictam ab eo expetere, qui læsisse existimetur, cum hoc in Deum non cadat, patet, Deum irasci non posse. eodem pacto ostenderemus Deum neque tristari, neque timere; siquidem tristitia sit perturbatio à præsentī malo: timor autem perturbatio ab imminenti: Deus autem neque percipere, neque expectare malum aliquod potest. eodem modo ostenderemus sapientem non esse inuidum, siquidem inuidus est, qui bonorum prosperitate, successu affligitur, sapiens autem talis non sit. ex definitione autem subiecti hoc modo procedemus, si sit positum problema, utrum anima sit immortalis, ostendemus nos ipsam non esse immortalem ex eius definitione hoc modo; si enim definiamus animam, quod est spiritus quidam sensitivus, patet, quod non est immortalis: omnis enim spiritus est corruptibilis, ita quoque, si dicamus ipsam esse actum corporis naturalis organi, ut ipsam definit Aristoteles, ostendemus ipsam non esse immortalem, eo quod nullus actus separabilis est ab eo, cuius est actus, quo fit, ut anima sit à corpore inseparabilis. ac eadem methodo ostendemus ipsam non esse mortalem (utranque enim contradictionis partem probabiliter probat dialecticus) si ipsam hoc modo definiamus, quod anima est substantia per se mobilis,*

quid sibi uoluit uerba philosophi, & quomodo exponi debent.

locum hunc exemplis esse exercendum.

ut



ut dixit Plató, quod enim est per se mobile, est semper mobile, quod autem est semper mobile, est immortale; anima igitur est immortalis. ex definitione autem utriusque termini subiecti, scilicet & prædicati hoc modo procedemus, sit positum problema, utrum indignans, qui longe melius à Græcis dicitur *νεμεσιτικός* sit inuidus: si enim horum utrumque definiamus problema destruemus: si enim indignans est, qui malorum prosperitate succenset, inuidus autem, qui bonorum prosperitate affligitur, patet, quod indignans non est inuidus. eodem modo probabimus tyrannum non esse felicem: si enim tyrannus est princeps iniustus, felix autem, qui secundum uirtutem operatur, & uiuit, patet, tyrannum non esse felicem. eodem modo ostendemus sapientem non esse diuitem: siquidem diuitiæ consistant in pecuniarum possessione, sapientia autem in possessione uirtutis.

Q V A R T V S L O C V S .

quartus locus à mutatione problematis in propositionem problema disputadū mutadū est in propositionem dialecticam: itaque aduersus eam instantia est inquirenda.

*Amplius problema propositionem factum etc.* Explicemus prius philosophi sententiam; postea, quoniam hic locus idem esse uidetur cum secundo loco, ipsos comparabimus: postremo locum exercebimus. Philosophus igitur primo locum proponit: deinde ostendit, quidnam, differat à secundo loco. Locus est præceptorius, quod debemus assumere ipsum problema, quod propositum est, & ipsum in dialecticam propositionem transmutare, & aduersus hanc propositionem instantiam inquirere. instantiam autem inquirere debemus diuidendo terminos propositionis, sicut in secundo loco dictū fuit. secundo admonet philosophus, quod hic locus idem fere est cum secundo loco, in quo dicebatur, quod considerare debemus, quibus inesse uel omnibus, uel nulli dictum est: sed ab eo differt modo. in eo enim non deducebamus problema ad propositionem dialecticam, sed absque hoc instantiam inquirebamus.

SED uideamus quidnam hic locus cum secundo conueniat, quid ab eo differat, & qua re mutatio fiat problematis in propositionem. conuenit autem quoniam sicuti in eo secundo loco diuidentes ipsos terminos tum subiectū, tum prædicatum in suas species, atque has rursus in alias species, donec instantiam aliquam inueniamus aduersus problema. idem in hoc quoque loco fit, unde elicitur, quod præceptum ibi traditum, ut recte procedat diuisio, hic quoque est obseruandum: præterea quod sicut ille locus erat destructiuus problematis uniuersalis affirmatiui, & uniuersalis negatiui: ita quoque hic, ita igitur conuenit hic locus cum illo. differt autem ab eo modo tantum, eo quod ibi problema non transmutamus, sed aduersus ipsum instantiam statim inquiremus. hic autem ex problemate primum propositio fit: deinde aduersus propositionem inuestigatur instantia. quare autem mutatio fiat problematis in propositionem, ratio est, quoniam promptius, & facilius aduersus propositionem, quàm aduersus problema instantias inuenire possumus.

LocI exercitium ostendemus tribus propositis exemplis. sit positum problema, utrum uirtus sit scientia. hoc problema ad propositionem deducemus hoc modo, nunquid omnis uirtus est scientia (hic enim intelligendum est de propositione dialectica) proponentes igitur nobis ipsis hanc propositionem instantiam inquiremus ad uirtutis species inspicientes: & quoniam quædam est uirtus patibilis animæ, & affectuum capacis; quædam uero animæ intelligentis, & uirtus patibilis animæ non habet esse in cognitione: neque ex disciplina acquiritur, sed ex consuetudine, & moribus: unde & moralis



ralis dicta est, ideo hoc obiicentes ostendemus non omnem uirtutem esse scientiam, cum omnis scientia in cognitione esse habeat, & per disciplinam acquiratur. sit rursus propositum problema, utrum omnis uoluptas sit bonum, hoc ipsum problema in hanc propositionem mutabimus, nunquid omnis uoluptas est bonum, & ex uoluptatis diuisione inuenientes, quod irrationalis uoluptas non est bonum, problema propositum destruemus. eodem modo destrueremus, quod solum honestum sit bonum inuenientes, quod sanitas, cum sit bonum, non est aliquid honestum.

### QVINTVS LOCVS.

*Amplius determinare, quæ oportet dicere etc.* In huius loci expositione philosophi sententiam primo explicabimus: deinde circa contextum, si qua erunt annotatione digna, annotabimus. postremo locum exercebimus. philosophus primo locum explicat: admonetq; ipsum esse constructiuum, & destructiuum. secundo ipsum locum exemplo manifestat. locus quidem est, quod oportet determinare quænam accipere debeamus secundum communem consuetudinem: quæ autem non ut scilicet nominibus rerum uulgo acceptis utamur. quomodo autem res se habeant, non cum uulgo, sed cum sapientibus sentire debemus: exemplum autem, quo hoc ostendit, est salubre. id enim quod est sanitatis effectiuum, salubre appellare debemus. hoc enim est nomen consuetum, & probatum: quidnam autem salubre sit, ut quisnam febrienti salubris sit uictus, non ut multi, sed ut sapientes sentire debemus. circa contextum philosophi, notandum est, quod magis connexa erit oratio, si uerba illa,

*Vtile autem & ad construendum, & ad destruendum.* Ad finem textus reponamus. Videntur enim ea uerba ibi interiecta orationem quodammodo interturbare. hoc autem plerunque efficere consueuerunt græci interpretes. secundo notandum est, quod uerba illa,

*Quemadmodum plures dicunt.* Apud Alexandrum leguntur cum particula, aut, *Aut quemadmodum plures dicunt.* Et ab eo dupliciter exponuntur. prima expositio est uel quemadmodum multi dicunt, quoniam aliis etiam modis salubris nomine utuntur. nam & indicatiuum, & susceptiuum sanitatis salubre dicitur. secunda expositio est, uel quemadmodum multi dicunt, quoniam hoc nomen, quod pro exemplo sumptum est, non est curandum: sed uel ita, uel aliter multi usurpent, ita ut multi nominibus uti debemus. si autem legitur textus sine particula, aut, ut legitur in uulgatis codicibus, planior est sensus, quod sanitatis effectiuum appellandum est salubre, quemadmodum appellant multi. & hanc etiam lectionem magis approbat Alexander.

Ex hoc autem textu elicienda est hæc sententia celeberrima, quod loquendum est, ut multi, sentiendum autem, ut sapientes, loquendum quidem ut multi: quoniam nisi seruemus communem loquendi consuetudinem, sed unicuique liceat nomina pro libito confingere, breuiter destrueretur sermonis communio. sentiendum autem ut sapientes, cum enim uulgi rerum naturas, & proprietates ignoret, ideo ab eius iudicio abscedendum est: ac his potius, qui circa huiusmodi enixe occupantur, adhærendum est. sed quoniam etsi constet ex communi consuetudine petendam esse loquendi rationem, ut hoc loco admonet philosophus; ambigunt tamen nonnulli; quænam sit hæc consuetudo; unde loquendi ratio sit desumenda, utrum scilicet in uulgo, an in scriptoribus potius; & his an recentibus, an antiquis sit consti-

quintus locus. à uulgari consuetudine, & sapientum opinione. si aliquid ponitur accidere aliqui uel præter loquendi consuetudinem, uel præter sapientum opinionem, illud non inerit. loqui enim debemus, ut multi sentiant, ut sapientes.

sententiam ex hoc textu esse eliciendam.



constituenda: ideo dicendum est loquendi rationem desumenda esse ex recentibus potius, quam ex antiquis: si lingua, in qua scribimus, corrupta, & uitiata non sit. si autem sit corrupta, tunc ex scriptoribus eius ætatis est petenda, qua in suo uigore, ac perfectione fuerit: atque ideo errarunt posteriores latini, qui sui tēporis potius lingua, quam prioris illius sæculi usi sunt. errabant etiam, qui Ciceronis tempore uixerunt, & antiquorum scribendi modum affectarunt, sicut & nunc errant, qui in uulgari nostra lingua antiquorum scribendi modum plus satis affectant, cum tamen hæc lingua nulla ex parte corrupta sit.

RELIQVVM est, ut locum hunc aliquibus exemplis exerceamus. & quoniam hic locus, ut admonet philosophus, ad construendum, & destruendum confert, ideo ex eo destrueremus problemata illa stoicorum, quòd solus sapiens diues sit. cum enim hoc nomen diues uulgo significet eum, qui multas opes possidet, & sapiens talis non sit, patet, sapienti diuitis nomen non cōuenire, eo quòd in rerum appellatione communi consuetudini est adhærendum. ita si quis tueri uellet diuitias esse summum bonum, uel quòd sanitas sit felicitas, aut felicitatis pars, eo quòd scilicet uulgus ita opinetur, hoc destrueremus nos, quia in rebus diiudicandis non uulgarium opinioni, sed sapientum assentiiri debemus. construeremus autem, quòd sanitatis effectuum salubre sit appellandum, eo quòd uulgus ita appellet, & quòd felicitas præcipue consistat in actione secundum uirtutem, eo quòd sapientes ita sentiant.

S E X T V S L O C V S.

sexthus locus, ab æquiuocatione. si aliquid significatum multiplicis non inest, male ponitur indistincte ipsum inesse. si autē aliquid inest, male ponitur indistincte non inesse.

*Amplius si multipliciter dicatur.* IN huius loci expositione primo ipsum locū explicabimus. secundo ostendemus, quomodo sit constructiuus, & destructiuus. tertio circa contextum quædam annotabimus. Hic igitur locus est, quòd si id, quod ponitur in problemate, multipliciter dicatur, ipsum debemus distinguere, atque ostendere uel in aliquo significato, uel in omnibus non ita esse, sicuti in problemate simpliciter positum est. quomodo autem ea, quæ multipliciter dicuntur, distinguere debeant, in primo libro capite xiii. abunde dictum est. sed quoniam aliter agēdum est, si obscurum sit, & lateat, quod multipliciter dicatur. aliter uero, ubi conspicuum sit, ostendamus hæc sigillatim. si igitur lateat æquiuocatio, debemus nos eius significata spectare, atque uel in omnibus, uel si in omnibus non liceat in aliquo ostendere, non ita esse, prout simpliciter in problemate positum est: in omnibus quidē ostendere possemus, si positum esset problema, quòd philosophari non conueniat, distinguentes quòd philosophari dicitur, & hoc ipsum inquirere, utrum philosophari conueniat, uel non: præterea & in philosophica contemplatione uersari, ostendentesq; quòd horum utrunque quā maxime homini conuenit: positū problema in omnibus significatis destrueremus. in quibusdā autem significatis destrueremus problema, si positum esset, quòd dormiens non sentit: distinguentes enim quòd sentire dupliciter dicitur actu, & potestate, facile ostendemus, quòd dormiens potestate sentit, ita quoque si positum esset problema, quòd sapientem oporteat ciuilia opera tractare, distinguemus illud, oportet quòd aliquando significat honestum, aliquando utile, aliquando necessarium: honestum, ut cum dicimus oportere parentibus obedire, aut secundum uirtutem uiuere: utile, ut cum dicimus oportere exercitiis uti, aut uictus ratione: necessarium, ut cum dicimus omne genitum corrumpi oportet. si igitur ostēdamus sapienti non esse necessarium, neque



neque utile ciuilia tractare, problema illud destruemus, eo quòd hæc significat, eadem ratione oppositum quoque problema destrueremus, quòd scilicet sapientem non oportet ciuilia tractare, ostendentes scilicet quòd honestum est patriæ consulere, & auxilium ferre: oportet autem honestum significat. Sed notandum est, quòd ubi in omnibus significatis destruere possumus problema, tunc manifeste, & aperte distinctionem efficere debemus, eius quod multipliciter dicitur. ubi autem non in omnibus, sed in aliquibus tantum hoc effici potest, non debemus distinctionem exponere; sed tantum instantiam afferre: ita igitur procedemus, ubi lateat, & obscurum sit multiplex esse ipsum problema. at si conspicua sit, & nota æquiucatio, non hoc modo instantiam afferre debemus, eo quòd qui problema tuetur, facile redarguet nos, tanquam non ad id, quod ponitur, sed ad nomen, & sophisticè instantiam afferentes: ut si quis poneret, quòd animal sit uiuens, non deberemus obiicere, quòd picta animalia non sint uiuentia, eo quòd manifesta est æquiucatio animalis. simul & patet, quòd sermo est de uero, non de picto animali: si igitur manifesta sit æquiucatio, hoc modo procedemus, ac uel in omnibus significatis destruere tentabimus problema: uel si hoc non liceat in aliquibus, hoc faciemus, ostendemusq; quòd problema non est uerum simpliciter, ut positum est, sed in aliquibus est uerum, in aliquibus falsum.

Hic autem locus aptus est, non solum ad destruendum problema uniuersale tam affirmatiuum, quam negatiuum, sed etiam ad construendum, idest confirmandum utrunque horum problematum: differentia tamen est, eo quòd destruendo sufficit ostendere particulariter, ut si uelimus destruere problema uniuersale affirmatiuum, sufficit ostendere, quòd alicui non insit: si uelimus destruere uniuersale negatiuum, sufficit ostendere, quòd alicui insit: at si uelimus construere, non sufficit particulariter ostendere, ut quòd alicui insit, aut alicui non insit: ideo in iis considerare debemus utrum uniuersaliter probare possimus, præterquam descendamus ad particularia significata: quòd si hoc non liceat, consideremus, utrum probare possimus, quod cupimus in omnibus significatis: quòd si hoc etiam non liceat, tunc probatione ex suppositione, uel ex confessione dicta uti debemus. uniuersaliter quidem probaremus, exempli causa, uti probat geometra, quòd omnis triangulus habet tres angulos duobus rectis pares, uel negatiue, quòd diameter non est lateri quadrati commensurabilis. in omnibus autem significatis ostenderemus, quòd philosophiæ sit opera danda, ut superius diximus. cum autem in aliquibus tantum significatis probare possemus, ex suppositione procedere-mus in problemate affirmatiua hoc modo. si probandum esset omnem animam esse immortalem, supponeremus, quòd sicuti in una anima se habet, ita se habet & in reliquis: itaque ostenderemus humanam animam esse immortalem, aut Platonica illa tam speciosa ratione, quoniam sit substantia per se mobilis; aut illa Aristotelica, quoniam omnes formas materiales recipiat: atque hoc modo concluderemus omnem animam esse immortalem. eodem modo ostenderemus, quòd omnis sensus per passionem quandam susceptionem efficit præaccipientes, quòd de omnibus sensibus confirmile sit iudiciū, ac ostendentes, quòd tactus sentiendo patitur, ita si libeat ostendere, quòd oppositorum sit eadem disciplina, hoc efficiemus præaccipientes idem de omnibus oppositis esse iudicium, atque hoc in relatiuis uerum esse ostendentes. similiter ostenderemus, quòd omne oppositum fiat ex opposito, eo quòd contrarium fiat ex contrario. in problemate autem negatiuo eodem

qui sit iste locus.

Exemplum.

K pacto



# T O P I C O R V M A R I S T .

pacto procedemus , ut si libeat ostendere , quòd nulla anima sit immortalis , præaccipiemus , quòd de omnibus animabus idem sit iudicium : atque ostendemus , quòd plantarum , & brutorum animæ non sunt immortales : ita enim conficietur nullam animam esse immortalem .

quædā circa  
contextū phi-  
losophi esse  
annotanda .

CIRCA philosophi contextum quædam sunt annotanda , & primo , quòd philosophus in hoc loco per multiplicia intelligit æqui-uoca . secundo , quòd ut magis connexa appareat oratio philosophi , pars illa :

*Hic autem locus conuertitur .* ulque ad partem eam ,

*Si autem non lateat* , debet transponi , & ad finem textus collocari . tertio notandum est , quòd philosophus hoc loco per construere intelligit problema tueri uel uniuersale affirmatiuum , uel uniuersale negatiuum : sicuti per destruere intelligit disputare aduersus problema . quatuor notandum est , quòd syllogismi ex suppositione duplices sunt : quidam , qui hypothetici uulgo dicuntur ; quidam uero , qui alio nomine appellantur syllogismi ex confensione , de quibus in fine etiam primi libri actum est , ubi ostēdebat philosophus ad quæ utilis esset similitudinis consideratio .

quid eliciendi  
dū sit ex hoc  
contextu .

ELICIENDVM autem est ex hoc textu primo , quòd in re multiplici nō est sine distinctione loquendum : alioqui enim redargutione digna erit oratio nostra . secundo eliciendum est , quòd ad destruendum sufficit unum , ad construendum requiruntur multa : & ideo dicit philosophus , quòd si uelimus destruere , non est necessaria probatio ex suppositione , sicuti ne cessaria est ubi uelimus construere .

difficultates  
quasdam esse  
dissoluendas .

CIRCA sextum locum quædam sunt dissoluendæ difficultates . prima est , quomodo dixerit philosophus , quòd solum uti debemus probatione ex suppositione , quando communem in omnibus sermonem efficere non possumus , sicuti facit geometra de triangulo . hoc enim male dictum esse uidetur , cum hic sermo sit de æqui-uocis . in æqui-uocis autem cum non habeant communem materiā , non possit fieri communis sermo . dicendum est hoc accipi debere in uni-uocis , non autem in æqui-uocis : sed dices hic esse sermonem de æqui-uocis , dicendum est , quòd etsi sermo sit de æqui-uocis , tamen , quoniam ostendit philosophus usum probationis ex suppositione , quæ probatio non minus etiam usui est in uni-uocis , ideo admonet , quòd hac probatione in ipsis uni-uocis uti non debemus , si uniuersaliter probare possimus . secunda est dubitatio , cur ubi latet multiplicitas , instantiam afferre doceat philosophus . ubi autem manifesta est multiplicitas , non uult , ut instantiam afferamus . sed , ut alio modo procedamus , dicendum est hoc fieri , quoniam qui multiplicitem ignorat , arbitratur id , quod multiplex est , esse uni-uocum , & ideo allata instantia ipsum destruere existimat . at ubi multiplicitas est manifesta , nihil prodest instantia , eo quòd in omnibus significatis non est eadem ratio , sicut in uni-uocis .

septimus locus  
ab amphibologia . si  
orationem ambiguum  
secundum aliquod  
significatum  
ueram non esse  
ostēdamus :  
neque ita in-  
distingue pro-  
lata uera erit .

## S E P T I M V S L O C V S .

*Rursus quæcunque non secundum æqui-ocationem dicuntur .* IN huius septimi loci expositione primo philosophi contextum connectemus cum superioribus . secundo explicabimus sententiam philosophi , & locum exercebimus . tertio quædam circa contextum annotabimus .

CONNECTITVR hic locus cum superiori , quoniam eorum , quæ multipliciter dicuntur , quædam penes dictionem sunt multiplicia , quæ appellantur æqui-uoca ; quædam sunt multiplicia penes significatum , quæ appellantur

*ἀνολο-*



*ἀμφίβολα*, uel ambigua. cum superius docuerit philosophus, quomodo differendum sit ad problemata, in quibus est aliquid æquiucum: nunc de his agit, in quibus est aliquid ambiguum. quæ autem dicit philosophus, in quinque partes diuidi possunt. primo enim proponit locum, explicatq; apposito exemplo: secundo admonet, an semper pro sit omnia significata ipsius multiplex explicare: tertio, quoniam sicut & in æquiucis dictum fuit, ambiguitas quandoque latet, quandoque est manifesta; docet, quomodo in his procedendum sit: quarto, quoniam hic locus & ad construendum confert, & ad destruendum, quomodo in construendo procedendum sit, & quomodo in destruendo: postremo admonet hunc locum præcipue utilem esse in ipsis relatiuis.

Locvs autem est, quòd considerare debemus, utrum in problemate sit aliquid ambiguum: atque eius significata spectare, ostendereq; uel in omnibus significatis, uel in aliquibus non ita esse, quemadmodum in problemate sumptum est, exempli causa, si sit positum problema, scientiam aliquam esse aliquorum plurium, ut quòd medicina sit scientia sanitatis, & boni habitus, quoniam hæc oratio plurium eandem esse scientiam est multiplex, debemus ipsum distinguere. est autem eadem plurium scientia, uel ut finis, & eorum, quæ sunt ad finem, quemadmodum domificatiua est scientia domus, ut finis: & eorum, per quæ domus fit, ut eorum, quæ sunt propter finem. eodem modo & medicina est scientia sanitatis, ut finis: & eorum, quæ sunt effectiua sanitatis, ut uictus rationis, pharmacorum uisionis, sectionis, ut finis gratia. secundo modo dicitur eandem esse plurium scientiam, ut finium, sicuti dicimus contrariorum eandem esse scientiam, ut medicinam sanitatis, & morbi; musicæ sonori, & insonori; gymnasticam boni habitus, & mali habitus. qui enim cognoscit bonum habitum, & malum habitum, non ita ea cognoscit, ut alterum sit finis, alterum effectiuum finis, sed utraque ut fines. sicut enim bonus habitus est finis eorum, quæ boni habitus sunt effectiua, ita malus habitus finis est eorum, quæ mali habitus sunt effectiua. quare gymnastica hæc utraque cognoscit ut fines, etsi enim gymnastica non sibi proponat malum habitum efficiendum (nulla est enim ars præter dialecticam, & rhetoricam, quæ utrunque oppositorum intendat) attamen malus habitus est finis: neque enim magis bonus habitus finis est eorum, quæ ipsum efficiunt, quàm malus habitus eorum, quæ sunt ipsius effectiua. quare qui hæc cognoscit, utraque cognoscit ut fines. tertio modo dicitur eandem esse plurium scientiam unius quidem per se, alterius uero per accidens. quælibet enim scientia quædam cognoscit per se, quædam per accidens: per se ea, quæ primario considerat: per accidens uero ea, quæ his accidunt, sicuti medicina per se quidem est sanitatis: per accidens autem boni coloris, & bonæ respirationis, quæ sanitati accidunt: præterea medicina per se quidem cognoscit eum, in quo uitiosi humores redundant, purgandum esse, & ægrotantem leuiter esse nutriendum. per accidens autem cognoscit, quòd hæc exhibenda sint, ut purgantia, aut illa ut leuiter nutrientia. accidit enim quòd hoc quidem sit purgans: illud uero leuiter nutriens. eodem modo geometra per se quidem cognoscit triangulum habere tres angulos pares duobus reëctis: per accidens autem cognoscit, quòd æquicrurum, quoniam triangulo accidit, quòd æquicrurus sit: cum igitur hæc oratio dicens, quòd plurium sit eadem scientia, sit ita multiplex, ut ostendimus, si positum sit, quòd aliqua scientia sit plurium ostendentes nos, quòd non est plurium, uel in omnibus significatis, uel in aliquibus destruemus ipsum problema: & hic diuisio-

si autē ipsam in aliquibus significatis esse uerā ostendamus, absolute quoque ipsam, ut uerā accipere poterimus.

exemplum.



quid notādū,

ne illa uti debemus, qua in superiori loco uſi ſumus. uel enim latet multiplicitas, uel manifeſta eſt. Si latet, conſideremus an in omnibus ſignificatis deſtrui poſſit problema, uel in aliquibus tantum: ſi in omnibus deſtrui poſſeſt, aperte diſtinguere poſſumus ſignificata: ſi in aliquibus tantum, non debemus diſtinctionem explicare, ſed ſolum inſtantias aſſerre. ſi autem ambiguitas nota ſit, uel in omnibus ſignificatis deſtrui debet problema, aut ſi non poſſit, oſtendendum ſaltem ipſum non ſimpliciter eſſe uerum, ut poſitum eſt, ſed in aliquo ſignificato uerū eſſe, in aliquo falſum: atque ita & problema aſſeruium deſtruemus, & problema negatiuum. aſſeruium quidem, ut ſi poſitum eſſet, quòd medicina ſit ſcientia ſanitatſis, & boni habitus: ſi oſtendamus, quòd non eſt horum ſcientia, ut finis, & effectiui ipſius finis, neque ut duorum finium: neque enim bonus habitus eſt contrarius ipſi ſanitati: neque eſt finis eorum, quæ ſalubribus opponuntur. ſemper autem quando aliqua ſcientia plurium eſt, ut finium illa plura ſunt contraria: neque eſt unius per ſe, alterius per accidens: neque enim ſanitati accidit bonus habitus, non igitur medicina eſt ſcientia ſanitatſis, & boni habitus. eodem modo deſtrueremus, quòd domificatiua ſit ſcientia domus, & ſanitatſis pariter deſtrueremus, quòd rhetorica ſit iuſti ſcientia, oſtendentes enim quòd non eſt ſcientiæ iuſti, ut finis, neque ut effectiui ipſius finis: neque enim ipſum iuſtum finis rhetoricæ eſt effectiuum, ſed neque eſt ſcientia iuſti per accidens, neque enim iuſtum accidit fini rhetoricæ. problema hoc deſtruemus, quòd rhetorica ſit iuſti ſcientia: eodem modo ſi in problemate ponatur eundem eſſe appetitum aliquorum plurium, oſtendentes nos, quòd non ſit, neque ut finis, & eorum, quæ gratia finis: neque ut per ſe, & per accidens problema deſtruemus. eſt autem appetitus, ut finis, ſicut eſt in agro appetitus ſanitatſis. eorum uero, quæ ſunt gratia finis, ut in eodem eſt appetitus medicamenti, ſectſionis, aut uſtionis. ideo enim hæc appetit, quia per hæc efficitur ſanitas. eſt autem appetitus plurium per ſe, & per accidens, quemadmodum ſi dicamus, quòd qui dulcibus delectatur appetens uinum dulce, appetat uinū, & appetat dulce: ſed dulce quidem per ſe, uinum uero per accidens. accidit enim ei, quòd ipſe appetit eſſe uinum, quod enim non appetat uinum quatenus uinum; ſed quatenus dulce eſt. ſignum eſt, quòd auſterum uinum non appetit, quamuis etiam auſterum uinum ſit: præterea quòd alia etiam dulcia, quæ uinum non ſunt, eodem modo appetit. negatiuum etiam problema deſtrueremus (quod conſtruere eſt) ut ſi poſitum eſſet problema, quòd medicina non ſit ſcientia ſanitatſis, & boni coloris: oſtendemus, quòd eſt ſanitatſis quidem per ſe, boni uero coloris per accidens. Notandum autem, quòd non ſemper prodeſt omnia ſignificata ipſius ambigux orationis explicare; ſed ſolum explicari debent ea, quæ nobis utilia ſint. ſi enim propoſitum nobis ſit conſtruere problema, ea ſolum ſignificata explicabimus, in quibus propoſitum probare poſſumus, cetera prætermitemus. etſi uelimus problema deſtruere, ea ſolum ſignificata ſunt explicanda, in quibus oſtendere poſſumus non ineſſe, quod ſumptum eſt ineſſe. ut ſi probare uelimus, quòd medicina ſit ſcientia ſanitatſis, & boni coloris, oſtendemus, quòd eadem ſcientia dicitur plurium, quando unius eſt per ſe, alterius per accidens: & quòd medicina eſt ſanitatſis per ſe, boni coloris per accidens; contra uero ſi hoc problema uelimus deſtruere, quòd medicina ſit ſcientia boni habitus, & boni coloris, aſſumemus, quòd eadem ſcientia plurium dicitur; uel ut finis, & eorum, quæ ſunt gratia finis; uel ut finium. oſtendemusq; quòd medicina neutro modo eſt ſcientia boni habitus, & boni coloris: itaque propoſitum concludemus.

annotauit



annotauit demum Aristoteles, hunc locum utilem esse in reatiuis. confert enim in his, quæ plurium esse dicuntur. aliquid autem aliorum dici, ad aliquid est: unde omnia etiam exempla allata sunt ad aliquid.

CIRCA contextum philosophi quatuor præcipue sunt annotanda. primo, quod in principio, ubi dicitur, *Quatuor esse*

quatuor esse  
annotanda cir-  
ca contextum  
philosophi.

*Rursus, quæ non secundum æquiuocationem dicuntur multipliciter, sed alio modo.* multa uerba deficiunt, quæ subintelligenda sunt ex sexto loco. supplere enim debemus. positum autem sit, quod inest, aut non inest alterum demonstrare eorum, quæ multipliciter dicuntur, si utrumque non contingat. Secundo, quoniam dicit philosophus, geometram per se quidem cognoscere, quod omnis triangulus habeat tres angulos pares duobus rectis. per accidens autem, quod æquicrurus triangulus, eo quod æquicrurus accadat triangulo. mirum uideri posset, quomodo species dicatur accidere generi, dicendum est, quod accidens dupliciter accipi solet; uel quod distinguitur à substantia, & nouem prædicamenta complectitur; uel quod non est de rei essentia, & hoc modo hic loquitur philosophus. cum enim species non sit de essentia generis, ipsi dicitur accidere, hoc etiam modo dictum fuit in prædicamentis hominem accidere dominio, & secundo de anima albo accidere diarii filium.

Tertio notandum est, quod uerba illa, *Quatuor esse* *Diuidere autem quotupliciter utile est.* dupliciter exponuntur. prima expositio est, ut hoc documentum accipiamus de proposito exemplo. cum enim, sicuti diximus, pluriū eandem esse scientiam, tria habeat significata, non semper hæc omnia debemus explicare, sed ea, quæ possimus construere aut destruere. Alia est expositio longe melior, ut non de hoc particulari exemplo, sed de omnibus, quæ hoc loco tractari possunt, intelligamus. pleraque enim alia sunt præter ea, quæ diximus scientiam scilicet, & appetitum, quæ pluriū esse dicuntur, quod innuere uoluit philosophus illis uerbis,

uerba philo-  
sophi duplici-  
ter exponen-  
da.

*Et quæcumque alia plurium dicuntur.* exempli causa, scire omnia dupliciter dicitur, uel scilicet uniuersaliter, & secundum commune id, quod in omnibus reperitur; uel secundum omnia particularia, uniuersaliter scimus quod omnes. qui plura accipiunt suffragia, uicerunt, & scit uniuersaliter geometra, quod omnis triangulus habet tres angulos pares duobus rectis: secundum autem particularia scimus, exempli causa, quod omnia animalia hic existentia homines sunt. cum igitur cognoscere omnia dupliciter dicatur, si uelimus eum refellere, qui dicit se scire, quod omnes, qui plura retulerunt suffragia, uicerunt, debemus ad aliud significatum orationem deducere, & aliquem proferre, quem ipse non cognouerit: hunc quidem non cognoueris, non ergo omnes, qui plura retulerunt suffragia, uicisse sciebas. eodem modo obici poterit, si quis uelit refellere aliquem scire, quod omnis triangulus habeat tres angulos pares duobus rectis, cuius rei meminit Aristoteles in primo Posteriorum, & Theophrastus in libro suo de his, quæ multipliciter dicuntur, proferet enim aliquem absconditum triangulum dicens, hunc quidem triangulum non nosti, neque igitur sciebas, quod haberet tres angulos duobus rectis pares, non ergo sciebas, quod omnis triangulus habeat tres angulos duobus rectis pares. soluuntur autem hæc argumenta ex distinctione prius relata. alia præterea sunt, quæ plurium esse dicuntur, ut sensus. plurium enim est sensus aliorum quidem propriorum; aliorum uero communium, & aliorum per accidens. eodem modo causa plurium dicitur, uelut efficiens, uelut finis, uelut materia; uelut forma: atque hinc ostendere poterimus, quod auditus colores non cognoscit; neque enim ipsos cognoscit, ut sensibi-

obiectio.

solutio obie-  
ctionis.



le proprium, neque ut commune, neque ut per accidens; neque enim sono accidit color: pariter ostendemus uacuum non esse causam motus. cum enim causa quadrupliciter dicatur, uacuum nullo modo potest esse causa motus.

OCTAVVS LOCVS.

octavius locus à transmutatione nominis. aliquando nomen eius, quod est in quaestione positum, mutandum est in aliud, quod idem significare uideatur. sed aptius sit ad propositum demonstrandum.

*Amplius transferre ad euentius nomen.* IN hoc loco tradendo philosophus primo exponit locum allatis exemplis: deinde ostendit ipsum esse constructiuum, & destructiuum.

VT AVTEM hunc locum explicemus, primo dicendum, quinam sit locus iste; deinde eius usus est ostendendus tum in destruendo, tum in construendo. locus igitur est ex transumptione nominis, quod scilicet debemus nomen in problemate existens ad nomen notius transmutare: itaque tentare argumentari. facilius enim hoc modo transmutantes nomen poterimus construere, & destruere. si enim destruere uelimus, exempli causa, & ostendere, quod sapiens non est curiosus, curiosi nomen transmutabimus in cupidum superfluarum rerum. (ita enim licet minus apte dicimus, quod dicunt Græci πολυπράγμονα, καὶ φιλοπράγμονα.) hoc enim nomen curiosum nondum culpam aliquam uidetur significare. illa enim dicitur curiosus, qui in multis negociis uersatur. hoc autem fieri potest absque nota, at esse cupidum superfluarum rerum affectionem quandam, & studium immiscendi se in plurimis negociis significat, & ea cognoscendi, quæ non deceat, quod sine uirio esse non potest, ac perinde à sapiente alienum est. eodem modo poterimus ostendere, quod sapientum opiniones non sunt ueræ, transmutantes nomen uerum ad certum, & exactum, ostendentesq; quod omnis opinio sapientis est exacta, eo quod exactum significare uidetur, quod ex necessariis constat. pleræque autem sapientum opiniones de rebus contingentibus sunt, non ergo omnis opinio sapientis est uera. eodem modo ostendere poterimus sapientem non esse temperantem, transmutantes hoc nomen, in hoc nomen continentem. Si in hoc nomine continente potentia animæ non consonant inter se, sed pars appetitiua rationali repugnat, quantum potest licet ab ea coerceatur. in sapiente autem potentia animæ consonant inter se, ergo sapiens non est continens, quare neque temperans, cum idem sit temperantia, & continentia. si autem uelimus construere, id est affirmatiuam partem probare, ostendere poterimus sapientem esse cupidum superfluarum rerum, transmutantes hoc nomen in curiosum, ostendentesq; sapientem esse curiosum, eo quod corruptibilibus omnium rerum caelestium, & immaterialium naturam perscrutetur, & inquirat. si igitur curiosus est, ergo est superfluarum rerum cupidus, quod si uelimus probare omnes sapientum opiniones esse exactas, quoniam hoc nomen exactum non suppeditat nobis argumenta, ideo ipsum transmutabimus in uerum, ostendentesq; quod omnes sapientum opiniones sunt ueræ: non enim est sapiens, qui falso opinatur, si sunt ueræ, ergo sunt exactæ, cum exactum, & uerum idem sit. pariter ostendemus ipsum sapientem esse continentem, transmutantes continentiam in hoc nomen temperantiam. si enim in sapiente est consensus quidam potentiarum animæ: consensus autem potentiarum anima est temperantia, ergo sapiens est temperans, quare & continens. facile enim admittetur hæc ratio ab eo, qui nesciat, quid differat continentia à temperantia. hoc loco usus est Demostenes in oratione de Alonesio persuadere uolens Atheniensibus, ne gratias haberent Philippo pro insula ab ipso recepta, quam scilicet cum ab Atheniensibus possideretur, pyratæ



pyratæ occupauerant, & expulsis pyratibus Philippus obtinuerat. mutauit enim Demosthenes uerbū dedit, in uerbum reddidit. hoc etiam loco usus est Thucydides cum in libro tertio in oratione Cleonis apud Athenienses inducens Cleonem excitantem Athenienses aduersus Mithyleneos mutauit uerbum ἀπόσαςιν in ἐπανάσαςιν. est autem ἀπόσαςις, ut ait Thucydidis interpres, quādo aliqui aliquid mali passi deficiunt. ἐπανάσαςις uero quando aliqui honorati, & nulla iniuria affecti seditionem, & inimicitiam exercent aduersus eos, qui nulla iniuria affecerunt. & hic notandum est apud Alexandrum legi debere ex Thucydide ἐπανάσαςιν, non autem ut legitur μετανάσαςιν: nisi forte uelimus dicere, quod Alexander idem uoluerit per μετανάσαςιν. sed non curauit idem prorsus uerbum referre. Communis etiam loquendi consuetudo hac nominis transumptione crebro utitur, ut cum mutamus diuidere in dilacera re, comedere in deuorare, ridere in cachinari. præterea & cum astutum prudentem appellamus, & audacem fortem, & uituperare uolentes mitem appellamus inertem, & liberalem prodigum, & qui parcus est, & gubernandæ familiæ peritus, appellamus illiberalem, & auarum. hoc modo Calicles apud Platonem in Gorgia temperantes appellat stolidos, & sensus expertes.

demosthenē,  
& Thucydide  
mutasse uer-  
bum in alium  
uerbum.

CIRCA hunc locum notandum est, quod ubi dicit philosophus transmutare in notius nomen, per notius non intelligit id, quod sit magis manifestum. ita enim idem esset notius, & ignotius, ut cum probamus sapientem esse continentem: & cum rursus probamus sapientem non esse temperantem, sed per notius intelligit id, quod nobis est aptius ad deducendum argumentum aduersus problema.

### NONVS LOCVS.

HIC philosophus locum proponit, simul & docet, quando ipso debeamus uti: deinde exemplum quoddam affert.

LOCVS est, ut cum aliquid de specie probare uolumus ad genus confugiamus, sub quo species illa continetur. hoc autem faciendum est, quando propositum est ostendere contraria eidem inesse, ut si probare uelimus, quod circa sensum sit reſtitudo, & peccatum, quoniam sentire est quoddam iudicare. indicamus enim non solum sensu uerum, & intellectu, ideo iudicium erit genus ipsius sensus. cum autem in iudicio sit reſtitudo, & peccatum, aliquando enim recte, aliquando perperā iudicamus: ideo & circa sensum hæc erunt. rursus si probare uelimus, quod in opinione sit ueritas, & falsitas, quoniam opinio est species existimationis, ostendentes, quod generi insunt hæc contraria, ostendemus, quod insunt etiam opinioni.

nonus locus  
est à genere.  
à genere ad  
speciem licet  
argumentari  
negatiue, nō  
autem affir-  
matiue.

### DECIMVS LOCVS.

Rursum ex specie genere, etc. IN hoc loco tradendo philosophus primo proponit locum, atque exemplum affert: deinde comparat hunc locum cum superiori: ostenditq; priorem illum non conferre ad construendum, sed ad destruendum: hunc uero conferre ad construendum. non autē ad destruendū. EST autem locus, quod si uelimus de genere aliquid probare, debemus species sub eo genere contentas inspicere. si enim alicui speciei cōuenit id, quod generi uolumus attribuire, patet, quod generi etiam conueniet. exempli causa. si quærat, utrum dispositio sit studiosa, & praua, inuenientes hæc ambo in aliqua specie dispositionis, ostendemus, quod ipsi etiam dispositio-

decimus lo-  
cus à specie.  
à specie ad ge-  
nus licet argu-  
mentari affir-  
matiue, non  
autem negati-  
ue. et hoc in-  
telligatur,  
quādo genus,  
& species sūt  
prædicata pro-  
positionum.



ni insunt, ut quoniam ars est species dispositionis. (dispositio enim est genus, quod complectitur scientias, artes, & uirtutes) & uidemus, quòd arti inest studiosum, & prauum. quædam enim sunt artes studiose, quædam prauæ; in-erit igitur & dispositioni, quæ est genus artis studiosum, & prauum. Notandum autem est, quòd etsi à genere procedatur ad speciem, ut docuit superior locus, & à specie ad genus, ut in hoc dictum fuit, prior tamen locus non est aptus ad construendum: aptus autem est posterior. ad destruendum autem prior est aptus, posterior ineptus: prior quidem non est aptus ad construendum, quoniam non est necesse, ut quæcunque generi insunt, speciei etiam insint. quæ enim insunt generi, quædam per se insunt, quædam uero ei accidunt, per se insunt generi, quæ eius definitionem ingrediuntur. ipsi uero accidere dicuntur omnia suarum specierum accidentia, & omnes differentia, licet essentialia sint, ut animali accidit album, quoniam cygnus animal existens albus est, pariter ipsi accidit rationale, quoniam homo animal existens rationalis est. quæcunque igitur per se insunt generi, & in eius substantia sunt, omnia insunt & speciei, ut quoniam animal est mixtum uiuens, & sensituum, ideo & homo: & ratio est, quoniam genera uniuoce prædicantur de speciebus. at uero quæcunque accidunt generi, non etiam necesse est, ut unicuique speciei insint: etsi enim animali insit album, quoniam cygnus albus est, non ideo est necesse, ut coruus albus sit. contraria autem generi insunt, ut accidentia. neque enim possibile est, quòd in substantia alicuius insint contraria, sed quoniam eorum, quæ sub genere sunt, quædam sunt alba, quædam nigra, quædam bona, quædam praua: ideo hæc contraria generi dicuntur inesse. non igitur sufficit ad ostendendum, quòd speciei contraria insint ostendere, quòd insint generi, eo quòd contraria generi accidunt. at uero quæcunque generi per se insunt, omnia speciei etiam inesse necesse est: ita igitur patet superiorem locum non esse aptum ad construendum. quare autem hic posterior locus aptus sit, ratio est, quoniam quæcunque insunt speciei, necesse est, ut generi etiam insint, cum species sub genere sit, at in destruendo prior locus à genere, scilicet ad speciem aptus est. quòd enim non inest generi, neque speciei inest. si enim non est animal, neque homo est, aut leo: procedere autem à specie ad genus destruendo non possumus. quadrupes enim non inest homini, inest tamen animali; & ratio est, quoniam genus fufius est, & in plusquam species. si quid igitur non inest ei, quod est in plus, neque ei inerit, quod est in minus. at si quid huic inest, & illi inerit.

quid elicien-  
dum.

HINC igitur elicitur, quòd à genere ad speciem ualet consequentia negatiue, non autem affirmatiue. contra uero à specie ad genus ualet argumentum affirmatiue, non autem negatiue. sed contra has regulas sunt arduæ difficultates. primo enim, quòd à genere ad speciem non procedat illatio negatiue: probatur, quoniã hæc potest esse uera, animal non currit, cane, exempli causa, non currente; tamen non licebit inferre, ergo homo non currit. secundo quòd à genere ad speciem procedat illatio affirmatiue, patet: ualet enim, omne animal currit, ergo omnis homo currit. tertio quòd à specie ad genus non liceat procedere affirmatiue, patet, quia non licet dicere, homo est sub animal, ergo animal est sub animali. quarto quòd à specie ad genus liceat procedere negatiue, patet, quia possumus dicere, homo non currit, ergo animal non currit. ita igitur omnes hæc quatuor regulæ destruuntur.

quid notadū.

ut hæc difficultates dissoluantur, notandum est, quòd hic sermo est de propositionibus impræfinitis, non autem de præfinitis. et quoniam impræfinitæ alie sunt negatiue, alie affirmatiue, ipsarum affirmatiuarum, ut constat, eadem



dem ratio est, cum ipsis particularibus. negatiue autem impræfinitæ hoc loco accipiuntur pro uniuersalibus: neque hoc mirum est, quemadmodum enim in ipsis particularibus si negatio applicetur uerbo, efficitur particularis negatiua; si autem applicetur præfinitioni, uel actu, uel potestate, efficitur negatiua uniuersalis. idem contingit in impræfinitis: si enim negatio intelligatur adiecta uerbo, æquipollet particulari: si autem intelligatur adiecta præfinitioni, æquipollet uniuersali. hic igitur quoniam sermo est de ipso genere simpliciter, ideo negatio intelligitur adiecta præfinitioni: atque ideo fit, ut uniuersali negatiuæ æquipolleat. his suppositis facile soluentur obiectæ difficultates, cū enim primo dicitur illatione illam non ualere, animal non currit, ergo homo non currit, supposito canem currere. Dicendū est, quod non ualeat, quoniam antecedens est falsum acceptum, sicut hoc loco accipi debet, scilicet pro uniuersali negatiua. Ad secundum cum dicitur ualere, omne animal currit, ergo omnis homo currit. Dicendum est, quod hic non est sermo de propositionibus præfinitis, præcipue de uniuersali affirmatiua, & de particulari negatiua: de aliis enim est sermo per accidens, quoniam scilicet his impræfinitis, de quibus loquimur, æquipollent. Ad tertium cum dicitur non ualere, homo est sub animali, ergo animal est sub animali. Respondet Alexander, quod immo ualeat, quoniam aliquod animal est sub animali. cum enim homo sit quoddam animal, & sit sub animali, ergo quoddam animal est sub animali. Ad quartum ubi dicitur ualere, homo non currit, ergo animal non currit. Dicendum est, quod accipiendo impræfinitam negatiuam, sicuti diximus ipsam accipi debere, quod nullo modo hæc illatio procedit.

Hæc quidem probabiliter dici possunt pro solutione dictarum difficultatum: sed longe melius dicere possumus, quod hic intelligendum est, genus, & speciem esse prædicata, non autem subiecta, quod ostendit & propositum, & exempla Aristotelis. si autem sint prædicata absque aliqua dubitatione procedunt traditæ regulæ, quod scilicet à genere ad speciem proceditur: argumentum negatiue, ut lapis non est animal, ergo non est homo, non autem affirmatiue. non enim ualeat, est animal, ergo est homo. à specie uero ad genus procedit illatio affirmatiue, ut est platanus, ergo est arbor, non autem negatiue, quia non ualeat, non est platanus, ergo non est arbor. at ubi genus, & species accipiuntur pro subiectis propositionis, tunc uel propositiones sunt præfinitæ, uel impræfinitæ: si sint præfinitæ, dicendum est, quod ab uniuersali affirmatiua, uel negatiua de genere ad uniuersalem de specie procedit illatio. ab uniuersali autem affirmatiua, uel negatiua de specie procedit illatio, non ad uniuersalem de genere, sed ad particularem. à particulari autem affirmatiua, uel negatiua de specie ad particularem de genere procedit illatio, non autem è conuerso. de impræfinitis autem eadem est ratio, sicut de particularibus.

Est alia difficultas, quod uidetur philosophus sibi ipsi contradicere, cum in superiori loco dixerit, posse nos procedere à genere ad speciem affirmatiue, ut in dispositione est rectitudo, & peccatum, ergo & in scientia: in posteriori uero loco hoc negat.

Dicere possumus, quod philosophus corrigit, quod ibi dictum fuerat, uel quod dictum illud probabile est, & aliqua ex parte uerum. hoc autem omnem ex parte uerum, & exactum.



# T O P I C O R V M A R I S T .

## L O C V S V N D E C I M V S .

Locus undecimus à prædicatione specierum . cuiusque attribuitur aliquod genus accidentis , necesse est & aliquam eius speciem attribui .

*Quoniam autem necesse est quorum genus prædicatur .* QVÆ dicit philosophus in tradendo hoc loco , in quatuor partes diuidi possunt . primo declarat propositionem quandam ad loci intellectionem & usu necessariam , quæ est , quòd si genus alicui inest , necesse est , ut eidem aliqua eius species insit . secundo locum exponit , simulq; exemplum affert . tertio admonet hunc locum esse constructiuum , & destructiuum . quarto documentum quoddam affert . quòd si non possimus dignoscere , utrum species aliqua insit ei , de quo genus dicitur , quod ad definitiones deueniamus .

obiectio .

responsio Alexandri .

PROPOSITIO igitur ad hunc locum necessaria est , quòd de quocunque genus prædicatur de eodem , aliquam eius speciem necesse est prædicari . Et ratio est , quoniam genera non habent suum esse per se ipsa , sed in ipsis speciebus , de quibus prædicantur : neque potest genus subsistere specie aliqua non existente . cum autem tribus modis genus alicui tribui possit uel essentialiter , ut hoc corpus est animal ; uel accidentaliter , ut hoc corpus habet colorem , aut huic corpori inest color ; uel denominatiue , ut hoc corpus est figuratum : ideo quomodocunque genus attribuitur , semper oportet , quòd aliqua etiam eius species prædicetur . si enim hoc corpus est animal , oportet , ut sit uel equus , uel canis , uel alia species animalis . et si habet colorem , oportet , ut uel albedinem habeat , uel nigredinem , uel aliam coloris speciem . et si figuratum est , ut sit uel sphericum , uel cubum , uel alia specie figuræ formatum . Sed dicit quis non esse uerum , quòd de quo genus essentialiter prædicatur , de eodem prædicetur aliqua species : de equo enim prædicatur animal , de quo non prædicatur aliqua animalis species : idem enim prædicaretur de se ipso . Respondet Alexander , exceptionem quandam adducens , quòd si genus essentialiter prædicatur de aliquo , de eodem prædicatur etiam aliqua species , dummodo illud non sit species propinqua eius generis : uel dicit , quòd de hac etiam possumus dicere , speciem aliquam prædicari , idem scilicet de se ipso . Notandum tamen est , quòd etsi hæc propositio semper uera sit , quòd de quocunque prædicatur genus , de eodem prædicatur aliqua species , uel genus prædicetur essentialiter , uel accidentaliter , uel denominatiue ; tamen cum hoc loco loquatur philosophus de prædicatis accidentalibus , ideo ad præsentem considerationem non confert primum illud membrum , quando genus prædicatur essentialiter . hæc igitur est propositio , quæ est necessaria pro intellectione , & usu huius loci .

secundū Xenocratem animam esse numerum seipsum mouentem . secundū uero Platonē esse substantiam per se mobilem .

L O C V S autem est , quòd ubi in problemate aliquo genus attribuitur alicui , debemus spectare species illius generis : & si ostendamus nullam speciem de eo prædicari , problema destruemus . si ostendamus aliquam prædicari , ipsum construemus , exempli causa , si positum sit problema , quòd anima sit numerus se ipsum mouens secundum Xenocratem , aut quòd sit substantia per se mobilis secundum Platonem , uel potius ( quoniam hæc problemata sunt potius definitioni annexa , ut in quibus quæretur , utrum illæ sint animæ definitiones ) si sit problema , utrum animæ , quæ substantia est , accadat moueri . si ipsum uelimus destruere , distinguemus species motus , ostendemusq; , quòd nulla motus specie mouetur : neque enim augetur anima , quoniam id , quod augetur aliquo addito augetur , quòd est extra ipsum auctum : præterea id , quod augetur , transmutatur à propria substantia , & ab eo , quod erat prius : sed neque minuitur , neque generatur , neque corrumpitur , neque loco mouetur , eo quòd nihil incorporeum pati potest : sed neque alteratur , quoniā altera-



alteratio est secundum sensibiles qualitates, quas anima, quæ est incorporea, suscipere non potest. at si hoc problema uelimus construere, quod anima moueatur, ostendemus ipsam irasci, tristari, latari, discere, recordari, & opinari: hæc autem sunt alterationes quædam. ita si uelimus probare, quod Deus non sit perturbationum capax, cum præcipue perturbationis species sint lætitia, tristitia, species, & timor: lætitia quidem ex præsentī bono; spes uero ex futuro; tristitia ex præsentī malo; ex futuro autem timor. si igitur ostendamus nullam harum perturbationum inesse Deo, probabimus Deum omnino non affici; aut perturbari.

SE D. quoniam plerunque contingit, ut ex huiusmodi inspectione specierum nondum possimus propositum probare, quia scilicet æque difficile sit probare, quod aliqua species insit, uel non insit, sicuti quod genus: ideo ubi hoc contingat, debemus deuenire ad definitiones ipsarum specierum. facile enim est ex definitionibus argumentari: & quoniam plerunque contingit, quod si unam tantum habeamus definitionem, non possumus aliquid probare; ideo studere debemus, ut plures definitiones eiusdem rei habeamus: & si non omnes ueras (quoniam unius rei una tantum definitio potest esse uera) probabiles saltem. ubi enim non tractare de rebus ex rei natura, sed tantum disputare propositum est, probabiles definitiones non minus aptæ sunt, quam ueræ, & exactæ, exempli causa, si nequeamus uidere, utrum aliqua species motus, utputa alteratio animæ insit, definiamus alterationem, ut quod alteratio est transmutatio secundum sensibiles qualitates, & si hæc definitio non profit ad construendum, uel destruendum propositum, alias inquiremus. Alexander autem uult definiendum esse ipsum genus propositum, non autem ipsas species.

CIRCA contextum philosophi primo notandum est, quod ubi dicit, de quibus genus prædicatur, per hoc intelligit, ubi genus de aliquo essentialiter prædicatur: deinde alia duo membra enumerat, uel dicamus, quoniam ad hunc locum non pertinet, ubi genus essentialiter prædicatur, quod uerba illa uniuersaliter dicta sint: & quod postea exponat, quando genus accidentaliter prædicatur; & quando denominatiue consulto prætermittens, ubi prædicatur essentialiter, eo quod ad hunc locum non conferat, sed meliorem esse primam expositionem indicant exempla philosophi. secundo notandum est, quod philosophus enumerans species motus, enumerat etiam generationem, quæ tamen non est motus, sed mutatio: sed ipse utitur nomine motus communius accepto. tertio notandum est, quod pars illa, *Non abundanti autem*. alio etiam modo exponitur ab Alexandro, quod scilicet philosophus tradat alium locum, qui fere idem est cum tertio ubi docebat, quod definitiones efficeremus tum accidentis, tum eius, cui accidit: sed diceret quis, quare eundem locum bis tradit philosophus. respondet Alexander, quod non est omnino idem. hic enim præcipue docet, quod pluribus eiusdem rei definitionibus abundare conuenit, ut ex ea, quæ propositio nostro utilis est. destruere aut construere problema possimus, exempli causa, si construere uellemus, quod infinita sint æqualia, quoniam æqualis plures possunt esse definitiones: aliis prætermisis eam accipiemus, quod æqualia illa sunt, quæ se mutuo non excedunt, cum autem infinita non excedant se mutuo: erunt igitur æqualia. si autem idem problema destruere uelimus, aliam definitionem accipiemus, ut quod æqualia sunt, quorum sunt æquales mensuræ. cum autem infinita nullam habeant mensuram, non erunt igitur æqualia. ita quoque probare possemus uoluptatem non esse bonum definiens

quid notandum circa contextum philosophi.

obiectio. responsio Alexandri.



## T O P I C O R V M A R I S T .

do ipsam, quod est irrationalis quædam animæ effusio, aut quod est motus quidam levis. probaremus autem ipsam esse bonum, definiendo eam, quod sit actus propensionis cuiusdam naturalis, quæ impediri non potest, cum ea, quæ sunt secundum naturam, bona sint: sed melior est alia expositio, quam nos secuti sumus, quod hic non tradatur nonus locus, sed sit par undecimi loci.

### L O C V S D V O D E C I M V S .

Locus duodecimus ab antecedentibus, & consequentibus. si id, quod propositum antecedit, sit ipsum quoque esse, necesse est, si id, quod propositum consequitur, non sit, ipsum quoque propositum non erit.

Hic philosophus primo locum exponit: deinde docet, quomodo ipso uti debeamus tum in construendo, tum in destruendo.

Locus quidem est, quod oportet considerare illa, quibus positis necessario ponitur propositum, quæ antecedentia dicuntur: præterea illa, quæ si propositum ponatur, necessario ponuntur, quæ appellantur consequentia. primus quidem modus confert ad construendum: secundus autem confert ad destruendum. primus quidem confert ad construendum, quoniam si antecedens sit, necesse est esse consequens: hoc autem est ipsum propositum problema. secundus autem confert ad destruendum, quoniam si consequens non sit, antecedens esse impossibile est. quare si uelimus ex hoc loco construere aliquod problema, ut quod uoluptas sit bonum, inquirendum est aliquod, ad quod sequatur hoc nostrum propositum, ut quod uoluptas sit secundum naturam. si enim hoc demonstremus, demonstratum erit & propositum, quod consequitur illud antecedens hoc modo, Plato in Menone ostensurus, quod uirtutes doceri possint, assumpsit quoddam, ad quod hoc consequatur, quod scilicet uirtutes sint scientiæ. hoc autem antecedens ita probauit, qui secundum animam est optime dispositus, conuenientium omnium, & conducibilium scientiam habet: qui autem uirtutem possidet, optime est secundum animam dispositus. qui igitur uirtutem possidet, conuenientium omnium, & conducibilium scientiam habet. uirtus igitur est conuenientium omnium, & conducibilium scientia. hoc loco rhetores etiam perunque utuntur: quempiam enim homicidii forte accusantes ostendere conantur, quod ei fuerit inimicus, quod ei insidiatus fuerit, quod eo in loco ac tempore armatus uisus fuerit. si autem uelimus destruere, inquiremus aliquid, quod consequatur id quod propositum est destruere: atque ostendemus illud non esse. hinc enim consequetur, neque propositum esse posse, ut si probare uelimus, quod non omnis uoluptas sit bonum, quoniam ad hoc consequitur, quod latronum, & ebriorum uoluptates sint bonum, si ostendamus hoc non esse, id etiam destruemus, quod omnis uoluptas sit bonum: ita si probare uelimus, quod diameter sit lateri incommensurabilis, quoniam ad hoc consequitur, quod imparia paribus sint æqualia: ideo hoc consequens destruentes, propositum etiam destruemus.

hic annotandas esse regulas.

Hic autem annotandæ sunt regulæ illæ, quibus hic locus inniti uidetur, quod à positione antecedentis ad positionem consequentis ualeat argumentum: & quod à destructione consequentis ad destructionem antecedentis, quæ intelligendæ sunt ubi inter antecedens, & consequens sit necessaria connexio.

DECI-



## D E C I M V S T E R T I V S   L O C V S.

Hic philosophus & locum proponit, & ipsum duobus exemplis explicat. Locus est destructiuus, quòd quando positum est aliquid, aliud quid ex necessitate consequi debemus considerare, num secundum tempus dissentiant, ita scilicet, ut aliquo tempore alterum eorum sit altero non existente. ita enim problema destruemus, exempli causa, si positum esset, quòd nutritum necessario augeatur. si ostendamus quædam animalia aliquando nutriri, & non augeri, sicuti sunt senescentia animalia, problema destruemus: ita si positum esset, quòd addiscere necessario consequatur meminisse, ostendentes nos, quòd qui addiscit, quandoque non meminit, problema destruemus. hoc autem ex eo ostendemus, quòd memoria est solum præteritorum: scientia autem & præsentium, & futurorum. Astrologus enim futura eclipsis scientiam habet, ita etiam ostendimus, quòd sensus non est scientia, eo quòd sensus ab ortu sit. scientia autem posterius: & quòd appetitus non est electio, quia appetitus, sicut & sensus à natiuitate sit: electio autem posterius: & quòd sentire non est esse sensitiuum, eo quòd dormientes etiam sunt sensitiui, non tamen sentiunt.

Locus decimus tertius ex tempore. si aliquid prædicatum aliquo tempore non consequitur subiectum, neque ex necessitate ipsum consequetur.

Hic autem est notandum, quòd cum antecedens, & consequens dupliciter accipiantur uno modo pro propositionibus, ut sit antecedens propositio, quæ præcedit notam illationis; uel quæ particulæ conditionali propinquior est: consequens est propositio, quæ sequitur notam illationis; uel quæ à particula conditionali remotior est, alio modo accipiuntur antecedens, & consequens pro terminis, ut antecedens sit subiectum, prædicatum sit consequens. In superiori loco philosophus primo modo ipsa accepit: hic autem secundo modo, ut omne nutritum ex necessitate augetur.

## D E C I M V S Q V A R T V S   L O C V S.

*Amplius sophisticus modus est ducere ad id.* Quæ in hoc loco tradendo dicit philosophus, in quinque partes distinguuntur. primo proponit locum: deinde ostendit, quando orationis mutatio sit necessaria: tertio, quando necessaria quidem non sit, apparet tamen necessaria: quarto, quando neque sit, neque appareat necessaria: ultimo, quòd ab hoc ultimo modo cauendum est, & quo modo confundendi sint, qui ita digrediuntur.

Locus autem est transmutare orationem, seu disputationem ab ipsa proposita quæstione ad alia quædam, ubi argumentis, & probationibus abundemus. atque hæc transmutatio quandoque est necessaria, quandoque necessaria quidem non est: uidetur autem necessaria. alias uero neque est, neque uidetur necessaria: qui modus est omnino sophisticus: necessaria quidem est transmutatio, quando interrogante dialectico propositionem aliquam conferentem ad demonstrandum propositum respondens eam non admittit: quare digredi oportet ad hanc propositionem confirmandam. contingit autem, quòd pro huius confirmatione argumentis plurimum possit, exempli causa, si quis hoc problema construere uolens, quòd omnis uoluptas sit bonum ad hoc confirmandum assumat, quòd omne, quod est secundum naturam, bonum est: is autem, qui respondet, & disputationem sustinet, non admittat hanc propositionem: quare necesse sit interrogantem eam probare, quòd efficere poterit hoc modo, quod est unicuique præter naturam, eius est corruptiuum, & malum. si igitur quod est præter naturam est malum, ergo quod est

Locus decimus quartus ex digressionem, seu ex orationis transmutatione, quandoque transferre debemus disputationem ad id, ubi argumentis abundamus.



Aliquando  
transmutatio  
nem proposi  
tionis esse ne  
cessariam.

est secundum naturam est bonum. si enim unum contrarium de uno contra-  
rio dicitur, alterum quoque contrarium de altero contrario dicitur. hæc e-  
nim transmutatio orationis est necessaria, ut patet, quoniam nisi hoc admit-  
tatur, quod ea, quæ secundum naturam sunt, bona sint, non potest probari  
propositum. eodem modo si quis uelit probare animam esse immortalem, &  
assumat ad hoc probandum, quod anima mouetur, ut scilicet postea osten-  
dat, quod mouetur ex se ipsa: qui autem disputationem sustinet, hoc non  
admittat, quod anima moueatur; ideo opus sit digredi ad hoc probandum.  
hoc autem ostendat, quoniam anima intelligit, discit, sentit, latatur, trista-  
tur, sperat, timet. Contingit præterea hanc transmutationem propositionis  
esse necessariam, quando respondens non solum simpliciter non assentitur  
alicui propositioni, quæ assumpta sit ad probandum propositum, sed etiam  
per inductionem eam destruere conatur, ut si aduersus eam propositionem  
quod id, quod est secundum naturam, sit bonum, obiiciat, quod mori est se-  
cundum naturam, non tamen bonum: ita algere, & agrotare, cum non sint  
ex constituto, sed secundum naturam, non tamen bona sunt. necesse igi-  
tur est digredi ad hæc probanda, quod fieri posset hoc modo, non esse, quod  
natura sit, est etiam secundum naturam, sed eorum, quæ natura sunt, id,  
quod est optimum, dicitur esse secundum naturam. eodem modo si quis o-  
stensus nullam uoluptatem esse bonum, hanc propositionem assumat, quod  
nullum bonum est generatio: assumpturus postea, quod uoluptas est quædam  
generatio: sed hanc propositionem ipse respondens per inductionem tentet  
destruere, ostendens, quod sanari est generatio quædam, & tamen bonum  
eodem modo & discere. hic enim oportet ipsum problema relinquere, & ad  
hanc propositionem defendendam digredi, sine qua ipsum problema con-  
strui non potest: ita igitur patet, quomodo necessaria aliquando sit disputa-  
tionis transmutatio. aliquando autem necessaria quidem non est, apparet  
tamen necessaria: hoc autem fit, quando disputans de aliquo quidem in pro-  
blemate existente uerba facit, quod tamen non confert ad ipsum problema  
uel construendum, uel destruendum. Respondens autem uel ei simpliciter  
non assentitur, uel ipsum etiam per inductionem tentet destruere: quare ad  
hoc comprobandum digreditur interrogans: in eo autem comprobando ar-  
gumentis abundat. tunc enim speciem quidem præ se fert se de aliquo dispu-  
tare, quod sit ad problema necessarium, cum tamen ita non sit, exempli cau-  
sa, si problema sit, utrum mundus sit sphericus: hic autem disserat, utrum  
mundus unus sit, uel plures; uel utrum factus sit, aut æternus; uel si proble-  
ma sit, utrum uoluptas sit secundum naturam: hic autem de natura disserat  
ostendens quidnam sit natura, uel quod omne, quod natura sit, alicuius gra-  
tia sit: respondens autem aduersus hæc obiiciat: uidetur enim esse necessa-  
rium digredi ad hæc probanda, quoniam negata sunt, & fuerant assumpta, ut  
necessaria ad problematis probationem, cum tamen nihil ad ipsum confe-  
rant. Aliquando autem transmutatio problematis, neque est necessaria, ne-  
que apparet necessaria: ut si quis cum propositum esset ostendere, quod so-  
lum honestum sit bonum, inquirat à respondente, nunquid ipsi uideatur ho-  
nestum aliquid esse, & ipso hoc concedente tentet deinde hoc destruere ar-  
gumentorum scilicet copiam habens ad hoc destruendum: patet enim si quis  
parum consideret hoc neque esse necessarium, neque utile ad propositam  
quæstionem. Hic autem ultimus modus omnino est euitandus, cum sit à dia-  
lectica methodo quammaxime alienus. Dialecticus igitur si interroget, eo  
nunquam uti debet. si autem respondeat, & sustineat disputationem, & qui  
interro-



interrogat, eo utatur, tunc admittere debet ea, quæ dicuntur ab ipso dispu-  
tante, quamuis ipsis non assentiat, significans tamen se illa concedere, nõ  
quòd uera sint, sed ut de re disputetur. contingit enim quammaxime confun-  
di ipsum interrogantem, si cum ipsi omnia concedentur: nihil propterea cir-  
ca propositum problema possit concludere.

LOCVS DECIMVS QVINTVS.

*Amplius omnis qui dixit unum quoduis etc.* Hunc locum dicit Alexander eun-  
dem esse cum loco paulo superius tradito à consequentibus. ibi enim dice-  
bat nos considerare debere, quidnam consequatur, si ponatur propositum,  
& illud destruere. eo enim destructo propositum etiam destruetur idem: etiã  
hic dicit, quoniam scilicet ad unumquodque multa consequuntur. si eorum  
aliquod, quæ consequuntur, destruat, propositum problema destruemus.  
differt tamen hic locus ab eo, quòd ibi dicebatur, inquirenda esse quanam  
consequantur, propositum, & destruenda. hic autem inuentionem, & copiã  
ipsum consequentium docet. hic autem locus apte coniungi posset cum  
eo loco duodecimo, immo uidetur esse eius pars. primo autem philosophus  
locum tradit, atque exemplis illustrat: deinde dat quoddam documentum.  
Locvs est, quoniam ad quodlibet problema necesse est multa consequi,  
ut tentemus eorum aliquid destruere: ita enim problema etiam destruetur  
ad unum, quodlibet autem possumus multa consequuntur, ut cum quis subie-  
ctum aliquod ponit, ponit etiam eius genus, quin & eius specificas differen-  
tias. hæc enim eius substantiam ingrediuntur, quin & eius propria, quæ ab  
essentia fluuntur, ut qui dicit hominem animal, etiam dicit & uiuens, & bi-  
pes, & risibile, & rationale. si igitur esset problema propositum, quòd uir-  
tus per se sufficiens sit ad felicitatem, quoniam ad hoc sequitur, quòd sani-  
tas eligibilis non sit, neque diuitiæ, neque scientiæ, neque aliud quid præter  
uirtutem. Si aliquid horum destruat, ipsum etiam problema destruetur: ita  
si poneretur animam esse corpus, quoniam ad hoc consequitur, quòd cor-  
pus per corpus permeet, & quòd erit uel elementum, uel ex elementis con-  
stans: si quid horum non erit, neque illud erit, ex quo hæc sequuntur: ita si  
ponatur, quòd per uacuum fiat motus, quoniam hoc posito consequitur,  
quòd corpora inæqualis ponderis æqualiter moueantur, & quòd comparabi-  
le sit uacuum pleno: propterea quòd inæquali tempore per idem spatium mo-  
uebitur aliquid in pleno, & uacuo: si quid horum destruat, problema etiã  
positum destruetur.

DOCUMENTVM autem à philosopho traditum est, quòd non semper debe-  
mus ad ipsa consequentia deuenire: sed tunc cum facilius est ipsa consequen-  
tia destruere, quàm ipsum problema propositum. aliquando enim facilius  
est destruere ipsum problema, aliquando uero facilius est destruere conse-  
quentia. si enim uellemus ostendere iniustitiam non esse utilem, facile hoc  
probaremus stantes in ipso problemate, ut eo modo, quo probauit Plato,  
quoniam animæ ægritudo non est utilis, at iniustitia est animæ ægritudo, er-  
go iniustitia non est utilis. uel hoc modo omne uitium nocuum ei est, quòd  
ipsum habet, sed iniustitia est uitium, ergo iniustitia non est utilis. si autem  
hoc uellemus ostendere ex consequentibus, ut ex eo, quod ad hoc consequi-  
tur, auaritiam utilem esse, quòd uerum non est, deduceremus orationem in  
difficiliorem locum: auaritia enim turpis quidem esse uidetur, utilis tamen.

Locus deci-  
mus quintus  
dictus à con-  
sequentium  
magnitudine  
aliquo conse-  
quentium de-  
structo, quæ  
semper mul-  
ta sunt, pro-  
positum quo-  
que destrui-  
tur.

documentum  
à philosopho  
traditum.



# TOPICORVM ARIST.

## LOCVS DECIMVS SEXTVS.

Locus decimus sextus ex contrariis immediatis. si alterum contrariorum medio carentium susceptiuo non inest, alterum inest; et si alterum inest alterum non inest.

IN HOC loco tradendo primo philosophus locum exponit: deinde ostendit ipsum esse constructiuum, & destructiuum.

LOCVS quidem est, quoniam contraria immediata talia sunt, quod eorum alterum necesse est inesse suo susceptiuo. si in problemate aliquod eorum ponatur, & probemus suum contrarium inesse, probabimus illud non inesse, quod positum est: & si probemus unum non inesse, probaremus alterum inesse, exempli causa, quoniam de numero prædicatur par, & impar, quæ sunt contraria immediata. si quis probet numerum aliquem esse parem, probabit ipsum non esse imparem: et si probet ipsum non esse parem, probabit ipsum esse imparem: at si probet ipsum esse imparem, probabit, quod non est par: & si probet, quod non est impar, probabit, quod est par. ita si propositum sit animalis corpus, & probemus, quod sanum sit, probabimus, quod non est ægrum; et si probemus, quod ægrum sit, probabimus, quod non est sanum. ita si positum esset problema aliquam esse magnitudinem infinitam, quoniam omnis magnitudo finita est, uel infinita, si ostendamus, quod omnis magnitudo sit finita, ostendemus nullam esse infinitam: atque hoc modo processit Aristoteles in primo de celo ostendens, quod omne corpus tam simplex, quam compositum, est finitum.

quid notādū.

NOTANDVM autem est, quod hic locus aptari etiam potest ipsis contradictoriis, & ipsis contrariis mediatis. contradictoria quidem cum illis contrariis conueniunt, quoniam eorum oppositio est immediata. differunt tamen ab illis, quoniam contrariorum, quæ medio carent; oportet alterum inesse suo susceptiuo: at contradictoriorum alterum oportet de quocunque uerificari. si igitur alterum eorum construitur, alterum destruitur, & è contra: ut si probetur, quod diuitiæ sint bonum, destruitur negatio: et si probeatur, quod non sint bonum, destruitur affirmatio. contrariis etiam mediatis aptatur hic locus, non tamen est etiam constructiuus, sed solum destructiuus. si enim ostendatur unum ex his contrariis inesse subiecto, destruitur, quod alterum ipsi inest: neque enim contraria in eodem subiecto esse contingit, non tamen si ostendamus alterum non inesse subiecto, necesse est, quod alterum inest, cum utrumque abesse possit, & mediorum aliquid inesse. si igitur aliquis sit felix, omnino non erit infelix, non tamen si felix non sit, oportet, quod sit infelix, quoniam felicitas, & infelicitas nõ opponuntur sine medio, sed contingit etiam, quod quis sit studiosus, & non felix, & si quis est uirtute præditus, omnino non est uitiosus: at si non sit uirtute præditus, non oportet, quod uitiosus sit, quoniam uirtus, & uitium non sunt contraria immediata.

Alexandri notatus.

NOTATQVE Alexander, quod contrariis mediatis conuenit quartus ille modus indemonstrabilis, id est quartus modus syllogismorum hypotheticorum. contrariis autem immediatis conuenit quintus. primus enim est, quando ex duobus primum ponitur, ut secundum ponatur. secundus modus est, quando secundum tollitur, ut primum tollatur. tertius est, quando primum ponitur, ut secundum tollatur. quartus est, qui conuenit contrariis mediatis, quando alterum eorum ponitur, ut reliquum tollatur. quintus est, qui immediatis conuenit, quando unum tollitur, ut reliquum ponatur: atque hi duo possumus fieri ex disiunctiuis propositionibus. priores autem modi sunt ex conditionalibus. Duo quidem primi ex affirmatiuis. tertius uero ex negatiuis.

LOCVS



L O C V S D E C I M V S S E P T I M V S.

*Amplius argumentari transferendo nomen etc.* PRIMO philosophus locum proponit: deinde duobus exemplis ipsum explicat.

L O C V S igitur est, ut nomina transmutemus ad orationem, quæ est secundum etymologiam. si enim probemus etymologiam nominis alicui convenire, eidem quoque ipsum nomen conveniet: & si cui etymologia non conveniet, neque nomen ei conveniet. quare erit hic locus constructivus, & destructivus: non semper autem præstat hoc loco uti, sed quando magis fauet, & convenit proposito nostro etymologia, quam nomen. si igitur uellemus ostendere, quod uirtute præditus sit *δ'ψυχος*, & non solum magnanimus, huius nominis etymologiam assumemus. si igitur *δ'ψυχος*, qui bene affectam animam habet, iustus autem & prudens, & quilibet uirtute præditus bene affectam animam habet: quilibet igitur uirtute præditus *δ'ψυχος* est. quod autem *δ'ψυχος* sit ille, qui bene affectam animam habet, ostendemus, si opus erit ex similibus appositione, ut quoniam *δ'ελπίς* etiam ille dicitur, qui bene sperat, & alia eodem modo rursus, si uellemus ostendere, quod sapiens sit *δ'δαίμων*, id est felix, huius nominis etymologiam accipiemus, ut quod *δ'δαίμων* ille est, qui bonum dæmonem habet. cum autem dæmon nihil aliud sit, ut declarauit Xenocrates, quam uniuscuiusque anima, ille erit *δ'δαίμων*, qui bonam animam habet: at sapiens talis est. sapiens igitur erit *δ'δαίμων*. eodem modo ostenderemus, quod in brutis non est *πρωταίρεσις*, id est electio. et quod sapiens non est *δ'κρατής*, id est continens: & quod amicus non est *δ'νους*, id est beneuolus, & alia consimilia eodem modo tractanda.

N O T A T autem Alexander, quod hic locus dialecticus quidem est, & probabilis: non tamen semper uerus. neque enim magnanimus ille dicitur, qui maguam habet animam: neque *δ'χερ* ille dicitur, qui pulchras habet manus, sed pugil eo nomine significat.

locus decimusseptimus ex etymologia loco nominis accipiēda, quandoque est eius etymologia, si magis nobis cōducatur.

quid Alexander notet.

L O C V S D E C I M V S O C T A V V S.

*Quoniam autem rerum alia etc.* PRIMO philosophus locum tradit. secundo huius loci partes explicat, quomodo scilicet redarguatur, qui ponit in plurius esse, quod est ex necessitate. & quomodo redarguatur, qui ponit ex necessitate esse id, quod est in pluribus: & qui ponit id, quod est in paucioribus esse ex necessitate: & qui ponit id, quod est æqualiter esse ex necessitate, uel in pluribus. tertio uero ostendit, quod hoc aliquando fit addita determinatione, ut plurimum raro æqualiter ex necessitate aliquando uero nulla addita determinatione.

A S S U M I T U R autem ad traditionem huius loci diuisio quædam, quod scilicet eorum, quæ sunt, quædam sunt ex necessitate, quædam non sunt ex necessitate: sed contingentur atque horum quædam, ut plurimum contingent, quædam raro, quædam æqualiter ex necessitate, ut quod homo sit animal; quod cælum sit incorruptibile. contingentia autem, ut plurimum, sunt, ut hominem nasci cum quinque digitis, & scenescentem canescere. raro autem eueniunt his opposita hominem scilicet nasci cum quatuor, aut sex digitis, & in senectute non canescere. æqualiter autem contingent, ut hominem peregrinari, aut non peregrinari, lauare, aut non lauare. supposita igitur hac diuisione, locus est, quod si quid aliquo horum modorum inesse ponatur, si probemus nos, quod alio modo inest, tale problema destruetur: sed quoniā

locus decimus octauus à differētiis. si quid alicui inest ex necessitate, nō inest continenter: & è contra: & si quid inest in pluribus, non inest æqualiter, aut raro: & è contra. & si quid inest æqualiter, non inest raro: & è contra.

M hoc



hoc pluribus modis fieri potest, ideo singuli sunt percensendi, uel igitur id, quod ponitur, erit ex necessitate, uel in pluribus, uel in paucioribus, uel æqualiter. si sit ex necessitate, uel ponitur esse in pluribus, ut si quis diceret, ut plurimum hominem esse rationalem, & demonstrationes, ut plurimum esse ueras: hic autem redarguetur, quoniam ponit id, quod inest omni non inesse omni. si enim ut plurimum inest, oportet igitur, ut aliquando non inest: præterea eo quod ponit id, quod est impossibile esse possibile. si enim necesse est hominem esse rationalem, ergo impossibile est hominem non esse rationalem. at qui dicit, ut plurimum hominem esse rationalem, dicit aliquando contingere ipsum non esse rationalem: præterea eo quod dicit id, quod est semper, aliquando non esse; aliquando uero id, quod est ex necessitate, potest poni esse in paucioribus, ut si quis diceret raro contingere hominem esse rationalem. atque hic tanto magis errat, quam superior, quanto id, quod est semper, magis differt ab eo, quod est raro, quam ab eo, quod est ut plurimum. aliquando autem id, quod est ex necessitate ponitur esse æqualiter: & qui ita ponit eodem modo, debet redargui. Id autem quod est in pluribus, uel ponitur esse ex necessitate, ut si quis diceret ex necessitate hominem canescere in senectute, atque is redarguetur, eo quod omni dicit inesse id, quod omni non inest, & quod id, quod est possibile, dicit esse impossibile: aliquando uero id, quod est in pluribus, poni potest esse in paucioribus, ut si quis diceret raro contingere, quod homo in senectute canescat: aliquando etiam poni potest pro æquali, ut si quis diceret æqualiter contingere, quod homo canescat in senectute. Id autem quod est in paucioribus, uel ponitur esse ex necessitate, ut si quis diceret ex necessitate contingere, quod fodiens inueniat thesaurum, aut quod iens peregre ex necessitate incidat in latrones, atque is redarguetur, quoniam dicit id, quod ut plurimum contingit, impossibile esse contingere; uel id, quod est in paucioribus, ponitur esse in pluribus, ut si quis diceret, ut plurimum contingere, quod sub canis sydere pluuia fiant, uel quod ut plurimum monstruosi homines nascantur, uel ponitur ut æqualiter, ut si quis dicat æqualiter contingere, quod homo non canescat in senectute. Id autem quod æqualiter contingit, uel ponitur esse ex necessitate, ut si quis dicat necessarium esse hominem peregrinari: aut ponitur esse in pluribus, ut si quis dicat, ut plurimum contingere, quod homo peregrinetur, aut ponitur esse raro, ut si quis dicat raro contingere, quod homo lauetur. Tot igitur modis confunduntur hæ rerum differentia. notandum autem est, quod aliquando modus, seu determinatio apponitur, scilicet uel ex necessitate, uel ut plurimum, uel raro, uel æqualiter: sicuti in omnibus exemplis superius allatis apposita fuit: & tunc facilis est redargutio. aliquando uero nulla apponitur determinatio, & tunc id, quod ita simpliciter profertur, existimare debemus poni ex necessitate, quoniam id, quod est ex necessitate, uere & proprie est: quod autem uere, & proprie est, simpliciter etiam esse dicitur. qui enim proprie sapiens est, etiam simpliciter dicitur sapiens: qui autem proprie non est, sapiens non dicitur proprie sapiens, sed cum aliqua determinatione, ut sapiens poeta, sapiens architectus. cum igitur necessarium proprie, & uere sit, merito simpliciter dicitur esse: qui igitur id, quod contingenter inest, simpliciter, & sine aliqua determinatione diceret inesse rationabiliter, redargueretur, ut si quis diceret exheredatos malos esse. hic enim uidetur dicere uniuersaliter esse ex necessitate, quod exheredati mali sint, quod tamen non ita est. contingit enim aliquem etiam bonum exheredari, ut de Themistocle dicitur, atque hinc patet,



patet, quòd si quis aliquid simpliciter inesse diceret, non posse nos dicere, quòd posuerit illud esse contingens: sed dicente aliquo simpliciter hominem esse animal, si quis instaret, quòd dixerit contingens esse hominem esse animal, manifesta esset calumnia. hæc tamè obiectio aduersus eos efficax esset, qui existimant id, quod contingenter inest, simpliciter inesse dici debere, ut simpliciter dicendum esse hominem canescere in senectute, uel nasci cum quinque digitis.

CIRCA contextum philosophi notandum est, ipsum ex duodecim membris diuisionis solū quatuor primaria recensuisse, uidelicet quando id, quod est ex necessitate, ponitur ut in pluribus; & hic prætermisit, quando ponitur, ut in paucioribus: & quando ponitur, ut æqualiter forte, quoniam qui sciet primum illud refellere, tanto magis alia poterit refellere. postea posuit aliud membrum, quando id, quod est in pluribus, ponitur, ut ex necessitate, & hic prætermisit, quando ponitur, ut in paucioribus, & quando ponitur æqualiter: deinde posuit aliud membrum, quando id, quod est in paucioribus, ponitur ex necessitate: & hic etiam prætermisit, quando ponitur in pluribus: & quando ponitur æqualiter, ultimo ponit reliquum membrum, quando id, quod est æqualiter, ponitur ex necessitate: & ut notaret, quod & hic, & in superioribus supplenda erant membra illa, quæ ipse prætermisit. ideo addidit etiam, quando illud, quod est æqualiter, ponitur ut in pluribus.

quid notandum circa contextum philosophi.

Hoc loco dubitat Alexander, si id, quod contingit inesse, & non inesse, accidens est: id autem, quod est necessarium, sit uel genus, uel proprium, uel definitio, quomodo hic locus collocetur inter locos accidentis? quoniam ille, qui ostendit id, quod ponitur esse ex necessitate, non esse ex necessitate, ostendit, quòd non inest uel ut genus, uel ut proprium, uel ut definitio: at destruere genus non pertinet ad problema accidentis, sed ad problema generis: & destruere proprium pertinet ad problema proprii: & destruere finitionem ad problema definitionis. male igitur hic locus ad problema accidentis reducitur. Soluit Alexander, quòd hic locus non destruit aliquid esse genus, aut proprium, aut definitionem in eo, quòd talia sunt, sed uniuersaliter, eo quòd illud ex necessitate non sit: destruens autem, quòd non est ex necessitate, construit, quòd est accidens, & propterea ad alia problemata nõ reducitur hic locus, quia illa prædicata non destruit in eo, quod falsa sunt. reducitur autem ad problema accidentis, eo quòd construit accidens: atque hinc elicit Alexander rationem quare hic locus conuertatur. primus autem, cui hic est maxime similis, non conuertatur. si enim primus conuerteretur, efficeretur locus generis, aut proprii, aut definitionis. si scilicet hoc modo diceret inspicere, si id, quod accidens est secundum alium quandam modum assignetur. licet enim hic locus ita conuersus construat accidens, non tamen erit locus accidentis, quoniam cum primaria dialectici intentio sit destruere, & hic locus licet construat accidens, aliquod tamen aliorum destruit, ideo ab eo potius quod destruit, quàm ab eo, quod construit, denominationem sumit.

dubitatio Alexandri.

solutio dubitationis Alexandri.

locus decimus nonus ex πολωνυμία prædicatum attributum alicui subiecto, à quo differt solo nomine, non erit eius accidens.

## LOCVS DECIMVS NONVS.

Amplius et si eadem sibi accidens posuerit. Innititur hic locus cuidam propositioni, quæ talis est, quòd impossibile idem sibi ipsi accidere: accidens enim in subiecto est, & aliud est ab eo, cui accidit, & potest ipsi abesse, & adesse. nihil

M 2 hil



hil autem potest esse subiectum sui ipsius; neque potest esse aliud à se ipso; neque potest sibi ipsi inesse, & non inesse. hoc igitur supposito locus est, quòd si quis ex nominum multitudine, quæ eandem rem significant deceptus, existimans scilicet, quòd sicuti nomina distincta sunt, res etiam distinctæ sint, quæ ab illis nominibus significantur. dicat unum eorum alteri accidere, refelli debet, ex eo quòd dicit idem accidere sibi ipsi, ut si quis diceret, quòd ensis accadat gladio, aut indumento uestis uel lætari, gaudere. hæc enim subiecto idem sunt, licet nomina sint diuersa. hoc modo deceptus est Prodicus, & Stoici, qui aliud esse uolebāt, *χαράν*: aliud *ἡδονήν*: aliud *τέρψιν*: aliud *εὐφροσύνην*. dicebant enim *χαράν* esse rationalem delectationem: *ἡδονήν* uero irrationalē. *εὐφροσύνην* esse delectationem, quæ ex sermonibus accipitur: *τέρψιν* autem, quæ percipitur auribus. sed aberrant hi, eo quòd circa nominum usum non sunt leges imponendæ. loqui enim debemus, ut multi sentire ut sapientes: his autem nominibus pro eodem uulgo utimur,

VIGESIMVS LOCVS.

Locus uigesimus ex contrarietati complexione positionum, quæ alterum terminum contrarium habent, uel subiectum, uel prædicatū. si una est uera, reliqua erit falsa: & si una falsa reliqua uera. eam uero, quæ utrumque habent contrarium, si una est uera, reliqua quoque erit uera, si una falsa, & reliqua.

*Quoniam autem contraria connectuntur quidem etc.* IN hoc loco tradendo philosophus primo ostendit, quomodo sex fiant contrarietatum complexiones. secundo, quòd ex his quatuor tantum contrarietatem inter se habent. tertio elicit ex dictis, quòd eidem plura possunt esse contraria. quarto ostendit locum, quòd scilicet ex his complexionibus eam accipere debemus, quæ utilis sit ad problema construendum, uel destruendum,

AD huius loci traditionem explicandæ primo sunt contrarietatum complexiones. cum igitur duo sunt contrariorum paria, quæ inter se connectuntur, fiunt sex complexiones; quarum quatuor tantum contrarietatem habent. Sint enim, exempli causa, hæc duo contrariorum paria, iustum, & iniustum; bonum, & malum; uel alterum quodque de altero quoque dicetur. & hoc dupliciter, uel utrumque contrariorum, de altero tantum subiecto dicetur; uel idem contrarium de utroque contrario subiecto dicetur. si alterū quodque de altero quoque dicatur, duæ fient coniugationes. prima est iustum, est bonum, iniustum est malum. secunda huius conuersa iustum est malum, iniustum est bonum. Si utrumque contrariorum de altero subiecto dicatur, duæ aliæ fient coniugationes, iustum est bonum, iustum est malum, & iniustum est bonum, iniustum est malum. si idem contrarium de utroque contrario subiecto dicatur, duæ aliæ fiunt coniugationes, nempe iustum est bonum, iniustum est bonum, & iustum est malum, iniustum est malum. præter has autem impossibile est plures fieri complexiones ex duobus contrariorum paribus. ex his autem sex complexionibus quatuor solum posteriores habent contrarietatem inter se. prima autem nullam habet contrarietatem. neque enim ei, quæ dicit iustum est bonum, contraria est ea, quæ dicit iniustum est malum, & ratio est, quoniam quæ æqualiter sunt, eligibilia non sunt contraria: sed hæc sunt æqualiter eligibilia, ergo non sunt contraria. quòd autem sint æqualiter eligibilia, patet, quoniam eorum utrumque ab eodem more procedit. uir enim probus, & iustum esse bonum, & iniustum malum existimat: præterea quæ simul uera sunt, contraria esse non possunt: at hæc simul sunt uera: non igitur contraria. Sed neque propositiones illæ iustum est malum, iniustum est bonum sunt contrariæ, quoniam æqualiter sunt euitandæ, & ab eodem more procedunt. quæ autem sunt contraria, ita se habent, quòd si eorum alterum est detestandum, alterum est eligendum. euitandum autem euitando



euitando non est contrarium, sed hoc quod dictum est, dubium habet, quo modo scilicet uerum sit, quod utrumque contrarium non possit esse euitandum, cum in Ethicis ostensum sit, quod unaquæque uirtus in mediocritate quadam consistens duo habet circa se extrema uitiosa, quæ utraque sunt detestanda. Dicendum est, quod si contrariorum alterum in excessu consistat, alterum uero in defectu, quod hoc modo possunt utraque esse euitanda, & hac ratione, quæ circa uirtutem sunt, extrema sunt pariter euitanda: at si contraria in excessu, & defectu non consistant, tunc semper erit uerum, quod dictum est, quod scilicet si eorum alterum fugiendum sit, alterum erit eligendum. cum igitur ea, de quibus sermo est, non consistant in excessu, & defectu, & utraque male sint: non igitur erunt contraria. quatuor autem reliquæ complexiones contrarietatem inter se habent. in tertia enim complexione propositioni, quæ dicit iustum est bonum, contraria est ea, quæ dicit iustum est malum: quod autem sint contrariæ ex eo patet, quod ex contrario more, & habitu procedunt. eadem ratione in quarta complexione propositioni, quæ dicit iniustum est bonum contraria est, quæ dicit iniustum est malum, quin & quæ sunt in quinta propositiones sunt contrariæ, iustum est bonum, iniustum est bonum; & quæ in sexta iustum est malum iniustum est malum: atque hinc corollarium quoddam elici debet, quod eidem plura possunt esse contraria. ei enim propositioni, quæ dicit iustum est bonum contraria est ea, quæ dicit iniustum est bonum; & ea, quæ dicit iustum est malum: atque huius rei ratio est, quoniam in unaquaque harum propositionum duo sunt contraria, unum subiectum, & alterum prædicatum: ideo unicuique duæ erunt propositiones contrariæ: altera scilicet subiectum habens contrarium, idem autem prædicatum: altera uero habens prædicatum contrarium, idem autem subiectum, & ideo plures duabus uni non erunt contrariæ. semper autem si una ex his propositionibus contrariis erit eligenda, aliæ duæ sibi contrariæ erunt fugiendæ. Præterea si una earum fuerit uera, reliquæ duæ sibi contrariæ erunt falsæ, & è conuerso. si una earum erit falsa, & euitanda, reliquæ duæ sibi contrariæ erunt ueræ, & eligendæ. illæ autem duæ, quæ uni sunt contrariæ, nullam inter se habent contrarietatem, quæ omnia ex subiecta descriptione fient manifestiora.

PRIMA CONIVGATIO.

Iustum est bonum. Amicis benefacere.  
Iniustum est malum. Inimicis malefacere.

SECUNDA.

Iustum est malum. Amicis malefacere.  
Iniustum est bonum. Inimicis benefacere.

TERCIA.

Iustum est bonum. Amicis benefacere.  
Iustum est malum. Amicis malefacere.

QUARTA.

Iniustum est bonum. Inimicis benefacere.  
Iniustum est malum. Inimicis malefacere.

QUINTA.

Iustum est bonum. Amicis benefacere.  
Iniustum est bonum. Inimicis benefacere.



# T O P I C O R V M A R I S T.

## S E X T A.

Iustum est malum.

Amicis malefacere.

Iniustum est malum.

Inimicis malefacere.

exemplum.

**D E M V M** Aristoteles dixit accipiendum esse contrariorum quodcunque est ad positionem utile. cum enim positæ sint sex coniugationes contrariorum, si earum aliquam uolumus construere, aut destruere, eam accipere debemus, quæ utilis est ad hoc efficiendum, quæ scilicet melius, & facilius probari potest. hæc autem uel erit contraria, ut quæ de eodem subiecto contrarium enunciat prædicatum, uel quæ de contrario subiecto idem enunciat prædicatum. exempli causa, si quis poneret, quod iustitia malum sit, quoniam huic duo sunt contraria, nempe iustitia est bonum, & iniustitia est malum: si facilius probare possimus, quod iniustitia sit malum, hanc accipiemus, & probabimus: forte quoniam iniustitia est uitium, & quoniam est animæ ægritudo, & corruptrix ciuilis societatis, & omnis conuentus; & propterea est contra humanam naturam, cum homines sint natura associabiles. hoc igitur ostendentes destruemus propositum problema, quod iustitia sit malum: aliquando etiam propositio utilis ad problema construendum, uel destruendum non erit contraria, ut quæ de contrario subiecto contrarium enunciant prædicatum, exempli causa, si positum esset problema, utrum uoluptas sit bonum, ostendentes nos, quod dolor est malum, ostendemus, quod uoluptas est bonum. hæc enim, quæ de contrario subiecto contrarium enunciant prædicatum, sunt simul uera, uel simul falsa.

## L O C V S V I G E S I M V S P R I M V S.

locus uigessimus primus ex contrariis mediatis. contrariorum medium habentium si unum subiecto inerit, alterum ei non inerit. exemplum.

*Amplius si est aliquid contrarium accidenti considerandum est etc.* Hic locus, qui est ex contrariis medium habentibus, apte collocaretur ante præcedentem post eum scilicet, qui est ex contrariis immediatis. diciturq; Alexander, quod in aliquibus codicibus ita positus legitur.

**E S T** autem locus, quoniam impossibile est, quod eidem insint contraria, quando aliquid ponitur alicui accidere: debemus considerare, an illud accidens habeat aliquid contrarium, & ostendere, si possumus, quod illud contrarium insit ei subiecto, cui accidens illud inesse positum est. si enim hoc ostendatur, positum problema destruetur, exempli causa, si positum esset iniustitiam utilem esse, quoniam hoc accidens contrarium habet, nempe inuitile ostendentes nos, quod iniustitia est inutilis, eo quod omnis animæ ægritudo inutilis est habenti ipsam, propositum problema destruemus.

quid Alexander dicat.

**D I C I T** autem Alexander, quod hic locus idem est cum præcedente. differt autem ab eo solum secundum dictionem: attamen si recte consideremus, non solum differt secundum dictionem, sed etiam secundum rem, quoniam ille est, quando tam subiectum, quam prædicatum habet contrarium. hic autem est, quando prædicatum tantum habet contrarium.

locus uigessimus secundus ex contrario rum consecutione. si posito quod accidens alicui insit, consequatur contraria eidem inesse, accidens illud non inerit.

## V I G E S I M V S S E C V N D V S L O C V S.

*Aut si quid tale dictum est etc.* Hic locus est, ut consideremus, nunquid ad propositum problema consequatur contraria eidem inesse. cum enim impossibile sit, quod contraria eidem insint. si hoc ostendamus problema illud, ad quod hoc impossibile sequitur, destruemus, exempli causa, si quis poneret ideas in



in nobis esse ita scilicet, ut sint nostræ formæ, ad hoc cōsequetur, quòd ideæ simul sint immobiles, & motæ intelligibiles, & sensibiles, quod est impossibile. quod enim est immobile, nullo modo potest moueri. & quod est intelligibile non potest esse sensibile, quoniam id, quod est intelligibile, est separatum à materia: quod autem est sensibile, est materiæ immensum: quod autem posito ideæ in nobis esse hæc consequantur, patet. in eo enim quòd ideæ sunt immobiles, erunt & intelligibiles, cum sint materiæ expertes. in eo uero, quòd in nobis sunt, mouebuntur saltem per accidens: quoniam motis nobis ea omnia mouentur, quæ sunt in nobis. erunt etiam sensibiles, quoniam forma uniuscuiusque sub sensum cadit saltē per accidens. si igitur ideæ sunt formæ in nobis, erunt igitur sensibiles: ita igitur ostenditur impossibile esse, quòd ideæ sint in nobis. eodem modo destrueremus, quòd omnia in omnibus mixta sint, ut sensit Anaxagoras, eo quòd ad hoc consequitur contraria simul esse: destrueremus pariter, quòd unum tantum sit ens, & infinitum, ut sensit Parmenides, quoniam ad hoc consequatur, quòd ens sit unum, & multa. infinitum enim quantitatis est: quantitas autem est accidens. erit igitur substantia, & quantitas, ergo multa. pariter destrueremus, quòd omnia moueantur, eo quòd ad hanc positionem sequatur idem simul moueri, & quiescere. hoc enim quod dicitur omnia moueri, in eo, quòd uerum, & firmum permanet, immobile est: in eo uero, quòd & ipsum ex omnium numero est, mouetur, mouetur igitur, & quiescit: ita ostendimus falsum esse dicere, scit Dio, quòd mortuus est, quia contingeret ipsum uiuere, si hoc sciret. Pariter ostenderemus, quòd hæc non sit propositio. ego dico falsum, eo quòd omnis propositio est aut uera, aut falsa: at si hæc esset propositio, contingeret ipsam simul esse ueram, & falsam. quodcunque enim supponatur, uel quòd sit uera, uel quòd sit falsa; alterum etiam consequetur: si enim supponatur, quòd sit uera, ergo erit falsa. ita enim uerificatur, si falsa sit, si autem supponatur, quòd sit falsa, erit etiam uera. ita enim est falsa, quoniam id, quod dicit, non est falsum, sed uerum. Consimili modo multas alias propositiones destrueremus. sed aduertendum est hoc ultimum exemplum esse sophisticum, eo quòd nulla propositio neque nomen impositum est ad significandum se, sed alia. quare hæc propositio, ego dico falsum, non est intelligenda de se ipsa, sed de aliis, quòd si quis de se ipsa uelit intelligere, hoc erit præter naturam, atque hac ratione infinita prope sophismata dissoluentur.

NOTANDVM autem est, hunc locum esse solum destructiuum, non esse constructiuum.

## VIGESIMVSTERTIVS LOCVS.

Rursum si positum accidens etc. PHILOSOPHVS primo locum proponit: deinde duobus exemplis ipsum explicat. tertio ostendit, quomodo utilis sit ad destruendum; & quomodo ad construendum.

LOCVS est, quoniam idem subiectum est contrariorum susceptiuum. si quis dicat aliquid alicui accidere, considerare debemus, utrum illi accidenti sit aliquid contrarium: & si subiectum illud non sit eius contrarii susceptiuum ostensum erit, quòd neque eius accidentis positi potest esse susceptiuum, exempli causa, si quis dicat, quòd odium consequatur iram, id est ira inest, patet, quòd in qua animæ parte posita est ira, in eadem odium. cum igitur ira sit in ira scibili animæ parte, quam *θυμῶν* Græci appellant, in eadem

omnia in omnibus mixta esse secundū

locus uigessimustertius ex contrariis susceptiuum. si subiectum positi accidentis non est etiam susceptiuum contrarii neque positum accidens ipsi inest. si autem sit susceptiuum contrarii, alterum quoque contrarium ipsi inesse poterit. exemplum.



obiectio.

solutio.

dubitatio.

dem erit & odium : debemus igitur uidere , utrum odio sit aliquid contrarium . et quoniam amicitiam odio contrariam dicimus , debemus uidere , utrum amicitia sit in irascibili animæ parte . si enim in ea non sit , neque odiū in ea erit , cum idem subiectum debeat esse utriusque contrarii susceptiuū . cum autem amare , & amicitia non sit in irascibili animæ parte , sed in concupiscibili ; neque igitur odium in ea erit . Rursus si quis diceret ignorantiam esse in appetibili animæ parte , quoniam ignorantia contraria est , scientia sequetur appetibilem animæ partem scientiæ esse susceptiuam , quod si hæc scientiam non suscipit , sed ratiocinatrix pars , neque igitur ignorantia erit susceptiuā : ex hoc loco ostendere poterimus , quod nulla moralis uirtus sit scientia , quoniam si moralis uirtus esset scientia , esset in rationali animæ parte , in qua est & ignorantia . Non est autem in hac , sed in possibili , non ergo uirtus moralis est scientia . Alio autem modo confert hic locus ad destruendum , alio uero ad construendum : ad destruendum enim simpliciter confert . si enim quis ostendit subiectum non esse susceptiuum unius contrarii , neque alterius erit susceptiuum . confert autem ad construendum , non quod accidens alicui insit , sed quod inesse potest : & quod subiectum est eius susceptiuum , ut quoniam materia est susceptiuā formæ , erit etiam susceptiuā priuationis , quæ est formæ contraria .

NOTANDVM hic est , quod cum ignorantia duplex sit negationis , & prauæ dispositionis : ignorantia negationis priuatiue opponitur scientiæ : ignorantia uero prauæ dispositionis scientiæ est cōtraria . hic igitur philosophus cum dicit , Erit enim scientiæ susceptiuum siquidem , & ignorantia . Intelligit de ignorantia contraria scientiæ , quoniam hoc loco de contrariis loquitur , uel dicamus cum eadem sit ratio de contrariis , & habitu , & priuatione , quoniam sicut idem est subiectum utriusque contrarii susceptiuum , ita idem est susceptiuum habitus , & priuationis . ut igitur admoneret philosophus hunc locum utilem esse & in contrariis , & in habitu , & priuatione , ideo hoc secundum exemplum attulit de habitu , & priuatione .

SIC dubitaret quis , quod ex hoc loco ostendere possemus , niui non inesse albedinem , aut frigiditatem , quoniam non est susceptiuā nigredinis , aut caliditatis . & igni non inesse caliditatem , quoniam non est susceptiuus frigiditatis : & dum non esse susceptiuum uitæ , quoniam neque mortis est susceptiuus .

DICENDVM est hunc locum intelligendum esse in his contrariis , quorum nullum est subiecto connaturale : at niui connaturalis est frigiditas , & albedo : & igni caliditas , & Deo uita . possumus etiam dicere , Deum non esse uitæ susceptiuum , quoniam est ipsius uitæ fons , & αὐτὸς Ζῶν .

## LOCVS VIGESIMVS QVARTVS.

locus uigessimus quartus ex contradictoriis . si negatio accidentis non insit negationi subiecti ; neque accidens subiecto inerit , si autem illud inest , & hoc inerit .

Quoniam autem oppositiones sunt quatuor . IN hoc loco tradendo philosophus docet argumentari ex contradictoriis . et quoniam in his uult , quod argumentemur ex consequentia è conuerso , & summamus hoc ex inductione : ideo primo declarat , quidnam sit hæc consequentia è conuerso . deinde declarat , quomodo hoc sumendum sit ex inductione . tertio ostendit hunc locum esse constructiuum , & destructiuum .

LOCVS igitur est , ut procedamus ex consequentia è conuerso . est autem hæc consequentia è conuerso , quando accipimus oppositum eius , quod est in posita positione prædicatum , & de eo prædicamus oppositum subiecti , ut honestum



honestum est delectabile, ergo non delectabile non est honestum. dicitur autem consequentia è conuerso, quoniam non constituuntur termini eo ordine, quo in priori propositione sunt cõstituti: ut si diceremus, honestum est delectabile, ergo non honestum non est delectabile; sed ordinem commutamus, ex subiecto prædicatum efficientes, & ex prædicato subiectum. in his enim si uera est affirmatio, uera quoque est huiusmodi negatio: et si uera est hæc negatio, necesse est ueram esse affirmationem modo dicto ei oppositam. & si earum altera falsa est, alteram quoque oportet esse falsam. ad ostendendum autem, quòd reciproca sit hæc consequentia è conuerso, dixit philosophus procedendum esse ex inductione, id est quòd si per singularia discurremus, inueniemus ipsam in omnibus procedere, ut si homo est animal, ergo quod non est animal, non est homo: et si honestum est delectabile, ergo quod non est delectabile, non est honestum: & si factum habet principium, ergo non habens principium non est factum. et huius rei ignorantia errauit Melissus, qui ita argumentabatur, factum habet principium, ergo non factum non habet principium: neque enim hoc modo licet argumentari, quia plerunque falleret, sicuti hoc loco fallit. multa enim sunt, quæ non facta sunt, quæ habent principium, & quemadmodum ex affirmatione negatio consequitur: ita uicissim ex hac negatione illa affirmatio, ut si quod non est animal, non est homo, ergo homo est animal: & si quod non est delectabile, nõ est honestum, ergo honestum est delectabile: & si non factum non habet principium, ergo factum habet principium: atque hinc patet, quomodo hic locus utilis sit ad destruendum, & ad construendum: ad destruendum quidẽ, quoniam si ostendamus falsam esse negationem, ostendemus falsam quoque esse affirmationem modo dicto ei oppositam. si enim falsum est, quod non est bonum non esse uoluptatem, falsum quoque erit uoluptatem esse bonum. falsum autem erit, quod non est bonum non esse uoluptatem. si uerum erit, quod non est bonum esse uoluptatem: quòd autem hoc sit uerum, patet, quoniam intemperantium uoluptates non sunt bonum, & tamen uoluptates sunt, ergo uoluptas non est bonum. Hoc modo destrueremus, quòd dentur lineæ indiuisibiles, ut quidam dixerunt, si enim indiuisibile partes nõ habet, ergo quod partes habet, non est indiuisibile. cum igitur omnis linea partes habeat, (solum enim punctum partes non habet) ergo nulla linea erit indiuisibilis. Vtilis est autem ad construendum, quia si ostendamus ueram esse negationem, uera pariter erit affirmatio: ut si quod non est animal, non est homo, ergo homo est animal: & si quod non est bonum, non est eligibile, ergo bonum est eligibile, & si quod, non est utile non est bonum, ergo bonum est utile: & sicuti ostendimus ex negatione destrui, & construi affirmationem, ita ex affirmatione construitur, & destruitur negatio. quod facile ex dictis intelligi potest.

Melissus i-  
gnorantia er-  
rasse.

NOTANDVM est hunc locum consimilem esse secundo modo syllogismo-  
rum hypotheticorum. sicut enim ibi ex opposito consequentis infertur op-  
positum antecedentis: ita in hoc loco oppositum prædicati dicitur de oppo-  
sito subiecti. & hanc conuersionem uolunt quidam eam esse, quæ dicitur à  
iunioribus conuersio per contrapositionem.

hunc locum  
similem es-  
se secundo.

NOTANDVM etiam est, quòd uniuersaliter quidem sit consequentia è cõ-  
uerso, sicuti diximus ab opposito, scilicet prædicati ad oppositum subiecti.  
sed quandoque etiam consequentia procedit ex opposito subiecti ad opposi-  
tum prædicati, ut in propriis, & definitionibus. si enim homo est risibilis, er-

N go



## T O P I C O R V M A R I S T.

go quod non est homo, non est risibile: & si album est disgregatium uisus, ergo quod non est album, non est disgregatium uisus, sed hic consequentiæ modus in propriis tantum, & definitionibus procedit. prior autem non solum in his, sed etiam in generibus, differentiis, & accidentibus.

### L O C V S V I G E S I M V S Q V I N T V S.

locus uigessimus quintus ex consequentiâ in contrariis. si alicui subiecto habenti contrarium inesse ponitur accidens habens contrarium, oportet, ut alterum quoque contrarium alteri insit contrario, uel eodem ordine, uel commutato. si hoc non sit, neque illud erit. si autem hoc sit positum, quoque accidens inest subiecto, uel è contra.

*In contrariis autem considerandum.* PHILOSOPHVS primo locum proponit ex consequentiâ in contrariis, & docet quomodo ipso utamur. secundo ostendit, quomodo ad idem fiat consequentiâ. tertio quomodo fiat è conuerso. postremo quomodo sit constructiuus, & quomodo destructiuus.

L O C V S est si alicui contrario aliquid inest contrarium, alteri quoque contrario alterum contrarium inest. ut si uirtus est eligenda, uitium est aspernandum. hoc autem dupliciter potest contingere, quòd scilicet alteri contrario alterum insit contrarium uel scilicet ad idem, uel è conuerso, id est uel eodem ordine, uel ordine commutato. eodem quidem ordine procedit consequentiâ, quando duabus existentibus contrariorum coniugationibus ad membra unius membra alterius consequuntur, ut fortitudo, & timiditas sunt contraria, & uirtus, & uitium, & ad fortitudinem consequitur uirtus. ad timiditatem uero uitium, ita ad honestum consequitur delectabile. ad turpe autem consequitur molestum: & ad ingenerabile consequitur incorruptibile: ad generabile autem corruptibile. contraria enim sunt, ut dicit Alexander, generabile, & ingenerabile, corruptibile, & illa sunt antecedentiâ, hæc uero consequentiâ. Ordine autem commutato procedit consequentiâ, quando duabus existentibus coniugationibus contrariorum non ad membra unius membra alterius consequuntur, sed ad unum membrum primæ coniugationis unum membrum secundæ consequitur: & rursus ad alterum membrum secundæ alterum membrum primæ consequitur, ut bonus habitus, & malus habitus sunt contraria: & sanitas, & ægritudo, & ad bonum habitum consequitur sanitas. omnis enim qui bonum habitum habet, sanus est: sed ad malum habitum non consequitur ægritudo, sed è conuerso ad ægritudinem consequitur malus habitus. omnis enim qui est æger in malo habitu est, non tamen quicumque est in malo habitu, est æger, quia plerique sani sunt mali habitus. eodem modo uitium, & uirtus sunt contraria, & felicitas, & infelicitas: & ad uitium consequitur infelicitas: ad felicitatem uero consequitur uirtus, quoniam qui est felix, oportet, ut sit uirtute præditus, non tamen qui uirtute est præditus, omnino est felix. quemadmodum enim imperito artifice imperitia satis est, ut in agendo erreret: perito uero non sufficit ars, ut recte operetur, sed accommodatis etiam instrumentis indiget. idem esse uidetur in uirtute, & uitio. Sicut autem superius admonuit philosophus procedendum esse per inductionem: idem hoc loco docet, neque minus, quâ ille est hic locus aptus ad construendum, & destruendum: ad construendum quidem, quoniam si ostendamus, quòd ad contrarium consequatur contrarium, oportet, quòd aliud etiam contrarium consequatur, uel eodem ordine, uel commutato, ut quoniam ad caliditatem consequitur rarefactio, necesse est, quòd ad frigiditatem consequatur condensatio, uel è contra.

A D destruendum autem, quoniam ostendentes, quòd alterum contrarium ad alterum nullo modo consequitur: neque scilicet eodem ordine, neque commutato, ostendemus, quòd neque ad alterum, alterum consequi ullo modo



modo potest: ut si ostendamus, quòd ad bonum non consequitur album, neque ad album bonum, ostendemus etiam, quòd nullo modo ad nigrum malum consequitur.

LOCVS VIGESIMVSSEXTVS.

*Similiter autem contrarijs, & in priuationibus etc.* SICVTI dictum est procedere consequentiam in contrariis, eodem modo procedit in priuatione, & habitu: præterquam, quòd in his nunquam fit consequentia ordine commutato; sed semper eodem. Si igitur ad uisum sequitur sensus, ergo ad cæcitatem sequitur insensibilitas, quæ aptius à Græcis dicitur ἀναισθησία. & si ad auditum sequitur intelligere, ad surditatem sequetur non intelligere: & si ad ordinationem sequitur forma, ad inordinationem sequetur priuatio: & si ad uitam sequitur sentire, ad mortem sequetur non sentire.

SED dubitaret quis, quòd ad uisionem sequitur uita. si quis enim uidet, idem uiuit; non tamen ad cæcitatem sequitur mors: ex loco autem tradito sequi deberet. Soluit Alexander, quod oportet considerare ne ad utrunque contrariorum, quæ sunt in una coniugatione, alterum eorum consequatur, quæ sunt in altera coniugatione. tunc enim locus traditus non procedet, & ratio est, quoniam in eo dicitur, si ad alterum alterum consequatur: hic autem alterum consequitur non ad alterum, sed ad utrunque, sicuti sequitur uita ad uisum, & cæcitatem. & sicuti etiam sequitur ipsa uita ad somnum, & uigiliam, & in uniuersum ad omnes sensus, et suas priuationes: intelligendus igitur est locus, quando alterum ad alterum solum consequitur, & non ad utrunque. & hinc etiam patet, non sequi. prodigalitas est uitium, ergo auaritia est uirtus, quoniam alterum horum contrariorum, consequitur nò ad alterum, ut locus dicit, sed ad utrunque.

NOTANDVM etiam est hunc locum, sicuti & superiores, esse constructiuum, & destructiuum.

LOCVS VIGESIMVSSEPTIMVS.

*Similiter autem habitui & priuationi etc.* HIC philosophus primo locum proponit: deinde duo affert exempla: tertio affert instantiam: ultimo eam dissoluit. SICVTI dictum fuit in priuatiue oppositis consequentiam semper procedere eodem ordine, & nunquam commutato: ita & in relatiuis procedit. quare si ad principem sequitur regere, ergo ad subditum regi: & si ad regere sequitur bene afficere, ergo ad regi sequetur bene affici: & si ad scientiam sequitur existimatio, ergo ad scibile sequetur existimabile: & si ad triplum sequitur multiplex, ergo ad tertium, uel subtriplum, ( quibus uocibus tertiam partem intelligimus, quam Græci appellant τριτημόριον ) sequetur submultiplex, quod ipsi dicunt παλλοσημόριον, id autem est submultiplex, quod est aliqua pars eius, ad quod refertur: & si ad duplum sequitur excedens, ergo ad dimidium sequitur excessum. Sed aduertum hunc locum obicere aliquis posset, quoniam uerum quidem est, sensibile est scibile, non tamen licet inferre, ergo sensus est scientia. sed soluitur hæc obiectio, eo quòd falsum assumit, quòd scilicet sensibile sit scibile. indiuiduorum enim & singularium sensus quidem est, non tamen scientia, quoniam scientia est ipsorum uniuersalium. si igitur singularium non est scientia, sed solum sensus: ergo sensibile non est scibile. quare argumentum illud retorqueri potius potest ad probandum,

locus uigessimus sextus ex consequentia in priuatione & habitu. si habitus consequitur habitum, & priuatio consequetur priuationem eodem ordine, & e contra: si hoc nò sit, neque illud erit.

locus uigessimus septimus ex consequentia in relatiuis. si relatiuum inest relatiuo, correlatiuum quoque inest correlatiuo.

obiectio.

solutio.



quòd sensibile non sit scibile . si enim sensus non est scientia, ergo neque sensibile est scibile .

I N T E L L I G E N D V M autem est , quòd sensibilibium non est scientia per se , sed per accidens , quatenus sensibilia per abstractionem sunt uniuersalia . N O T A N D V M autem est hunc etiam locum conferre ad costruendum , & destruendum , sicuti & superiores : adiecta tamen conditione superius dicta , quòd scilicet ad alterum oppositorum consequatur , alterum tantum & non utrunque , & ideo non sequitur : uerum est complexum , ergo falsum incomplexum , quia utrunque sequitur ad complexum .

## L O C V S V I G E S I M V S O C T A V V S .

locus uigesimus octauus ex coniugatis , et casibus , si alicui ex coniugatis aliquid accidens inest , aliis quoque coniugatis accidentis coniugata inerunt . et si alicui non inest , neque aliis inerit . & si aliquid accidens alicui inest , coniugatis quoque contrarii subiecti coniugata contrarii accidentis inerunt .

Rursus in coniugatis & casibus , &c . P R I M O philosophus proponit , quòd ex coniugatis , & casibus construere possumus , & destruere : deinde declarat , quanam sint coniugata : tertio quanam sint casus : quarto docet , quòd casus etiam referuntur ad coniugata , & quare coniugata appellentur : quinto locum exponit : postremo docet , quòd non solum ipsum propositum , & eius coniugata considerare debemus ; sed & eius opposita .

V T intelligi possit , quomodo argumenta desumenda sint ex coniugatis , & casibus tum ad destruendum , tum ad costruendum . uidendū prius est , quidnam sint coniugata , & quid sint casus . Ea , quæ ab aliquo ita denominantur , sicuti iustum , & iustus à iustitia ; & forte , & fortis à fortitudine . Præterea ea , quæ ab eo denominantur , cuius sunt effectiua , uel conseruatiua , sicuti salutare , & *δ'εκτινόν* coniugata dicuntur & inter se , & cum eo , à quo dicuntur . in quare differunt à denominatiuis , quoniam denominatiua dicuntur solum à suo primitiuo , non dicuntur autem denominatiua inter se , neque cum eo . casus autem dicuntur ea , quæ ab aliquo ita dicuntur , sicuti à prudentia prudenter , à iustitia iuste . differunt autem casus à coniugatis , quòd coniugata res quasdam significant : uel enim significant aliquid factum ab ipso primitiuo , ut iustum , uel ipsum habens , ut iustus , uel eius effectiuum , aut conseruatiuum , ut salutare , & nomina sunt . casus autem non significant res , sed modum actionis , uel dispositionis cuiusdam , & sunt aduerbia . coniugata tamē , quando latius accipiuntur , comprehendunt etiam casus . nam & casus sub eodem quodammodo iugo cum suo primitiuo uidentur comprehendi , ut iuste cum iustitia , musice cum musica . coniugata enim *σύνσχεα* à græcis dicta , nomen inde sumpserunt , quod in eadem sunt coordinatione , quam ipsi dicunt *συνσχηάν* . coniugata igitur erunt , ut fortitudo , forte , fortiter : iustitia , iustus , iustum , iuste , & huiusmodi alia . ita igitur patet , quid sint coniugata , quid casus est , quòd casus ad illa deducantur .

L O C V S autem ex coniugatis est , si alicui ex coniugatis accidens aliquid inest , aliis quoque idem accidens inerit : & si alicui non inest , neque aliis inerit . Quare erit & constructiuus , & destructiuus . si igitur uellemus construere , quòd iustitia sit laudabilis , ostendentes , quòd uir iustus sit laudabilis , aut quòd iuste sit , laudabiliter fiat , propositum ostendemus .

S I autem uelimus destruere , ostendemus , quòd alicui ex coniugatis accidens propositum non inest : ut si uellemus ostendere , quòd iuste sit non fieri inutiliter , ostendemus , iustitiam non esse inutilem , eo quòd nulla uirtus est inutilis : iustitia igitur cū sit uirtus non erit inutilis . quare neque quod iuste sit , inutiliter sit . Hic autem philosophus , cum dixisset , quòd simul cū aliis coniugatis iustitiæ , & ipsum iuste erit ex laudabilibus : subdit quòd iuste dici debet



bet laudabiliter secundū eundem casum, ut scilicet coniugata apte enuncientur, quòd iustitia laudabilis dicatur, iustum laudabile, & iuste laudabiliter. **N O T A N D U M** etiam est, quòd quemadmodum denominatiua cum suis primitiuis conueniunt & nomine, & significatu: & rursus ab eisdem, & nomine & significatu differunt. Ita debent se habere & ipsa coniugata.

**D E F I N I V I T** ea in Topicis Cicero, hoc modo coniugata dicuntur, quæ sunt ex uerbis generis eiusdem. eiusdem autem generis uerba sunt, quæ orta ab uno uarie commutantur. uoluitq; quòd coniugata à Græcis appellentur *σύνζυγα ἀπὸ τῆς συζυγίας*, sed ab Aristotele, & à Peripateticis appellantur *σύνσχημα ἀπὸ τῆς συσσειχίας*.

Ciceronem in Topicis de finisse coniugata.

*Considerandum autem non solum in eo &c.* **H I C** philosophus non tradit nouum locum, ut quidam arbitrantur, sed hæc est pars prioris loci, ubi docet, quòd non solum coniugata ipsius propositi consideremus, sed etiam cōiugata oppositi: sicut enim superius dictum fuit in loco ex consequentia in contrariis, si contrarium sequitur ad contrarium, oportet, ut inter reliqua quoque contraria sit consequentia; uel eodem ordine, uel commutato. si igitur uelimus probare, quòd bonum non ex necessitate est delectabile, non solum considerare debemus, utrum id, quòd bene fit, laudabiliter fiat: sed etiam debemus uidere, utrum malum sit molestum, & utrum id, quod male fit, moleste fiat. si autem hoc non sit (sunt enim quædam mala delectabilia,) ergo neque bonum erit omnino delectabile: & si probare uelimus iustitiam non esse scientiam, non solum considerare debemus, utrum id, quod iuste fit, scienter fiat; sed etiam utrum iniustitia sit ignorantia; & utrum id, quod iniuste fit, ignoranter, & imperite fiat; quoniam autem id, quod iniuste fit, scienter magis fit, quàm imperite. consulto enim & insidiosè pleraque iniusta fiunt. si igitur quod iniuste fit, scienter fit, ergo iniustitia non est ignorantia: neque igitur iustitia erit scientia. Notat postea Aristoteles hunc locū, qui scilicet loco ex coniugatis suppetias fert superius fuisse explicatum.

## L O C U S V I G E S I M V S N O N V S.

*Amplius in generationibus &c.* **D I V I D I T U R** hic locus in quatuor partes, quas etiam quatuor locos posset aliquis appellare. unus est ex generatione, secundus ex corruptione, tertius ex effectiuis, quartus ex corruptiuis. Ex generatione talis est locus, quorum generatio est bona, & ipsa bona sunt; & quorum generatio mala est, ipsa quoque mala sunt, ut si sanitatis, uirtutis, aut eruditionis generatio bona est, hæc quoque bona sunt; & si ægritudinis, aut paupertatis generatio mala est, hæc quoque mala sunt. Ex corruptione autem opposito modo consequentia procedit, quorum enim corruptio bona est, ipsa sunt mala, & è conuerso; quorum corruptio mala est, ipsa sunt bona, ut si sanitatis, corruptio mala est, sanitas igitur bona est, & si morbi corruptio bona est, morbus igitur est malus.

locus uigessimus nonus ex generatione, & corruptione, effectiuis, & corruptiuis: quorum generatio est bona, ipsa sunt bona: & eorū, quæ bona sunt, generatio est bona.

**L O C U S** autem ex effectiuis est, quorum effectiua, siue conseruatiua sunt bona, ipsa quoque bona sunt, ut quoniam moderata uictus ratio, quæ sanitatem conseruat, bona est, sanitas igitur bona est: & quoniam moralis educatio est bona, uirtus, ad quam ea conducit, bona est. ex corruptiuis autē, quorum corruptiua sunt bona, ipsa sunt mala, ut quoniam medicamentum est morbi corruptiuum, est igitur bonum.

**D U B I T A T** hoc loco Alexander, utrum sicuti quorum effectiua bona sunt,

dubitatio Alexandri.



*solutio.*

sunt, ipsa quoque bona sunt, an etiam quorum effectiua sunt, mala ipsa quoque sint mala. si enim hoc concedatur, recte concludent Stoici, quod à malo fit, non potest esse bonum, sed diuitiæ à malo plerunque fiunt, ut lenocinio, aut furto, ergo diuitiæ non sunt bonum. Respondet Alexander, quod dicere possumus hunc locum esse probabilem, sed non semper uerum, quod scilicet quorum effectiua sunt mala, ipsa quoque sint mala. nihil enim prohibet aliquod bonum ab aliquo malo fieri, ut sanitatem ab uestione, aut sectione. aliam præterea affert solutionem, quod philosophus solum dixit, quorū effectiua bona sunt, ipsa quoque bona sunt: non autem addidit quorum effectiua sunt mala, ipsa quoque mala: sicut enim ex ueris omnino uerum sequitur, ac impossibile est sequi falsum, non tamen ex falsis necesse est falsum sequi. potest enim & uerum sequi, ita & quod à bonis fit, omnino bonum est: at quod à malis non est necesse, quod sit malum, sed potest etiam esse bonum, sicut efficitur sanitas ex uestione, & sectione; & diuitiæ ex lenocinio. Notandum præterea est, quod sicuti non est necesse, quorum effectiua sunt mala, ipsa quoque esse mala: ita neque est necesse, quorum corruptiua sunt mala, ipsa esse bona. potest enim malum à malo tolli, ut si prauus aliquis illato uulnere pereat: etsi uulnus sit malum, non tamen ille erat bonus. Sed notandum est, quod licet hi duo loci, uidelicet quorum effectiua sunt mala, ipsa quoque mala sunt: & quorum corruptiua sunt mala, ipsa sunt bona, non sint omnino ueri, quoniam tamen probabiles sunt, possunt interdum usui esse dialectico.

*quid notādū.*

NOTANDVM etiam est aliud esse generationem; aliud uero effectiuum: sicut & aliud corruptionem; aliud uero corruptiuum. Generatio est, ut sanari, & ad uirtutem institui; effectiuum uero, ut dieta, & disciplina. per generationem enim intelligere debemus ipsum fieri; per effectiua uero ea, quibus aliquid fit.

PRAETEREA notandum est, quod à generatione, & corruptione non solum dictis modis procedit consequentia, quod scilicet si generatio bona est, ipsum quoque bonum est: & si generatio mala, ipsum est malum. sed etiam si res bona est, eius generatio bona est: & si res mala est, eius generatio mala est: idem dicendum de corruptione. Sed hi loci sunt potius ex generato, aut corrupto, quam ex generatione, aut corruptione: & hunc etiam consequentia modum annotare uoluit philosophus, cum dixit, Si, ipsa bona sunt, & generationes.

### LOCVS TRIGESIMVS.

*locus trigessimus ex proportionem eorum, quæ cōsimiliter se habent ad aliquam, uel aliquibus eadē debet esse ratio.*

Rursum in similibus, si similitur se habent. Hic locus est sumptus ex similitudine, seu analogia: & est, quod eorum, quæ cōsimiliter se habent ad aliquam, uel in aliquo, eadem debet esse ratio, ut quoniam scientia, ita se habet ad scibilia, sicut opinio ad opinabilia. si scientia est una plurium, ergo & opinio est una plurium: & si hoc sit in opinione, erit etiam in scientia: & si ita se habet uisus ad ipsum uidere, sicut auditus ad ipsum audire, ostendemus quoniam uisum habere per se non sufficit ad uidere. spatio enim & lumine præterea opus est, ergo neque auditum habere per se sufficiet ad audiendum: & si hoc non sit per se sufficiens, neque illud: & si eorum unum sit per se sufficiens, ergo & alterum. atque ita hic locus erit aptus non solum ad construendum, sed etiam ad destruendum. Admonet autem Aristoteles, ut hoc loco utamur in existentibus, & in apparentibus, id est in his, quæ uere similia sunt, & in



& in his, quæ probabiliter sunt similia: atque in his, quæ uere similia sunt. uerum semper concludetur, ut si dicamus, sicuti se habet punctus ad lineam, ita unitas ad numerum. in his autem, quæ probabiliter sunt similia, non omnino uerum concludetur. probabiliter autem similia sunt, ut scientia ad scibilia, ita opinio ad opinabilia: & ut uisus ad uidere, ita tactus ad tangere. non sunt autem uere similia, quoniam scientia est immutabilis fidei. opinio autem non est talis, uisus ut propria sensibilia percipiat, medio indiget, & hoc illuminato. tactus autem his non indiget, sed præterea quædam sunt, quæ apparentem habent probabilitatem, ut secundum figuram dictionis: sicuti si diceremus timere, & docere similia sunt, ergo sicuti docere actionem significat, ita & timere: aut diuidere, & intelligere similia sunt, ergo sicuti diuidere ita, & intelligere actionem significabit, sed hæc similitudo sophistica est, & eius usus ad dialecticum non pertinet.

NOTANDUM est, quòd cum similitudo duplex sit, quædam absolute dicta, quæ in qualitate consistit. sunt enim similia ea, quorum qualitas est una, sicut ea sunt eadem, quorum substantia est una: & ea, quorum quantitas est una, sunt æqualia. alia est similitudo, quæ in relatione ad aliud consistit, quæ dicitur proportio, siue analogia, quæ duplex est, ut in fine primi libri dictum fuit, uel ad aliquid, uel in aliquo. Hic igitur philosophus de proportionem loquitur, non de similitudine absolute dicta.

quid notādū.

### LOCVS TRIGESIMVS PRIMVS.

Considerandum autem & si in uno, & si in pluribus. Hunc locum dicere possumus sumptum esse ex uno, & pluribus. est autem, quòd si aliquid accidens attribuitur alicui, & illud subiectum in uno dicitur, in pluribus etiam dici debet, exempli causa, si docere unum est prodesse uni, ergo docere multos est prodesse multis. si autem hoc non sit, neque illud erit: & si recordari alicuius est cum eius imaginatione, ergo recordari plurium est cum plurium imaginatione: & si unus homo est rationalis, & plures erunt rationales: & si scire est ratiocinari, seu cogitare, ergo plura simul scire est plura, simul cogitare: si autem impossibile est plura simul cogitare, ergo scire non est cogitare. quòd autem impossibile sit plura simul cogitare, patet, quoniam quicumque cogitat, seu ratiocinatur unum quid cogitat. sicut enim impossibile est plures orationes simul proferre, ita & simul cogitare multa. cogitatio enim seu discursus est oratio quædam ipsius animæ secum ipsa loquētis. NOTANDUM est dupliciter exponi ab Alexandro uerba illa, Aliquoties enim dissonant. Prima expositio est, quòd hoc dixerit philosophus, ob loci correctionem, ut scilicet annotaret, quòd aliquoties dissonant, id est quòd aliquando hic locus non concludit uerum, sicuti in hoc exemplo: neque enim si impossibile est multa scientem multa cogitare: propterea scire non erit cogitare. Alia expositio longe melior est, quòd dixerit illud, Aliquoties enim dissonant. non ob calumniam loci, sed ut indicaret, in quibusnam hic locus utilis sit ad destruendum. ubi enim aliquid in uno quidem se habet, nõ tamen in pluribus incipientes nos à pluribus ostēdemus, quòd neque in uno est, ut uidebatur, sicut in proposito exemplo.

ATQVE hinc apparet hunc locum esse aptum ad construendum, & ad destruendum: & quomodo constructores, & quomodo destruentes procedere debeamus.

locus trigemus primus est ex uno, & pluribus. si aliquid accidens alicui, & unum de uno dicitur, etiam plura de pluribus dicentur.

uerba philosophi ab Alexandro dupliciter exponi.



locus trigessimus secundus ex magis & minus. si alicuius accidens inest alicui subiecto, & magis ipsius accidentis inest magis ipsius subiecti, quod si magis non inest magis, neque simpliciter inest simpliciter.

*Amplius ex magis, & minus &c.* QVATVOR locos nobis præbet philosophus in comparatiuis, qui desumuntur ex magis, & minus: & sunt omnes & destructiui, & constructiui. primus est, quando unum de uno dicitur: & hæc secundum magis, & minus comparationem recipiunt. secundus est, quando unum de duobus dicitur. tertius est, quando duo dicuntur de uno. quartus, quando duo dicuntur de duobus. Primum igitur primo explicemus, cum aliquod accidens alicui attribuitur, & eorum utrumque magis, & minus suscipiat. si magis inest magis, & simpliciter inest simpliciter. si autem magis non inest magis, neque simpliciter inest simpliciter, exempli causa, si quæritur utrum uoluptas sit bonum, quoniam utrumque suscipit magis, & minus: & uoluptas, scilicet et bonum inspicere debemus, nunquid maiori uoluptati maius inest bonum. si enim maiori uoluptati maius bonum inest, uoluptati quoque bonum inest: si autem maiori uoluptati maius bonum non inest, neque uoluptati bonum inest: & si quærat, utrum iniuriam facere sit malum, inspicere debemus, utrum maiorem facere iniuriam sit maius malum. si enim maiorem facere iniuriam est maius malum, quam minorem, ergo facere iniuriam est malum. si autem illud maius malum non sit, sicuti illis uidetur, qui tyrannum esse malum non putant: neque igitur iniuriam facere malum erit. eodem modo diceremus, si magis algere est maius malum, ergo algere est malum: et si magis esse pauperem est maius malum, ergo esse pauperem est malum: et si magis affectare laborem est maius malum, ergo affectare laborem est malum.

EST autem hic locus utilis ad construendum, & destruendum: sed si destruere uolumus, debemus incipere ab ipso magis: destruentes enim, quod magis non inest ostendemus, quod neque simpliciter, neque minus inest. si autem construere uelimus, debemus incipere ab eo, quod simpliciter inest. si enim simpliciter inest, etiam magis inest: & si minus inest, etiam simpliciter inest: & hæc omnia conspici possunt in exemplis prius allatis.

ADMONET autem philosophus, ut hoc assumamus ex inductione, utrum scilicet intensiori subiecti intensio prædicati inest: ut si uelimus ostendere, utrum maiori uoluptati maius bonum inest, debemus inductiue percurrere, quænam sint maiores uoluptates, ut quod maiores uoluptates sunt ueneris, cibi, & potionis. Sunt enim aliis omnibus uehementiores, quare maiores. si autem hæc non sunt maius bonum, neque igitur uoluptas erit bonum. possumus etiam illud, Hoc autem ex inductione sumendum, alio etiam modo interpretari, quod ad construendum procedere debeamus, ex eo quod simpliciter inest ad id, quod magis ad destruendum uero opposito modo est assumendum ex inductione: ita enim esse in singulis patebit.

## L O C V S T R I G E S I M V S T E R T I V S .

locus trigessimus tertius mustertius est, si quid non inest cui magis inesse consentaneum est, neque inest cui minus, si autem inest cui minus in esse consentaneum est, inest quoque cui magis.

*Alius uno de duobus dicto &c.* HIC est secundus locus sumptus ex magis, et minus, quando aliquod unum de duobus dicitur: et est, quod si cui magis consentaneum est inesse, non inest: neque cui minus inesse uidetur, inest. contra uero, si cui minus consentaneum est inesse, inest: ergo et cui magis inesse uidetur, inest. cum igitur aliquod pluribus attribuitur, si destruere uelimus, debemus probare, quod cui magis uidetur inesse, non inest. ita enim probabimus, quod neque cui minus uidetur inesse, inest; ut si probare uelimus



uelimus diuitias non esse bonum, ostendemus quòd sanitas, quæ magis uidetur esse bonum, bonum non est forte, quoniam sanitas plerisque sit malorum causa: bonum autem non sit mali alicuius causa, uel quoniam non efficiat bonos possidentes: bonum autem bonos efficiat possidentes. si igitur sanitas non est bonum, neque diuitiæ bonum sunt. si autem construere uelimus, ostendemus, quòd cui minus uidetur inesse, inest, ergo & cui magis ut exercitium, quod minus uidetur esse bonum, quàm diuitiæ, est tamen bonum, quia sanitatis est effectuum, ergo & diuitiæ sunt bonum.

## LOCVS TRIGESIMVS QVARTVS.

*Rursum duobus de uno dictis.* Hic est tertius locus sumptus ex magis, & minus, quando duo de uno dicuntur: quare est quodammodo conuersus prioris. in eo enim unum de duobus dicebatur, quando igitur duo accidentia eidem attribuuntur. si id, quod magis ei uidetur inesse, non inest: neque id, quod minus uidetur inesse, inerit. si autem id, quod minus uidetur inesse, inest, ergo & id, quod magis inesse uidetur, inerit. si igitur destruere uelimus, ostendere debemus id, quod magis uidetur inesse, non inesse: ut si uelimus ostendere, quòd dux non possit expugnare ciuitatem, ostendemus, quòd neque rex: & si uelimus ostendere, quòd uir prudens non est fortis, ostendemus, quòd neque audax, qui magis uidetur, est fortis. si autem construere uelimus, ostendemus, quòd id, quod minus uidetur inesse, inest: ut si uelimus ostendere, quòd discere sit iucundum, ostendemus, quòd discere sit utile, quod minus esse uidetur: & si uelimus ostendere, quòd iniuriam facere, turpe sit, ostendemus, quòd inutile est, quod minus uidetur.

## LOCVS TRIGESIMVS QVINTVS.

*Amplius duobus de duobus dictis etc.* Hic est quartus locus sumptus ex magis, & minus, quando duo de duobus dicuntur: & est, quod quando duo de duobus dicuntur alterum, scilicet de altero. si id, quod magis alteri uidetur inesse, non inest ei, neque reliquum, quod minus reliquo uidetur inesse, ipsi inerit, si autem id, quod minus uidetur inesse alteri, inest, id etiam, quod magis uidetur inesse reliquo inerit, quare non minus, quàm superiores confert hic locus ad construendum, & destruendum. ut si prodigus magis uidetur liberalis, quàm illiberalis prudens, non est autem prodigus liberalis: neque igitur illiberalis est prudens. & si sanitas magis uidetur esse bonum, quàm paupertas malum, non est autem sanitas bonum: neque igitur paupertas malum. & si minus uoluptas uidetur esse bonum, quàm labor malum, est autem uoluptas bonum, ergo labor est malum. & si modestus minus uidetur esse iustus, quàm immodestus iniustus: est autem modestus iustus, ergo immodestus iniustus.

## LOCVS TRIGESIMVS SEXTVS.

*Amplius ex eo, quod similiter inest.* Tres alios locos præbet philosophus in his, quæ comparationem recipiunt, qui sumuntur ex similiter inesse, atque hi tres loci correspondent tribus posterioribus locis ex magis, & minus. primus enim est, quando unum duobus inest. secundus, quando duo uni insunt. tertius, quando duo insunt duobus. quare autem non sit etiam ali-

locus trigessimus quartus est si id, quo magis alicui consentaneum est inesse ipsi, non inest, neque id, quod minus uidetur inesse ipsi, inerit, quod si id inest alicui, quod minus ipsi inesse uidetur, ipsi quoque inerit, quod magis inesse consentaneum est.

locus trigessimus quintus est si id, quod uni inesse magis consentaneum est, ipsi non inest, neque id, quod alteri minus consentaneum est, inesse ipsi inerit. si autem hoc inest, illud quoque inerit.

locus trigessimus sextus est ex similitudine. si id, quod consimiliter aliqui businessse probabile est, alteri eorum inest, alteri pariter inerit, & si alteri non inest, neque alteri inerit.



## T O P I C O R V M A R I S T .

quis locus, qui correspondeat primo eorum, qui sumuntur ex magis, & minus, ratio est, quoniam in eo dicebatur, quando aliquod accidens inest alicui subiecto, eius quoque intensio inerit intensioni subiecti. hoc autem inueniri non potest in his, quæ similiter insunt. non enim id, quod magis eidem inest, similiter inest. primus igitur locus ex his, quæ similiter insunt, est quando unum aliquibus duobus similiter inesse uidetur. si enim ostendatur alteri eorum non inesse, neque alteri inerit: & si ostendatur alteri inesse, alteri quoque inerit: ut si similiter parendum est legibus, & parentibus. parentibus autem obedire debemus, ergo & legibus, & si uoluptas, & diuitiæ similiter bona sunt, si uoluptas non est bonum, ergo neque diuitiæ.

SECVNDVS locus est, quando duo uni similiter inesse uidentur, & in his etiam. si alterum sit, alterum quoque erit: & si alterum non sit, neque alterum erit; ut si tyrannidi similiter inest bonum, & utile; si bonum ei non inest, ergo neque utile: & si uiro forti similiter inest confidere, quando oportet, & timere, quando oportet, si ipsi non inest timere, quando oportet, ergo, neque confidere, quando oportet, & si hoc inest, & illud inerit.

TERTIVS locus est, quando duo duobus similiter inesse uidentur; si alterum alteri non inest: neque reliquum reliquo inerit. si autem alterum alteri inest: reliquum quoque inerit reliquo: ut similiter inesse uidentur, uiro forti audacia, & timido securitas. non inest autem forti audacia, ergo neque timido inest securitas: & si similiter uoluptas est bonum, & labor malum; labor autem non est malum, neque igitur uoluptas est bonum.

### L O C V S T R I G E S I M V S S E P T I M V S .

locus trigessimus septimus ex appositione si alicui addatur alicui, efficiatq; ipsum quale prius non erat, ipsum quoque additum tale est.

*Amplius autem ex appositione.* DVOS locos tradit Aristoteles ex appositione alterius ad alterum, qui solum sunt constructiui; quorum primus est, quando aliquid alicui additum illud tale efficit, quale prius non erat, ipsum quoque additum tale erit, quale totum efficitur: ut si quis additum alicui ipsum efficit album cum prius album non esset, ipsum igitur additum album est, eodem modo si quid additum alicui ipsum efficit fragrans, aut dulce: ipsum quoque est fragrans, aut dulce. Hoc modo Plato ostendit animam esse uitam: anima enim corpori adueniens ipsum efficit uiuens: si autem anima est uita, erit igitur immortalis, eo quod non erit susceptiua sui contrarii, mortis scilicet. nullum enim contrarium sui contrarii est susceptiuum.

### L O C V S T R I G E S I M V S O C T A V V S .

locus trigessimus octauus existens in suscipientibus magis, & minus.

*Rursum si quid magis, & minus dicitur.* HIC locus etiam ipse est in suscipientibus magis, & minus, et comparisonem secundum hoc utilis: et est similiter solum probatiuus, ut prædicti, sed non destructiuus. nam quod magis aliquid, uel minus est aliquo, hoc etiam simpliciter est, non uelut natura eius existentis talis, sed uelut talis existentis ipsi. quatenus magis aliquo, uel minus est, ut si magis aliquo est, uel minus hoc aliquid dulce, et simpliciter est dulce: nam si non esset uniuersaliter dulce, nec magis, & minus aliquo dulci diceretur. nihil enim quod non participat aliquo ipsum dicitur aliquo magis, & minus habere, ut si non participat albo, neque magis aliquo, uel minus est album, eo quod minus proprie nos utimur. si autem non participaret aliquo, nullo certe secundum se magis, uel minus est, quod magis, & minus est aliquo, hoc etiam illo simpliciter participat. Quando igitur quæremus, si inest



est alicui aliquid horum magis, & minus suscipientium, quærendum est, si alicuius aditum secundum hoc, quo quærimus, si inest eidem magis, uel minus. Nam si aliquid huic inesse ostenderetur, ostensum quoque erit, quod etiam simpliciter illi ipsi inest, ut si quæreretur: si magis eligibilis est sanitas, quam uirtus, certe uirtus est eligibilis. & minus album est pallium, quam nix, quod certe est album. sed uidetur locus habere instantiam: nam dicitur terra leuior terra, & non simpliciter ipsi inest leue, nisi non proprie leuiora dicunt de terra: sed pro hoc minus grauius. Item neque paupertas simpliciter uirtus quanquam dicatur eligibilior morbo, nisi quod in talibus non est proprie eligibilis, sed pro minus fugiendo. igitur ad constructionem (ut dixit) locus est utilis, sed minime ad destructionem. nam hoc non est uerum, si aliquid non suscipit magis, & minus, hoc nec simpliciter est: uel si quid simpliciter non est hoc magis, & minus esse aliquo. nam neque substantia suscipit magis, & minus, neque aliqua quantitas, ut in prædicamentis ostensum est: ideo non necessarium est non esse hominem quendam, cum nec sit, nec magis, nec minus homo.

locum hunc  
ad cōstrutio  
nem esse uti-  
lem.

*Eodem autem modo considerandum est.* Cum dixerit locum constructiuum ab ipso magis, & minus, quod enim magis & minus aliquo est, hoc etiam simpliciter est, tanquam aliquam habeant similitudinem cum prædicto loco, apponit hunc ab eo secundum aliquid, & illum à quando, illumq; ab ubi. ut enim quod magis alicui inest, & simpliciter illi inest: sic etiam quod secundum aliquid inest alicui, uel quando, uel ubi, uidetur & simpliciter inesse illi. nam secundum quid aspiciens animal, & simpliciter aspicit: similiter etiam secundum aliquid audiens, & secundum aliquid odorans, uel gustans. item unumquodque corpus generabile aliquando existens, & simpliciter est. item si alicubi est hyppocentaurus, uel Sylla, & simpliciter erit. item ætate sanus simpliciter sanus est: & sanus in Græcia, & simpliciter sanus est, & corpus ubi existens, & simpliciter est. Igitur in talibus exemplis consonant loci, non tamen in omnibus sunt ueri: oportet porro ipsis ut uerisimilibus, sed non ut habentibus uim uti. uerisimilitudo autem est constructionis ipsorum, qua usus est ipse: nam si uniuersale, id est simpliciter impossibile est inesse alicui, hoc nec secundum aliquid, nec aliquando, nec ubi potest inesse eidem, consentaneum uidetur, quod secundum aliquid uel ubi, uel aliquando inest alicui, hoc simpliciter etiam inesse, non tamen hoc uerum est. non enim sequitur conuersionem simpliciter inesse, sed posse inesse, quod uerum est. Quod enim secundum aliquid inest alicui, patet, quia etiam potest inesse eidem. similiter & quando, & ubi, quare uerum erit existens secundum aliquid posse, & simpliciter inesse. nam quod non uerum simpliciter inesse manifestum etiam ipse facit: nam quando Aethiops partim, aliquid aliterq; albus existens, quippe secundus dentes est albus, minime simpliciter est albus. nam simpliciter hoc dicitur, ut ipse inquit, calumniatus locum, quod sine adiectione dictum uerum est. quod uero eget additione, ut sit uerum, hoc non est simpliciter, ob id Aethiops simpliciter non est albus, quia sine adiectione non est hoc uerum: Aethiops est albus, sed addito ipso secundum quid, sit uerum.

*Simpliciter autem est, quod nullo addito dicitur.* Cum dixerit instantias contra prædictos locos. Etenim secundum aliquid quidam existentes studiosi non sunt simpliciter tales, & aliquando non corruptum aliquid non est simpliciter incorruptibile, & ubi quidem confert uti tali diæta, ut in locis morbidis. simpliciter autem non, quod nullum horum simpliciter est, uel dicitur ostendens simpliciter quid est, indicauit prædictas instantias, quod recte dictum



est formans . quod enim sine adiectione alicuius uere est dicere simpliciter esse . hoc autem est tale . Exemplo autem dicti bono , & malo ipsi usus est . nā quod sine adiectione bonum hoc simpliciter bonum , & quod per se mouetur sine adiectione , hoc simpliciter mouetur . quod uero indiget adiectione , ut uere de ipso prædicetur moueri , hoc non simpliciter mouetur , de quo enim uerum est dicere , per accidens mouetur , & non potest adiectione uere de ipso moueri . prædicare , hoc non mouetur simpliciter , & in propositis sane quibus cum additione dictis uel hac , aliquo , uel ubi , uel aliquando . possumus & simpliciter additionem auferentes inferre , uere & simpliciter hæc dicerentur , ut secundum oculos uidere uerum est , immo huius uidentis secundum oculos uidere sine adiectione uere prædicatur , sed minime si natura liberale uere prædicatur omnino , & simpliciter liberale sine adiectione , & in aliis similiter .



# EXPLANATIO

## LIBRI III TOPICORVM

### ARISTOTELIS.

**V**TEA rectius assequamur, quæ in hoc tertio libro à philosopho traduntur, explicemus prius eius propositum, & quomodo hic liber cum superiori cōnectatur, & si quæ alia his sunt annexa.

**PROPOSITVM** igitur philosophi in hoc tertio libro est locos tradere, ex quibus ad comparatiua problemata disputare possimus. sunt autem comparatiua problemata, in quibus quæritur, utrum aliquid sit alio melius, aut eligibilius, aut iustius, aut calidius, aut tale aliquid.

**CONNECTITVR** autem hic liber cum superiori hoc pacto. philosophus in primo libro, ubi docuit, quænam essent problemata accidentis, dixit, quòd accidenti adnectuntur problemata comparatiua. cum igitur in secundo libro de problematibus accidentis locutus fuerit, ideo in hoc tertio de comparatiuis acturus est.

**S**ED hic uidendum est, qua ratione comparatiua problemata accidenti annectantur; deinde quænam sit comparatiuorum problematum materia, atque hic huius tractationis usum ostendemus. tertio in quibus prædicamentis reperiantur. quarto uidebimus, quot modis fiant comparatiua problemata.

**ANNECTVNTVR** comparatiua problemata accidenti, quoniam in solis accidentibus fieri potest comparatio. in comparatione enim semper est magis, & minus. at magis & minus in solis est accidentibus. neque enim genus his, quibus proximum est, magis aut minus inesse potest, neque proprium, neque definitio. accidens uero, eo quòd est extra eius substantiam, cui inest, ideo & magis, & minus inesse potest, quemadmodum etiam inesse potest secundum partem, qua etiam re alia prædicata destituuntur.

**H**ORVM autem problematum materia per omnem philosophiam diffusa est. nam & in moralibus plurima sunt talia problemata. ea enim omnia, in quibus quæritur, utrum aliquid sit alio eligibilius, ad moralem philosophiã pertinent, ut utrum sanitas sit eligibilior diuitiis, aut scientia gloria. ad naturalem autem philosophiam ea spectant, in quibus de re aliqua naturali quæritur, ut, utrum luna sit maior terra, utrum melior sit sensus an scientia, utrum simplicior motus sit circularis, aut rectus. in logica etiam facultate multa huiusmodi sunt, ut utrum maiorem efficiat fidem inductio, aut syllogismus, & quis prior syllogismus sit categoricus, aut hypotheticus, & quænam syllogistica figura sit melior. præterea & in omni fere arte inueniuntur huiusmodi problemata. Musicum problema est utrum acutior concentus sit Lidius, an Frigius, & quòd heroicum metrum sit aliis præstantius. utrum autem eligibilior sit medendi ratio, quæ sectione sit, an quæ pharmaco comparatiuum problema est, & ad medicinam pertinet. Hæc præterea problemata ad oratoriam facultatem quammaxime conferunt. eorum enim plurima, quæ ab oratore tractantur, in comparatione consistunt. nam & in deliberationibus de eligibiliore semper agitur, & in iudicialibus controuersis, ut plurimum de iustiori, qui igitur hæc, quæ hoc in libro traduntur, fue-

primum pollicetur se explicaturum. Aristotelis propositum; deinde connectionem istius libri cum superiori. quid philosophus in primo libro tractauit.

cur problemata comparatiua accidenti annectantur.

materiam problematum per omnem philosophiam esse diffusam.

problemata ad facultatem oratoriam conferre.

rit



rit affecutus, in hisq; exerceatur eorum, quæ ad deliberatium, & iudiciale genus pertinent, probationes facile inueniet, quibus si reliqua dicendi ornamenta adiecerit, is, quicquid libuerit, facile persuadebit, atque ita patet huius partis usus, atque utilitas.

in quibus prædicamentis sunt problemata comparatiua. Quæ ad qualitatem, & quæ ad quantitatem referuntur, recenset.

SEQVITVR, ut uideamus in quibusnam prædicamentis fiant comparatiua problemata. sunt autem in omnibus prædicamentis accidentium, quæ nouem sunt. in substantia enim cum nulli accidat, non fit comparatio. omnis quidem comparatio ad aliquid est, ad id secundum quod fit comparatio. aliquando est qualitas, ut cum quæritur de aliquibus, quodnam sit albius, calidius, leuius, aut iustius. hæc enim omnia ad qualitatem referuntur. ad quantitatem autem, cum quæritur, utrum luna sit maior terra. ad relatiua pertinet, cum quæritur, utrum musica, an geometria sit magis scientia, & utrum uisus, an auditus sit magis sensus. ad ubi spectat, cum quæritur, ubi nam potissimum sit princeps animæ facultas in corde, an in cerebro. ad quando spectat, cum quæritur, utrum in æstate, an in æquinoctio præstet nauigare. ad agere, cum quæritur, quisnam melius sanet sectione utens, an pharaco. ad pati, cum quæritur, quidnam facilius patiat corpus ne, an anima. ad situm esse, cum quæritur, Sol ne, an Venus sit terræ propinquior. ad habere, cum quæritur, utrum plantæ, an animalia magis animam habeant, quin & modo quodam in substantia fiunt comparatiua problemata, ut cum quæritur, quænam sit magis substantia prima ne an secunda. ut enim fiat comparatio, sufficit qualiscunque intentio, uel sit secundum magis, & minus secundum latitudinem prædicamenti, uel secundum altitudinem, uel secundum maius, & minus, atque ita patet, ut quibus prædicamentis reperiantur comparatiua problemata.

quot, & quibus modis comparationes fiunt: aut unum secundum plura: aut plura secundum unum.

SVPEREST, ut uideamus, quot modis comparationes fiant. comparantur igitur uel plura secundum unum, uel unum secundum plura, uel plura secundum plura. si plura secundum unum comparantur, uel hæc plura erunt coniuncta, & simpliciter prolata, uel coniuncta cum aliis quibusdam. et si coniuncta sint, uel cum diuersis erunt coniuncta, uel cum uno, atque eodem omnia. si autem plura comparentur secundum plura accidentia, uel illa coniuncta accipientur, uel seorsum. et si seorsum accipiantur, uel comparantur secundum plura accidentia coniuncta, uel seorsum accepta, plura quidem simpliciter posita secundum unum comparantur. si quærat utrum sanitas eligibilior sit, an diuitiæ. plura autem cum diuersis coniuncta secundum unum comparantur, si quærat utrum eligibilior sit prudentia cum diuitiis, uel sanitas cum temperantia. plura autem cum uno atque eodem coniuncta secundum unum comparantur, si quærat utrum eligibilior sit prudentia, uel sanitas cum diuitiis. unum autem comparatur secundum plura accidentia, si quærat utrum prudentia sit magis practica, an moralis, & utrum mathematica disciplina ad actionem magis conferat, an ad contemplationem. Plura simul accepta comparantur secundum plura accidentia, si quærat utrum prudentia cum sapientia coniuncta actiua potius sit, an contemplatiua. Plura uero seorsum, accepta comparantur secundum plura accidentia seorsum accepta, si quærat utrum prudentia ad actionem magis profit, quam sapientia ad contemplationem. comparantur autem secundum plura accidentia simul accepta, si quærat utrum prudentia, an sapientia magis sit actiua simul, & contemplatiua. tot igitur modis fieri possunt comparatiua problemata.

dicat dissoluedam esse difficultatem ordinis à philosopho non seruati.

SED hic dissoluenda est quædam difficultas non dissimulanda, cur nam philosophus



lofophus in hoc libro agens de comparatiuis problematibus non feru ait omnes locos comparatiuos ad hunc librum, sed in præcedenti libro quosdam etiam enumerauit. comparatiui enim loci erant; & qui ex magis, et minus sumebantur; & qui ex similiter, et alter eorum, qui ex appositione; et qui ex eo, quod magis quippiam inest, probabat inesse simpliciter. Dicendum est cum Alexandro, quod hic non est propositum philosopho agere de comparatiuis locis, sed de comparatiuis problematibus, in quibus agitur, utrum aliquid magis, aut minus inest alicui. de his enim quomodo constriui, et destrui debeant in hoc libro differet. Loci autem illi comparatiui in præcedenti libro relati non ostendebant comparatiuum aliquid, sed ex quadam comparatione ostendebant aliquid simpliciter inesse: non igitur idem est comparatiuum aliquid probare, et ex comparatiuo probare aliquid simpliciter inesse. Notandum tamen est, quod illi etiam loci non solum ad ea problemata utiles sunt, sed etiam ad ipsa comparatiua, de quibus agendum est.

*Vtrum autem eligibilis, & melius duorum plurium ue &c.* IN hac parte philosophus primo propositum suum in hoc libro proponit. secundo determinat, quamnam problemata relicturus sit, et rationem affert, et quæ tractaturus: ostenditq; quare de his recte agat, et de illis frustra ageret.

pars est, quæ tota continet propositum philosophi.

PROPOSITVM eius est considerare, utrum duorum, uel plurium sit eligibilis, aut melius. Dixit eligibilis, aut melius, non quod hæc nomina idem significant, sed melius, est quid communius. multa enim bona sunt, quæ non sunt eligibilia: nam et in diuina philosophia, et in naturali, et in logica facultate quæritur de meliori, in quibus tamen non est aliquid eligibilis, ut cum quæritur, quamnam substantia sit melior, immobilis, an mota: et cum quæritur quidnam sit melius inductio, an syllogismus. Dixit autem eligibilis, quoniam etsi de comparatiuis problematibus in uniuersum sit uerba facturus, tamen exemplum eligibilioris exemplum assumet. Dixit autem melius, quod est communius, ut ostenderet, etsi exemplo eligibilioris usus sit, tamen non de hoc tantum doctrinam instituere, sed de aliis omnibus, in quibus comparatio reperitur.

SED hic quæstio incidit, cur philosophus de comparatiuis problematibus in uniuersum loquens particulare exemplum assumpserit: deinde cur potissimum assumpserit eligibile. Dicendum est ipsum assumpsisse particulare exemplum, ut hoc modo de aliquo determinato loquens apertiore doctrinam faceret. qui enim uniuersaliter loquitur, cum uniuersalia à sensibus nostris maxime remota sint, obscurius loquitur, quam qui in particularibus doctrinam exercet. assumpsit autem philosophus potissimum eligibile, quoniam utilissima est eligibilioris dignoscendi cognitio, ut quæ per uniuersam philosophiam diffusa sit, et ad uitam maxime conducatur. præterea longe plura argumenta sunt, et loci ad eligibilis ostendendum, quam maius, aut callidius, aut quiduis aliud.

quæstio.

ratio, cur philosophus in uniuersum loquens de comparatiuis problematibus particulare exemplum assumpserit.

DIXIT autem, Duorum aut plurium, Quoniam comparatio unius secundum unum fieri non potest, sed oportet, ut duo, uel plura sint, quæ comparentur. quod si unum sit, oportet, ut secundum plura comparetur, sicuti superius diximus, ut si quærat utrum uirtus sit iucundior, an utilior.

SED dubitaret aliquis, quod etiam unius secundum unum fieri possit comparatio, ut cum quæritur, nunquid aliquid sit albius, aut maius, aut dulcius nunc, quam prius. Dicendum est, quod in his etiam duo quodammodo fiunt, eo quod additione temporis idem à se ipso differt.

quod necesse sit, ut duo, uel plura sint comparata; si comparatio unius secundum unum fieri debet.

IN secunda parte admonet philosophus, quomodo nam se habere debeant problemata,



# T O P I C O R V M A R I S T.

in quibus in-  
esse debent  
problemata  
cōparatiua.

problemata, ad quæ traditurus est locos, quòd scilicet non debent esse in rebus, quæ magnam, & manifestam habent differentiam. et ratio est, quoniam ea, quæ magnam, & conspicuam habent differentiam, non sunt digua inquisitione. nullus enim quæreretur utrum felicitas eligibilior sit, an diuitiæ: sed neque aliquis probabiliter posset ostendere, quòd diuitiæ eligibiliores sint, quàm felicitas: neque si quis hoc tentaret apud quenquam, fidem inueniret. Debent autem comparatiua problemata in his rebus esse, quæ dubitationē habent, & obscuram differentiam, cuiusmodi sunt sanitas, & bonus habitus uidere, & audire, actiua uita, & contemplatiua, & huiusmodi alia. et ratio est, quoniam hæc sunt inquisitione digna; ideo dialectici est ea pertractare: præterea ad ea construenda, & destruenda suppetunt argumenta. tertio, cum in his excessum alterius ad alterum ostendimus, fidem possumus inuenire. mens enim audientium inconstans prius, & incerta, cui magis parti sanitatem ferret, excessum unius eorum conspiciens facile assentitur ita esse, ut probatum est.

## L O C V S P R I M V S.

est primus lo-  
cus ex tempo-  
re, & firmita-  
te sumptus.

quomodo  
memoria sen-  
su melior o-  
stenditur.

ponit, quod  
peius est, uel  
euitabilius.

quando timi-  
ditas incre-  
mentum su-  
scipit.

*Primum igitur quod diuturnius aut firmitus.* Hic est primus locus ad probandū problema eligibilioris, qui sumitur ex tempore, & firmitate. estq; quòd eorum, quæ, consimiliter se habent, quod est diuturnius, aut firmitus eligibilius est eo, quod est minus tale. et licet hic locus unus sit, in duos tamen quodammodo diuidi potest, ut unus sit eorum, quæ alioqui consimiliter se habent, quod est diuturnius, eligibilius est. alter uero eorum, quæ alioqui consimiliter se habent, quod est firmitus, eligibilius est: ex eo ostenderemus, bonam famam esse diuitiis eligibiliorem, eo quòd post mortem etiam permaneat. nullus autem post mortem possit esse diues. Eodem modo ostenderemus memoriam esse meliorem sensu, eo quòd sensus ad præsentia solum extendatur. memoria autem longo tempore perduret. ex firmitiori autem ostenderemus scientiam esse eligibiliorem recta opinione, eo quòd illa sit firmitior, & immutabilior; & quòd uirtus est eligibilior bona fortuna; & quòd id, quod est ab arte, melius est, quàm id, quod est à fortuna; & id, quod consulto fit, melius eo, quod fit inconsulto; & id, quod est necessarium esse melius contingenti, si utraque bona sint; & id, quod est in nobis, id est quod in facultate, & arbitrio nostro positum est, melius est eo, quod non est in nobis; & quòd bonum consilium est melius bona fama; & quòd contemplatiua uita melior est actiua; & quòd mediocris uita, qualis est ciuilis, eligibilior est ea, quæ in alto sita est. firmitior enim est, & minus impedimenti obnoxia. *N O T A N D V M* autem est, quòd eodem modo ostendere possumus aliquid esse peius, uel euitabilius applicantes, scilicet hunc locum rebus malis. ex malis enim, quæ alioqui consimiliter se habeant, id, quod est diuturnius, aut firmitus, peius eo est, quod est minus tale. et hoc modo ostenderemus peius esse malam famam paupertate, quòd sit magis diuturna; & indigentiam prodigalitate, quòd firmitior sit; & illiberalitatem iactantia. illiberalitas enim est uitium firmitus, & magis immutabile: ita & timiditas peior erit incontinentia, quòd incontinentia decremento ætatis sedatur. tunc enim sedantur appetitus, propter quos est incontinentia. timiditas autem decremento ætatis incrementum suscipit, ita & uitium peius est, & euitabilius mala fortuna, quòd firmitus sit, & magis immutabile.

S E D



S E D hic sunt dissoluendæ quædam dubitationes. Primo enim ex hoc loco ostendi posse uidetur sensum esse meliorem scientia, quod sit diuturnior. à principio enim ætatis sentimus, scientia autē in perfectis tantū fit, præterea ostendi posset gloriam, & celebritatem nominis eligibiliorem esse uirtute, & felicitate, eo quod diuturnior sit, quod tamen falsum est: præterea ostendi posset sanitatem esse bono habitu eligibiliorem, quod etiam sanitas sit bono habitu diuturnior: quamdiu enim est bonus habitus, est etiam sanitas, non è contra. Primū soluit Alexander, quod sicuti probamus sensum esse meliorem scientia, ita etiam probare possumus scientiam esse meliorem sensu ex eo, quod firmior sit. quare debemus his locis uti, prout nobis utile sit. uidetur igitur Alexander sentire hunc locum esse solum probabilem, non autem semper uerum; sed uidetur etiam quod tueri possimus ipsum esse semper uerum, si hanc conditionem adiiciamus, quod scilicet id, quod tempore, aut firmitate exceditur, non excedat in aliquo alio, quod sit maius, et præstantius, quàm id, in quo exceditur, ubi igitur probamus sensum esse meliorem scientia, eo quod diuturnior sit, hæc conditio desideratur. maius enim quiddam est id, in quo scientia excedit sensum, quàm sit diuturnitas, in qua sensus excedit scientiam. Secunda etiam dubitatio consimiliter soluitur, quod scilicet gloria, & fama non est eligibilior uirtute, & felicitate, licet sit diuturnior, eo quod magno, atque euidenti excessu illa excedunt gloriam. & hoc uerum est, tunc etiam, quando cum uirtute, aut felicitate nullus sit honor, aut gloria, quod si cum illis sit gloria, ut semper ferre contingit, hac etiam ratione præstabunt, quod sint ipsius gloriæ causa. ubi enim duo sint eligibilia, quorum alterum sit alterius causa, primum illud licet sit minus diuturnum, erit tamen eligibilius. Tertia autem dubitatio hoc modo dissolui debet, quod id, quod est diuturnius, eligibilius est, eo quod est minus diuturnum, nisi contingat ipsum diuturnius in minus diuturno contineri. si enim ira sit eligibilis, erit, quod est minus diuturnum, eo quod in se contineat ipsum diuturnius, & additamentum, præterea habeat eligibilis cuiusdam. hac igitur ratione sanitas non erit eligibilior bono habitu, sed contra potius bonus habitus sanitate, eo quod sanitatem in se contineat, & præterea habeat aliud eligibilis additamentum.

Accingit se  
ad dissoluen-  
das quasdam  
dubitationes

Alexandrio-  
pinio.

### L O C V S S E C V N D V S.

*Et quod magis eligit prudens, aut uir bonus.* I N hoc loco tradendo philosophus primo locum proponit, cuius plures sunt partes. secundo documentum tradit.

H I C est secundus locus sumptus ab auctoritate, siue, ut Alexander dicit, ex iudicio, aut electione meliorum. plures autem habet partes: nam & id quod à prudentibus, & bonis uiris eligitur, eligibilis esse censendum est: præterea id, quod à legibus rectis sancitum est: præterea id, quod à studiosis circa aliqua electis iudicatur: præterea quod in unaquaque arte ab ipsis professoribus iudicatur, uel omnibus, uel pluribus: præterea in uniuersum quod ab omnibus, uel pluribus eligitur: præterea id, quod omnia appetunt, eligibilis esse censendum est, eo quod est minus tale, unamquamque harum partium exemplis illustremus, quæ etiam omnes haberi possent pro partialibus locis, ut hic secundus locus sex quodam modo contineret.

O S T E N D E R E M V S igitur ex eo, quod à prudentibus uiris eligitur, aliquid esse eligibilis, si probaremus, quod uirtute præditi præ aliis sint ho-

P nore

in hoc secun-  
do loco ab  
auctoritate,  
ex iudicio,  
aut ab electio-  
ne meliorum  
sumpto mul-  
tas proponit  
partes, quas  
inferius ordi-  
ne suis exem-  
plis declarat.

primam par-  
tem declarat  
quæ est. à pru-  
dentibus ui-  
fis, &c.



nore afficiendi . ita enim prudentes uiri sentiunt , ita quoque probaremus , quòd reip . bona priuatis sint anteponenda , quòd ita sentiant uiri prudentes , quod etiam probauit Thucydides , & Plato . qui enim propriis bonis consulit , destructa patria simul cum ipsa periit , qui autem patriæ magis , quàm propriis bonis consulit , rectius agit . patria enim seruata , ipse quoque magis seruabitur , ex eo autem quod bonis uiris uidetur , ostenderemus , quòd benefacere sit eligibilis , quàm bene recipere : & quod iniuria afficit eligibilis , quàm iniuria afficere : & quòd etiam boni uiri potius eligunt : & quòd gloriose mori eligibilis est , quàm turpiter in uita seruari : & quòd , pauperem esse iusta agentem , eligibilis est , quàm diuitem iniusta .

secundā , quæ  
est à rectis le-  
gibus , &c .

Ex eo autem , quod à rectis legibus sancitum est , ostenderemus aliquid esse eligibilis , ut quòd eligibilis sit publica conuiuia in urbibus celebrare : ita enim rectæ leges sanxerunt , ut Lycurgi , Zaleuci , & Solonis , & quòd , qui uirtute , non autem qui diuitiis præstant , ciuitatibus imperare , eligibilis est .

tertiam , quæ  
est . à studio-  
sis &c .

Ex eo autem , quòd à studiosis circa aliqua electis indicatur , aliquid esse eligibilis ostenderemus , ut quòd in exercitu præstet ordinem seruare , & non euagari , & parere duci , & illud homericum præoculis habere , optimum augurium esse patriam ulcisci , quin & illud , quod non est bona principum multitudo unus sit princeps , unus rex : eodem quoque modo ostenderemus , eligibilis esse utilia reip . facere , quam grata multitudini , quod ita studiosis circa politica uideatur .

quartā , quæ  
est . In una-  
quaque ar-  
te , &c .

Ex eo autem , quòd in unaquaque arte ab ipsis professoribus iudicatur , aliquid esse eligibilis ostenderemus , ut in medicina , quòd in uigore morbi tenuissimo uictu utendum sit , quòd initiis morborum à purgantibus medicamentis cauere præstet .

quintā , quæ  
est . In uni-  
uersum , &c .

Ex eo uero , quod in uniuersam omnibus , aut pluribus uidetur , aliquid eligibilis ostenderetur , ut quòd esse eligibilis sit quàm discere , aut scire . esse enim omnes eligunt : discere autem aut scire non omnes : & quòd lætari eligibilis sit , quàm exerceri , & quòd sanitas sit eligibilior honore , omnes enim sanitatem eligunt , non omnes autem honorem , ex eo autem , quòd pluribus uidetur , ostenderemus diuitias esse eligibiliores honore , quòd pluribus ita uideatur , & quòd artem aliquam habere præstet , quàm nō habere .

sextam , quæ  
est . Omnia  
appetunt .

Ex eo autem , quòd omnia appetunt , probari posset aliquid esse eligibilis , sicuti probauit Plato uoluptatem esse maximum omnium bonorum , eo quòd ipsam omnia appetant . nullum autem aliorum bonorum tale sit .

documentū  
philosophi .

In secunda parte dat documentum philosophus , Quòd oportet ducere ad id , quod fuerit utile , quod dicendum est . Cum enim omnia dicta utilia esse non possint ad quidlibet probandum neque enim ex eisdem probare possumus uoluptatem esse eligibiliorem uirtute , & uirtutem esse eligibiliorem uoluptate , sed illud ostendimus ex opinione omnium , uel multorum . hoc autem ex opinione sapientum : ideo recte admonet , ut dictis locis utamur , quomodo utile nobis fuerit , unde colligitur hos locos probabiles esse non in omnibus ueros .

CIRCA contextum philosophi primo notandum est , quare dixerit , quod magis eligit , Prudens , aut uir bonus . Nunquid hæc forte dixit , tanquam idem significantia ? sed non uidetur , quoniam uir bonus in plus est , quàm prudens . prudens enim est uir bonus , non tamen solus . nam & uir fortis , & iustus , & sapiens bonus est . possumus igitur dicere philosophum hæc dixisse , ut ostenderet , quòd non solum prudens , sed etiam quilibet alius uir bonus magis est fide dignus circa electiones , quàm qui tales non sunt : alio etiā modo



modo exponere possumus . cum enim uirtutes alie sint morales , quæ in bo-  
no uiro sunt : alie uero rationales , & contemplatiuæ , quæ in sapiente sunt ,  
quodd prudens significet eum , qui rationales uirtutis possidet . bonus autē ,  
qui morales .

Q V O N I A M autem philosophus diuersum existimasse uidetur , quod fan-  
tunt rectæ leges , quàm quod prudentes uiri iudicant , dubitare aliquis pos-  
set , quoniam hæc non uidentur diuersa , cum bonæ leges ex prudentia insti-  
tuantur . Dicendum est in eo differre prudentis uiri iudicium à recta lege ,  
quodd lex in quibusdam est diffinitis , & determinatis , prudentis autem uiri  
iudicium temporibus , personis , aliisq; circumstantiis accommodatur , at-  
que aliud in aliud est , unde & quandoque à recta lege dissentit prudentis iudi-  
cium . si enim lex sit , ut peregrinus mœnia ascendens capite plectatur . quis-  
piam autem hostes repulsurus ascenderit mœnia , hunc , etsi lex damnare  
uideatur , absoluet tamen prudens uir respiciens , scilicet non ad legis scrip-  
tum , sed ad mentem potius ferentis legem , qui pro reip . salute eam tulisse  
existimandus est . tunc enim , licet à legis scripto discederet , quando non le-  
uis coniectura , sed maxima aliqua , atque euidentissima ratio est , alias uero  
legis scriptum inuiolabiliter seruandum est .

dubitatio .

poena legis  
sancitæ .

N O T A N D U M præterea est dixisse philosophum , Quatenus tales sunt , quo-  
niam peritis in propria professione credendum est : at si quid extra eam dic-  
cant , non iam loquuntur quatenus tales , ut si musicus de medicina aliquid  
decerneret , aut medicus de re bellica , quare fidem non merentur , neque  
enim sutor , ut prouerbio dicitur , supra crepidam debet iudicare .

N O T A N D U M præterea est , quod illud , quod in unaquaque arte com-  
probatur , & eligitur ab omnibus artificibus , uerum per se est . id uero  
quod à pluribus , probabile quidem est , non tamen semper uerum . plerun-  
que enim contingit , ut unius in arte aliqua præstantissimi iudicium melius  
sit iudicio plurium . quare hoc pacto in eadem re ad utranque partem pote-  
rimus argumentari à iudicio plurium , & à iudicio præstantioris .

omnes secun-  
dum suā pro-  
fessionem iu-  
dicare debēt .  
quod ; si ali-  
ter , absurdū  
uidetur .

### LOCVS TERTIVS.

*Est autem simpliciter quidem melius , ac eligibilius .* H V N C locum dicere possumus  
desumptum esse ab eligibiliiori simpliciter , & alicui . est autem talis . Id ,  
quod est secundum optimam scientiam , simpliciter est eligibilius , & melius .  
quod autem est secundum aliquam aliam scientiam est alicui eligibilius ei sci-  
licet , qui scientiam illam proficitur , uel qui ea indiget . Exempli causa , quo-  
niam philosophia scientiarum omnium est optima , ideo qua sunt secundum  
philosophiam , ut uirtutes contemplari , leges condere meliora erunt , & eli-  
gibilia omnibus aliis , quæ secundum alias disciplinas sunt , ut mederi , fa-  
bricare , canere . et quoniam ea sunt omnibus eligibilia , ideo dicuntur sim-  
pliciter eligibilia . atque secundum alias disciplinas sunt , non dicuntur sim-  
pliciter eligibilia , sed alicui , ut profitenti artem , & ei , qui arte illa indi-  
get . medio enim sanare eligibilis , quàm contemplari , & agro , qui medica  
arte indiget , eligibilis est sanari , quod ab arte medica procedit , quàm con-  
templari , quod est secundum philosophiam .

hic locus se-  
cundum exē-  
pla uidetur  
desumpt⁹ ab  
eligibiliiori  
simpliciter .

L O C I huius fundamentum est , quodd sicuti facultas se habet ad facultatem ,  
ita eligibilis secundum unam facultatem ad eligibilis secundum aliam fa-  
cultatem se habere rationale est .

fundamentū  
loci .



# T O P I C O R V M I A R I S T.

Hic autem philosophus scientiæ nomine communius utitur, prout quamlibet disciplinam, & artem comprehendit.

## L O C V S Q V A R T V S.

à genere hic  
locus desum  
ptus est.

exemplum.

quid, ὅπερ, si  
gnificet.  
ens græce di  
citur ὅν.

prima expō.

expositio se  
cunda.

annotatio A-  
lexandri.

dubitatio.

Deinceps uero quod quidem hoc aliquid, eo quod non est in genere. Hic locus desumptus est à genere, estq; quod eorum, quæ comparantur. si unum sit in genere eius, secundum quod fit comparatio, hoc erit magis tale, eo quod non est in ipso genere, sed solum tale genus ipsi accidit. exempli causa, si quæ ratur, utrum superficies, an album sit, magis quantum probabimus superficiem esse magis quantam, eo quod in quantitatis genere sit. albo autem quæ titas accadat, eadem ratione albedo erit magis qualitas, quàm album. hoc pacto ostenderemus, quod iustitia, & unaquæque uirtus melior est, quàm uirtute præditus, ut prudens, fortis, aut iustus. nam unaquæque particularis uirtus est in genere uirtutis, & in genere boni, ut dicit philosophus communius genus assumens. eorum uero, qui uirtutes possident, nullus est in uirtutis, aut boni genere, sed uirtus, & bonum ipsis accidit, hoc etiam modo ostendere possemus formam, esse perfectiorem composito, quoniam forma est in genere perfectionis, compositi autem perfectio est accidens.

CIRCA contextum philosophi notandum est primo, quidnam significet il lud ὅπερ, quo plerunque philosophus uti solet. significat autem ὅπερ idem, quod proprie, & uere, ut sit ὅπερ ἀνθρώπος idem, quod uere, & proprie homo, & ὅπερ ὄν uere, & proprie ens. proprie autem, et uere aliquid dicitur esse id, quod de eo prædicatur in quid, & id, quod prædicatur hoc modo proprie, & uere dicitur prædicari: quare color ἐν τῷ ὅπερ prædicatur de albedine: & albedo dicetur ὅπερ χῶμα, id est uere, & proprie color. neque aliud quid dicitur uere, & proprie suum prædicatum, nisi id, quod sub eo prædicato, ut genere est, quare albus homo non poterit dici ὅπερ χῶμα.

ATQVE hinc patet huius loci fundamentum. id enim, quod est in genere boni, & eligibilis est uere, & proprie bonum, & eligibile. quod autem est uere, & proprie tale magis est tale, quàm id quod neque uere, neque proprie tale est.

VERBA illa, Similiter & in aliis. Dupliciter exponuntur. Primo sicut color de aliquibus quidem prædicatur, uti genus, de aliquibus uero, ut accidens. dicimus enim color inest albedini, & color inest parieti eodem modo: et alia plura genera aliquibus insunt, uti genera aliquibus, ut accidentia. Secunda expositio est longe exactior, ut dicamus similiter & in aliis, sicut in eligibilibus, & bonis se habet, quod id, quod est in genere boni, est magis bonum, ita & in aliis, quod erit in eo genere, secundum quod fit, comparatio magis erit tale, eo quod in tali genere non est: quare color magis inest albedini, quàm parieti.

NOTAT præterea Alexander hunc locum non minus accommodari ad ostendendum euitabilius, & deterius, id enim quod est in genere mali, peius est, & euitabilius, eo quod non est in tali genere.

SED dubitaret quis, quod huius loci nullus sit usus, eo quod nunquam quæritur, utrum albedo sit magis color, an paries albus. nullus enim est, qui nesciat, quod paries non est color, neque etiam quæri potest, utrum albedo sit magis colorata, an paries, eo quod albedo non est colorata, quoniam genus nunquam prædicatur denominatiue de specie. Dicendum est, non propterea tolli loci usum, licet enim dictis modis non fiant problemata, at hoc modo



modo fiunt; utrum color magis insit albedini, an parieti, utrum perfectio magis insit formæ, an composito, utrum bonitas magis insit uirtuti, an studio. sed quandoque est, quæritur, utrum uirtus sit magis bonum, an studiosus, sed tunc bonum æquiuoce sumitur. quod enim dicitur de uirtute, significat bonitatem: quod autem dicitur de studioso, significat rem bonitate affectam.

**DUBITANT** moderni, quoniam homo iustus uidetur magis bonum, quàm iustitia, eo quod plures continet bonitates. continet enim bonitates humanæ naturæ, & præterea iustitiæ. Soluunt, quod hic locus est probabilis, non tamen uerus. sed dicendum est locum esse uerum, & quod licet homo contineat plures bonitates, ea tamen, quæ inest iustitiæ, maior est, quàm simul omnes, quæ insunt homini iusto, eo quod bonitas inest iustitiæ essentialiter, & ἐν τῷ ὅπερ. bonitates autem omnes, quæ homini insunt, insunt ei accidentaliter, neque insunt ἐν τῷ ὅπερ. X 2 8 3 V 3 3 1

dubitatio Mo-  
dernorum.  
solutio.

### LOCVS QVINTVS.

**Et quod propter se eligendum.** Hic locus desumitur à propter se, & propter aliud. est autem talis id, quod propter se est eligendum, eligibilius est, quàm id quod propter aliud, ut si sanitas eligibilis est propter se: exerceri autem eligibile est propter sanitatem: ergo sanitas est eligibilior. et si exerceri est eligibile propter uincere, aut coronari: ergo uincere, & coronari eligibilius est. et si somnus eligendus est propter uigiliam, ut enim possimus uigilare, somno, & quiete indigemus: ergo uigilia est magis eligenda.

**DUBITANT** moderni, quod sanitas est eligenda propter se: uirtus autem propter felicitatem, non tamen sequitur, ergo sanitas est eligibilior uirtute. Soluunt quod id, quod eligitur propter se, est eligibilius eo, quod eligitur propter aliud, quando eligibile propter aliud ordinatur in eligibile propter se. Hæc solutio consentit quidem dictis Aristotelis, sed non dictis Alexandri, qui uult, ut hoc modo probare possimus, quod amicus sit eligibilior pecuniis, eo quod amicus est eligibilis propter se. cum enim amicus sit alter ipse, unusquisque autem sit sibi eligibilis propter se, ergo & amicus, et pecuniæ eliguntur propter aliud. uult etiam, ut eodem modo probare possimus, quod philosophia sit eligibilior rhetorica, eo quod rhetorica sit eligibilis propter aliud. philosophia autem propter se, neque tamen pecuniæ propter amicum, neque rhetorica propter philosophiam eligibilis est: ideo ex Alexandri sententia aliter est dicendum.

hunc locum  
multis exem-  
plis probatur  
esse desum-  
ptum à pro-  
pter se, & p-  
pter aliud.

dubitatio Mo-  
dernorum.  
solutio.

**NOTANDVM** autem est, ex ipsius Alexandri sententia bona quædam esse eligibilia propter se: quædam uero eligibilia propter aliud propter se, ut felicitas. et hæc dicuntur bona honorabilia à græcis τιμὰ. His adde, si libet: et si non addantur ab Alexandro bona delectabilia. quæ uero eliguntur propter aliud sunt, ut secari, exerceri, ditari, & hæc dicuntur bona utilia. alia uero sunt, quæ partim propter se, partim propter aliud sunt eligibilia, sicuti uirtutes, quæ propter felicitatem eliguntur, & propter ipsas alia eliguntur, eodem modo diuitiæ, & sanitas, & quæcunque alia bona sunt, ut potestates. atque hoc stante dicere possumus ex sententia Alexandri, quod ea, quæ solum propter se sunt eligibilia, sunt magis eligibilia, quàm ea, quæ propter aliud, & propter se. & hæc magis, quàm ea, quæ solum propter aliud. quæ autem sunt æqualiter eligibilia partim propter se, partim propter aliud æstimari debent, ex præstantia eius, ad quod diriguntur. et hac ratione uirtus est eligibilior sanitate,

quæ annotan-  
da sunt ex  
sententia A-  
lexandri.

quæ propter  
aliud eligun-  
tur, enume-  
rat.



nitrate, quòd felicitas, ad quam uirtus dirigitur, præstantior sit actionibus, ad quas dirigitur sanitas. Id autem indubitatum est, quòd quando eligibile le propter aliud ordinatur in eligibile propter se, quòd ipsum propter se erit eligibilius.

dubitatio mo-  
dero rum.

D V B I T A N T etiam moderni, quòd alio modo philosophus diuisit bonum in primo Rhetoricorum, in bonum iustum, bonum laudabile, & bonum utile. dicendum est, quòd ibi accommodauit boni diuisionem tribus generibus causarum. in deliberatiuo enim ex utili probamus: in demonstratiuo ex laudabili, & honesto: in iudiciali ex iusto, & æquo: & hoc quidem per se. per accidens enim in omni genere causæ probamus ex quo cunque boni genere, ut in deliberatiuo, ex utili per se, per accidens ex laudabili, & iusto, quoniam accidit, quòd illud utile sit laudabile, & iustum.

L O C V S S E X T V S.

hic locus de-  
sumptus est à  
per se, & per  
accidens, &  
exemplis de-  
claratur.  
-exemplum

quod propri-  
um est ami-  
citie.

Et quod per se, eo quòd per accidens. H I C locus desumptus est à per se, & per accidens, & talis est, id, quod est eligibile per se, est eligibilius, quàm id, quod per accidens est eligibile. id autem est eligibile per se, quod ex propria natura, & sui præsentia est eligibile. per accidens autem quòd, cum secundum propriam naturam eligibile non sit, ex circumstantia aliqua efficitur eligibile, exempli causa, si amicos iustos esse, eligibile est per se. neque enim eligimus amicos esse iustos propter nos, aut quòd ex eo aliquod nobis adueniat emolumentum, sed quoniam amicitia est bene optare iis, quos amamus. bonum autem est iustitia habenti ipsam per se, igitur eligibile est amicos esse iustos: per accidens autem eligibile est. neque enim inimicitia proprium est bene cupere inimicis: ita enim idem esset amicitia, & inimicitia, non igitur per se cupimus inimicos esse bonos, sed per accidens, ne scilicet nobis noceant. quoniam enim accidit iustis uiris non nocere, ideo cupimus inimicos esse iustos. si igitur hoc per accidens est eligibile, illud uero per se, id igitur est eligibilius.

hunc locum  
differre à su-  
periori, licet  
Aristoteles  
notet eundem  
esse cum su-  
periori.

N O T A T deinde Aristoteles hunc locum eundem esse cum superiori. differre autem ab eo modo, eo quòd idem sit, quod est propter se, & quod est per se, idemq; quod est propter aliud, & quod est per accidens, quod in exemplis conspicuum est. amicos enim iustos esse est eligibile propter se, & per se. inimicos autem esse iustos est eligibile per accidens. accidit enim cum iusti sint, ut nobis non noceant, est etiam eligibile propter aliud, ne scilicet nobis noceant. eodem modo & sanitas est eligibilis per se, & propter se. exercitium autem est eligibile propter aliud sanitatem scilicet, & per accidens, eo quòd accidit his, qui exercentur sanari. differt autem hic locus ab eo modo, eo quòd in eo utimur propter se, & propter aliud. in hoc autem per se, & per accidens.

L O C V S S E P T I M V S.

locus iste de-  
sumptus est  
à causa per  
se.

Quòd causa boni per se, eo quòd per accidens. H I C locus desumptus est à causa per se: est autem talis. Si duo aliqua sint alicuius boni causa, unum per se, alterum uero per accidens: quod est causa per se, est eligibilius, et hoc modo uirtus erit fortuna eligibilior, quoniam uirtus propriorum operum, quæ κατὰ φύσιν græci appellant, est per se causa. at fortuna, si boni alicuius sit causa, est causa per accidens, ut enim ostenditur in secundo Physicorum  
semper



femper fortuna est causa per accidens. hoc etiam pacto ostendetur medicam artem esse eligibilem fortuna, quando utraque sanitatis causa sint. Admonet autem philosophus hunc locum, si rebus malis applicetur, aptum esse ad ostendendum aliquid esse euitabilius. quod enim est per se causa mali, euitabilius est, & peius, eo, quod est causa mali per accidens. & hac ratione uirtutum erit peius mala fortuna, & nauis gubernator peior est, cuius praesentia nauis periclitatur, quam ille, cuius absentia. ille enim per se est causa summationis: hic uero per accidens. eadem ratio est de duce exercitus, de medico, & aliis consimilibus. Atque hinc eliciendum est locos esse, quos philosophus solum applicat rebus bonis ad ostendendum aliquid esse eligibilem, si rebus malis applicentur utiles esse ad ostendendum aliquid esse euitabilius. hoc enim innuere uoluisse uidetur philosophus hoc in loco.

admonitio philosophi.

ratio.

SUPPONIT autem hic locus quasdam esse causas per se, quasdam per accidens: causa per se est sicut aedificator domus: per accidens autem sicut Atheniensis, aut musicus. neque enim Atheniensis, aut musicus aedificat domum, ut talis, sed ut aedificator. Plures alias diuisiones causarum affert philosophus in secundo Physicae auscultationis, quod quaedam sunt remotae, quaedam propinquae, quaedam actu, quaedam potestate, quaedam complexae, quaedam incomplexae.

hoc in loco quaedam causas per se, quaedam per accidens ostenduntur exemplis.

DUBITANT moderni quoniam lapis est à causa per se, nempe à natura: at inuentio thesauri est à causa per accidens, scilicet à fortuna, & tamen inuentio thesauri est eligibilior lapide. facilis est solutio, quod Aristoteles loquitur de causis, non de effectis.

dubitatio modernorum.

solutio facilis.

## LOCVS OCTAVVS.

Et quod simpliciter bonum, eo quod alicui. Hic locus sumptus est à simpliciter bono. est autem talis, si duo sint, quorum alterum sit simpliciter bonum, alterum uero sit bonum alicui: id, quod est simpliciter bonum, melius erit, & eligibilius, exempli causa, quoniam quaedam sunt simpliciter salubria, ut exercitia, deambulationes, & uictus quidam: alia uero non sunt simpliciter salubria, sed alicui, ut puta aegrotati cuiusmodi sunt sectio inedia, quies, & pharmacum; ideo dicemus illa esse meliora, & eligibilia. pariter quoque, quoniam quaedam sunt simpliciter bona, quae omnibus secundum naturam se habentibus talia sunt, ut sanitas; quaedam autem sunt simpliciter mala, alicui tamen bona, ut aegritudo, quae Theageni bona fuit, ut refert Plato, quod ipsum uanioribus studiis occupatum ad philosophandum compulit: sanitas igitur, quod simpliciter bona sit, erit eligibilior aegritudine: ita quoque diuitiae, & gloria simpliciter quidem bonae sunt, ac proinde eligibiliores suis contrariis, quae simpliciter quidem bona non sunt, sed aliquibus, ut illis, quibus tyrannus, aliquis propter pauperiem, & ignobilitatem parcat ab illis nihil quicquam sibi timens, sed solum à ditioribus, & potetioribus.

locus hic à simpliciter bono desumptus est. exemplum.

## LOCVS NONVS.

Et quod natura est, eo quod non natura. Hic locus desumptus est à natura. bonum est autem, quod id, quod natura est bonum, melius est, quam id, quod non est natura bonum, exempli causa, iustitia, sicut & omnis uirtus est, ex sui natura bona: at iustum non est ex sui natura bonum, sed est bonum adiectione iustitiae. iustitia igitur est melior iusto.

à natura desumptus est iste locus. exemplum.

NOTANDVM



## T O P I C O R V M A R I S T.

enumerat ea  
in hoc loco,  
quæ sunt no-  
tanda.  
exempla.

**N O T A N D V M** autè est, quòd ea, quæ natura non sunt, uel sunt à fortuna, uel ab arte, uel à moribus, aut legibus, aut aliqua institutione, quæ sunt ca-  
su bona, deficiunt ab his, quæ sunt natura bona, quoniam eorum bonitas  
est accidentalis, ut si lanceæ percussio abscessum aperiens aliquem sanaret,  
quod etiam est arte bonum, deficit ab eo, quod est natura bonum, quoniam  
ars naturam imitatur, quatenus potest. nunquam autem eius perfectionem  
assequitur ita, & quæ institutione aliqua bona sunt, deficiunt, quia natura  
quacunque lege, & institutione melior est.

### L O C V S D E C I M V S.

desumptus è  
hic locus à  
subiecto di-  
gniori.

*Et quod meliori, & honorabiliori inest.* Hic locus desumptus est à subiecto dignio-  
ri. est autem talis. bonum quod meliori, & honorabiliori inest, melius est,  
& eligibilius, ut quoniam Deo eligibilius est benefacere, quàm bene recipe-  
re, ideo & homini eligibilius est benefacere, quàm bene recipere: & quo-  
niam animæ inest sapientia, corpori autem sanitas, & anima est melior cor-  
pore; ideo sapientia est melior, & eligibilior sanitate. eadem ratione & sci-  
re melius est, quàm sentire: sentire enim est magis corporeum: scire au-  
tem est animæ proprium.

### L O C V S V N D E C I M V S.

locus est à pro-  
prio melio-  
ris, & exem-  
plis ornatur.  
exemplum.

*Et quod melioris proprium melius, quàm quod peiori.* Hic locus est à proprio me-  
lioris, quod scilicet est melioris, proprium melius eo est, quod est propriū  
deterioris. exempli causa, quoniam Deus melior est homine, & equo, si  
Dei proprium est immortalitas: hominis autem scientiæ susceptium equi  
hinnibile, esse igitur immortale erit melius, quàm esse susceptium scine-  
tiæ, aut hinnibile eodem modo, quoniam anima est corpore melior, impe-  
tus igitur ille, quem ὁρμήν græci dicuntur, qui est proprius animæ, erit me-  
lior, quàm inclinatio ad motum, quam eidem appellant ῥοπήν, quæ est pro-  
pria corporis.

**O S T E N D I T** autem philosophus id, quod est melioris, proprium esse  
melius hac ratione, quoniam id, quod est aliquo melius, utique est eo me-  
lius secundum aliquid, at secundum ea, quæ communia sunt, & similia in  
utroque non est melius, cum secundum ea nulla sit inter ipsa differentia. qua-  
re oportet, ut secundum propria id, quod melius est, excedat deterius. si  
igitur secundum propria differentia est, & excessus melioris ad deterius, er-  
go, quod est proprium melioris, melius est eo, quod est proprium deterioris.

### L O C V S D V O D E C I M V S.

quomò hic  
locus summa-  
tur, ab exem-  
plis percipi  
potest.

*Et quod in prioribus, & melioribus, uel honorabilioribus.* Hic locus est, quòd eo-  
rum, quæ comparantur inter se secundum eligibile: si unum sit in melioribus,  
aliud in deterioribus: uel unum in prioribus, aliud in posterioribus: uel unū  
in honorabilioribus, aliud in minus talibus, melius erit id, quod erit in ex-  
cedentibus. si igitur quærat, utrum scientia, an opinio sit melior, osten-  
demus, scientiam esse meliorem eo, quòd sit in rebus incorruptibilibus. opi-  
nio autem in rebus mutationi obnoxiiis: incorruptibilia autem sunt corru-  
ptibilibus meliora. & si quærat, utrum sanitas, uel fortitudo sit melior,  
ostendemus sanitatem esse, meliorem, eo quòd in prioribus consistat: sani-  
tas



tas enim in *συμμετρία* quædam consistit primarum qualitatum caliditatis, frigiditatis, humiditatis, & siccitatis. fortitudo autem consistit in *συμμετρία* partium similarium carnis, neruorum, ossium, spiritus. pulchritudo autem consistit in *συμμετρία* partium dissimilarium, faciei, colli, thoracis, dorsus, & aliarum. primæ autem qualitates sunt his omnibus priores, ut ex quibus similes partes fiant, & ex his dissimiles, eadem ratione ostendemus fortitudinem esse meliorem pulchritudine, quoniam similia, in quibus fortitudo consistit, priora sunt dissimilibus, in quibus consistit pulchritudo pariter. si queratur, utrum contemplatio sit actione melior, ostendemus eam esse meliorem, eo quod circa magis honorabilia uersatur. actio enim circa agibilia uersatur, quæ in nobis sunt, id est in facultate, & arbitrio nostro posita. contemplatio autem circa optima, & diuina.

in quo pulchritudo consistat.

ratio, quare fortitudo sit melior pulchritudine.

### LOCVS DECIMVSTERTIVS.

*Et finis his, quæ sunt ad finem, eligibilior uidetur esse.* Hic locus desumptus est à fine. est autem, quod semper finis est melior, & eligibilior iis, quæ sunt ad finem. & hoc modo sanitas erit melior exercitio, sectione, & dieta, quoniam illa sunt propter sanitatem, & felicitas erit melior uirtute, sanitate, & diuitiis, & aliis bonis, quod ipsa sit finis. hæc uero omnia sint eius gratia; ita & scire melius est, quam discere, et secundum aliquem habitum operari melius est, quam ipsum habitum habere.

hic locus est desumptus à fine: in quo ostenditur finem esse meliorem his, quæ sunt ad finem.

### LOCVS DECIMVS QVARTVS.

*Et duorum, quod est propinquius fini.* DESUMITVR hic locus à propinquitate finis, & est, quando duo aliqua sunt ad finem eundem directa id, quod est propius fini, melius est. & hoc modo, quoniam ars fræna efficiens, et ars equos instruens ad militarem artem diriguntur. melior erit, quæ equos instruit, quoniam est magis prope finem, & quoniam ars, quæ scindit ligna, & ædificatoria ad architecturam diriguntur, ideo ædificatoria, quæ fini est propinquior, melior est. Huius autem ratio est, quoniam id, quod est propius fini, finis quodam modo ratione habet, ergo id, quod est ante ipsum.

à propinquitate finis sumitur iste locus.

ratio huius loci.

### LOCVS DECIMVS QVINTVS.

*Et omnino quod ad uitæ finem eligibilius, quam quod ad aliud.* Hic locus desumitur à uitæ fine, & est, quod conferens ad finem uitæ felicitatem, scilicet eligibilius est, & melius, quam conferens ad alium quempiam finem. Et ratio est, quoniam quæ ad perfectissimum finem conferunt, eligibilia sunt, quam ad aliquid imperfectius conferentia, sed omnium perfectissimum est felicitas, cum cetera omnia aliquo modo ad felicitatem quodam modo referantur: quæ igitur ad felicitatem diriguntur, eligibilia sunt, quam ad aliquid aliud relata. Hac igitur ratione ostendetur uirtutem esse eligibilem honore regio, quod uirtutis finis sit felicitas. honoris autem illius finis sit imperare populo, eadem ratione, & actio secundum prudentiam eligibilior est, quam prudentiæ effectiua, quod actio secundum prudentiam ad felicitatem referatur; illa uero ad prudentiam.

locus hic desumitur à fine uitæ.



# T O P I C O R V M A R I S T .

## L O C V S D E C I M V S S E X T V S .

dicatur hic locus à possibili.

*Et possibile impossibile.* Hic locus dicitur à possibili; & est, quòd possibile impossibile eligibilis est ei, cui illud est possibile, ut quoniam longa uita possibilis est homini. immortalitas autem impossibilis, erit igitur longa uita homine eligibilior eodem modo, quoniam moderata possibilitas est homini possibilis. impossibilitas uero est ei impossibilis, erit igitur *περὶ πονηρίας*.

## L O C V S D E C I M V S S E P T I M V S .

hic locus sumptus est à fine meliore.

*Amplius cum duo effectiua fuerint, cuius finis &c.* Hic locus sumptus est à fine meliore, & est, si duo aliqua sint duorum finium effectiua, cuius finis melior est, ipsum quoque melius est, & eligibilis, ut institutio in disciplinis est effectiua doctrinæ. exercitatio autem corporis est effectiua boni habitus. cum autem doctrina sit melior bono habitu, erit igitur institutio, exercitatione melior, eadem ratione exercitium melius erit, quàm lucrum, quoniam exercitium est effectiuum sanitatis: lucrum autem diuitiarum: melior autem est sanitas diuitiis.

quid sit exercitatio corporis.

Ex hoc autem loco eliciendum est, quòd quantum finis excedit finem, tantum eius effectiuum excedit effectiuum alterius, ut quantum felicitas excedit sanitatem, tantum uirtus excedet exercitium.

ratio, cur finis excedat finem.

Et ratio est, quoniam ita se habet unus finis ad suum effectiuum, sicut & alter ad alterum, ut ita felicitas se habet ad uirtutem, sicut sanitas ad exercitium, ergo permutatim sicuti se habent antecedentia, ita se habebunt antecedentia, sicuti scilicet felicitas ad sanitatem, ita uirtus ad exercitium, & hoc maxime conducet ad sequentem locum.

## L O C V S D E C I M V S O C T A V V S .

hic locus desumitur à proportionem finis ad effectiuum exemplum.

*Cum autem sit effectiuum, & finis ex proportionem &c.* Hic locus desumitur à proportionem finis ad effectiuum, & est, quòd si finis unius effectiui excedit finem alterius effectiui magis, quàm finis ille suum effectiuum, quòd huius quoque effectiuum finem illum excedet, exempli causa, si felicitas plus excedit sanitatem, quàm sanitas effectiuum sanitatis: effectiuum quoque felicitatis sanitatem excedet, & ratio est, quoniam ut ex superiori loco elicitur, quantum finis excedit finem, tantum eius effectiuum excedit effectiuum alterius. quantum igitur felicitas excedit sanitatem, tantum effectiuum felicitatis excedet effectiuum sanitatis. cum autem felicitas magis excedat sanitatem, quàm sanitas proprium effectiuum, ergo effectiuum felicitatis magis excedet effectiuum sanitatis, quàm sanitas idem suum effectiuum excedat. quare ipsum effectiuum felicitatis excedet sanitatem, quoniam si duo aliqua comparentur ad aliquod tertium, & eorum alterum magis illud excedat ipsum, excedet quoque id, quod minus excedit. si igitur effectiuum felicitatis magis excedit effectiuum sanitatis, quàm ipsum excedat sanitas, ergo excedet etiam sanitatē. supponamus enim clarioris doctrinæ gratia felicitatem excedere sanitatem, ut octo, sanitatem uero excedere effectiuum sanitatis, ut quatuor, cum semper quantum finis excedit finem, tantum effectiuum excedet effectiuum felicitatis, effectiuum excedet effectiuum sanitatis, ut octo. cum igitur effectiuum felicitatis excedat effectiuum sanitatis, ut octo, sanitas uero excedat



excedat ipsum sanitatis effectuum solum, ut quatuor, ergo effectuum felicitatis excedet sanitatem, ut quatuor.

LOCVS DECIMVS NONVS.

*Amplius melius est, quod per se, & honorabilius.* DESUMITVR hic locus à per se honorabili. est autem locus talis, id, quod in natura sua est honestius, honorabilius, & laudabilius, eligibilius eo est, quod est minus tale, exempli causa, amicitia est honorabilior, & laudabilior diuitiis, est igitur eligibilior. iustitia est honorabilior, & laudabilior fortitudine corporis, est igitur eligibilior. diuitia enim, & fortitudo, etsi uideantur esse per se bona, non tamen sunt per se honesta, neque honore, & laude per se digna: sed ad quid aliud referuntur, diuitia ad usum: fortitudo autem ad aliquid efficiendum sine impedimento.

desumitur hic locus à per se honorabili

Hoc in loco notat Alexander philosophum communius usum fuisse his nominibus pulchriori, honorabiliori, & laudabiliori, cum enim bona alia sint prima, ut felicitas, Deus, & parentes: alia καλὰ καὶ ἐπαινετὰ, ut uirtutes, & actiones secundum uirtutem, & scientia, alia δυνάμεις appellantur, quibus bene, & male uti possumus: alia ὠφέλιμα, quæ sunt horum bonorum effectiua, & in hæc conferentia. nunc τίμιον καλὸν, καὶ ἐπαινετὸν comprehendunt ea etiam bona, quæ sunt ut potestates, ut est amicitia, & alia huiusmodi.

quid annotet Alexander.

NOTAT etiam Alexander, quod ubi dicit philosophus, Nullus enim honorat diuitias, propter se. non ideo dixit, ut ostenderet diuitias non esse per se eligibiles. sunt enim diuitia per se eligibiles, licet non propter se. in eo enim quod in natura sua habent. ut sint utiles ad actiones uirtutis obeundas organum appellantur, & per se eliguntur, eliguntur tamen propter aliud, quoniam omne organum in id refertur, cuius est organum: ostendit igitur hic philosophus diuitias non esse per se, neque propter se honorabiles, quod enim non uelit ipas esse per se honorabiles, indicat ipas oppositiones amicitia, quæ est per se honorabilis, quod non uelit ipas esse propter se honorabiles, aperte dicit, quoniam sunt propter aliud honorabiles.

notat hic. Alexander dictum philosophi dicentis, nullum honorare diuitias per se.

SED dubitare quis, quidnam differat hic locus à loco quinto, in quo dicebatur, quod est propter se, eligibilius est, quàm id, quod est propter aliud; & quid differat à sexto, in quo dicebatur, quod est per se, eligibilius est, quàm quod est per accidens. præterea quid differat à nono, in quo dicebatur, quod est natura, bonum est eligibilius, eo, quod non est tale. Dicendum est hunc locum à quinto differre, quoniam differt per se honorabile ab eligibili propter se primo ratione, deinde quod quædam sunt propter se eligibilia, quæ tamen non sunt per se honorabilia, ut bona delectabilia. differt autem hic locus à sexto, quod quædam sunt per se eligibilia, quæ non sunt per se honorabilia, sicuti bona organica. differt autem à nono, quod ibi comparatur unum natura, bonum alteri quod non est natura bonum. hic autem atraque sunt natura bona, licet utraque non sint natura honorabilia.

dubitatio, an differat istellocus à loco quinto, & sexto, in quo dicebatur, quod est per se, eligibilius est, quàm quod est per accidens.

LOCVS VIGESIMVS.

*Amplius quando duo aliqua fuerint etc.* Hic locus desumitur à consequenti meliori. est autem talis. quando ea, quæ inter se comparantur, ita propinqua sint, ut excessum eligibilioris dignoscere non possimus, ad consequentia respiciamus

locus iste desumitur à consequenti meliori.



exemplum,  
in quo often-  
ditur eligibi-  
lius esse di-  
scere, quàm  
exerceri .

spiciamus . id enim ad quod maius bonum sequitur , aut minus malum est eli-  
gibilis , exempli causa , si quærat , quidnam melius sit discere , aut exer-  
ceri , accipiemus eorum consequentia , & quoniam ad discere sequitur scien-  
tia , ad exerceri bonus habitus ; melior autem est scientia bono habitu , er-  
go discere eligibilis est , quàm exerceri , ita ostendemus eligibilis esse be-  
nefacere , quàm bene recipere , quia ad illud consequatur esse similes diis , &  
nihil indigentibus . ad hoc autem consequatur esse similes mortalibus , & e-  
genis . quod si contingat consequentia esse mala , id erit eligibilis , ad quod  
minus malum consequitur , ut curari , quàm nauigare , quoniam ad curari  
sequitur uri ; & secari , ad nauigare autem naufragari , illa autem minus mala  
sunt , pariter ostenderemus , quod honor est eligibilior diuitiis , quod ad ip-  
sum consequi soleat minus malum , nempe iactantia : ad diuitias autem con-  
sequi soleat iniuriam facere .

dubitatio .

Q U O N I A M autem philosophus dixit eligibilis esse ad quod sequitur me-  
lius , uel minus malum , quia potuisset quis ambigere , quod ad aliquod bo-  
num non possit consequi malum , & ideo tale aliquid non debere dici eligi-  
bilis , admonet non esse inconueniens , quod ad aliquod bonum consequatur  
aliquod molestum , & graue , sicuti uidemus , quod ad sanari consequitur  
secari , & uri : & ad nauigare consequitur naufragium facere .

quod hoc in  
loco dignū  
sit annotatio  
ne .

N O T A N D V M autem est ex hoc loco non minus ostendi posse aliquid esse  
peius , & euitabilis , cum scilicet rebus malis applicatur . id enim ad quod  
consequitur maius malum , uel minus bonum euitabilis est , ut quoniam ad  
iniuriā facere consequitur odio haberi : ad iniuriam pati , consequitur com-  
miserationem mouere . maius autem malum est odium commiseratione , er-  
go iniuriam facere peius est , & euitabilis , quàm iniuriam pati , ita si peius  
est concius sibi inuicem insidiari , & configere , quàm alienigenas , illudq;  
ad seditionem , hoc ad bellum consequitur , ergo seditio peior est bello , &  
ira erit peior furore , quoniam ad iram consequitur id genus peccati , quod  
appellatur ἀμαρτία . ad furorē autem id genus peccati , quod dicitur ἀδίκημα .  
peius autem est ἀμαρτία , quàm ἀδίκημα . tria enim sunt peccatorum genera ,  
quoddam appellatur ἀδίκημα , aliud ἀμαρτία , aliud ἀδίκημα . ἀτυχία , quod infor-  
tuniū dici potest , est id , quod contingit præter opinionem , & citra malitiā ,  
ut si quis furore correptus alicui noceat , aut si quis lapidem in eum locum ia-  
ciens ubi nullus unquam conspici soleat , aliquem forte offendant hæc pecca-  
ta præter opinionem contingere dicuntur , & præter malitiam , seu improbi-  
tatem , quoniam malitia , uel improbitas est animus alicui nocendi præter  
ius , non præter opinionē , aut est id efficere , unde suspicio sit nocumētum ali-  
cui consecuturum . in infortunio autem nihil horū contingit ἀμαρτία , quod  
erratum dici potest , est præter malitiam , non tamen præter opinionem , ut  
si quis ebrius alicui noceat , aut si quis lapidem in eum locum coniiciens ubi  
uersari homines soleant , aliquem offenda ἀδίκημα , quod dici potest iniuria ,  
neque præter opinionem , neque citra improbitatem infertur , ut cum quis  
mente compos aliquem lædit , & hæc rursus peccata distinguuntur , quod uel  
primo animi impetu fiunt , uel consulto , & dolose .

hic locus de-  
sumitur à bo-  
norum nume-  
ro , in quo ,  
(proposito lo-  
co) duas af-  
fert obiectio-  
nes , per quas  
ad rectam lo-  
ci intelligen-  
tiam perueni-  
re possumus .

L O C V S V I G E S I M V S P R I M V S .

Amplius plura bona paucioribus . H I C locus desumitur à bonorum numero .  
in eo autem explicandus philosophus primo proponit locum , deinde duas af-  
fert obiectiones , ex quibus ad rectam loci intellectionem deuenire possu-  
mus .



mus. Locus est, quòd plura bona sunt paucioribus eligibilia. Hoc autem dupliciter potest contingere, uel simpliciter, quando scilicet differentia bona assumuntur, uel quando alia in aliis comprehenduntur. si enim comparemus sanitatem, nobilitatem, diuitias, memoriæ, honori, fortitudini; hæc sunt inter se diuersa, & hoc intelligitur per illud simpliciter. alia uero in aliis comprehenduntur pauciora, scilicet in pluribus, si dicamus, quòd nobilitas, diuitiæ, sanitas, honor, & uirtus eligibilia sunt, quàm nobilitas, diuitiæ, sanitas, & honor, quoniam hæc in illis comprehenduntur. Primam autem obiectionem affert philosophus, quòd non omnino plura bona sunt paucioribus eligibilia, quando pauciora in pluribus comprehenduntur. si enim duo bona accipiantur, & unum sit finis, alterum eius gratia utraque, non erunt eligibilia, quàm solus finis, ut sanari, & sanitas non sunt meliora sanitate scientia. et discere non sunt meliora scientia. felicitas, & uirtus non sunt meliora sola felicitate, & huius rei ratio est, quoniam ea, quæ in aliquo comprehenduntur, cum eo non connumerantur, ut quoniam sanitas in bono habitu continetur, ideo non connumerabitur cum ipso bono habitu: non igitur dicemus sanitatem, & bonum habitum esse eligibilia bono habitu: neque enim illa sunt plura bona. atque hinc elicitur locum dupliciter defendi posse ab hac obiectione. primo addendo conditionem, quam obiectionis exprimit, quòd scilicet alterum non sit alterius gratia, alio modo nullam addendo conditionem, sed obiectionem soluendo, quòd scilicet quando alterum est alterius gratia, tunc non sunt plura bona, eo quòd id, quod est alterius gratia in eo comprehenditur, quod autem cum aliquo comprehenditur, cum eo non connumeratur.

obiectionis prima.

obiectionis solutio.

SECUNDA obiectionis, quam affert philosophus, tendit aduersus primam partem loci, quòd scilicet non omnino uerum est, ubi simpliciter comparatio fit, quòd plura bona sunt eligibilia paucioribus. hanc autem non aperte protulit Aristoteles, sed cum prætextu quodam. affert enim potius huius obiectionis probationem: dicit enim, quòd plerumque aliquod non bonum cum bono iunctum eligibilius est pluribus bonis. temperantia enim cum aliquo indifferenti sumpta, ut cum cicatrice, aut coma, uel aliquo etiam paru malo, ut ignobilitate melior est sanitate, nobilitate, & diuitiis. si igitur aliquando bonum aliquod cum aliquo non bono additum eligibilius est pluribus bonis, ergo et sine eo addito illis erit eligibilius: non igitur semper uerum est, quòd plura bona sunt eligibilia paucioribus. Possumus autem ab hac etiam obiectione locum tueri hanc scilicet conditionem addendo, quòd inter ipsa pauciora bona non sit aliquod maximum bonum.

obiectionis secunda à philosopho allata, quæ tendit aduersus primam partem loci.

### LOCVS VIGESIMVS SECVNDVS.

Et eadem cum uoluptate magis, quàm sine uoluptate. Hic locus desumptus à uoluptate est, quòd omne bonum cum uoluptate coniunctum eligibilius est, quàm sine uoluptate, ut, quòd diuitiæ cum uoluptate sunt eligibiliores, quàm sine ipsa. comparat autem philosophus non diuersa diuersis, sed idē sibi ipsi.

à uoluptate desumptus ē hic locus.

### LOCVS VIGESIMVS TERTIVS.

Et eadem cum indolentia, quàm cum tristitia. Hic locus desumptus ab indolentia est, quòd omne bonum, cui coniuncta sit indolentia, eligibilius est se ipso cum dolore coniuncto, & ratio est, quoniam omne bonum cum aliquo malo

hic locus desumptus est ab indolentia.



## T O P I C O R V M A R I S T.

malo coniunctum minus eligibile est, quàm absque eo malo. dolor autem est quoddam malum: sicut enim uoluptas simpliciter quidem bona est, mala tamen efficitur uitio coniuncta: ita dolor simpliciter quidem est malus, bonus tamen efficitur coniunctus uirtuti, quando scilicet subitur dolor, nec uitiosi aliquid comitatur.

quomodo dif-  
ferat indolen-  
tia à uolupta-  
te.

**D I F F E R T** autem à uoluptate indolentia, quòd indolentia solum dicit do-  
loris absentiam, non autem dicit præsentiam contrarii.

### L O C V S V I G E S I M V S Q V A R T V S.

locus iste de  
sumitur ab  
opportuni-  
tate.

*Et unumquodque, in quo tempore magis potest.* **D E S U M I T U R** hic locus ab op-  
portunitate, & est, quòd unumquodque eo tempore est eligibilis, quo ma-  
gis potest, id est quo maior eius est usus. uniuscuiusque enim potestatem e-  
ius usus potissimum ostendit, exempli causa, quoniam indolentia est eligibi-  
lis, tunc erit eligibilior, quando maior erit eius usus. maior autem est eius  
usus in senectute, quoniam senibus tristitia est familiaris. iuuenes autem hi-  
laritatem habent innatam. indolentia igitur in senectute erit eligibilior: pa-  
riter prudentia eligibilis est, tunc autem est eligibilior, quando maior est e-  
ius usus: maior autem est eius usus in senectute, quoniam senibus ea deman-  
dantur, quæ magna prudentia tractari debent. iuuenibus autem nihil tale  
committitur: ex aduerso autem fortitudo eligibilior est in iuuentute, quàm  
in senectute, quoniã tunc maior est eius usus in corporalibus exercitiis, & pe-  
riculis, quæ plurima iuuenes subeunt, ita & temperantia in iuuentute est eligi-  
bilior. in senibus enim progressu ætatis appetitus extincti quodam modo  
sunt: at in iuuenibus feruore ætatis sunt maxime incitati; & ideo ad illos co-  
hibendos magnus est temperantiæ usus. eadem ratione applicantes hunc lo-  
cum rebus malis ostenderemus paupertatem esse euitabiliorem in senectute,  
quàm in iuuentute, quoniam propter imbecillitatem senes pluribus indigēt.  
in iuuentute autem peiorem esse imbecillitatem, quia iuuenes ad propria  
munera obeunda robore maxime indigent.

### L O C V S V I G E S I M V S Q V I N T V S.

de sumitur  
hic locus à tē-  
pore.

*Et quod in omni tempore, uel in pluribus.* **D E S U M I T U R** hic locus à tempore,  
& est, quòd eorum, quæ æqualiter eligibilia esse uidentur, id est eligibilis,  
cuius in omni tempore, uel in pluribus est usus, quàm id, quod tale non est,  
& ideo dicemus iustitiam esse eligibiliorem fortitudine, quoniam iustitia  
semper indigemus, & in bello & in pace. fortitudine autem solum in bello,  
eadem ratione temperantia erit eligibilior fortitudine, ita prudentia erit a-  
liis omnibus uirtutibus eligibilior, quoniam aliarum uirtutum usus sit ad  
quædam determinata, prudentiæ autem ad omnia.

annotatio A-  
lexandri, in  
qua ostendi-  
tur hic philo-  
sophū de per-  
fectis uirtuti-  
bus loqui.

**N O T A T** Alexander philosophum hic nunc loqui de uirtutibus perfectis,  
quoniam illæ se mutuo consequuntur: neque una sine aliis esse potest. dicit  
tamen, quòd etsi perfectæ uirtutes semper simul sint, non tamen earum actio-  
nes simul sunt, quare neque earum usus, & hac ratione potest altera altera ef-  
se eligibiliora. sed dices, quomodo temperantia, aut iustitia utilis est in om-  
ni tempore? Dicendum est temperantiam utilem esse in omni tempore, quo-  
niam in omni tempore insurgunt affectus, ad quos cohibendos utilis est tem-  
perantia; ita & iustitia ad reddendum unicuique, quod suum est, quod in om-  
ni tempore contingit. Sed dices, quòd hæc in omni tempore non contin-

iustitiæ pro-  
prium.

gunt.



gunt, neque enim dormientes aliquibus effectibus uexantur, præterea plerunque nullus est usus iustitiæ, ubi scilicet nullæ sint disceptationes. etsi hæc æstimentur, eo quod & si in omni tēpore non sit harum uirtutum usus, potest tamen esse, hac ratione non erunt eligibiliores fortitudine, quoniam & eius quocunque tempore potest esse usus, quia quocunque tempore insurgere possunt bella: dicendum est, quod, ut hæc tolleret philosophus, initio loci medellam apposuit dicens, quod in omni tempore, uel in pluribus. hoc enim negari non poterit, quin iustitiæ, & temperantiæ in pluribus temporibus usus sit, quàm fortitudinis. sapius enim insurgunt appetitus, & incidūt disceptationes, quàm bella. eodem modo consimilia æstimentur.

LOCVS VIGESIMVSSEXTVS.

*Et quod cum omnes haberemus.* Hic locus dici potest desumptus ab independente, & est; quod si duo aliqua talia sint, quod si alterum eorum omnes haberēt alterius, nullus esset usus: alterum uero si omnes haberēt alterius, adhuc esset indigentia id, quod omnibus habentibus tollitur, alterius usus est eligibilis, uel breuius id, quo habito ab omnibus altero non indigeremus, magis eligendum est, quàm id quo habito ab omnibus indigeremus altero. hac ratione probaremus iustitiam esse eligibiliorem fortitudine, quoniam si omnes essent iusti, nulla fierent bella, quare fortitudinis nullus esset usus, at si omnes essent fortes, iustitia adhuc indigerent, quoniam non tollerētur contractus, ad quos est iustitiæ usus, hac etiam ratione amicitia erit eligibilior iustitia. amici enim iustitia non indigent, iusti uero indigent amicitia.

hic locus uidetur desumptus ab independente, ut ab exemplis perspicui pōt.

LOCVS VIGESIMVSSEPTIMVS.

*Amplius ex corruptionibus, & abiectionibus etc.* Hic locus desumitur ex corruptionibus, abiectionibus, contrariis, generationibus, assumptionibus, & effectiuis, quemadmodum in secundo libro tradidit locos philosophus ex generationibus, & corruptionibus, effectiuis, & corruptiuis; ita ex eisdem nunc tradit locos ad ostendendum aliquid esse eligibilis. accipit autem philosophus corruptionem, abiectionem, & contraria; ideo antequam locum explicemus, uidendum est, quid per hæc nomina philosophus intelligat.

hic locus desumitur à multis partibus, quas inferius ordine declarat.

CORRUPTIONEM, & abiectionem dicere possumus idem significare: possumus etiam inter ipsa talem constituere differentiam, quod corruptio sit in illis, in quibus non est regressus, id est quæ amissa nō recuperantur. abiectio uero, in quibus est regressus, ut uisus, & auditus, corruptio dicatur. sanitatis autem, & diuitiarum abiectio, quoniam hæc si amittantur, iterum possunt recuperari, attamen si diligentius inspiciamus, talis differentia inter ipsa esse non potest, quoniam si corruptionem intelligamus eorum, quæ amissa recuperari non possunt, nulla poterit esse corruptio eligibilis, quoniam ea, quæ amissa non recuperantur, bona omnia sunt: quare eorum corruptiones sunt malæ.

ponit differentiam inter corruptionem, & abiectionem, licet idem significare eas dicat, ex quibus desumitur locus uigessimus septimus.

SED forte dices, si eorum corruptio bona non est, bona erit corruptio suarum priuationum; sed hoc dici non potest, quoniam priuationis impossibile est esse corruptionem. alia igitur inter corruptionem, & abiectionem constituenda est differentia, quod scilicet corruptio est eorum, quæ inseparabilia sunt à suis subiectis, quoniam si separentur, statim corrumpuntur, ut sunt



sunt qualitates . cum enim aliquid ex dulci , aut lucido mutatur , dulcedo , aut lumen non permanent , sed corrumpuntur . abiectio autem erit in his , quæ separata permanent , ut sunt pecuniæ , & prædia . cum enim quis amittit prædium , non propter ea prædium corrumpitur , ita igitur patet , quid philosophus intellexerit per corruptionem , & abiectioem : quare patet , quid etiam per generationem , & assumptionem intellexerit , licet nihil prohibeat , quin pro eodem accipiantur .

philosophi  
additio con-  
trariorum.

**A D D I D I T** autem philosophus contraria , quoniam eadem ratio est de ipsis abiectioibus , & de contrariis . sicut enim quorum abiectioes sunt malæ , ipsa sunt bona , ita & quorum contraria mala , ipsa sunt bona . sed dices , frustra hoc addidit philosophus , quoniam abiectioes inuehunt contraria : sat igitur ipsi fuerat loqui de abiectioibus . Dicendum est , quod quædã abiectioes sunt cum inuectione contrarii , quædam uero sine ea . sicuti enim aut uectis abiectio non fit cum inuectione contrarii , ita & obliuio est scientiæ abiectio ; non tamen contrarium inuehit . abiectio autem , diuitiarum fit cum inuectione contrarii , nempe paupertatis .

hunc Locum  
multas habe  
re partes di-  
cit , quæ in  
exemplis enu-  
merantur.

**P R A E T E R E A** licet etiam abiectio contrarium inferat , aliud tamẽ est abiectio , aliud uero ipsum contrarium . his igitur declaratis locum explicemus . habet hic locus plures partes , cuius corruptio , uel abiectio , uel contrarium peius est , ipsum est eligibilius , & cuius generatio , uel assumptio , uel effectuum melius est , ipsum est eligibilius , ut si corruptio uirtutis peior est , quàm corruptio sanitatis , ergo uirtus est eligibilior sanitati : & si abiectio pecuniarum peior est , quàm abiectio uestium , ergo pecuniæ sunt uestibus eligibiliores : & si abiectio prædii peior est , quàm domus , ergo prædium domo melius . possumus autem & corruptionem abiectioi comparare , ut si corruptio scientiæ peior est , quàm abiectio pecuniarum , ergo scientia est eligibilior pecuniis . ex contrario autem , si iniustitia est peior prodigalitate , ergo iustitia est eligibilior liberalitate : & si uitium est peius paupertate , ergo uirtus est eligibilior diuitiis . ex generatione autem & assumptione , ut si discere est melius , quàm exerceri , ergo scientia est eligibilior sanitate : & si discere melius est , quàm ditari , ergo scientia est eligibilior diuitiis . ex effectiuis autem , ut si uerecunde , & modeste uiuere melius est , quàm inuerecunde , & immodeste . illud autem effectiuum est uitæ philosophicæ , hoc autem uitæ forensis , ergo philosophica uita eligibilior est forensi : & si ualere eum , qui uere studet , scire melius est , quàm eum , quod studet apparere sciens , illudq; est effectiuum philosophici moris ; hoc autem sophistici , ergo philosophum esse eligibilius est , quàm esse sophistam .

annotatio  
Alexandri .

**N O T A T** Alexander , quod pars illa huius loci , cuius contrarium peius est , ipsum est eligibilius , limitatione quadam indiget , quod scilicet alterum in altero non comprehendatur . nam morbus est peior malo habitu , non tamẽ sanitas est eligibilior bono habitu , quoniam scilicet sanitas in bono habitu continetur .

quid Alexā-  
der hoc in lo-  
co notet .

**N O T A T** præterea hunc locum non minus applicari rebus malis , & ex eo ostendi aliquid esse euitabilius . cuius enim corruptio , uel abiectio , uel contrarium est melius , ipsum est peius : & cuius generatio , uel assumptio , uel effectiuum est peius , ipsum est peius , & euitabilius .

**M A N I F E S T U M** autem est , quod his locis alia ratione utitur philosophus in secundo libro , quàm hic . ibi enim ostendit simpliciter aliquid alicui inesse , hic autem magis .

LOCVS



## LOCVS VIGESIMVS OCTAVVS.

*Alius autem locus est, quod propinquius bono est.* Hic locus desumitur à propinquitate, & similitudine boni: dubitatq; Alexander, nunquid sit unus, an duo: si duo sint, unus erit id, quod est bono propinquius, eligibilius est. aliter uero id, quod est bono similis, eligibilius est. prima exemplum est, quod actio secundum uirtutem melior est ipsa uirtute, quoniam est felicitati propinquior. Secundi uero, quod benefacere melius est, quam bene recipere, quoniam est felicitati similis. Sed dicit Alexander, quod si duo sint loci, necesse est primum coincidere cum aliquo superiorum: uel enim intelligemus id, quod est propinquius bono, ut generi, uel ut fini. si intelligamus ut generi coincidet cum loco quarto, in quo dicebatur id, quod est uere, & propriè tale, melius esse, & hoc confirmatur ex eo, quod hic philosophus eodem usus est exemplo, quo ibi utebatur. Si autem intelligamus, ut fini idem erit cum decimo quarto, qui dicebat id, quod est fini propinquius, eligibilius est: quare melius esse censet Alexander, ut unus tantum sit locus, & quod illud, quod est similis bono, exponat, quidnam sit id, quod est propinquius bono, quasi dicat, intelligo id esse bono propinquius, quod est bono similis: & huic sententiæ fauet, quod philosophus unum tantum exemplum attulerit, præterea intelligit Alexander per bonum ipsam felicitatem, quoniam philosophus dixit, ἐγγύτερον τοῦ ἀγαθοῦ, καὶ ὁμοίωτέρον τοῦ ἀγαθοῦ. articulus autem ille insinuat illud esse propriissime bonum, quod est felicitas. præterea sequens locus est à similitudine aliorum bonorum, nihil tamen prohibere uidetur, ut de aliis etiam bonis intelligamus: ita igitur ostendemus ex hoc loco uirtutem esse eligibilem bona fortuna, quoniam propinquior sit, & similior felicitati, & quod gloria eligibilior est uoluptate, quoniam sit similiter honestati, & quod amicis benefacere melius est, quam inimicis malefacere, quoniam & hoc honestati similis est. ita iustitia erit melior habente iustitiam, quoniam est bono similior. est enim in genere uirtutis, & boni.

hic locus desumitur à propinquitate, & similitudine boni: in quo dubitat, an hæc sint duo, an unus, Alexander.

opinio Alexandri.

## LOCVS VIGESIMVS NONVS.

*Et quod meliori eorum est similis.* Hic locus desumitur à comparatione duorum ad unum. in eo autem explicando philosophus primo exponit locum. secundum instantiam adducit, quæ loci ueritatem aperit. tertio eam instantiam confirmat. Locus est id, quod est meliori similis, melius est, & eligibilis, exempli causa, Vlyssæ & Aiace melior est Achilles, qui igitur horum est Achilli similior, melior erit: sed Ajax est Achilli similior, ergo Ajax est Vlyssæ melior. aduersus hunc locum instantiam affert philosophus, quod scilicet si quis sit alicui meliori similior, sed non in eo, quod ille est melior, non propterea necesse est ipsum esse meliorem alio, qui bonus sit, non tamen illi similis, ut Achilles erat fortis, & in hoc præstabat Aiaci, & Vlyssi, erat autem & iracundus. si igitur Ajax, & Vlysses Achilli cōparentur, Ajax est quidem similior Achilli, quam Vlysses: sed non in eo, quod Achilles præstat, sed in iracundia, ideo non oportet, ut sit Vlyssæ melior. confirmat deinde philosophus hoc, quod in obiectione dictum est, quod scilicet non oportet, ut si quid sit alicui meliori similis, sed non in eo, quod illud melius est, ut hoc quoque, quod est ei similis, sit melius altero, quod illi simile non est, quoniam, inquit, potest esse simile in aliquo ridiculo, exempli causa, simia est homini similior, quam equus, non tamen est equo melior, quoniam est simili

à comparatione duorum ad unum iste locus desumitur, quem trifariam exponit: primum locum exponit: deinde instantiam adducit. postremo eam confirmat.



lis homini in ridiculis, & non in eo, quod homo præstat, ita igitur ex hac obiectione loci ueritas aperitur. Hoc modo ostenderemus, quòd qui beneficium confert, meliorem, quàm qui accipit, Deo enim est similior, & eadem ratione contemplatio actione.

duplíciter ab  
Alexandro  
ba textus ex  
ponuntur.

VERBA, Illa altero existenti quidem bono non simili autem, Duplíciter exponuntur ab Alexandro. primo ut illud, non simili autem intelligatur, pro non æqualiter simili, ut scilicet seruetur comparatio, quòd utrunque sit illi meliori, simile, sed alterum magis: & huic expositioni fauent uerba textus, ubi dicit, & quod meliori similis, ergo uult, quòd utrunque sit simile. Alia expositio est, quòd simpliciter intelligamus, non simili autem, id est, quòd nullatenus sit simile: & huic expositioni fauet exemplum à philosopho allatum de equo, & simia. equus enim omnino non est similis homini, sed possumus utranque expositionem coniungere, ut dicamus, non simili autem, uel omnino, non simili, uel non æqualiter simili.

L O C V S T R I G E S I M V S.

ex compara-  
tione locus  
desumitur, q  
& primum à  
philosopho  
exponitur:  
deinde ab ip-  
so due instan-  
tiæ afferun-  
tur.

Rursum in duobus, si hoc quidem melior &c. DESUMITUR hic locus ex comparatione duorum ad duo, in eo autem explicando philosophus primo locū exponit, deinde ad loci ueritatem aperiendam duas instantias affert. Locus autem est, si duo aliqua comparentur ad duo, quorum alterum sit altero melius id, quod erit similis meliori, melius erit. Quare differt à superiori, quòd in eo duo ad unum comparantur: hic autem duo ad duo, exempli causa, quæ in actu sunt meliora, sunt his, quæ sunt in potentia, & quanto magis aliquid est in actu, tanto est melius, sicuti & quanto magis est in potentia, tanto est peius, sed uirtus agens est similior his, quæ sunt in actu, uirtus autem non agens est similior his, quæ sunt in potentia, ergo uirtus agens est præstantior, non agente. eadem ratione bene facere melius est, quàm bene recipere, quoniam illud similis est non indigenti. hoc autem indigenti, ita & superbia melior erit temeritate, quoniam est similior magnanimitati, temeritas autem fortitudini: præstantior autem est uirtus, magnanimitas fortitudine.

duæ instantiæ  
à philosopho  
allatz.

ADVERSUS hunc locū duas affert instantias philosophus, prima est, quòd si id, quod est similis meliori, parum ei sit simile, id autem, quod est simile minus bono, sit ei multum simile, non oportet, quòd similis meliori sit melius, exempli causa, si supponamus Achillem esse Nestore meliorem, cum Ajax sit parum Achilli similis: Vlysses autem sit ualde similis Nestori, non poterimus, dicere Aiace esse Vlysse meliorem, ex hac instantia elicienda est conditio ad ueritatem loci necessaria, quòd scilicet id, quod erit similis meliori, erit melius, dummodo ipsum non sit parum simile meliori: alterum uero sit ualde simile minus bono. Secunda instantia est, quòd si simile meliori sit ei simile, non quatenus ipsum est melius, non omnino erit melius, eo quòd est simile minus bono, sed quatenus tale. propter hanc enim rationem simia nō est melior equo, & si simia sit similis homini, equus uero asino, quoniam scilicet simia similis est homini in peioribus, equus uero est similis asino in melioribus, & hac ratione Vlysses præstabit Aiaci, quoniam similis est Nestori in eo, quod Nestor præstat prudentia scilicet & consilio: Ajax uero est similis Achilli, non in eo, quòd Achilles præstat, sed in iracundia.



## LOCVS TRIGESIMVS PRIMVS.

*Alius, quod maxime nobile &c.* Hic locus desumitur à nobilitate, & est, quòd eorum, quæ alioqui consimiliter se habent id, quod est illustrius, eligibilius est. hac ratione benefacere ciuitati melius erit, quàm uni, & seruire principi, quàm priuato homine, & benefacere melius est, quàm ditari, & fortitudo melior erit prudentia, & magnificentia liberalitate, hoc etiam modo quis ostendere posset actiuam uitam eligibiliorē contemplatiua, quòd sit illustrior?

à nobilitate  
iste locus de-  
sumitur, qui  
exemplis de-  
claratur.

## LOCVS TRIGESIMVS SECVNDVS.

*Et quod difficilius magis enim amamus.* DESUMITVR hic locus à difficultate, & est id, quod difficilius est, eligibilius est faciliori, hoc modo uirtus erit eligibilior diuitiis, & sanitate, quoniam difficilius acquiritur. Virtutem enim, ut inquit Hesiodus, posuere Dei sudore parandam. hoc modo contemplatio erit melior actio: difficilius enim est, quæ in natura sunt optima cognoscere, quàm in actione rerum uersari, huius loci ratio est, quoniam, quæ difficiliora sunt, sunt magis rara, & ideo maiori admiratione laude, & amore digna.

desumitur lo-  
cus iste à dif-  
ficultate.

## LOCVS TRIGESIMVS TERTIVS.

*Et quod magis proprium.* DESUMITVR hic locus à proprio, et est id, quod est unicuique magis proprium, eligibilius eo est, quod est communius. proprium autem hoc modo accipitur, quòd soli alicui conuenit, uel cum admodum paucis, hoc modo prudentia erit eligibilior homini, quàm sanitas, quoniam illa est hominis propria, sanitas uero ipsi est cum aliis animalibus communis, hac etiam ratione scientia erit melior robore corporis, & ratio pulchritudine, & hac ratione unusquisque propria inuenta in artibus, & scientiis maxime diligit.

desumitur  
hic locus à  
proprio.

## LOCVS TRIGESIMVS QVARTVS.

*Et quod malis incommunicabilis desumitur.* Hic locus à malorum incommixtione, & est, quòd id, quòd malis est minus commixtum, melius eo est, quod est magis commixtum. hoc modo ostendetur temperantiam esse eligibiliorē continentia, quoniam temperantia fit extra omnem cupiditatem, continentia autem fit inter malas, & uehementes cupiditates: ita mediocris uita melior erit, quàm quæ in alto sita est, & contemplatiua erit eligibilior actiua. est enim afflictionum perturbationibus minus obnoxia, ita & prudentia eligibilior erit fortitudine, cum ad fortitudinem sequantur labores, & uulnera, extraq; posita esse prudentia.

iste locus à  
malorum in-  
commixtio-  
ne sumitur.

## LOCVS TRIGESIMVS QVINTVS.

*Amplius, si hoc illo melius.* Hic locus est à positiuo ad superlatiuum, & est, quòd si simpliciter aliquod genus est alio genere melius, uel aliqua species aliqua specie: id quoque, quòd in meliori genere, uel specie est optimum, melius est, quàm id, quod in minus bono genere, uel specie sit optimum, ut si

à positiuo ad  
superlatiuum  
est iste locus.



## T O P I C O R U M A R I S T .

animatum genus melius est inanimato , ergo quod est inanimatis optimum , melius eo est , quod est optimum in inanimatis : & si simpliciter anima est corpore melior ( uel sit una specie , uel genere ) & optima , anima erit optimo corpore melior : & si uir simpliciter est muliere melior , & optimus uir erit optima muliere melior : & si homo simpliciter est equo melior , & optimus homo erit optimo equo melior .

ADIIICIT autem Alexander huic loco conditionem quandam quatenus , scilicet est in eo genere , uel specie :

### L O C V S T R I G E S I M V S S E X T V S .

hic locus est à superlatiuo ad positiuum , quod est contrarium prioris .

*Et si optimum optimo melius .* Hic locus est conuersus prioris , & est à superlatiuo ad positiuum , si optimum eorum , quæ sunt in aliquo genere , uel in aliqua specie melius est optimo existente in alio genere , aut specie : simpliciter quoque genus illud , aut species erit melior , ut si optimus uir est optima muliere perfectior , erit quoque et simpliciter uir muliere perfectior : eodem modo si optimus homo est optimo equo melior , erit quoque simpliciter homo equo melior .

DVBITAT aduersus hunc locum Alexander , quoniam optima mors est optima de ambulatione melior , non tamen mors est deambulatione melior . Soluit ipse , quòd cum dicimus , si optimum alicuius speciei , uel generis est optimo alterius speciei , uel generis melius , simpliciter quoque species illa , uel genus erit altero genere , aut specie : melius intelligimus , quando illud sit optimum ratione propriæ uirtutis , et perfectionis existentis in ipso , quare maxime , & uerissime est in illo genere , uel specie , sicuti optimus homo dicitur secundum propriam uirtutem , et perfectionem , quare & uerissime homo est , sicuti et optimus equus , maxime est equus , at optima mors non est maxime , mors neque optima mors dicitur secundum propriam uirtutem , et perfectionem , sed propter cuiusdam alterius præsentiam uirtutem , scilicet non mortis , sed ipsius morientis . mixta enim est optima mors ex morientis uirtute , et morte . si igitur , ut superius dictum fuit , in loco uigesimo primo , quandoque non bonum alicui magno bono additum melius est pluribus bonis , quid mirum , quòd uirtus cum morte coniuncta sit melior optima deambulatione , quæ est quoddam indifferens ?

### L O C V S T R I G E S I M V S S E P T I M V S .

est hic locus à communicatione cum amicis .

*Amplius ea , quibus est amicos participare .* Hic locus est à communicatione cum amicis , & est eorum , quæ similiter eligibilia , uidentur . illud est eligibilius , cuius participes fieri possunt amici , hoc modo uirtus erit eligibilior sanitate , uirtutem enim possumus amicis impertiri , sanitatem autem non & diuitiæ nobilitate , & eruditio uoluptate . qui enim uoluptate fruitur , solus fruitur , & liberalitas mansuetudine , & fortitudo pulcritudine .

### L O C V S T R I G E S I M V S O C T A V V S .

desumitur locus ab his , quæ amicis agimus .

*Et quæ ad amicum agere malumus .* DESUMITVR hic locus ab his , quæ amicis agimus , & est , quòd ea , quæ amicis efficere potius uolumus , quàm quibuslibet ignotis eligibilia sunt , hoc modo iusta facere eligibilis erit , quàm uideri iusta facere , amicis enim iusta uere facere uolumus , ignotis autem



tem etiam uideri facere sufficere existimamus, hoc modo mutuare eligibilius erit, quam fœnerari. amicis enim mutuamus, ignotis autem fœneramur: ita & docere eligibilius erit, quam ostendere, si quid enim rari operis efficere nouimus, ipsum ignotis etiam ostendimus, sed amicos solum docere uolumus. *Admonet* autem Alexander hos locos solum esse probabiles, non autem semper ueros.

LOCVS TRIGESIMVS NONVS.

*Et quæ sunt ex circumstantia etc.* DESVITVR hic locus ex abundantia, & est, ea, quæ sunt ex abundantia, meliora sunt necessariis. sed, ut locus intelligi possit, explicare conuenit, quænam sint necessaria, & quænam sint ex abundantia necessaria, ea sunt, sine quibus esse non possumus: ex abundantia autem, quam græci dicunt, *ἐκ περισσίας*, quidam transferunt ex circumstantia, ea dicuntur, quando præexistentibus necessariis alia quædam bona adiiciuntur, exempli causa, uiuere dicemus necessarium, bene autem uiuere ex abundantia, quoniam uiuere, quod necessarium est, ornatur additione illius bene, quod necessarium non est: ita igitur bene uiuere erit eligibilius, quam uiuere & bene dicere, quam dicere.

hic locus ex abundantia est.

NOTANDVM autem est, quod quandoque id, quod est ex abundantia, est melius, & eligibilius, quam id, quod est necessarium. aliquando uero melius quidem est, non tamen eligibilius. bene uiuere enim melius est, quam uiuere, & etiam eligibilius. aliquando uero melius quidem est, non tamen eligibilius. philosophari enim melius quidem est, quam ditari, non tamen eligibilius est indigentibus. & qui aliter uiuere non possint, ut enim dicebat Phocydides, inquirendum prius est, unde uiuas, postea autem de uirtute cogitandum: atque hinc elicitur, quod dici solet, prius oportet ditari, postea philosophari, ita & sanari eligibilius erit ægroto, quam philosophari. NEQVE mirandum est, ut dicit Alexander, quod id, quod est melius, non sit etiam eligibilius. ita enim uidimus in loco decimo sexto, quod nobis possibilia erant eligibilia impossibilibus, ut longa uita, immortalitate, licet impossibilia essent simpliciter meliora.

quid sit notandum.

dictum Phocydides.

NOTAT autem philosophus, ut plurimum ita esse, quod necessaria sunt eligibilia, quæ autem sunt ex abundantia meliora, cuius ratio est, quoniã secundum naturam, quæ sunt ex abundantia, supponunt ea, quæ sunt necessaria, & quoniam necessaria adesse conferunt, ideo eligibilia sunt: quoniam autem, quæ sunt ex abundantia, supponunt necessaria, & illis adiiciunt bonum quoddam, ideo illis sunt meliora: sed dices, quomodo igitur quædam sunt ex abundantia meliora simul, & eligibilia? dicendum est, quod quædam eorum, quæ sunt ex abundantia, includunt necessaria, sicuti bene uiuere, acute uidere. quædam autem licet secundum naturam necessaria supponant, non tamen ea includunt, sicuti philosophari, sanitatem & alimenta supponit, non tamen ea includit: quæ igitur includunt necessaria illis comparata, sunt meliora, & eligibilia: quæ autem ea non includunt, sunt quidem meliora, non tamen eligibilia.

quid philosophus notet.

NOTAT Alexander particulam illam fere, ubi dicit philosophus, fere autem, est eligibilius additam fuisse propter eligibilius, non autem propter melius, eo quod quæ sunt ex abundantia, semper sunt meliora, sed necessaria fere semper eligibilia.

quid Alexander notet.



# TOPICORVM ARTIST.

## LOCVS QVADRAGESIMVS.

locus ex eo,  
quod non est  
ex alio.

*Et quod non est ab alio exquirere.* DESVMITVR hic locus ab eo, quod non est ex alio, & est, id quod ab alio haberi non potest, eligibilis est, quàm id, quod haberi potest. hac ratione uirtus erit eligibilior fortunæ bonis, quoniam uirtutem ex nobis ipsis solum habere possumus. ut autem fortunæ bona acquiramus, multæ possunt esse causæ, & nobilitas erit eligibilior diuitiis, & exerceri, quàm curari, & coronari ob uictoriam, quàm assistentium studio: ita autem se habebit, dicit philosophus iustitia ad fortitudinem. fortitudo enim ex periculis nos seruat: iustitia autem nobis tribuit, ut æquum unicuique tribuamus: sed liberari ex periculis ab aliis etiam esse potest, si nos fortes non simus: at uero; ut æquum tribuamus, sine propria iustitia fieri non potest; eligibilior igitur est iustitia fortitudine.

quid hoc in  
loco Alexan-  
der notet.

NOTAT autem Alexander hunc locum intelligi etiam posse de his, quæ amissa haberi ab alio non possint: ut si quis opus aliquod amittat, cuius artifex nullus sit, aut codicem cuius exemplar non extet: & hac ratione circa propria commentaria maximum impendimus studium.

## LOCVS QVADRAGESIMVS PRIMVS.

locus ab eligi-  
bili sine alio.

*Et si hoc quidem sine illo exigendum, illud autem sine hoc non.* DESVMITVR hic locus ab eligibili sine alio: & est, quod si duo aliqua sint eligibilia, & alterum sine altero eligibile non sit: alterum uero etiam per se sit eligibile id, quod sine altero est eligibile, erit eligibilis. hac ratione uirtus erit eligibilior uoluptate, & sanitas diuitiis: &, ut dicit philosophus, prudentia potestate, quoniam prudentia etiam sine potestate est eligibilis: potestas autem sine prudentia nullo modo.

NOTATQUE Alexander, quod per potestatem possumus intelligere potentiam, & uim proprie dictam: sed possumus etiam intelligere omnia ea bona, quæ ab ipso philosopho potestates solent appellari, ut amicitia, principatus, eloquentia.

## LOCVS QVADRAGESIMVS SECVNDVS.

locus à dissi-  
mulatione.

*Et duorum, si alterum negamus.* DESVMITVR hic locus à dissimulatione, & est, si duo aliqua eligibilia sint, & eorum alterum negamus adesse nobis, ut alterum uideatur nobis adesse, hoc, quod uideri uolumus nobis adesse, est eligibilis: & hoc modo dicemus ingenium esse eligibilis studio, & diligentia. negamus enim esse diligentes, ut ingeniosi uideamur, ita & fucis ornari negamus mulieres, ut natura pulchræ esse uideantur, ita & uoluptates contemnere simulamus, ut continentes uideamur, & labores contemnere, ut uideamur tolerantes, ita negamus nos rhetorica arte uti, ut uera dicere uideamur, ita quoque in corporis exercitiis, ut palæstra, saltu, cursu, iactu, natione, armorum concertatione nos esse exercitatos negamus, ut fortes esse uideamur.

quare rhetorica  
uti arte  
dissimulat oratores.

## LOCVS QVADRAGESIMVS TERTIVS.

locus ab increpatione  
minori.

*Amplius pro cuius absentia minus increpandi sunt etc.* DESVMITVR hic locus ab increpatione minori, & est, quoniam eorum, qui alicuius boni absentia moleste



moleste ferunt, quidam sunt magis increpandi, quidam minus bonum illud cuius absentiam moleste ferens minus est increpandus, eligibilis est, ut quoniam minus increpandi sunt, qui filiorum amissionem dolent, quàm qui pecuniarum. eligibiliores igitur sunt filii pecuniis, ita & sanitas erit eligibilior uoluptate, & diuitiæ honore, & amicus pecunia.

LOCVS QVADRAGESIMVS QVARTVS.

*Et pro cuius absentia non moleste ferentem etc.* Hic locus superiori affinis est à maiori increpatione, & est, bonum. illud cuius absentiam non moleste ferens, magis est increpandus, eligibilis est, ut quoniam magis increpandi sunt, qui non moleste ferunt ignorantiam, quàm qui nō moleste ferunt ægritudinem. erit igitur scientia sanitate eligibilior, & sanitas erit eligibilior diuitiis, & publicis rebus consulere erit eligibilis, quàm priuatis. magis enim increpandi sunt, qui communis boni destructionē moleste non ferunt quàm qui priuati, ita & studium in parentes erit eligibilis, quàm in filios, & erudiri, quàm exerceri.

IN his autem locis per absentiam non solum amissionem intelligere debemus, sed simpliciter ipsum non habere. ita enim increpatione digniores esse dicimus, qui ignorantiam non moleste ferunt, quàm qui ægritudinem.

quid in his locis per absentiam debemus intelligere.

LOCVS QVADRAGESIMVS QVINTVS.

*Amplius eorum quæ sunt sub eadem specie.* DESUMITVR hic locus à propria uirtute, & est, quod eorum, quæ sunt in eadem specie, id, quod habet propriam uirtutem, eligibilis est, & ratio est, quoniam unumquodque quo est perfectius, eo est eligibilis, sed quod habet propriam uirtutem, perfectius est, quoniam uirtus est uniuscuiusque rei perfectio: hac ratione homo uirtute præditus erit præstantior non prædito uirtute, & canis cane, & equus equo, & instrumentum instrumento. nam & instrumentum propriam habet uirtutem, aptitudinem scilicet ad id, cuius gratia factum est. hinc ostendetur cyathum ad bibendum commodiorem, & si ex uitro sit, eligibiliorem esse argenteo, aut aureo: & domum ligneam, aut latericiam ad usum suum commodiorem, eligibiliorem esse marmorea, & uestem calefacientem purpurea, & sericea.

locus à propria uirtute.

NOTAT autem Alexander recte adiecisse philosophum, quæ sunt sub eadem specie, quoniam aliter locus non esset uerus: neque enim uerum est, quod eorum, quæ sunt sub eodem genere, id, quod propriam habet uirtutem, sit eligibilis: neque enim lepus, aut canis, propriam habens uirtutē, erit homine propriam uirtutem non habente præstantior, si autem utraque sub eadem specie sint. locus est omnino uerus.

quare philosophus adiecit uerba illa, Quæ sunt sub eadē specie.

SED quis ambigeret, quoniam non uidetur uerum uitreum uas esse eligibilis aureo, aut ligneam domum marmorea. dicendum est, quod si ipsa confideremus quatenus talia, quod utique eligibilior est domus lignea ad usum commodior, quàm marmorea, nihil tamen prohibet, quod ratione materiæ, & sumptus altera sit eligibilior.

dubitatio.

UTRIUSQUE autem habentibus, quod magis habet, uel hæc sit pars superioris loci, uel sit alius locus, nihil refert. dicit autem, quod eorum, quæ sub eadem specie sunt, si utrumque propriam habet uirtutem, id, quod magis habet est eligibilis, & hoc modo scientia erit scientia præstantior, quæ est

huius loci pars, uel oculus alius.



est exactior, & uisus uisu, qui est acutior, & equus equo, qui est obediens, fortior, & uelocior.

LOCVS QVADRAGESIMVSSEXTVS.

locus ab effectu bonorum.  
duplex boni diuisio.

*Amplius si hoc quidem facit bonum.* Hic locus desumitur ab effectu bonorum, & est, quod bonorum, id, quod bonos efficit possidentes, eligibilis est. cum enim, ut superius uidimus, bona multiplicia sint, quædam bonos efficiunt possidentes, ut uirtutes: quædam uero non, ut diuitiæ, nobilitas, uoluptates: uel igitur utraque bona, quæ comparantur, bonum efficiunt ipsum possidens; uel eorum alterum. & si utraque bonum efficiunt, uel idem subiectum bonum efficiunt, uel diuersa: si alterum tantum eorum bonum efficit possidens, omnino erit eligibilis altero, quod bonum non efficit, sicut & ignem manifeste uidemus esse niue calidiorem, quoniam calefacit: nisi autem non calefacit. si autem utraque idem subiectum bonum efficiant, id, quod magis bonum efficit, est eligibilis, & hoc modo uirtus in actu eligibilior est naturali uirtute, quoniam magis bonum possidentem reddit: qui enim eam habet, simpliciter bonus dicitur; qui autem uirtutem naturalem habet, dicitur bonus secundum quid: at uero si utraque bona, quæ comparantur, bona efficiant diuersa subiecta, id dicetur eligibilis, quod præstantius subiectum bonum efficit, hoc modo uirtus erit eligibilior sanitate, & robore, quoniam hæc corpus bonum efficiunt, uirtus autem animam, ita & sapientia erit temperantia eligibilior. sapientia enim intellectum bonum efficit, temperantia uero concupiscibilem potestatem. præstat autem intellectus concupiscibili animæ partem.

LOCVS QVADRAGESIMVSSEPTIMVS.

locus à casibus, usibus, actionibus, & operibus.

*Amplius autem à casibus, & usibus etc.* DESUMITUR hic locus à casibus, usibus, actionibus, & operibus. atque hic etiam locus in superiori libro tractatus fuit ad ostendendum scilicet aliquid alicui simpliciter inesse. hic autem tractatur ad ostendendum aliquid alicui magis inesse.

quid sit ἐνέργεια, quæ dicitur actio.  
quid sit πάθος

QVID sint casus, superius dictum fuit, quod scilicet casus dicuntur aduerbia à nominibus aliquibus deducta, ut sapienter à sapientia, prudenter à prudentia. quid autem sint reliqua usus actio, & opus, oportet cognoscere. sciendum igitur est, quid hæc nomina significant, quæ sunt admodum, affinitia ἐνέργεια, πάθος, πόσις, πράξις, χρεῖς, ἔργον. ἐνέργεια, actio à nostris dicitur, est motus, prout ab agente producitur, ut secantis, & calefacientis motus actiones dicuntur. πάθος autem est motus, prout in patiente recipitur, ut motus secti, & calefacti: idem enim motus est actio, & passio, sed actio dicitur quatenus ab agente. fit passio autem quatenus recipitur in passio. alio etiam modo accipi solent actio, & passio, quod actio est motus secundum naturam, passio autem est motus præter naturam, sicuti pulsus est cordis actio. palpitatio autem est eius passio: πόσις est actio, ad quam opus aliquod consequitur, ut scribere, ædificare. πράξις est actio illa, ad quam nullum opus consequitur, sicuti saltare, canere, unde & artes quædam practica, quædam effectiua dicuntur.

quid sit πόσις.  
quid sit πράξις.

quidnam esse dicat πράξις.  
Alexander.

ALEXANDER autem πράξιν esse dicit communius quidem actionem quamlibet, quæ à rationali facultate procedit. proprie autem eam, quæ est secundum electionem, & hæc est, quæ fit uel secundum uirtutem, uel secundum uitium,



tium, unde & philosophia, quæ de his actionibus agit, practica est appellata. *χρησις* proprie est in bonis organicis, quæ utilia dicuntur, & est uniuscuiusque rei utilitas, ut diuitiarum usus est ad uirtutem comparandam, & exercendam, & manuum usus est apprehendere. *ἔργον*, quod nos appellamus opus, est quod ad *πολιν* consequitur, ut domus est ædificationis opus, sed & opus quandoque largius accipitur, ut cum dicimus fortitudinis esse opus inimicis male facere, liberalitatis uero amicis bene facere.

*χρησις* quid sit.

*ἔργον* quid sit.

Hic igitur expositis locus facile intelligetur, qui plures habet partes, ut prima sit ex casibus. secunda ab usibus. tertia ab actionibus. quarta ab operibus. primo enim si casus alicuius est alio casu eligibilior, id quoque, cuius est casus, erit alio: unde casus alius deducitur eligibilior, ut si id, quod iuste fit, est eligibilior eo, quod fortiter fit, ergo iustitia est fortitudine eligibilior, sed & conuertitur locus, ut si habitus est habitu eligibilior, erit quoque casus ab eo deductus, altero casu eligibilior, ut si iustitia est fortitudine eligibilior, erit quoque quod iuste fit eligibilior, quàm quod fortiter fit. secunda pars huius loci est ab usibus: quorum usus est eligibilior, ipsa quoque sunt eligibilia; & eorum, quæ eligibilia sunt, usus quoque sunt eligibiliores, ut si diuitiarum usus eligibilior est, quàm uirium, ergo diuitiæ sunt uiribus eligibiliores; & si eloquentia est diuitiis melior, ergo eloquentiæ usus eligibilior est, quàm diuitiarum. tertia pars est ab actionibus: quorum actiones sunt eligibiliores, ipsa quoque sunt eligibilia; & eorum, quæ eligibilia sunt, actiones sunt eligibiliores, ut si iusta actio est eligibilior, quàm fortis, ergo iustitia est fortitudine eligibilior, & è conuerso, si iustitia est fortitudine eligibilior, ergo iusta actio eligibilior est, quàm fortis. ultima pars huius loci est ab operibus: quorum opera sunt eligibilia, ipsa sunt eligibilia, & è conuerso, eorum, quæ sunt eligibilia, opera quoque sunt eligibilia, ut si medicæ artis opus melius est, quàm ædificatoriæ, ergo medicæ ars ædificatoriæ melior, & è conuerso; si medicæ ars est ædificatoriæ melior, & eius opus opere alterius est melius, & si amicitiae opus est opere beneuolentiæ melius, ergo amicitia est beneuolentiæ melior. beneuolentiæ enim sola est uoluntas: amicitia autem aliquid etiam boni amico præstat, ita & liberalitas erit fortitudine melior, quoniam illa amicis benefacit, hæc uero inimicis malefacit. melius autem est amicis benefacere, quàm inimicis malefacere. erit igitur totus hic locus, si casus, usus, actio, aut opus est eligibilior habitus quoque est eligibilior: & si habitus est habitu eligibilior, eius quoque casus, usus, actio, opus erit eligibilior.

quid sit locus à casibus.

quid sit locus ab usibus.

locus ab actionibus quid sit.

locus ab operibus quid sit.

VIDENTUR autem hæc omnia habitus, casus, usus, actio, opus, & præterea omnia esse aliquo modo coniugata.

POSSEMVUS etiam huius loci partes ad uigenarium usque numerum perducere. quatuor enim erunt ab habitu ad casum, ad usum, ad actionem, ad opus, tres à casu ad usum, ad actionem, ad opus. duæ ab usu ad actionem, ad opus. una ab actione ad opus, atque hæc sunt decem. quatuor præterea aliæ ab opere, nempe ad actionem, ad usum, ad casum, ad habitum. tres ab actione ad usum, ad casum, ad habitum. duæ ab usu ad casum, ad habitum, atque una reliqua à casu ad habitum, quæ omnes partes aut loci sunt numero uiginti.

## LOCVS QVADRAGESIMVS OCTAVVS.

Amplius se aliquo eodem hoc quid est magis. DESUMITUR hic locus ab eo, quod est meliore melius, et est, si duo aliqua uni, & eidem comparentur, & alia melius.

S terum



## T O P I C O R V M A R I S T.

alterum eorum sit, eo melius id erit, et altero comparato melius: uel hoc modo id, quod est melius meliore alio, erit quoque melius eo, quo illud est melius, ita uirtus erit uoluptate eligibilior, cum sit eligibilior sanitate, quæ est ipsa uoluptate eligibilior: & contemplatiua erit uoluptuosa uita eligibilior, cum eligibilior sit uita actiua, quæ est uoluptuosa eligibilior.

### L O C V S Q V A D R A G E S I M V S N O N V S.

locus ab eo,  
quod est me-  
lius aliquo  
alio tertio.

*Sed et si duo quedam uno aliquo sint eligibilia.* DESVMITVR hic locus ab eo, quod est melius alio aliquo. tertio & est, si duo aliqua sint eodem eligibilia, id eorum, quod erit eo tertio magis eligibile, erit altero eligibilior, sicut & in magnitudinibus se habere uidemus. si enim duo aliqua uni tertio comparentur, & alterum eorum, illud excedat cubito, alterum uero illud excedat palmo, patet, quod excedens cubito erit maius eo, quod palmo excedit, hoc modo, quoniam uirtus, & sanitas sunt eligibilia diuitiis: maior autem uirtutis excessus, quam sanitatis. uirtus igitur erit sanitate eligibilior, eadem ratione scientia erit recta opinione melior, quia cum utraque sensui præstent, scientiæ maior est excessus.

### L O C V S Q V I N Q V A G E S I M V S.

locus à superabundantia,

*Amplius cuius superabundantia.* DESVMITVR hic locus à superabundantia, & est, cuius superabundantia, & excessus est eligibilior. ipsum quoque est eligibilior, ut quoniam extremitas in amicitia est eligibilior, quam extremitas in diuitiis. erit igitur amicitia diuitiis eligibilior. & quoniam extremitas in sanitate eligibilior est extremitate in uoluptate, erit igitur sanitas uoluptate eligibilior. est autem extremitas in sanitate optimus habitus, in uoluptate maxima delectatio, tristitiæ omnino in permixta, extremitas in amicitia est summa amicorum coniunctio, in diuitiis opulentia maxima.

### L O C V S Q V I N Q V A G E S I M V S P R I M V S.

locus ab eo,  
cuius quis  
malit esse.

*Et id, cuius utique magis eliget quis.* HIC locus est ab eo, cuius quis malit esse causa, & est id, quod cupimus potius ex nobis efficere, quam ab aliis, nobis effici est eligibilior, ut amicos acquirere nos ipsi potius optamus, quam ut per alios nobis acquirantur. pecunias autem optamus potius, ut per alios nobis acquirantur, ergo amici sunt pecuniis eligibiliores, ita & honesta actio erit uictoria eligibilior, & contemplatiua uita politica, & patriam liberare, quam diuitias comparare.

quid differat hic locus à quadragesimo.

NOTAT autem Alexander differre hunc locum à quadragesimo, in quo dicebatur id, quod ab alio haberi non potest, esse eligibilior. ibi enim comparatur id, quod ab alio haberi non potest cum eo, quod ab alio haberi potest. hic autem comparantur ea, quæ ab alio haberi possunt inter se. eorum enim id, quod per nos ipsos potius optamus efficere, est eligibilior.

### L O C V S Q V I N Q V A G E S I M V S S E C V N D V S.

locus ex appositione eidem.

*Amplius ex appositione, si eidem apositum aliquid.* DESVMITVR hic locus ex appositione eidem, & est, si aliquid sit, cui aliud, & aliud seorsum apponatur, & cum uno eorum efficiatur eligibilior, quam cum alio, id quoque, cuius



ius additione eligibilis fit, erit alio eligibilis, ut si diuitiis addatur uirtus, efficiuntur eligibiliores, quàm si ipsis addatur sanitas, ergo uirtus est sanitate eligibilior: et si uitæ addatur iustitia efficitur eligibilior, quàm si ipsi addatur uoluptas, ergo iustitia est uoluptate eligibilior.

NOTAT Alexander, quòd sicut id, cuius additione aliquid efficitur, eligibilis est, eligibilis ita, & cuius additione aliquid efficitur euitabilis, ipsum quoque est euitabilis: atque ita dolor peior erit, quàm inglorium esse, eo quòd dolore uexatum mori peius est, quàm inglorium.

quid hoc loco notet Alexander.

QUONIAM autem aduersus hunc locum ualide insurgebant obiectiones, ideo ut ab illis locum tueatur, philosophus dissolutionem apponit. obiici enim posset aduersus hunc locum, quòd non ualet liberalitas cum diuitiis, est eligibilior, quàm cum uiribus, ergo diuitiæ sunt uiribus eligibiliores: neque rursus fortitudo cum uiribus est eligibilior, quàm cum diuitiis, ergo uires sunt diuitiis eligibiliores. ita enim fieret, ut ex hoc loco idem probaretur esse melius, & deterius, quod est absurdum, neque si fortitudo cum uiribus est eligibilior, quàm cum temperantia uires erunt temperantia eligibiliores. quare autem locus in his uerus non fit, ratio est, quoniam commune illud, cui fit additio, altero oppositorum utitur, altero autem nò, & ideo id, quo utitur, uel quod ipsum ad agendum adiuuat, licet sit aliquo alio deterius, tamen efficiet totum eligibilis, ut uires additæ fortitudini totum efficiunt eligibilis, quàm temperantia eidem fortitudini addita, quoniam scilicet fortitudo uiribus utitur, non autem utitur temperantia: hac etiam ratione serra arti fabrilis lignariæ apposita totum efficit eligibilis, quàm si eidem arti apponatur falx, non tamen simpliciter serra est falce eligibilior. iccirco admonet philosophus euitandum esse, ne commune id, cui fit additio, altero additorum utatur, altero autem non. neque enim uerus erit locus, sed si addita similiter se habeant ad ipsum commune, semper locus erit uerus.

quidnā aduersus hunc locum obiici possit.

### LOCVS QVINQVAGESIMVSTERTIVS.

Rursum si minori appositum aliquid. Hic etiam locus est ex appositione, sed differt à superiori, quòd ille erat ex appositione eidem. hic est ex appositione minori bono, & est, quòd appositum minori bono, totumq; efficiens magis bonum eligibilis est appposito maiori bono, ac efficiente totum minus bonum, ut si hæc bona sint sanitas, & bonus habitus, & sanitati, quæ est minus bonum, addatur uirtus bono habitui, qui est maius bonum, addantur diuitiæ, quoniam uirtus cum sanitate est maius bonum, quàm bonus habitus cum diuitiis: ergo uirtus est diuitiis eligibilior. rursus si sanitati addatur contemplatio, bono habitui addatur actio, quoniam eligibilior est contemplatio cum sanitate, quàm actio cum bono habitu: contemplatio igitur est actione melior.

locus ex appositione.

### LOCVS QVINQVAGESIMVSQVARTVS.

Similiter autem & ex ablatione. SICVTI tradidit philosophus superius locos ex appositione, ita hic ex ablatione locum tradit, qui talis est. id, quo ablatum, reliquum efficitur, minus eligibile est eligibilis. multiplex autem est semper quidem, quæ auferuntur, plura esse debent, unde autem auferantur, uel unum est, uel plura: & si plura sint, uel simul accipiuntur, uel seorsum si

locus ex ablatione.



unum sit, à quo plura auferuntur, & ex unius ablatione minus efficiatur eligibile, quàm ex ablatione alterius, id, cuius ablatione redditur, minus eligibile est eligibilis. hæc propositio magnitudinibus, & numeris applicata euidentem habet ueritatem. denarius enim numerus minor redditur ablatione quinarium, quàm ternarium, ergo quinarium est ternario maior, ita eligibilibus applicata, non minus est uera. si enim uirtus ablatione sanitate minus eligibilis redditur, quàm ablatione diuitiarum, ergo sanitas est diuitiis eligibilior: si autem unde ablatio fit plura sint, & simul accepta, atque ab illis nunc unum, nunc aliud auferatur, id, cuius ablatione reliqua sunt minus eligibilia, est eligibilis, ut si sint uirtus, nobilitas, diuitiæ, & sanitas: & ab his sanitate ablata reliqua minus sint eligibilia, quàm ablatis diuitiis. sanitas igitur erit diuitiis eligibilior. si autem plura sint seorsum accepta, unde ablatio fit, argumentabimur hoc modo, si æqualiter eligibilia sint diuitiæ cum uiribus, & sanitas cum pulchritudine, ablatis quidem à diuitiis uiribus, à sanitate autem pulchritudine minus eligibiles sunt diuitiæ, quàm sanitas, manifestum est, quòd etiam uires eligibiliores sunt pulchritudine.

LOCVS QVINQVAGESIMVS QVINTVS.

locus à propter se, non propter gloriam.

*Et si hoc quidem propter se aliud autem propter gloriam.* DESUMITVR hic locus à propter se, non propter gloriam, & est, id, quod propter se eligibile est, eligibilis est, quàm id, quod est propter gloriam, quod nullus studeret habere nemine id sciante, ut pulchritudo, quæ uana esse uideretur, si non cognosceretur. id autem erit propter se eligibile, quod appetitur, nullo etiam id sciante, ut sanitas. eam enim eligeremus, & si id ipsum nullus esset cogniturus, ita igitur sanitas erit pulchritudine eligibilior, & diuitiæ honore, & domus commoda ornata, et uestis utilis sumptuosa, & prædium frugiferum pulchro.

LOCVS QVINQVAGESIMVS SEXTVS.

locus à propter se, & propter gloriam.

*Et si hoc quidem propter se, & propter gloriam.* DESUMITVR hic locus à propter se, & gloriam, & est, id, quod propter se, & gloriam est eligibile, eligibilis est, eo quod solum propter gloriam, & eo, quod solum propter se est eligibile: ita domus commoda, & ornata eligibilior est, quàm ornata tantum, aut tantum commoda, ita et equus, et uestis, et alia eiusmodi. ita probaremus, quòd iustum esse, et existimari melius est, quàm solum iustum esse, idem quoque de aliis uirtutibus dicatur.

LOCVS QVINQVAGESIMVS SEPTIMVS.

locus à magis honorabili propter se.

*Et utrumuis magis propter se honorandum.* Hic locus desumitur à magis honorabili propter se. est autem talis, id, quod est magis honorabile propter se, quàm alterum est eo melius, et eligibilis: id autem dicit philosophus esse magis propter se honorabile, quàm aliud, quod, et si nihil aliud boni sit, ex eo nobis cōsecuturum, magis tamen optamus hoc modo, quoniam contemplatio est magis honorabilis propter se, quàm actio erit, ergo actiōe eligibilior: et quoniam prudentia magis est honorabilis propter se, quàm fortitudo, est igitur fortitudine eligibilior.



LOCVS QVINQVAGESIMVSOCTAVVS.

*Amplius diuidendum quod tripliciter eligibile dicitur.* DESVMITVR hic locus à diuisione eligibilis. cum enim eligibile tripliciter dicatur honestum, laudabile, et utile, uel ea, quæ comparantur, hæc pariter habent, uel alia plura, ex his habet alia pauciora: quæ igitur plura ex his habent, eligibilia sunt, ut si quid simul sit honestum, delectabile, et utile erit eligibilius, quàm quod unum tantum, aut duo horum habeat, et quod duo ex his habet, eligibilis est, quàm id, quod unum tantum habet.

locus à diuisione eligibilis.  
triplex eligibilis diuisio.

DVAS autem conditiones addit Alexander. prima est, quod eligibile secundum plura sit, similiter ei eligibile, quod est eligibile secundum pauciora, quoniam quandoque quod est secundum unum aliquid, sed uehementer eligibile est eligibilius, eo quod est eligibile secundum plura, sed leuiter. prudentia enim, quæ solum honesta est, et ideo secundum unum tantum eligibilis est, eligibilior uiribus, quæ secundum ea omnia sunt eligibiles, sed id solum, quod prudentiæ inest, hæc omnia excedit. secunda conditio est, quod pauciora in pluribus comprehendantur. id enim quod honestum est, et solum propter se eligibile eligibilius est, quàm quod est delectabile, et utile. temperantia enim, quæ solum propter se est eligibilis, eligibilior est honore, qui propter delectabile, et utile est eligibilis. his igitur duabus conditionibus obseruatis ostenderetur amicitiam honestam eligibiliorem ea esse, quæ ob delectationem, aut utilitatem fit, quoniam illa præter honestatem, delectationem etiam habet, et utilitatem, eodem modo sanitas erit uoluptate eligibilior, cum utilitatem habeat, et delectationem. uoluptas autem solum delectationem: si autem ea, quæ comparantur, hæc pariter habeant uel omnia, uel quædam, tum id, quod magis ipsa habet, est eligibilius, ita temperantia erit continentia eligibilior, quoniam etsi utraque propter se sit eligibilis, temperantia tamen est magis, ita discere erit eligibilius, quàm exerceri, quoniam etsi utrumque sit eligibile propter utile, discere tamen est magis eligibile, ita quoque iustitia erit fortitudine eligibilior. utraque enim propter honestatem & delectationem eligibilis, sed fortitudo non ita est delectabilis propter uulnera, & alia incommoda, quibus est obnoxia.

duæ conditiones ad hunc locum requiruntur ex sententia Alexandri.

LOCVS QVINQVAGESIMVSNONVS.

*Rursum quod gratia melioris eligibilis.* DESVMITVR hic locus ab eo, quod est propter melius, id, quod est melioris gratia, est eligibilius, ita discere eligibilius, quàm exerceri, & boni mores, quàm palastra, & erudiri, quàm dies festos celebrare.

locus ab eo quod est propter melius.

VIDETVR autem, ut etiam notat Alexander hunc locum eundem esse cū XVI, in quo dicebatur duorum effectiuorum, cuius finis est melior, ipsum quoque est melius.

*Similiter autem in fugiendis.* Applicat philosophus hunc locum rebus malis; ostenditq; quomodo ex eo ostendi possit aliquid peius, sicut enim id, quod est causa melioris, est melius, & eligibilius, ita id, quod est causa peioris, est causa melioris boni, impedimentum, aut destructio est peius, atque ita aegritudo erit peior turpitudine, quoniam plura impedit bona, nempe uirtutem, & uoluptatem. at turpitudine solum uirtutis est impedimentum, ita quoque animi ineptia peior erit ineptia corporis, & amisio scientiæ amisio pecuniarum.

applicatio huius loci rebus malis.

POSSEMVVS



## T O P I C O R V M A R I S T .

Possemus etiam intelligere superiorem locum quinquagesimum octauū hic applicari rebus malis, ut scilicet sicut id, quod plura bona habet, est eligibilius, ita id, quod plura habet mala, est euitabilius, ut quod est turpe, & molestum, etiā inutile peius est, quā quod est inhonestum solum: atque hic duæ illæ conditiones pariter accommodari debent.

### LOCVS SEXAGESIMVS ET VLTIMVS.

locus ultimus à solo eligibili.

*Amplius ex similitudine demonstrari potest.* DESUMITVR hic locus à solo eligibili, & est, illud, quod solum est eligibile, eligibilius est, quā id, quod est eligibile, & euitabile hoc modo philosophari erit eligibilius, quā ciuilia tractare. hoc enim eligibile, quidem est, sed est etiam propter turbationes, & contumelias in eo uitæ genere contingentes euitabile. philosophari autem solum est eligibile, ita quoque sanitas erit eligibilior honore, diuitiis, & fortitudine: ita & agricultura erit mercatura, & nauigatione eligibilior.

quomodo hæc pars cū superioribus connectatur.

*Si autem particulariter & non uniuersaliter.* CONNECTITVR hæc pars cum superioribus hoc modo. diuisit philosophus initio secundi libri problemata, quod quædam sunt uniuersalia, quædam particularia: ac uniuersalia hactenus est persecutus, ea quidem, quæ citra comparisonem sunt in secundo. Ea uero, quæ in comparatione consistunt in hoc tertio. Nunc igitur de problematibus particularibus acturus est. Primum autem ostendit, quod omnes loci constructiui, aut destructiui problematis uniuersalis etiam ad particulare problema apti sunt. qui enim probat uniuersalem propositionem affirmatiuam, probat etiam particularem ei subalternam. si enim omnis uoluptas est bona, etiam quædam uoluptas est bona: & qui probat uniuersalem negatiuam, etiam particularem negatiuam probat: ut si nulla uoluptas est bona, etiam aliqua uoluptas non est bona. hoc autem etiam initio secundi libri admonuit philosophus.

quid nunc sit philosophus tractaturus.

quod nō semper per particula-  
ria ex uniuersalibus probari possunt.

*Maxime autem opportuni & communes.* QVONIAM non semper particularia ex uniuersalibus probari possunt, quia aliquando contingit ea, quæ sub aliquo uniuersali continentur, alia esse uera, alia falsa. Si quis enim probare uelit hominem quempiam esse musicum, non ex eo probabit, quoniam omnis homo sit musicus. hoc enim falsum esse patet, cum plerique non sint musici, ideo ad probanda particularia problemata peculiaribus etiam quibusdam locis opus est. hos igitur locos explicaturus est deinceps philosophus.

quomodo locus ex contrariis accommodetur problematibus particularibus.

PRIMUM autem opportunos esse dicit eos locos, qui sunt ex oppositis, ex casibus, & coniugatis: quoniam autem opposita quadrupliciter dicuntur, contrarie, priuatiue, relatiue, & contradictorie: ideo ostendendum est, quomodo hi loci particularibus problematibus accommodentur. Locus igitur ex contrariis particularibus problematibus accommodatur transferendo, quod de uniuersali problemate dictum est ad particulare: sicut enim uniuersaliter si ad aliquod contrarium aliquod contrarium consequatur: etiam ad alterum contrarium alterum contrarium consequitur, ut in secundo libro dictum fuit loco uigesimo quinto: ita hic idem locus particulariter assumptus erit uerus, ut si omnis uoluptas est bona, etiam omnis tristitia est mala: pariter quoque si aliqua uoluptas est bona, erit etiam aliqua tristitia mala ut puta uoluptas in actionibus secundum uirtutem erit bona. tristitia autem in ipsis erit mala. particularibus igitur problematibus locus ex contrariis conueniet, si alicui particulari contrario inest aliquod contrarium, etiam alicui alteri contrario alterum inerit contrarium.

NEC



Nec minus locus ex oppositis secundum priuationem, & habitum particularibus problematibus conueniet: sicut enim uniuersaliter probabile est, quòd si habitus consequitur habitum, etiam priuatio consequetur priuationem: & si ad habitum non consequitur habitus; nec ad priuationem priuatio consequitur, ut dictum fuit in loco xxvi secundi libri. ita uerum erit, quòd si ad aliquem particularem habitum habitus consequatur, etiam ad aliquam priuationem priuatio consequetur: & si ad aliquem particularem habitum habitus non consequatur, etiam ad aliquam priuationem priuatio non consequetur. ita igitur si uelimus ostendere, quòd omnis priuatio sensus sit impotentia, accipiemus, quòd omnis sensus est potentia: & si uelimus ostendere, quòd aliqua priuatio sensus sit impotentia, accipiemus aliquem sensum esse potentiam, quòd si ostendendum sit, nullam priuationem sensus esse impotentiam, accipiemus nullum sensum esse potentiam: si autem ostendendum sit aliquam sensus priuationem non esse impotentiam, accipiemus aliquem sensum non esse potentiam.

PARITER quoque locus ex relatiuis, de quo actum est in secundo libro loco xxvi, accommodabitur particularibus problematibus: sicut enim uniuersaliter probabile est, quòd si relatiuum inest relatiuo, correlatiuum quoque inest correlatiuo: ita particulariter probabile erit, quòd si alicui particulari relatiuo relatiuum inest, ut eius quoque correlatiuo correlatiuum inest: ut si omne existimabile est scibile, etiã omnis existimatio erit sciẽtia: & si aliquod existimabile est scibile, etiam aliqua existimatio erit sciẽtia.

CONSEQUENS esset ostendere, quomodo locus ex contradictoriis accommodetur his particularibus problematibus: uerum hic locus ipsis non conuenit: & ratio est, ut dicit Alexander, quoniam in particularibus non est contradictio. contradictio enim semper est inter uniuersalem, & particularem. propositionem aut scilicet inter uniuersalem affirmatiuam, & particularem. negatiuam, aut inter uniuersalem negatiuam, & particularem affirmatiuam. particulares autem affirmatiuæ, & negatiuæ possunt esse simul ueræ.

Rursum si aliquod iniustum bonum. PROPOSUIT philosophus locos, qui sunt ex oppositis casibus, & coniugatis, esse maxime opportunos problematibus particularibus: atque exempla attulit de tribus oppositorum modis. nunc ostendit, quomodo locus ex casibus, & coniugatis his problematibus conueniat. hic autem est locus in secundo libro traditus xxvi, habebat autem duas partes: prima erat, quòd si alicui ex coniugatis aliquod accidens inest, aliis quoque coniugatis subiecti coniugata accidentis inerunt: secunda pars erat, si aliquod accidens alicui inest, coniugatis quoque contrarii subiecti coniugata contrarii accidentis inerunt. His igitur locis in particularibus problematibus utemur: ostendemus enim quòd si aliquod iniustum est, malum etiam aliquod, quod iniuste fit, male fit: & ostendemus, quòd si aliquod iniustum bonum est, etiam aliquod eorum, quæ iuste sunt, male fit: & si aliquod iniustum est malum, etiam aliquod eorum, quæ iuste sunt, est bonum, atque ita ex casibus. ex aliis autem coniugatis hoc modo si aliquod delectabile est fugiendum, etiam aliqua delectatio est fugienda: & si aliquod delectabile est utile, & propterea bonum, etiam aliqua delectatio erit bona. in his enim omnibus probabile est, ut sicuti uniuersale in uniuersali se habet consimiliter, & particulare in particulari se habeat.

Et in corruptiuis autem, & generationibus. HIC locus, & in xxix. secundi, & in xxvi. huius tertii tractatus fuit. Erat autem hic locus multiplex ex generationibus, ex effectiuis, ex corruptionibus, & corruptiuis: atque hi omnes

quomodo locus ex oppositione secundum habitum, & priuationem particularibus problematibus accommodetur.

quòd locus etiam ex relatiuis problematibus particularibus accommodetur.

quare locus ex contradictoriis non accommodetur his problematibus particularibus.

quomodo locus ex casibus & coniugatis his problematibus particularibus conueniat.

quòd hic locus qui in 29 secundi & 27 tertii tractatus fuit, his etiam problematibus uniuersalibus accommodatur.



nes particularibus problematibus conueniunt: sicut enim uniuersaliter probabile est, si omne uirtutis effectiuum est bonum, ergo omnis uirtus est bona, ita particulariter probabile erit, si aliquod effectiuum uirtutis est bonum, etiam aliqua uirtus est bona; & sicut uniuersaliter probabile est, quod si omne uoluptatis corruptiuum est bonum, omnis uoluptas sit mala, etiam probabile erit, quod si aliquod uoluptatis corruptiuum sit bonum, aliqua uoluptas sit mala. locum ex generationibus, & corruptionibus eodem modo aptauimus particularibus problematibus.

PHILOSOPHVS autem attulit exemplum illud, Si obliuisci quæ quis turpia egit bonorum. Pro loco ex corruptione, & corruptiuis. obliuio enim uidetur esse scientiæ corruptiuum: obliuisci autem scientiæ corruptio. atque hic scientia accipitur communiter pro cognitione. exemplum autem illud, Si reminisci malorum est pro loco ex effectiuo, & generatione. reminiscencia enim uidetur esse scientia effectiuum, reminisci autem scientiæ generatio.

hæc uerba dupliciter ab Alexandro exponuntur.

*Verba illa similiter et in aliis.* DVPLICITER exponunt ab Alexandro, primo propter exempla, quoniam hoc non solum in propositis exemplis est uerum, sed in omnibus similibus, quæ proponi possunt, uel quod hoc dixerit propter usus assumptiones: & si quæ alia eandem rationem habent cum dictis, præterea hoc dixisse potuit, ut comprehenderet omnes partes eius loci, de quibus in secundo libro abunde dictum est. sicut enim quatuor modis ex generatione, & corruptione, & totidem ex effectiuo, & corruptiuo probabiliter argumentamur in uniuersali problemate, consimiliter & in particulari possumus argumentari.

*Amplius ex eo, quod est magis, & minus.* OSTENDIT philosophus superius, quomodo loci omnes uniuersalis problematis particulari etiam conueniāt: & quod ipsi peculiariter conueniunt loci ex oppositis, & loci ex coniugatis, & casibus: præterea & loci ex generationibus, & corruptionibus, nunc ostendit locos etiam ex magis, & minus, & ex similiter particulari problemati conuenire. erat autem locus ex magis quadruplex, primus ab intensiōe ad simpliciter dictum. secundus quando unum de duobus dicitur. tertius quando duo de uno dicuntur. quartus quando duo dicuntur de duobus, totidemque modi sunt ex minus. Ex similiter autem tres tantum modi sunt posteriores, scilicet primum modum ex magis, & minus particulari problemati non conuenire dicit Alexander, alii autem modi conueniunt. modus ille ex magis, quando unum de duobus dicitur, sicut uniuersali problemati conuenit, cum dicimus, si scientia, quæ magis uidetur esse bona, quam uoluptas, bona non est, neque igitur uoluptas est bona, ita particulari problemati conueniet. si dicamus, magis uidetur scientiam aliquam esse bonam, quam aliquam uoluptatem: non est autem scientia aliqua bona, neque igitur uoluptas. Secundus modus ex magis, quando duo de uno dicuntur, sicut uniuersali problemati conuenit, cum dicimus, iniustitia magis uidetur esse utilis, quam honorifica: non est autem utilis, neque igitur honorifica. ita particulari conueniet, si dicamus iniustitia aliqua magis uidetur esse utilis, quam honorifica: sed non est utilis, neque igitur honorifica. tertius modus ex magis, quando duo de duobus dicuntur uniuersali problemati conuenit, cum dicimus, prodigalitas magis uidetur esse liberalitas, quam stoliditas prudentia: non est autem prodigalitas liberalitas, neque igitur stoliditas est prudentia. particulari autem problemati conuenit, si dicamus, magis uidetur esse prodigalitas, quæpiam liberalitas, quam stoliditas quæpiam prudentia:

quid philosophus nunc ostendat quod scilicet loci etiam ex magis, & minus, & similiter particulari problemati conueniunt.



prudencia: non est autem illa liberalitas, neque igitur hæc prudentia, quod ostensum est in locis ex magis: idem intelligatur de locis ex minus, & de locis ex similiter. hi enim consimili modo problemati particulari aptentur, sicuti superiores.

PHILOSOPHVS autem solum exemplum attulit de loco ex magis, quando unum de duobus dicitur. uultq; ut ex eo cetera omnia intelligantur. Dixit autem, Si eorum aliquod, quæ sunt in alio genere, est magis tale, & quid intelligat per aliud genus exemplo patefecit: si magis quidem scientia aliqua bonum esse uidetur, quam uoluptas. aliud enim est genus scientia, & aliud uoluptas.

quid intelligat philosophus per aliud genus.

NOTANDVM est, quod cum hoc problema in exemplo propositum, utrū aliqua uoluptas sit bona, sit particulare, ideo uniuersaliter dixit philosophus. nulla autem scientia est bona, neque igitur uoluptas aliqua est bona, quoniam particulare problema non aliter destrui potest, quam per uniuersalem propositionem.

*Veruntamen ex eo, quod est similiter etc.* NVNC ostendit philosophus, quomodo hi loci ex magis, & minus, & ex similiter, qui omnes particulari problemati conueniunt, differant inter se. locus enim ex magis solum confert ad destruendum. locus ex minus solum ad construendum. locus autem ex similiter, & ad destruendum, & ad construendum. sicut & in problematibus uniuersalibus locus quidem ex similiter ad utrumque confert. si enim similiter potentia quadam bonum esse uidetur, etiā scientia: est autem potentia quædam bonum, ergo & scientia, quod si nulla potentia bona sit, neque igitur scientia aliqua bona erit. locus autem ex magis est quidem aptus ad destruendum; non est autem aptus ad construendum: neque enim ualet si scientia magis uidetur esse bonum, quam uoluptas. est autem scientia bonum, igitur & uoluptas. locus autem ex minus aptus est ad construendum, non est autem aptus ad destruendum: neque enim ualet, si minus uidetur potentiam aliquam esse bonum, quam scientiam. nulla autem potentia est bonum, neque igitur scientia aliqua.

ostendit philosophus quomodo hi loci ex magis & minus, & similiter inter se differant.

*Non solum autem ex alio genere est destruere.* QVONIAM dixit philosophus, si eorum aliquod, quæ sunt in alio genere, est magis tale. in his autem locis non solum ex his, quæ sunt in alio genere possumus argumentari, sed etiam ex his, quæ sunt in eodem genere: ideo hoc ipsum docet nunc philosophus, quod ex his, quæ sunt sub eodem genere, in his locis licet argumentari, ut si uoluptas ea, quæ maxime uidetur esse bonum, ut uoluptas animi, bonum tamen non est, neque igitur ea, quæ minus uidetur esse bonum, bonum erit: aut si contingens illud, quod maxime scibile esse uidetur, scibile non est, neque igitur id, quod minus uidetur esse scibile, scibile erit: maxime autem scibile esse uidetur contingens in pluribus. si igitur hoc scibile non est, neque igitur aliud quid. hoc modo neque sensus aliquis erit scientia, cum uisus, qui maxime uidetur scientia, non sit: neque homo aliquis erit impassibilis, cum neque sapiens talis sit. eodem modo neque uirtus aliqua erit scientia, cum neque prudentia.

quod possumus etiam argumentari ex his, quæ sunt in eodem genere.

*Amplius ex suppositione similiter probantes.* DEMONSTRAVIT hætenus philosophus locos omnes problematis uniuersalis particulari etiam conuenire particulariter ipsi conuenire locos ex oppositis, ex coniugatis, & casibus, ex corruptionibus & generationibus: præterea ex magis, & minus, & similiter. nunc ostendit huiusmodi problematibus etiam conuenire probationē ex suppositione, de qua superius etiam in fine primi libri dictum fuit. hæc au

ostendit philosophus probationem ex suppositione his problematibus conuenire.



tem probatio ex suppositione est , quando supponimus, quod est in uno in aliis omnibus eius generis , aut speciei esse , atque ita in uno probantes de aliis omnibus concludimus . utilis est hæc probatio tum uniuersalibus , tum particularibus problematibus . uniuersalibus quidem construendis , particularibus autem destruendis . si enim probandum sit hoc uniuersale problema , quòd omnis anima sit immortalis , supponentes initio de omnibus animabus eandem esse rationem , ac probantes animam humanam esse immortalem , colligere poterimus ex facta suppositione omnem animam esse immortalem . eodem modo ostenderemus nullam animam esse immortalem , ostendentes hoc in aliqua particulari anima . In particularibus autem problematibus utilis est hæc probatio ad destruendum , quoniam ad destruendum particulare opus est uniuersali . ad construendum autem uniuersale non est opus hac probatione , quoniam particulare sufficit , neque ad probandum particulare , quoniã neque tunc uniuersali indigemus .

quare philosophus dixit hæc verba,

D I C I T autem philosophus manifestum esse , quòd qui utitur suppositione facit problema uniuersale particulariter positum . Quoniam probat solũ particulare : sed hoc particulare uim habet uniuersalis propter suppositionem factam . & melius uidetur , ut per problema intelligamus , non primum problema , ad quod instituitur disputatio , sed particulare illud propositum , quod assumitur probandum ad destruendum problema , ut si quis disputet aduersus hoc problema , aliqua anima est mortalis suppositione utens , hanc sibi proponet probandam , aliqua anima non est mortalis , & ex ea uniuersalem . colliget enim quòd nulla anima est mortalis , quæ positionem destruit .

duplìciter dicuntur particularia problema .

*Cum autem indefinitum est problema , &c.* D O C E T hic philosophus quot modis particularia problemata destruantur , particularia autem problemata , quædam sunt indefinita , quædam definita : indefinita dicuntur , quando præter particularem præfinitionem non additur alia præfinitio , ut aliqua uoluptas est bona . dicuntur autem indefinita , quoniam particulares propositiones æquipollent his , quæ proprie dicuntur impræfinitæ . idem enim ualent hæc propositiones , uoluptas est bona , & aliqua uoluptas est bona , & propterea philosophus de his problematibus particularibus indefinitis loquens , his exemplis indifferenter utitur , uoluptatem esse bonam , & aliquam uoluptatem esse bonam . dicunturq; hæc & illæ indefinitæ , quoniam non definitur utrum propria ratione , an ratione uniuersalis sint ueræ . problemata autem definita tripliciter dicuntur , prout sunt magis , aut minus definita . primo cum dicimus aliquod esse , aliquod non esse , ut aliquam uoluptatem esse bonam , aliquam autem non esse bonam . Additur autem hoc , Aliquam non esse bonam , non quòd hoc modo problema proponatur , quoniam iam non esset unum problema , sed duo : atque ideo non esset unum , quod duobus modis destrueretur : sed propterea additur , ut ostendatur eam propositionem non esse ueram , quia uniuersalis , sub qua continetur , uera sit . hoc etiam modo definitum erit problema , si dicamus , studiosorum uoluptas est bona . Secundo modo dicitur aliquod problema definitum , cum dicimus unum tantum esse , ut unam uoluptatem esse bonam , utputa uoluptatem contemplationis . Tertio modo problema dicitur definitum , cum dicimus . unum tantum in aliquo generi esse , ut solam prudentiam ex uirtutum genere esse scientiã .

quare hæc & illæ dicantur impræfinitæ .

quare in primo dicatur hæc particularia , aliquam non esse bonam .

problema indefinitum uno tantum modo destruitur , duobus autem constructur .

His constitutis problema indefinitum uno tantum modo destruitur : duobus autem modis constructur : particulare enim affirmatiuum . non alio modo destruitur , quàm ex propositione uniuersali negatiua : & particulare negatiuum non aliter destruitur , quàm ex uniuersali affirmatiua . si enim hoc problema



blema destruere uelimus, quòd aliqua uoluptas sit bona, ostendere oportet nullam uoluptatem esse bonam, quoniam si ostenderemus aliquam uoluptatem non esse bonam, non destrueremus problema, quia particulares simul possunt esse ueræ. eodem modo destrueremus aliquam uoluptatem non esse bonam, ostendentes, quòd omnis sit bona. Dupliciter autem hæc problemata construuntur ex uniuersali, scilicet & particulari propositione. definitum autem problema primo modo dupliciter destruitur. hoc enim problema aliquam uoluptatem esse bonam, & aliquam non destruetur ostendendo, quòd omnis uoluptas sit bona, & ostendendo quòd nulla uoluptas sit bona. definitum problema secundo modo tripliciter destruitur. si enim ostendatur, quòd omnis uoluptas sit bona, destruitur quòd una tantum bona sit. secundo destruetur ostendendo nullam uoluptatem esse bonam. tertio destruetur, quòd plures una sint bonæ. definitum problema tertio modo, quatuor modis destrui potest. quanto enim magis definitum est problema, tanto pluribus modis potest destrui. Si igitur positum sit problema, solam prudentiam ex uirtutum genere esse scientiam, ipsum destruemus primo ostendendo, quòd omnis uirtus sit scientia: secundo quòd nulla uirtus sit scientia: tertio quòd plures uirtutes sint scientiæ, ut iustitia, & temperantia: quarto ostendendo, quòd prudentia scientia non sit. Addit autem Alexander, quòd si positum esset problema, quòd duæ solæ, aut tres uirtutes sint scientiæ, quinque modis destrui posset. Primo ex eo quòd omnis uirtus sit scientia, secundo ex eo quòd nulla, tertio ex eo quòd plures, quarto ex eo quòd pauciores, quinto ex eo quòd hæc duæ, aut tres, quæ positæ sunt in problemate, non sunt scientiæ.

Alexandri  
additio.

*Vtile autem & inspicere in singularibus.* Quid docuit philosophus in secundo libro loco secundo de problematibus uniuersalibus, idem nunc docet de problematibus particularibus. docebat autem eo in loco, ut proposito problemate uniuersali inquireremus, quæ sub eo continerentur, & figillatim in eorum unoquoque perpendere an ei conueniat quòd cōuenire positum est. si enim aliquid inueniamus, cui accidens illud non insit, uniuersale problema affirmatiuum destruemus: & si aliquid inueniamus, cui accidens illud insit, quod nulli inesse positum est uniuersale, problema negatiuum destruemus: atque locus ille non solum ad destruendum uerum, & ad construendum conferebat. eundem igitur locum philosophus problematibus particularibus nunc applicat. ex eo autem probare particulare facile est: si enim inueniamus aliquod particulare quod insit, uel non insit, propositum ostendemus. destruere autem ipsum particulare difficilius erit, sed ipsum destruemus ostendentes, quòd in multis ita non sit, ut in problemate positum est. si enim in multis sit, etiam in omnibus esse concludemus, quia cum in multis ostendamus, oportet aduersarium aut in omnibus ita esse concedere, aut instantiam aliquam afferre.

locus secundus, secundi libri de uniuersalibus hic accommodatur particularibus.

hic locus ad construendū, & destruendū confert.

*Amplius in generibus inspicendum.* Docet philosophus, quòd si in particulari problemate sit aliquod genericum, ut illud in suas proximas species, atque eas rursus in alias diuidamus: atque ita progredi usque ad indiuidua, sicuti in eo loco secundo secundi libri dictum fuit, exempli causa, si esset problema, utrum aliquorum oppositorum eadem sit scientia, diuidere debemus opposita in suas species: ac in unaquaque specie considerare, utrum uerum sit, quod positum est: et si in pluribus inueniamus eandem esse scientiā, conclusionem eliciemus, quòd omnibus insit, ac destruemus particulare problema, quòd aliquorum non sit. si autem in pluribus inueniamus eandem

documentum philosophi.



non esse scientiam, eadem ratione particulare problema affirmatiuum destruamus.

dubitatio qua  
i re locus iste  
à superiori  
differat.  
solutio.

SED dubitaret quis, quidnam hic locus à superiori differat. uidetur enim unum, & eundem esse. dicendum est, quod in hoc docet philosophus diuidere genus primum in species: atque ita deinceps in indiuidua. in superiori autem docebat, quod etsi subiectum problematis genus non esset, sed commune aliquid, ut statim respiceremus indiuidua sub ipso contenta.

quod superius  
docuit phi-  
losophus effi-  
ciendum in su-  
biecto, idem  
nunc docet de  
prædicato.

*Amplius in quibus possibile est.* IN duobus superioribus locis docuit philosophus diuidere subiectum particularis problematis accidentis, uel esset genus, uel esset aliud quid commune. nunc docet idem efficere de prædicato. nam & prædicatum diuidendum est, si diuidi possit uel per species, uel per indiuidua: & considerandum est, si aliquod contentorum sub eo prædicato subiecto insit. si enim inueniamus aliquod inesse, construimus problema particulare affirmatiuum. si inueniamus aliquod non inesse, construimus particulare negatiuum, quod si inueniamus plura non inesse, inde colligentes nullum inesse, destruimus particulare affirmatiuum. at inuenientes plura inesse, & inde colligentes omnia inesse, destruimus particulare negatiuum: atque iisdem modis, sed conuerso ordine construimus, & destruimus uniuersale. si igitur queratur utrum tempus moueatur, quoniam prædicatum huius propositionis commune est, ipsum diuidemus. summemus enim species motus, quod quidam est motus secundum locum, quidam secundum quantitatem, quidam secundum qualitatem: et si ostendamus nullo horum motuum tempus moueri, ostendemus tempus non moueri, eadem ratione procederemus, si problema positum esset, utrum tempus sit motus: et si quæretur, utrum anima sit numerus: cum enim omnis numerus sit par, aut impar: par sit aut duo, aut quatuor, aut octo, aut decem, aut ex his compositus: impar aut tria, aut quinque, aut septem, aut nouem, aut ex his compositus. si anima non est horum aliquis, non est igitur numerus. eodem modo ostenderemus animam non moueri.

exemplum in  
ostendendo  
quod anima  
non sit nume-  
rus.

quod philo-  
sophus de uni-  
uersalibus di-  
xit, idem est  
intelligendū  
de particula-  
ribus.

NOTAT autem Alexander in his exemplis philosophum de uniuersalibus problematibus locutum esse, non autem de particularibus. uerum quod ipse dicit, de uniuersalibus, de particularibus etiam intelligi debet.

EXPLANATIO



## EXPLANATIO

## LIBRI IIII. TOPICORVM

## ARISTOTELIS

Cum quatuor sint omnes quæstiones, duæ simplices, & duæ compositæ. prima simplex, cum quæritur, utrum aliquid sit, ut utrum sint Dæmones, utrum sint Gigantes, utrum sit uacuum, & hæc à græcis appellatur *ἡ ἐστ*. Secunda simplex est, cum quæritur, quid aliquid sit, ut quid est anima, quid est natura, & hæc à græcis dicitur, *τί ἐστ*. Prima composita est cum quæritur, utrum aliquid alicui insit, utrum Venus eclipsetur, utrum mulier podagram patiatur, & hæc quæstio à græcis dicitur *ὅτι ἐστ*. Secunda composita est, cum quæritur, propter quid aliquid alicui insit, ut quare Luna eclipsatur, quare eunuchus podagram non patiatur. ex his quatuor quæstionibus duæ tantum à dialectico tractantur: una simplex, & una composita; nempe si est, & quod est. Reliquæ uero quæstiones dialecticæ non sunt, sed ad præstantiorem facultatem pertinent, uidelicet quid est, & propter quid est: & ratio est, quoniam dialectica quæstio eiusmodi semper est. ut ad eam altera contradictionis pars responderi possit: at ad eas quæstiones, quibus quæritur, quid sit aliquid, aut propter quid aliquid alicui insit, non potest altera pars contradictionis responderi, sicut ad alias duas. hinc igitur est, ut solum illæ duæ ad dialecticum pertineant. quærere igitur quid sit natura nō est dialectica quæstio: quærere autem, utrum hæc sit naturæ definitio, principium motus, & quietis est dialectica quæstio. ad eam enim altera contradictionis pars responderi potest, & est quæstio *ὅτι ἐστ*: hæc autem quæstiones dialecticæ in quatuor genera diducuntur in quæstionem definitionis, proprii, generis, & accidentis: & ad quæstionem generis quæstio differentiæ, & speciei reducitur. cum hæc igitur ita sint, tractaturus philosophus dialecticam methodum inceptit à quæstionibus accidentis: & quoniam quæstiones accidentis quædam simplices sunt, in quibus citra comparisonem quæritur, utrum aliquod accidens alicui subiecto simpliciter insit, quædam uero in comparatione consistunt, in quibus quæritur, utrum aliquid sit alio magis tale. Primo philosophus de simplicibus quæstionibus egit; in secundo libro ubi locos omnes tractauit, quibus huiusmodi quæstiones tum construere, tum destruere sciamus: deinde in tertio locos tradidit, quibus construuntur, & destruuntur quæstiones, quæ in comparatione consistunt: in hoc autem quarto locos explicabit, quibus construuntur, & destruuntur quæstiones generis. quare autem hunc ordinem seruet philosophus, ratio est, quoniam quæstiones accidentis sunt aliis omnibus communiores, & eas sequuntur quæstiones generis. sunt quidem omnibus communiores quæstiones accidentis, quoniam in simplici inexistencia, quam *ὑπαρξιν* græci dicunt, consistunt: aliæ autem quæstiones in certa quadam inexistencia. accidens enim simpliciter inexistit rei: cetera uero prædicata nō simpliciter inexistunt, sed proprio quodam modo. sequuntur autem quæstiones generis, quoniam genus de pluribus dicitur natura differentibus. proprium autem, & definitio certæ cuiusdam naturæ conueniunt. cum igitur communiora præcedant minus communia, merito philosophus hoc ordine has quæstiones pertractauit: atque ita serie

quatuor quæstiones, duæ simplices, duæ uero compositæ, & quænam sit prima simplex

quot nam & quæ ex his quatuor quæstionibus à dialectico tractentur.

exempla quæstionum dialecticarum.

Hæc quæstiones in quatuor genera diducuntur in quæstionē scilicet definitionis, generis, proprii, & accidentis.

ratio, quare philosophus hunc ordinē seruauit.

quare post quæstiones accidentis sequuntur quæstiones generis.



## T O P I C O R V M A R I S T .

quadam traduntur loci, quòd si aliter eas pertractasset, ut initio secundi libri diximus, locòrum ordinem omnino confundi oportuisset.

philosophi p-  
positio de qui-  
bus quæstio-  
nibus sit actu-  
rus, & ratio-  
nis. & quare  
non ita fre-  
quenter hu-  
iusmodi quæ-  
stiones inci-  
dant, ut supe-  
riores.

*Post hæc autem de his, quæ ad genus.* H I C philosophus proponit de quibusnam quæstionibus deinceps agendum sit, & rationem affert, quare prius de his agat, quàm de quæstionibus definitionis. tertio admonet non ita frequenter huiusmodi quæstiones incidere, ut superiores. Quare philosophus prius agat de quæstionibus generis, & proprii, quàm de quæstionibus definitionis, ratio est, quoniam loci, ex quibus genus, & proprium construimus, aut destruimus, sunt elementa & principia quædam ad ipsas definitiones. cum enim definitio, & genus comprehendat, & propria sit rei definitæ, ideo fit, ut loci generis, & proprii ad definitionem etiam conferant tum construendam, tum destruendam. merito igitur loci generis, & proprii elementa quæstionum definitionis dicuntur. alia etiam ratione elementa dicuntur, quoniam sicut elementa præcedunt ea, quæ ex elementis constant, ita loci generis, & proprii locos præcedunt definitionis.

quare philo-  
sophus dicat  
has quæstio-  
nes raro inci-  
dere.

H A S autem disputationes raro dicit philosophus incidere, quoniam frequentius dialectici circa quæstiones accidentis uersantur. quæstiones autem generis, proprii, & definitionis exactiorem tractationem requirere uidentur, quàm quæ est circa dialecticam methodum.

### L O C V S P R I M V S .

locus primus  
ex eo, quod  
non omni.

*Si ergo ponatur genus etc.* H I C est primus locus ad problema generis, qui desumitur ex eo, quod non omni: est autem talis, id, quod omnibus contentis non inest genus, esse non potest, & ratio est, quoniam genus omnibus inest, quæ sunt eiusdem naturæ. hoc modo ostendemus bonum non esse uoluptatis genus, quoniam omni non inest: neque enim intemperantium uoluptates bonæ sunt: eodem modo ostenderemus scientiam non esse uirtutis genus, quoniam scientia uirtuti omni non inest: scientia enim est circa æterna necessaria, & quæ aliter esse non possunt: prudentia autem, & omnes morales uirtutes circa contingentia uersantur.

quomodo de-  
bent intelligi  
ea uerba, quæ  
admodum in  
accidentem.

Q U O D dicit philosophus, Quemadmodum in accidente, ita intelligi debet, sicuti in secundo loco secundi libri inquiruntur sigillatim contenta sub subiecto accidentis: & si alicui non insit, destruitur problema uniuersale affirmatiuum. si autem alicui inesse ostendatur, destruitur problema uniuersale negatiuum. pariter hoc in loco, si inueniamus, quod genus alicui eorū, quæ eiusdem naturæ sunt, & sub genere continentur, non insit, problema generis destruemus.

locus iste est  
utilis ad con-  
struendum, &  
destruendum.

E S T autem hic locus ad destruendum utilis, ut ostensum est; sed est etiam utilis ad construendum. si enim omnibus insit sub genere contentis, genus esse probabitur.

### L O C V S S E C V N D V S .

locus secundus  
ex eo, quod  
nō in quid.

*Deinde si non in quid est prædicatur.* D E S V M I T V R hic locus ex eo, quod nō in quid: est autem talis, si id, quod pro genere assignatur, non prædicetur in quid, genus non erit. hoc modo ostendetur album non esse niuis genus, quoniam non prædicatur in quid. & quòd dulce non est mellis genus, neque amarum abscentii, neque delectatio honestatis: etsi enim ab honestate delectatio sit inseparabilis, quoniam honesta agens semper delectatur; attra-  
men



men delectatio non prædicatur de honestate in eo, quod quid. hoc modo dicit philosophus refelli posse Platonis opinionem, quòd motus per se, quæ græci appellant *αὐτοκίνησις*, non sit animæ genus, atque hoc probatur, quoniam motus per se non prædicatur de anima in eo, quod quid, sicuti neque albedo de niue; quod autem non prædicetur in quid, probatur, anima non est *ὑπὲρ αὐτοκίνησις*: si enim esset etiam uere et proprie motus, quare esset etiã uere, & proprie actus imperfectus. quæcunque enim de prædicato dicuntur, de eius etiam subiecto dicuntur ex regula ante prædicamentorum: præterea genus semper significat quid sit id, de quo prædicatur, sed *αὐτοκίνησις* non significat quid sit anima, sed quid agat potius, aut quid patiatur: non igitur est animæ genus.

quomodo re  
felli possit il-  
la Platoniso-  
pinio, quòd  
motus per se  
non sit animæ  
genus.

### LOCVS TERTIVS.

*Maxime autem in accidentis definitione.* DESUMITVR hic locus ex definitione accidentis: & est, quòd si assignato generi competit accidentis definitio, illud non erit genus. est autem accidentis definitio, quod potest subiecto inesse, & non inesse: quare si album ponatur genus niuis, aut motus ex se genus animæ, ostendamus autem, quòd his comperat accidentis definitio, neutrum horum erit genus.

locus tertius  
ex definitio-  
ne accidentis.

SED occurrit difficultas, quomodo album possit abesse à niue, aut motus ex se ab anima, cum albedo sit à niue inseparabilis, & hi, qui ita animam definiunt, dicant ipsam semper moueri? Respondet Alexander, quòd dicere possumus, hoc non intelligi debere de prædictis exemplis, quod scilicet non dicat philosophus, ex definitione accidentis probari posse album esse genus niuis, aut motum ex se esse genus animæ: sed si forte assignentur, ut genera aliquorum, quibus possint inesse, & non inesse; ut si motus ex se diceretur esse motus animalis, neque enim animal semper ex se mouetur. aliter etiam & longe præclarius hanc difficultatem soluit Alexander, quòd si aliquod est alicuius genus, impossibile est, ut alicui speciei eiusdem prædicamenti inesse possit, & non inesse. si igitur albedo est genus niuis, cum nix sit in prædicamento substantiæ, ergo impossibile erit albedinem alicui speciei substantiæ inesse posse, & non inesse. sed pluribus speciebus substantiæ inesse potest, & non inesse. non igitur est niuis genus, eodem modo & motus ex se aliquibus speciebus substantiæ inesse contingit, & non inesse. animalia enim in quibus est motus ex se, non semper ex se mouentur: non igitur motus ex se erit animæ genus.

obiectio.

solutio.

alia solutio  
& longe su-  
periori præ-  
stantior.

ATQVE hinc aperitur uera, atque exacta accidentis definitionis expositio: ita enim est intelligenda: accidens est, quod contingit alicui uni, & eidem inesse, & non inesse, idest quod illud erit accidens alicui, quod reuera & non solum secundum intellectionem potest inesse, & non inesse: uel si ab eo sit inseparabile, potest tamen inesse, & non inesse alteri speciei eiusdem prædicamenti: atque hac ratione album, & si à niue sit inseparabile, erit tamen accidens, quoniam alicui alteri speciei substantiæ potest inesse, & non inesse. ita & bipes potest inesse, & non inesse: possunt enim alicui pedes mutilari: atque hic sensus non solum ex Alexandro elicitur, sed etiam ex uerbis ipsius Aristotelis.

uera & ex-  
acta expositio  
definitionis  
accidentis.

exemplum.



# T O P I C O R V M A R I S T.

## L O C V S Q V A R T V S.

locus quartus  
à prædicamē  
ti distinctione.

*Amplius si non in eadem diuisione &c.* D E S V M I T V R hic locus à prædicamēti distinctione: & est, si assignatum genus sub alio prædicamento sit, & sub alio species, cuius genus illud fuit assignatum; illud non erit eius speciei genus. si igitur aliud quidem sit substantia, ut nix, aut cygnus: aliud uero sit quale, ut album, hoc non erit eorum genus eodem modo, quoniam anima est substantia: motus autem ad aliud prædicamentum reducitur, non igitur motus erit substantiæ genus.

## L O C V S Q V I N T V S.

locus quin-  
tus à partici-  
patione spēi.

*Rursum si necesse fuerit &c.* D E S V M I T V R hic locus à participatione speciei, & est, si assignatum genus suscipiat definitionem eius, cuius ponitur esse genus, non erit eius genus: & ratio est, quoniam species semper suscipit definitionem sui generis. genus autem nunquā suscipit suæ speciei definitionem. si quis igitur diceret aliquid esse genus entis, aut unius; ex hoc loco redargueretur: quicquid enim illud esset, omnino susciperet definitionem unius, & entis. omne enim quod in rerum natura subsistit, unum est & ens. hoc modo refelli posset positio illa stoicorum, quòd aliquid sit genus entis: aliquid enim omnino est ens, quare etiam entis suscipit definitionem. sed illi, ut difficultatem effugerent, dicebant ens dici solum de rebus corporeis, aliquid autem non solum de corporeis, uerum etiam de incorporeis: sed ipsi, ut plerunque alias, ita nunc circa nominum impositionem legem imponunt, quod minime faciendum est: nominibus enim, ut uulgo recepta sunt, uti debemus.

quomodo re-  
felli posset il-  
la stoicorum  
positio quòd  
aliquid sit ge-  
nus entis.

quòd non re-  
cte definitur  
numerus, cū  
dicitur nume-  
rus est mul-  
titudine unita-  
tum.

H A C ratione dicit Alexander non recte definiri numerum per multitudinē unitatum, cum multitudo numerus sit, & numeri definitionem suscipiat. nam & multitudo est plures unitates, Euclides tamen eo modo numerum definiuit, quòd est ex unitatibus composita multitudo.

N O T A T Alexander dixisse philosophum ens, & unum esse genera, & habere definitionem uel communiter, & probabiliter accipiens genus, & definitionem, prout scilicet non solum uniuocis conueniunt, sed analogis etiam, quæ ab uno, & ad unum dicuntur. qualia sunt ens, & unum, uel quoniam secundum eos, qui dicunt aliquid esse genus entis, & unius & genera sunt, & habent definitionem.

V T I T V R autem philosophus uerbo participare intelligens, sicut ipsemet exponit, suscipere rationem, & definitionem.

## L O C V S S E X T V S.

locus sextus  
à uerificatio-  
ne speciei.

*Amplius si de aliquo assignata spes.* D E S V M I T V R hic locus à uerificatione speciei: & est, si species assignati generis de aliquo uerificatur. assignatū autem genus non ipsum non erit genus: & ratio est, quoniam genus debet prædicari de quocunque, prædicatur species: hoc modo ostēdemus, quòd ens, aut unum, aut scibile non sit genus opinabilis, quoniam opinabili etiam de non ente dicitur: nam & de non ente opinamur, quòd non est ens: de non ente autem neque ens, neque unum, neque scibile potest prædicari, eadem ratione bonum non erit genus uoluptatis, cum uoluptates etiam intemperantium sint, quæ bonæ nō sunt: neque scientia erit uirtutis genus, cum uir-

tus



LOCVS SEPTIMVS.

*Rursus si nullam specierum.* DESVMITVR hic locus à participatione superioris speciei: & est, si positum sub assignato genere non participat speciei alicuius sub eo genere posita, assignatum genus non erit uere genus. hoc autem intelligi debet de eo, quod non proxime, & immediate positum est sub genere. quædam enim immediate sub genere posita sunt, ut auis sub animali: quædam uero mediate, ut aquila sub animali. intercedit enim auis, quæ igitur generi proxima sunt, solum generis participant: quæ autem non sunt generi proxima, prius necesse est, ut speciei alicuius participant earum, quæ sub genere sunt. si igitur id, cuius genus assignatur, neque proxime sub assignato genere sit, neque speciei alicuius sub eo genere existentis participat, assignatum genus non erit uere genus. exempli causa, si diceret quis, quod motus sit uoluptatis genus, quoniam uoluptas proxime non est sub motu: primo enim motus diuiditur in lationem, alterationem, augmentum, & decrementum, generationem, & corruptionem, oportet uoluptatem alicuius horum specierum participare. si autem nullius participet, non ergo motus est eius genus.

locus septimus à participatione superioris speciei.

LOCVS OCTAVVS.

*Amplius si de pluribus dicitur quam genus.* DESVMITVR hic locus à speciei maioris prædicatione: & est, si assignatum genus in minus sit, quam ei subiecta species, illud non erit uere genus. si quis igitur poneret animal esse genus uiuentis, ex hoc loco redargueretur, quoniam in plus est uiuens, quam animal. uiuunt enim & plantæ, quæ animalia non sunt. hac etiam ratione ens non potest esse genus opinabilis, cum opinabile sit in plus, ut quod de non ente etiam dicatur.

locus octauus à speciei maioris prædicatione.

LOCVS NONVS.

*Rursum si de æqualibus genus & species dicitur.* DESVMITVR hic locus ab æqualitate speciei: & est, quod si æqualia sint assignatum genus, & ei supposita species, illud non erit uere genus: & ratio est, quoniam semper oportet genus esse communius, & fufius, quam species: ita igitur unum non poterit esse genus entis, neque ens unius, quoniam sunt æqualis ambitus. quicquid enim in rerum natura subsistit, ens est & unum. eodem modo causa non erit principii genus, neque principium causæ cum æqualia sint, neque animal sensibilibus, neque sensibile animalis. Addit autem philosophus horum omnium locorum elementum esse, & rationem, quoniam genus semper debet esse communius speciebus, & differentiis. sub genere enim plures sunt species, & differentia: quare genus est unaquaque earum communius: sicut autem genus est unaquaque specierum, & unaquaque differentiarum communius, ita si species omnes, aut differentia simul sumantur, semper sunt æqualis ambitus cum genere.

locus nonus ab æqualitate speciei.

quare philosophus addat illa uerba horum omnium locorum elementum esse, & rationem.

LOCVS DECIMVS.

*Videndum autem et si alicui eorum.* DESVMITVR hic locus ab his, quæ sunt eiusdem speciei: & est, quod si assignatum genus alicuius speciei de aliquo eiusdem

locus decimus ab his quæ sunt eiusdem speciei.



eiusdem speciei non prædicetur, illud non erit uere genus: & ratio est, quoniam omnia, quæ secundum speciem sunt indifferentia, sub eodem genere reponi debent, exempli causa, si quis diceret nigrum esse genus Aethiopis, quoniam Scytæ & Galatæ ab Aethiopibus non differunt specie: de his autem nigrum non prædicatur, non igitur erit Aethiopis genus.

quid notet  
Alexander in  
telligenda es-  
se ea, quæ sũt  
eiusdem spe-  
ciei specialis-  
simæ, & indi-  
uiduæ.

**N O T A T** Alexander intelligenda esse ea, quæ sunt eiusdem speciei specialis-  
simæ, & indiuiduæ: quoniam, etsi pennatum sit genus aquilæ, & accipitris;  
attamen non prædicatur de omnibus, quæ sunt eiusdem speciei cum his in  
eo, quod sunt uolatilia. non enim prædicatur de omnibus uolatilibus, & ta-  
men omnia uolatilia sunt indifferentia secundum speciem: uel dicamus, quod  
si pennatum ponatur esse genus aquilæ, & accipitris, prædicabitur de omni-  
bus, quæ sunt eiusdem speciei cum his in eo, quod talia.

dubitatio  
quomodo lo-  
cus iste non  
uidetur à pri-  
mo differre.  
solutio.

**S E D** dubitaret quis, quoniam hic locus non uidetur à primo differre, in  
quo dictum est id, quod omnibus contentis non inest, genus esse non potest:  
nam & ibi per contenta intelliguntur ea, quæ sunt eiusdem speciei. Dicen-  
dum est, quod in eo docet cum simpliciter ponitur genus omnibus inesse, ut  
inspiciamus ea, quæ sunt eiusdem speciei. si enim alicui non insit, non erit  
genus. hic autem docet, cum quis aliqua accipiens ex aliqua specie, illis at-  
tribuit aliquod genus, ut inspiciamus reliqua etiam, quæ sunt eiusdem spe-  
ciei. si enim alicui horum genus non competit, non erit uere genus, sicuti si  
quis diceret, nigrum esse Aethiopis genus, ut in exemplo diximus, hoc mo-  
do ostenderemus indiuisibile non esse genus insecabilium linearum, nõ quod  
posito, quod ipsum sit genus omnium linearum, ostendamus nos, quod non  
omnibus competit: ita enim ex primo loco argumentaremur; sed quoniam  
illa, quibus attribuitur indiuisibile, ut genus sunt eiusdem speciei cum aliis,  
quibus hoc genus non conuenit. lineæ enim secabiles, & insecabiles sunt  
eiusdem speciei. quod autem non est genus unius eorum, quæ sunt eiusdem  
speciei, neque aliorum genus esse potest.

exemplum.

locus iste est  
utilis ad con-  
struendum,  
& destru-  
endum.

**E S T** autem hic locus utilis ad destruendum, ut dictum est: sed præterea & ad  
construendum. si enim ostendamus aliquid esse genus unius ex his, quæ sunt  
eiusdem speciei, ostendimus, quod est omnium, quia omnia talia sub eodem  
genere oportet esse.

### LOCVS VNDECIMVS.

locus undeci-  
mus à diuer-  
so genere.

*Considerandum autem etsi quod aliud genus est.* **H I C** locus est à diuerso genere, &  
est, si id, quod ponitur sub assignato genere, habeat aliud genus, quod ne-  
que contineat assignatum genus, neque sub eo contineatur, genus illud as-  
gnatum non erit uere genus: & ratio est, quoniam impossibile est, ut eiuf-  
dem rei duo sint genera: & alterum sub altero non contineatur. Exemplum  
est, si quis diceret scientiam esse genus iustitiæ, ut Socrati uidebatur, quo-  
niam certum est uirtutem esse ipsius genus, cum neque uirtus sub scientia  
contineatur, neque scientia sub uirtute: non igitur scientia erit iusti-  
tiæ genus.

exemplum.

contra hunc  
locum instan-  
tia à philoso-  
pho illata.  
instantiæ so-  
lutio ab ipso  
Aristotele.

**A D V E R S V S** hunc locum instantiam affert philosophus, quam primo re-  
fellit: deinde ostendit, si quis eam uelit admittere, quomodo procedet lo-  
cus. Instantia est, quoniam prudentia est uirtus, & est scientia: & hæc utra-  
que genera sunt, quorum alterum sub altero non continetur. Soluitur in-  
stantia, quoniam hoc ab omnibus non conceditur, quod scilicet prudentia  
sit scientia: neque enim Peripatetici hoc admittunt, quoniam scilicet pru-  
dentia



dentia circa contingentia uersatur. scientia autem circa ea, quæ aliter se habere non possunt, quòd si quis contendat hoc esse uerum, prudentiam esse scientiam, tunc locus ita procedet, quòd si positum sub assignato genere aliud habeat genus, quod neque contineat assignatum genus, neque sub eo contineatur, neque utrunque sub communi genere sit, tunc assignatum genus non erit uere genus. scientia enim, & uirtus licet non sint subalterna genera, utrunque tamen est sub communi genere habitus, scilicet & qualitatibus. hoc modo ostenderemus album non esse in genere mixti, quoniam album est in genere qualitatis: mixtum in genere substantiæ. qualitas autem & substantia neque sunt subalterna genera, neque utrunque sub communi genere continetur. eodem modo probari posse dicit Alexander unitatem non esse quantitatem, neque substantiam, quamuis uideatur quantitas ex eo, quòd est numeri, qui quidem quantus est augmentatiua, omne autem quod augetur ex homogeneo augeri uidetur: & ex eo uideatur substantia, quoniam una, & eadem existens contrariorum est susceptiua, quod est substantiæ proprium. eadem enim ueritas, & principium est, & finis. in ternario enim unitas media est finis prioris unitatis, & principium posterioris: sed quoniam neque substantia sub quantitate comprehenditur, neque hæc sub illa, neque utraque sub communi genere: non igitur unitas erit in utroque horum generum. eodem modo ostenderetur, scientiam non posse esse in genere qualitatis, & ad aliquid, nisi alia, atque alia ratione esset in eorū unoquoque.

quomodo probari possit unitatem non esse quantitatem, neque substantiam.

#### LOCVS DVODECIMVS.

*Considerandum autem & genus.* Hic locus desumitur à prædicatione superiorum generum: & est, si genus assignati generis, & eius rursus genus nõ prædicatur in quid de eo, cui genus attribuitur, genus illud assignatum non erit uere genus: & ratio est, quoniam oportet, ut de quo prædicatur genus, de eo etiam prædicetur eius genus usque ad supremum genus. ita igitur ostendimus uirtutem non esse genus erubescentiæ, quoniam uirtutis genus est habitus, qui de erubescencia non prædicatur. est enim erubescencia passio, ita quoque uirtus non erit continentię genus, quoniam optimus habitus, qui est uirtutis genus, non prædicatur de continentia, quæ in prauis cupiditatibus uersatur. *Notat* Alexander hoc quidem esse firmum, & uerum, quòd de quo genus prædicatur, de eo & eius genus prædicatur; non tamen conuertitur. neque enim si aliquod superius de aliquo prædicatur in quid, oportet, ut ea, quæ sub ipso sunt, de eo etiam in quid prædicentur. color enim de albo quidem prædicatur, de quo non prædicatur nigrum, & de uitio prædicatur habitus, non tamen de eo dicitur uirtus.

locus duodecimus. à prædicatione superiorum generum.

quomodo ostenderetur uirtutem nõ esse continentię genus.

quid hoc loco notet Alexander.

exemplum.

#### LOCVS DECIMVSTERTIVS.

*Rursus si genus participat speciem.* Desumitur hic locus ex eo, quòd superius genere speciem participet: & est, quòd si uel assignatum genus, uel genus aliquod assignati generis suscipiat definitionem. suppositæ speciei assignatum genus non erit uere genus: atque ideo auis non potest esse animalis genus, quoniam & ipsa, & uolatile quod est auis genus animalis definitionem suscipit. *Sed* uidetur hic locus in unum coincidere cum quinto, in quo dicebatur,

locus decimustertius ex eo; quòd superius genere speciem participet. dubitatio, quòd hic locus idem uideatur cum quinto.



quid hic locus ab illo differat ex Alexandro.

ostendit philosophus, quomodo hic locus constructivus, & destructivus esse possit. duplex quaestio in assignato genere esse potest.

exemplum.

quomodo, si altera sit quaestio, procedendum sit. exemplum.

quomodo ostenderemus continentiam esse uirtutem. quomodo ostenderemus animam esse formam.

si assignatum genus suscipit definitionem eius, cuius ponitur esse genus, non erit uere genus. dicit Alexander hunc ab eo differre, quod hic additur etiam genus assignati generis: hoc tamen ipsi non placet, quoniam hoc, quod additur, ad praecedentem locum consequitur, in quo dicitur: considerandum autem & genus assignati generis, quare existimat potius Spurius esse, & ab aliquo esse interiectum: atque eo magis hoc est credendum, quod ea, quae sequuntur, cum praecedente loco connectuntur.

*Destruenti igitur quemadmodum dictum est utendum.* DIXIT philosophus in loco duodecimo, quod si genus assignati generis, & eius rursus genus non praedicatur in quid de eo, cui genus attribuitur genus illud assignatum, non erit uere genus: atque, ut patet, locus est destructivus. Nunc igitur ostendit, quomodo idem locus possit esse constructivus.

QUONIAM autem in construendo assignato genere duplex potest esse quaestio, uel utrum assignatum genus simpliciter insit, uel utrum praedicetur in quid: ideo utrumque docet philosophus, & prius quomodo ex dicto loco procedere debeamus, quando ambigitur, utrum assignatum genus praedicetur in quid. dicitque, quod si aliquid eorum, quae de assignato genere praedicantur in quid, praedicatur etiam in quid de supposita specie: etiam assignatum genus in quid praedicabitur, & erit uere genus. hoc modo probabitur dispositionem esse genus uirtutis, de ea enim praedicatur. quod autem in quid praedicatur, probatur ex eo, quod qualitas, quae est dispositionis genus, & de ea praedicatur in quid: de uirtute etiam in quid praedicatur, ita & animae erit aquile genus, quoniam animal animae genus de aquila praedicatur in quid.

SI autem quaestio sit, utrum assignatum genus simpliciter insit, alio modo procedemus. neque enim sufficit ostendere, quod genus assignati generis praedicetur de supposita specie, sicuti superius: si enim dubitetur utrum latitudo sit genus ambulationis, non sufficit ostendere, quod motus qui est genus latitudinis, praedicetur de ambulatione in quid: sed praeterea oportet ostendere, quod nihil aliud eorum, quae ad latitudinem sunt contradistincta, insit ambulationi, ut puta, quod ei non insit actio, neque diminutio, neque alteratio, neque generatio, neque corruptio. eodem quoque modo ostenderemus continentiam esse uirtutem, quoniam habitus electivus de ipsa praedicatur in quid. cum autem electivus habitus species sint uirtus, & uirtus, & continentia uirtutum non sit, erit igitur uirtus. ita quoque probabimus animam esse formam, quoniam cum substantia sit, ac substantiae species sint materia, forma, & compositum. anima autem neque sit compositum, neque materia: erit igitur forma.

## LOCVS DECIMVSQVARTVS.

locus decimusquartus. à contentis sub assignata specie.

locus utilis ad destruendum & construendum.

*Rursum de quibus species posita est.* CONNECTIT Alexander hanc partem, qui cum hactenus philosophus tradiderit locos ex parte assignati generis, nunc affert locos ex parte assignatae speciei. Desumitur hic locus à contentis sub assignata specie: & philosophus primo locum explicat: ostenditque, quomodo utilis sit ad destruendum: deinde quomodo ad construendum. LOCVS est, si species posita sub assignato genere sit & ipsa alicuius genus, & de eo assignatum genus, uel ipsius assignati generis, genus aliquod non praedicetur in quid, ipsum non erit uere genus. omnia enim superiora de inferioribus praedicantur in quid. est autem hic locus utilis ad destruendum, & ad construendum: ad destruendum quidem, si ipso utamur, ut dictum est, exempli



exempli causa, scientiam dicemus non esse uirtutis genus, quoniam de speciebus uirtutis, ut fortitudine, & temperantia non prædicatur. ad construendum autem est utilis, si enim ostendamus assignatum genus prædicari in quid de his, de quibus prædicatur etiam species, patet, quod ea erunt sub duobus generibus, ergo duo illa genera erunt subalterna. si igitur ostendamus assignatum genus non esse alteri generi subalternum, relinquetur ipsum esse eius genus, exempli causa, si uolatile ponatur esse genus auis, & de hoc dubitetur, quoniam auis est genus corui, & aquilæ, & aliorum: & de his uolatile prædicatur in quid, sicut & auis, ergo uolatile etiam erit genus aquilæ: atque ita aquila sub duobus erit generibus auis, & uolatilis, ergo oportet, ut hæc genera subalterna sint. non est autem uolatile subalternum aui, cum sit communius, ergo auis subalterna est uolatili.

communis, ergo aut subalterna est uoluntati.  
Sed diceret quis, quod hic locus destructiuus idem sit cum primo, in quo dicebatur id, quod omnibus eiusdem speciei non inest, genus esse non potest. admittit hoc Alexander: sed dicit, quod additio loci constructiuus efficitur hinc ab eo diuersum.

dubitatio,  
quòd hic lo-  
cus idem sit  
cum primo.

LOCVS DECIMVS QVINTVS.

*Considerandum autem & rationes generum.* DESUMITVR hic locus ab uni-  
uoca prædicatione: & est, si definitio assignati generis, aut alicuius eo supe-  
rioris speciei non competit, aut alicui contenti sub specie ipsum non eri-  
uere genus: & ratio est, quoniam genus uniuocum prædicatur de specie: qua-  
re eius etiam definitio de ea debet prædicari. hoc modo ostenderemus num-  
erum non esse animæ genus, ut Aristoxeno uidebatur, quoniam animæ  
non conuenit numeri definitio. neque enim anima est multitudo ex unitati-  
bus composita; ostenderemus autem motum esse genus alterationis, quo-  
niam motus definitio, quæ est actus eius, quod est in potentia, quatenus est  
in potentia, conuenit alterationi, & omnibus contentis sub alteratione,  
S. E. D. dicet quis, genus generalissimum cum definitionem non habeat, non  
erit genus suorum inferiorum, quia eius definitio ipsis non competit. sol-  
uitur, quòd etsi non habeat ueram definitionem, habet tamen descriptio-  
nem, quæ definitionis uicem gerit, & hoc sufficit.

locus deci-  
mus quintus  
ab uniuoca  
prædicatione.

dubitatio.  
solutio.

LOCVS DECIMVSSEXTVS.

*Rursus si differentiam etc.* DESUMITVR hic locus à differentia loco generis; & est, si assignatum genus differentia sit, non erit uere genus: & ratio est, quoniam genus prædicatur in quid: differentia autem in quale quid. hac ratione immortale non poterit esse genus dei, quoniam immortale est differentia animalis. animalia enim quædam sunt mortalia, quædam immortalia; neque mortale poterit esse genus hominis, neque impar poterit esse genus ternarii, cum sit differentia numeri.

SEd quis dubitaret, si differentia non potest esse genus, quomodo dixerimus superius volatile esse genus avis? dicendum est tunc accipi animal volatile, quod etsi uno nomine non exprimitur, est tamen unum genus.

tile, quod etsi uno nomine non exprimitur, est tamen unum genus. NOTAT Alexander adiecit philosophum uerbum magis, cum dicit differentiam magis quale significare, quoniam non simpliciter significat quale. differentia enim quæ est in prædicamento substantiæ, qualitatem quidem definit circa substantiam, non tamen qualitas est, sed substantia. quare autem differentia

locus deci-  
mus sextus à  
differentia lo-  
co generis.

dubitatio. 11  
 solutio. 11

quare philo-  
sophus adie-  
cerit uerbum  
magis.



differentia significet quale quid diximus in expositione quinque uocum Porphyrii.

## LOCVS DECIMVS SEPTIMVS.

locus decimus septimus à differentia loco speciei.

dubitatio . solutio.

quid hoc loco notet Alexander.

*Et si differentiam in genere posuit &c.* DESVMITVR hic locus à differentia loco speciei: & est, si differentia generis alicuius diuisua ipsi generi subiiciatur, ut species, illud non erit eius genus: & ratio est, quoniam species semper suscipit sui generis definitionem. quare differentia nullo modo potest esse species eius generis, cuius est diuisua. hac igitur ratione impar non poterit esse species numeri, nec immortale poterit esse animalis species, cum sit eius differentia. sed quæreretur quis, quare differentia generis definitionem non suscipiat: huius rei ratio est, quoniam genus sicut, & species est quid compositum ex materia scilicet & forma: atque ideo per substantium nomen effertur. differentia autem formam significat, non compositum: atque ideo per adiectiuum nomen affertur. compositum autem non potest de forma prædicari.

NOTAT Alexander dixisse philosophum, Neque impar species, sed differentia erit, quoniam non participat genus, è conuerso quam dici debeat: neque enim ratio, quare sit differentia, est, quoniam non suscipiat definitionem generis, sed è contra potius, quia est differentia, ideo non suscipit generis definitionem. notius enim est, quod sit differentia, quam quod generis definitionem non suscipiat: & hoc non solum nobis notius esse uidetur, sed etià secundum naturam prius.

## LOCVS DECIMVS OCTAVVS.

locus decimus octauus à specie loco generis.

diuisio coniectorum.

errat, qui dicit temperamentum esse genus mixtionis. & quare sit mixtionis diuisio.

errat, qui dicit lationem esse genus motus secundum locum, ut dixit Plato & eorum quæ mouentur diuisio.

id, quod nunc philosophus in Platone criminatur, ipse etiam in quinto Physicæ auscultationis commisit. ibi enim uidens motum localem esse in nominatum, ipsum appellauit lationem; & si igitur latio proprie dicatur solum de motu locali inanimatorum, ob penuriam tamen nominum motui locali in uniuersum accommodatur.

*Amplius si genus in specie posuit.* DESVMITVR hic locus à specie loco generis; & est, quod si species loco generis assignetur, non recte assignabitur. ita igitur aberraret, qui diceret continuitatem esse genus coniunctionis, cum sit eius species. eorum enim quæ sunt coniuncta, uel extrema sunt unum, & hæc appellantur continua, uel extrema sunt simul, non tamen unum; & hæc sunt tangentia. eodem modo erraret, qui diceret temperamentum esse genus mixtionis, quæ enim miscentur, uel unum corpus continuum sunt, sicuti liquida corpora, & in his est temperamentum, uel non sunt unum corpus, & in his est solum mixtio, non etiam temperamentum. pariter quoque aberraret, qui diceret lationem esse genus motus secundum locum, sicuti Plato dixit, qui motum localem definiens ipsum dixit esse lationem. ea enim quæ secundum locum mouentur, uel uoluntarie mouentur; & hæc ferri non dicuntur, uel non uoluntarie: & in his solum proprie est latio. philosophus autem dixit inuoluntarie pro eo, quod est non uoluntarie. inanimata enim non uoluntarie quidem mouentur, non tamen inuoluntarie. meminit autem nunc philosophus Platonice sententiæ, quod alias etiam facit, ut loci utilitatem ostendat, quod scilicet hinc summorum etiam uirorum errores detegantur.

QVOD tamen nunc philosophus in Platone criminatur, ipse etiam in quinto Physicæ auscultationis commisit. ibi enim uidens motum localem esse in nominatum, ipsum appellauit lationem; & si igitur latio proprie dicatur solum de motu locali inanimatorum, ob penuriam tamen nominum motui locali in uniuersum accommodatur.



LOCVS DECIMVS NONVS.

*Insuper si genus in differentia.* DESVMITVR hic locus à differentia posita sub specie: & est, si species ponatur esse genus differentiae, male ponetur: ut si quis diceret Deum esse genus immortalis, aut hominem esse rationalis genus: si enim ut superius ostensum est, differentia non potest poni, ut species sub eo genere, cuius est diuisiva differentia, quoniam omne generi subiectum generis definitionem suscipit. differentia autem non suscipit definitionem generis; multo minus differentia constitui potest sub specie, quoniam non solum compositum predicaretur de forma, sed praeterea minus commune predicaretur de magis communi, quae sunt impossibilia: praeterea si species predicaretur de differentia, cum genus praedicetur de specie: ergo & genus de differentia predicaretur, quod superius reiectum est. Afferens autem philosophus rationem, quare species non possit poni genus differentiae, dicit, Accidet enim aequaliter, aut in plus speciem dici, quam differentiam: sed differentia semper aequaliter, aut in plus dicitur, quam species. Videtur autem, quod illud primum aequaliter sit superfluum: talis autem est philosophi ratio, si species ponatur genus differentiae, cum semper genus sit specie communius, ergo species erit differentia communior, at hoc est falsum, quoniam semper differentia, aut est aequalis speciei, aut est ea communior, non ergo species potest poni genus differentiae, est quidem differentia aequalis speciei, si accipitur propria alicuius, & specifica differentia, ut est ratiocinatum hominis: aliae autem differentiae, quae tales non sunt, sunt speciebus communiores.

locus decimus nonus à differentia posita sub sp̃e.

quod illud uerbum aequaliter, quod ponit philosophus, cum uult afferre rationem, quare species non possit poni, genus differentiae non uidetur recte esse positum.

LOCVS VIGESIMVS.

*Insuper si genus in differentia.* DESVMITVR hic locus à genere sub differentia: & est, si differentia ponatur, ut genus ipsius generis, non recte ponetur, ut si quis diceret disgregatum uisus esse genus coloris; aut si quis diceret impar esse genus numeri, errat autem qui hoc modo ponit: et quoniam ponit id, quod est in minus esse in plus; & quoniam ponit id, quod praedicatur in quale praedicari in quid.

locus uigessimus à genere sub differentia.

LOCVS VIGESIMVS PRIMVS.

*Et si genus ut differentiam &c.* HIC locus desumitur à genere loco differentiae, & est, quod errat etiam, qui genus ponit loco differentiae: ut si quis diceret mixtionem esse differentiam temperamenti. est enim temperamentum species: eius uero genus est mixtio: ita quoque erraret, qui diceret lationem differentiam esse motus localis.

locus uigessimus primus à genere loco differentiae.

SED dubitaret quis, quoniam exempla, quibus hic utitur philosophus, indicant hunc locum non differre à decimo octauo, qui est, quando ponitur genus sub specie. iisdem enim exemplis in eo etiam loco usus est. Dicendum est, quod qui ponit mixtionem sub temperamento, ut eius speciem, errat aduersus decimum octauum locum: qui autem ponit ipsum esse differentiam, errat aduersus hunc.

dubitatio, quod hic locus nihil uidetur differre à 18. solutio.

APPONIT autem philosophus fundamentum, cui innituntur superiores loci. Hoc autem est, quod genus semper in plus est, quam differentia; & eius definitionem non suscipit, quod si addamus differentiam, generis definitionem non suscipere. Speciem autem suscipere; praeterea genus esse communius

fundamentum quod affert philosophus, cui omnes superiores loci innituntur.



munius specie , & speciem non esse in plus , quàm differentiam , habebimus rationem sex superiorum locorum . Locus enim decimus sextus , quando ponitur differentia pro genere , inde rationē habet , quòd genus debet esse in plus , quàm differentia ; & eius definitionem non suscipit . Locus decimus septimus , quando ponitur differentia , ut species sub genere , inde rationem habet , quoniam species definitionem generis suscipit : differētia autem non . Locus decimus octauus , quando ponitur genus sub specie , inde rationem habet , quòd genus debet esse cōmuniū specie . Locus decimus nonus , quando ponitur differentia sub specie , ut eius species , inde rationē habet , quòd species non est in plus , quàm differentia . Locus uigesimus , quando ponitur genus sub differentia , ut eius species , inde etiam rationem habet , quòd genus est in plus , & differentia rationem non suscipit : atque hinc etiam rationem habet . Locus uigesimus primus , quando ponitur genus loco differentia , quoniam qui ponit mixtionem , exempli causa , esse differentiam temperamenti ponit mixtionem , quæ est in plus esse differentia . differentia autem nunquam est in plus , quàm genus , præterea contingit genus positum suscipere definitionem differentia . temperamentum enim mixtionis definitionem participat , quod est inconueniens .

### LOCVS VIGESIMVS SECVNDVS.

locus uigesimus secundus , à differentiarum prædicatione .

*Amplius si nulla generis differentia .* DESVMITVR hic locus à differentiarū prædicatione : & est , si genus alicuius assignatur , de quo nulla eius differentia prædicetur , ipsum non erit uere genus . hoc modo ostendetur numerum non esse animæ genus , quoniam nulla est numeri differentia , quæ de anima prædicetur . differentia enim numeri sunt par , & impar , quæ non prædicantur de anima eadem ratione : neque mundus erit animal , quoniam nulla animalis differentia de ipso prædicatur : neque enim est aut uolatile , aut aquatile , aut terrestre . uerum hæc esset probatio fallax , quoniam diuina illa æqui uoce cum his corruptibilibus sunt animalia , & longe alia est eorum uita , quàm sit sensitiuorum . pariter ostenderetur unitatem non esse quantam , cū non sit neque continua , neque discreta . huius loci ratio est , quoniam ex differentiis generis constituuntur species , unde & definitio , quæ uniuscuiusque rei essentiam explicat , ex differentiis constituitur , sicuti igitur speciei nulla generis differentia conuenit , patet , quòd sub eo genere non erit .

quomodo præbatur possit quod mundus non est animal .

quomodo præbatur possit unitatem non esse quantam .

locus iste est cōstructiuus , & destructiuus .

ERIT autem hic locus non minus constructiuus , de quo enim prædicatur differentia alicuius generis , illud omnino erit sub eo genere . intelligendum autem est , ut superius dictum fuit differentiam prædicari de specie , non in quid scio in quale quid .

### LOCVS VIGESIMVS TERTIVS.

locus uigesimus tertius à priori natura .

*Amplius si prius natura .* DESVMITVR hic locus à priori natura : & est , si assignatum genus non sit prius natura sub posita specie , ipsum non erit uere genus : & ratio est , quoniam genus semper debet esse prius natura , quàm species . illa autem sunt natura priora , quæ ablata auferunt , posita non ponunt , & non è contra . ita igitur mixtionis genus , non erit temperamētum , neque coniunctionis genus erit continuitas , neque percussione sonus .

locus iste nihil à decimo octauo differt nisi modo probandi .

NOTAT autem Alexander hunc locum eundem uideri cum decimo octauo , quando ponitur genus sub specie : sed differt ab eo in modo probandi .



ibi enim probatur illud non esse genus, quoniam sub alio contineatur. hic autem ex eo, quod sit natura posterius.

EST autem hic locus solum destructiuus, non etiam constructiuus: neque enim sufficit ad probandum aliquid esse genus probare ipsum esse prius natura. substantia enim est aliis prædicamentis natura prior, neque tamen est eorū genus, & unitas est omnibus numeris, natura prior neque est eorū genus.

locus iste est solum destructiuus.

### LOCVS VIGESIMVS QVARTVS.

*Insuper si contingit relinquere.* DESVMITVR hic locus à separatione: & est, quod si assignatum genus potest separari ab eo, cuius ponitur esse genus, nõ erit uere genus: & hoc non minus est uerum de differentia. Loci autem ratio est, quoniam quæ sunt completiua substantiæ unius, cuiusque sunt ab eo inseparabilia, sed genus & differentia sunt completiua substantiæ: sunt igitur inseparabilia. Hoc modo redarguerentur, qui dicunt motum esse genus animæ, ut qui dicunt eam esse *αὐτοκίνητον*, aut qui dicunt esse differentiam, ut qui dicunt eam esse substantiam ex se mobilem. contingit enim quandoque animam non moueri, cum enim anima per accidens moueatur ad motum corporis. quiescente igitur corpore ipsa quoque quiescit. eodem modo neque uerum potest esse genus, aut differentia opinionis, cum non omnis opinio uera sit, sed neque falsum, quia neque omnis est falsa: quædam enim est uera, quædam etiam, quæ neque uera est, neque falsa, sicuti opinio, quæ est circa futuræ contingentia: eadē ratione neque graue, aut leue erunt, aut genus, aut differentia corporis. intelligendum autem est de differentiis constitutiuis, non autem de diuisiuis.

locus uigessimus quartus à separatione. exemplum.

quomodo redargueretur qui dicit motum esse genus animæ.

### LOCVS VIGESIMVS QVINTVS.

*Inspectendum autem etsi quod in genere positum est.* DESVMITVR hic locus à participatione contrarii; & est, si quod positum est sub assignato genere participat alicuius contrarii ei generi: illud assignatum genus non erit uere genus: & ratio est, quoniam nihil est in rerum natura, quod contraria simul suscipiat: sed si aliquid suscipit contrarium generis, cum ipsum genus sit inseparabile, contraria igitur simul susciperet. hoc modo probaremus necessarium non esse in genere possibilem, quoniam contrarii etiā est susceptiuum, nempe impossibile: quod enim necesse est, non esse, impossibile est esse. ita quoque ostenderemus generationem non esse congregationem, cum etiā per disgregationem fiat, quando enim tenuia corpora ex crassioribus generantur, ut aer ex aqua tunc congregatio non fit, sed disgregatio.

locus uigessimus quintus à participatione contrarii.

### LOCVS VIGESIMVS SEXTVS.

*Insuper si quippiam communicat.* DESVMITVR hic locus à communicatione speciei: & est, si species assignati generis alicuius participat, quod est impossibile adesse generi: genus illud assignatum non erit uere genus; & ratio est, quoniam genus ea omnia cõplecti debet, quæ suis speciebus insunt. hac ratione numerus non poterit esse animæ genus, quoniam anima uitæ participat. numerus autem non est uitæ susceptiuus, pariter scientia non erit uirtutis genus, quoniam uirtutes actionis participant. nulla autem scientia est actiua, neque uirtus potest esse genus continentia, quoniam cõtinentia ma-

locus uigessimus sextus à cõmmunicatione speciei.



riam, quoniam forma est in genere substantiæ: priuatio autem in nullo est genere, cum enim sit simpliciter non ens in nullo potest esse genere.

LOCVS TRIGESIMVSSECVNDVS.

locus trigessimus secundus à medio contrariorum.

huius loci ratio.

instantia à philosopho allata aduersus hunc locum.

quomodo accipere debeamus illa bona uel mala corporea.

*Deinde si contrarium alicui, & genus, & species.* DESVMITVR hic locus à medio contrariorum: & est, si assignato generi sit aliquod contrarium, itidem & suppositæ speciei. contraria autem generis medium habeant, & contraria speciei non habeant medium, uel è contra: contraria speciei habeant medium: contraria autem generis non: tunc assignatum genus non erit uere genus. hac ratione ostenderemus congregationem non esse generationis genus, quoniam inter congregationem, & disgregationem medium reperitur. inter generationem autem, & corruptionem nullum est medium. huius loci ratio est, quoniam oportet, ut contraria genera, & contraria species uel æqualiter sint mediata, uel æqualiter immediata. si enim inter contraria genera media aliqua sint: non autem inter contrarias species, de quibusnam prædicabuntur media illa? non enim prædicari possunt de contrariis speciebus, quia de illis prædicantur contraria genera. nihil igitur erit, de quo prædicentur: sed si sunt omnino, oportet, ut de aliquibus prædicentur, pariter si inter contrarias species esset aliquod medium, & inter contraria genera nullum, sub quonam genere erit medium illud? neque enim erit sub contrariis, quia sub eis sunt ipsæ species contrariæ: ita igitur fit, ut si contraria genera medium habeant: contrariæ etiam species ipsum habeant, & è conuerso.

QVONIAM autem hic locus non est omnino uerus, sed exceptionē quandam patitur, ideo philosophus ad loci correctionem instantiam affert, quòd sanitas, & ægrotudo nullum habent medium: bonum autem, & malum, sub quibus illa sunt, medium habent, id, scilicet quod non est neque bonum, neque e malum. admonetq; Alexander, ut æquiocationem euitemus, quòd debemus intelligere bona, & mala corporea, cuiusmodi sunt bonus habitus, & malus habitus; pulchritudo, & deformitas; robur, & imbecillitas.

LOCVS TRIGESIMVSTERTIVS.

locus trigessimustertius ab aduerso modo contrariorum.

locus iste objectionem patitur ex sententia Alexandri.

*Insuper si est quidem aliquid utrisque medium.* DESVMITVR hic locus à diuerso modo mediorum: & est, quòd si inter contraria genera medium sit diuerso modo, quàm inter contrarias species, ut in illis per negationem proferatur: hic autem per affirmationem genus assignatum non erit uere genus. probabile enim est, ut utrobique medium eiusdem modi sit, ut patet in uirtute & uitio; iustitia, & iniustitia. in utrisque enim est medium per negationem extremorum.

NOTAT Alexander hunc etiam locum objectionem pati: bonum enim & malum medium habent, quod per negationem profertur: multa autem sunt his subiecta, quæ medium habent per affirmationem prolaturum, ut acute uidere, & obscure uidere: medium habent mediocriter uidere: ita & celebris uita, & obscura medium habent uitam mediocrem.

LOCVS TRIGESIMVSQVARTVS.

locus trigessimus quartus à medio contrariorum alterius generis.

*Præterea quando non est contrarium generi.* DESVMITVR hic locus à medio contrariorum alterius generis: et est, quando assignatum genus non habet contrarium,



contrarium, si medium contrariorum specierum in ipso genere non sit assignatum genus, non erit uere genus. quando enim genus non habet contrarium, non solum oportet ut contraria sint in eodem genere, sed etiam ut media. hoc modo sub eodem genere sunt album, nigrum, & colores medii: & sub eodem genere saporis, dulcis, amarus, & medii. hoc modo ostendere mus circumferens non esse genus concaui, & conuexi, quoniam mediū concaui, & conuexi, quod est ipsum rectum, non potest esse in genere circumferentiis.

INSTANTIAM deinde affert philosophus, quod aliquando media nō sunt in eodem genere cum extremis. excessus enim & defectus sunt in genere uitii: moderatum autem est in genere uirtutis.

SED hic incidit dubitatio, quoniam uidetur hanc obiectionem nullam esse. locus enim propositus est, quando genus assignatum non habet contrarium. obiectio autem est de eo, quod habet contrarium. uitium enim sub quo est excessus, & defectus, contrariam habet uirtutem. Dicendum est hanc instantiam non tendere aduersus locum, sed aduersus rationem loci, quæ dicit: in quo enim genere sunt extrema, in eodem sunt media. aduersus hoc, inquam, obiicit philosophus, & non aduersus locum. Alexander autē, qui existimauit hanc obiectionem allatam esse aduersus locum, reprehendit Aristotelem, tueturq; locum, quod scilicet in quo genere sunt extrema, in eodem sunt media: ab hac obiectione, primo quoniam sententia illa intelligitur de mediis, quæ extremis non sunt contraria, ut sunt media in quantitate, in colore, & in sapore. at uirtutes non solum sunt mediæ inter uitia, sed ipsis sunt contraria: præterea sententia illa intelligitur de mediis proprie dictis: hæc autem sunt, quæ fiunt per mixtionem extremorum, ut medii colores, & sapores: sed alia etiam sunt media, quæ non ita fiunt, sicuti centrū, quod est medium circuli, & medius terminus in syllogismis, qui bis sumitur ante conclusionem: talis etiam est uirtus, quæ non fit per mixtionem uitiorum extremorum: atque hæc media cum illis proprie dictis æquiuoca sunt. tertia Alexandri ratio est, quoniam suppositum est in loco, quando genus propositum non habet contrarium. obiectio autem est, quando genus habet contrarium: atque hæc est efficacior ratio. soluitur autem, ut superius diximus: aliæ autem duæ eius rationes soluuntur, quoniam conditiones illæ, quas rationes illæ supponunt, non sunt necessariae ad huius loci ueritatē.

instantia aduersus hunc locum.

dubitatio.

solutio.

Alexāder tuetur locum & accusat Aristotelem eo quod existimat instantiā contra locum esse adductā.

## LOCVS TRIGESIMVS QVINTVS.

Considerandum autem si quidem genus etc. DESUMITVR hic locus ex contrario: et est, si assignatum genus habet aliquod contrarium, species autē non genus illud assignatum non erit uere genus: & ratio est, quoniam probabile est, ut si genus habet contrarium, species quoque habeat contrarium: ut quoniam uirtus, quæ est genus, habet contrarium; ideo & iniustitia, quæ est species ei subiecta, habet contrarium, nempe iniustitiam. hoc tamen non conuertitur, quoniam contrariæ species sub eodem genere possunt esse; ita igitur ostendemus armoniam nō esse genus animæ, ut Plato existimauit. quoniam armonia contrarium habet, quod græci dicunt ἀρμονοίαν. anima autem nihil habet contrarium: eadem ratione principium non erit genus elementum, quoniam principium habet contrarium, nempe finem: at elementum nihil habet contrarium. neque uacuum erit genus loci, quoniam uacuum habet aliquod contrarium, nempe plenum. locus autem nihil habet contrariū.

locus trigessimus quintus ex contrario. quomodo ostenderemus armoniam nō esse genus animæ, ut sensuit Plato.

quomodo ostenderemus principium esse genus elementum.

quod ostenderemus uacuum nō esse genus loci.



ita quoque si motui quies est contraria, tempori autem nihil est contrariū, ergo motus non est genus temporis. Et si incorruptibili corruptibile, Deo autem nihil, ergo incorruptibile non est genus Dei.

quare aduersus hunc locū obiectionem affert philosophus.

A D V E R S V S hunc locum obiectionem affert philosophus, ut ostendat ipsum esse quidem probabilem, non tamen omnino uerum. obiectionem autem hæc est, quoniam ægritudo habet contrarium, nempe sanitatem; species suæ ægritudinis, ut febris, oculorum inflammatio, icteritia, pleuritis nihil habent contrarium.

quod particulares etiā ægritudines habent aliquod contrarium, sed innominatum.

A D D I T autem Alexander, quod forte particulares etiam ægritudines habent aliquid contrarium, sed innominatum. hoc autem est sanitas secundum unumquodque eorum, in quibus sunt morbi. hæc autem res ita se habere uidetur, quod eadem sanitas subiecto omnibus particularibus ægritudinibus opponitur: alia tamen atque alia ratione, quemadmodū idem est centrum in circulo, quod opponitur finibus omnium linearum, quæ ab ipso ducuntur ad circumferentiam, different tamen ratione.

quod hæc philosophus tractauit sex locos ex contrariis, & mediis.

*Intervenient igitur tot modis.* tractauit philosophus sex locos ex contrariis, & mediis, qui omnes sunt destructiui. primus fuit trigessimus, cuius prima pars erat, quando genus non habet contrarium. contrariæ species debent esse in eodem genere. Secunda pars erat, quando genus habet contrarium. contrariæ species debent esse in contrariis generibus. trigessimus primus erat si contrarium speciei non sit in genere, neque supposita species erit in genere. Trigessimus secundus erat si contraria genera habent medium: etiam contrariæ species habent medium. Trigessimus tertius erat contraria genera, & contrariæ species eodem modo debent habere contrarium. Trigessimus quartus erat, quando genus non habet contrarium non solum contrariæ species, sed etiam mediæ debent esse in eodem genere. Trigessimus quintus erat, si genus habet contrarium: species quoque habent contrarium. Ex his igitur locis docet philosophus nunc, quinam sint apti ad construendum. Primo autem dicit primam partem trigesimali loci esse utilem ad construendum, quando enim genus non habet contrarium, contrariæ species in eodem genere esse debent. si igitur ostendamus propositum genus non habere contrarium: & quod contrarium propositæ speciei in eo genere sit, probabimus ipsam etiā propositam speciem in eo genere esse, exempli causa, si quærat, utrum multitudo sit genus paucorum, ostendemus, quod multitudo nihil habet contrarium; & quod multa, quæ sunt paucis contraria, in genere multitudinis sunt. hinc enim fiet, ut etiam pauca in eodem sint genere. secundo dicit ad construendum utilem esse locum trigessimum quartum. si enim assignatum genus non habeat contrarium, & media, quæ sunt inter contrarias species in ipso sint etiam contraria, in ipso erunt: etsi contraria in eo sunt, & media erunt, ut in quo genere est obscura uox, in eodem erit acuta, & grauis: atque hoc ut Alexandro placet, intelligendum est de mediis proprie dictis, quæ scilicet fiunt per mixtionem extremorum. tertio dicit philosophus utilem esse ad construendum secundam partem trigesimali loci. si enim assignatum genus habeat contrarium, & species contraria propositæ sit in contrario genere, ipsa proposita species erit in assignato genere. si enim quærat, utrum *ἀσυνμετρία* sit genus morbi, ostendentes nos *συμμετρίαν*, quæ est *ἀσυνμετρία* contraria esse genus sanitatis, quæ est morbi contraria, ostendentes erimus *ἀσυνμετρίαν* esse morbi genus, quod erat propositum.

exemplum.

aptus est ad construendum trigessimus quartus.

exemplum.

apta est ad construendum.

exemplum.



## LOCVS TRIGESIMVSSEXTVS.

*Rursus in casibus, & coniugatis.* TRADIT philosophus etiam ad problema-  
ta generis locum ex casibus, & coniugatis: sicuti & superius ad problemata  
accidentis. maxime enim est utilis hic locus ad omnia problematum gene-  
ra. Locus igitur est, si quemadmodum positum genus inest positæ speciei,  
ita & casus, & coniugata positi generis insunt casibus & coniugatis positæ  
speciei, positum genus construetur. Si autem non ita sit, destruetur: quare  
erit hic locus ex casibus, & coniugatis constructiuus, & destructiuus;  
ex casibus quidem construeremus, ut si prudenter agere est scienter agere,  
ergo & prudentia erit scientia. Destrueremus autem ex casibus hoc modo, si  
uoluptas est bona, & uoluptuose est bene, non est autem uoluptuose bene,  
quoniam & prauè agentes uoluptuantur, non ergo est uoluptas bona. ex a-  
liis autem coniugatis construeremus hoc modo, si iustum est studiosum, &  
iustus studiosus, ergo iustitia est uirtus. Destrueremus autem hoc modo, si  
uoluptas est sub genere utilis, etiam uoluptuosum esset utile, non est autem  
uoluptuosum utile, neque igitur uoluptas, & si iustus non est sciens, neque  
iustitia erit scientia.

SEMPER autem deducendum est argumentum ab eo, quod notius est, in-  
nata enim est nobis uia, ut à notioribus ad ignotiora deueniamus.

locus trigesi-  
mus sextus,  
ex casibus &  
coniugatis.

locus iste uti-  
lis ad cōstruē-  
dū & destruē-  
dum.

## LOCVS TRIGESIMVSSEPTIMVS.

*Rursus in his, quæ similiter se habent.* DESUMITVR hic locus ex proportio-  
ne: & est, si eorum, quæ similiter se habent adinuicem, alterum sit alterius  
genus, alterum quoque erit alterius genus. Dictum fuit in fine primi libri du-  
plicem esse analogiam ad aliquid, & in aliquo ad aliquid, ut cum dicimus, si  
cut se habet intellectus ad scientiam, ita se habet sensus ad opinionem: & si  
cut unitas ad numerum, ita punctus ad lineam. analogia in aliquo est, cum  
dicimus, sicuti iustitia est in animo, ita pulchritudo in corpore: & sicuti se-  
renitas in aere, ita tranquillitas in mari. philosophus autem nunc de analo-  
gia ad aliquid loquitur. non enim uidetur, quod ex analogia in aliquo con-  
struatur, aut destruatur genus. ex hoc igitur loco possumus tum construe-  
re, tum destruere. construere quidem hoc modo ita se habet delectabile ad  
uoluptatem, sicut utile ad bonum. sicut enim delectabile est uoluptatis esse-  
ctiuum, ita & utile est effectiuum boni, si igitur bonum est uoluptatis genus,  
ergo & utile est genus delectabilis; atque hoc quidem modo cōstrueremus.  
destrueremus autem hoc modo, si ita se habet exercitium ad sanitatem, si-  
cuti disciplina ad scientiam, ergo & disciplina ad exercitium, sicut scientia  
ad sanitatem. non est autem disciplina genus exercitii, neque igitur scien-  
tia est genus sanitatis.

locus trigesi-  
mus septimus  
ex proportio-  
ne.

duplex analo-  
gia est ad ali-  
quid & in ali-  
quo.  
philosophus  
loquitur de  
analogia ad  
aliquid.

NOTANDVM autem est hunc procedendi modum, quo utitur philoso-  
phus esse proportionem, quæ à mathematicis dicitur permutata, quando  
scilicet infertur sicuti antecedens ad antecedens, ita consequens ad conse-  
quens: quamuis enim philosophus inferat sicuti consequens ad consequens,  
ita antecedens ad antecedens nihil referre uidetur. idem enim est consequē-  
tiæ modus. Alexander tamen dicit philosophum non usum fuisse ea propor-  
tione, sed si ea uti uellemus hoc modo esset dicendū: si ita se habet uoluptas  
ad delectabile, sicuti bonum ad utile, ergo & sicuti antecedens ad antece-  
dens, ita & consequens ad consequens. si igitur bonum est uoluptatis genus,  
ergo

modus iste,  
quo procedit  
philosophus  
à mathemati-  
cis dicitur p-  
portio con-  
uersa; & quo  
modo se ha-  
beat.



quidnam probent hæc uerba philosophi

ergo & utile est genus delectabile. Verba illa philosophi, Manifestum enim quod boni est effectiuum. probant, quod delectabile sit boni effectiuum. si enim uoluptas est bona, quod est eius effectiuum. erit boni effectiuum. cum igitur delectabile sit uoluptatis effectiuum, erit etiam effectiuum boni.

### LOCVS TRIGESIMVS OCTAVVS.

locus trigessimus octauus ex generationibus &c.

quomodo à generationibus argumentaremur.

quomodo ex corruptionibus argumentaremur.

in his omnibus analogia seruatur semper.

*Similiter autem & in generationibus.* Hic locus est ex generationibus, corruptionibus, generatiuis, & corruptiuis, potentiis, & usibus. qui etiam locus in problematibus accidentis tractatus fuit: & est, si generatio alicuius sub alterius cuiusdam generatione sit, ut genere ipsum quoque generatum sub illo erit generato, ut genere. eadem est ratio de generatiuis, & corruptiuis, de potentiis, & usibus. à generationibus igitur hoc modo argumentabimur, si agere est genus ipsius ædificare, ergo & actum erit genus ipsius ædificati: & si reminiscencia est genus disciplinæ, ergo memoria est genus scientiæ. philosophus autem utitur didicisse, & recordatum esse: & intelligit ipsum generatum ad quod proceditur ex generatione. ex hoc quoque loco ostenderemus iustitiam non esse scientiam: si enim iustitiæ generatio non est disciplina, neque igitur iustitia est scientia. ostenderemus quoque sensum non esse scientiam: si enim sensus generatio non est disciplina, est enim à natura, neque igitur sensus erit scientia. Ex corruptionibus autem ita argumentabimur, si dissolui est corrumpi, ergo & dissolutum est corruptum. si igitur alterum est alterius genus, & alterum quoque erit alterius. ex generatiuis etiam argumentamur ad problema generis hoc modo, ita se habet sedulitas ad diuitias, sicut exercitium ad sanitatem, non est autem sedulitas genus exercitii, neque igitur diuitiæ sanitatis. Ex corruptiuis autem hoc modo ita se habet prodigalitas ad opes, sicuti ad uirtutem prauis sermones, non est autem prodigalitas prauorum sermonum genus, neque igitur opes uirtutis. ex potentiis autem hoc modo ita se habet potentia ad ipsum potens, sicut dispositio ad dispositum: si igitur dispositio est potentiæ genus, ergo, & potens erit in genere dispositi. Ab usibus autem hoc modo ita se habet usus ad id, quo quis utitur, sicut actio ad actum: si igitur usus est in actionis genere, etiam id, quo quis utitur, erit actum.

NOTANDVM autem est in his omnibus seruari analogiam, sicuti in exemplis manifestum est: præterea quod hi loci constructiui sunt, & destructiui: atque ideo exemplis partim constructiuis, & partim destructiuis usi sumus.

### LOCVS TRIGESIMVS NONVS.

locus trigessimus nonus ex priuatione.

*Si autem priuatio sit quod opponitur.* TRADIDIT philosophus superius locos ex cōtrariis: nunc uero accedit ad alia opposita. ac primū tradit locum ex priuatione, qui est, ut ipse notat & destructiuus, & constructiuus. destructiuus quidem duplex est. primo enim si species posita sub assignato genere habeat priuationem oppositam, & hæc priuatio sit sub eodem genere, assignatum genus non erit uere genus. et ratio est, quoniā priuatio & habitus nunquam possunt esse in eodem genere propinquo: sed frequenter etiam non sunt in eodem genere remoto. si enim uisionis propinquum genus est sensus, impossibile est, ut cæcitas, quæ est uisionis priuatio sit in eodem genere sensus: & si cæcitatis propinquum genus est insensibilitas, impossibile est uisionem in eo esse genere. Ex hoc igitur loco ostenderemus, quod habitus non est



est genus ignorantia, quoniam est genus scientia: ostenderemus quoque uirtutum non esse uirtutis priuationem, quoniam est in eodem genere cum uirtute, nempe habitus. Secundo autem destruetur problema generis ex priuatione hoc pacto, si & assignato generi, & sub eo posita speciei aliquid sit priuatiue oppositum, non sit autem priuatio speciei in priuatione generis, ut genere; neque proposita species erit sub assignato genere. hoc modo ostenderemus, quod uisus non est scientia, quoniam neque cæcitas, quæ est uisus priuatio, est in genere ignorantia. Ita quidem dupliciter destruitur problema generis ex priuatione: uno autem tantum modo construitur hoc scilicet posteriori, si enim priuatio opposita speciei sit sub priuatione opposita generi, proposita quoque species erit sub assignato genere. Ita ostenderemus uisum esse in genere sensus, quoniam cæcitas est in genere insensibilitatis. Primus autem modus destructiuus ad construendum utilis esse non potest. triplex autem est priuatio, quæ est extra genus, & quæ priuat actum, & potentiam: & quæ priuat solum potentiam. &c.

uno tantummodo est constructiuus posteriori scilicet.

### LOCVS QVADRAGESIMVS.

*Rursus in negationibus considerandum.* DESUMITVR hic locus ex contradictorie oppositis, qui etiam in secundo libro tractatus fuit: et est, si assignatum genus conuenit proposita speciei, species ipsa non inerit contradictorio generi: & hunc illationis modum appellabat philosophus in secundo libro consequentiam, è conuerso. Ita igitur si bonum est delectabilis genus, delectabile est bonum, ergo non bonum non est delectabile: cuius rei ratio est, quoniam si aliquod non bonum esset delectabile, bonum non posset esse genus delectabilis, quia à quo negatur genus, ab eodem necesse est negari speciem. Ita quoque ex hoc loco argumentabimur, si laudabili est genus boni, quod non est laudabile, non est bonum. sunt autem quædam non laudabilia bona, ut sanitas, uires, diuitia, non igitur laudabile est genus boni.

locus quadragesimus ex contradictorie oppositis.

### LOCVS QVADRAGESIMVS PRIMVS.

*Si autem sit ad aliquid species.* TRADIT deinceps philosophus plures locos ex relatiuis: ac primus quidem est, si species posita sub assignato genere est ad aliquid, oportet quoque, ut eius genus sit ad aliquid: si igitur species sit ad aliquid, positum uero genus non sit, ad aliquid non erit eius genus: duplum enim quoniam est ad aliquid, habet etiam suum genus, nempe multiplex ad aliquid, & scientia, quæ est ad aliquid sub existimatione, quæ & ipsa est ad aliquid, reponitur. hoc igitur modo ostenderemus æquale non esse in genere quanti, quoniam est ad aliquid, quantum uero non est ad aliquid.

locus quadragesimus primus est relatiuis.

NOTAT autem philosophus hunc locum non conuerti, si species est ad aliquid, etiam genus est ad aliquid, non tamen è conuerso. Si genus est ad aliquid, oportet, ut eius quoque species sit ad aliquid. scientia enim ad aliquid existens genus est musica, & geometria, quæ ad aliquid non sunt.

locus iste non conuertitur. exemplum.

SED aduersus etiam locum instantiam affert philosophus, quod scilicet neque omnino uerum esse uidetur, quod si species sit ad aliquid, etiam genus ad aliquid esse oporteat, quoniam uirtus, quæ est ad aliquid, reponitur sub genere boni, & honesti, quæ ad aliquid non sunt. iis adde, quod uirtus, cum sit ad aliquid, reponitur tamen in prædicamento qualitatis potius quam relationis. Hanc autem instantiam dissoluit Alexander, quoniam ea non sunt

instantia à philosopho aduersus hunc locum allata.

Y genera

huius instantie dissolutio.



## T O P I C O R V M A R I S T.

genera uirtutis: bonum enim non est eius genus, quia æquiuocum est: honestum autem non est eius genus, quia uirtus prior est honestis actionibus, quæ secundum ipsam sunt, quoniam autem primo est habitus quidam per se, deinde ad aliud refertur; ideo sub genere qualitatis potius reponitur, quam sub genere relationis.

locus iste est  
cōstructiuus,  
& destructi-  
uus.

Est autem hic locus solum destructiuus, non etiam constructiuus: neque enim si utra assumpta sunt ad aliquid, oportet alterum esse alterius genus.

### LOCVS QVADRAGESIMVSSECVNDVS.

locus quadra-  
gesimussecū-  
dus secundus  
est ex relati-  
uis.

*Rursus si non ad idem.* Hic est secundus locus sumptus ex relatiuis, cuius ratio talis est, ad quod refertur species secundum se; ad idem referri debet & secundum genus, & secundum superiora genera. Exempli causa, quoniam duplum secundum se refertur ad dimidium: igitur & secundum suum genus, nempe multiplex ad idem dimidium referetur: duplum enim est dimidii duplum, & est eiusdem multiplex: sed præterea & secundum superiora ad idem referri debet, quoniam igitur excedens est genus multiplicis (excedens enim non solum de multiplici dicitur, sed de quocunque alio maiori) ideo duplum etiam secundum hoc genus referetur ad dimidium. dicitur enim duplū dimidium excedens: locus igitur erit, si species posita sub assignato genere ad aliquid sit: ad idem autem non referatur secundum se, & secundum positum genus etiā secundū eius genera: assignatum genus non erit uere genus. hoc modo ostenderemus potentiam non esse genus uisionis, quoniam uisio secundum se ipsam ad uisibile refertur: secundum potentiam autem ad idem non potest referri, neque enim dicitur uisio ipsius uisibilis potentia: eodem modo ostenderemus, quod neque habitus est uisionis genus, ex eo autem, quod secundum superiora genera ad idem non referatur, ostenderemus uisionem non esse scientiam, quoniam etsi uisio secundum scientiam ad uisibile referri possit, ad ipsum tamen non refertur secundum genus scientiæ, neque enim secundum habitum, qui est scientiæ genus, ad uisibile refertur.

instantia ad-  
uersus hūc lo-  
cum à philo-  
sopho allata.

huius instan-  
tiæ dissolutio.

ADVERSUS hunc locum instantiam affert philosophus, quod non uidetur necesse, quod species, quæ est ad aliquid, ad idem referatur & secundum se, & secundum genus. scientia enim secundum se ad scibile refertur, ad quod tamen non refertur secundum habitum, qui est scientiæ genus. neque enim dicitur scientia habitus scibilis, sed habitus animæ. hanc instantiam dissoluit Alexander, quoniam duplex uidetur esse habitus, & habentis, & habiti. quod si hæc multiplicitas distinguatur, scientia ad scibile referetur etiam secundum habitum.

### LOCVS QVADRAGESIMVSTERTIVS.

locus quadra-  
gesimuster-  
tius est ter-  
tius ex rela-  
tiuis.

*Rursus si similiter dicitur genus.* Hic est tertius locus sumptus ex relatiuis, qui talis est, si non similiter secundum casum dicatur species, & eius positum genus, illud non erit uere genus: & ratio est, quoniam & genus, & species similiter secundum casum referri debent ad sua correlatiua, uel scilicet utraque secundum genitium, uel utraque secundum datium, uel secundum alium casum, ut si duplum secundum genitium refertur ad dimidium, dicitur enim dimidii duplum etiam multiplex, quod est eius genus, dicitur submultiplicis multiplex: pariter quoque scientia, & existimatio, & habitus secundum eundem casum referri debent. Ex hoc igitur loco ostenderemus additionem non esse



esse genus auctoris, quoniam auctio secundum genitium refertur: additio uero secundum datium.

ADVERSUS etiam hunc locum instantiam affert philosophus, neque enim in omnibus ita se habet, quod genus, & species secundum similes casus referantur. contrarium enim secundum datium refertur, diuersum autem quod est eius genus secundum ablatium: dicitur enim diuersum à diuerso: diuersum est autem diuersum eius genus, quoniam comprehendit & contrarium, & differens.

NOTANDUM autem est, quod hæ instantiæ, quas affert philosophus, etsi ab ipso non soluantur, non tamen destruunt locos, sed sunt exceptiones quædam locorum, quibus seruatis loci postea ueriores redduntur.

aduersus hunc locum instantia à philosopho allata.

quid notādū.

### LOCVS QVADRAGESIMVS QVARTVS.

Rursus si similiter ad aliquid secundum casus. Hic est quartus locus sumptus ex relatiuis, qui talis est, si ea, ad quæ referuntur genus, & species, non secundum similes casus conuertuntur, propositum genus non erit genus. pro huius autem loci intellectu sciendum est ex prædicamentis relatiua semper ad conuertentiam dici, sicut enim pater dicitur filii pater, ita conuersim filius dicitur patris filius. quandoque autem eisdem casibus referuntur, quandoque diuersis eisdem casibus referuntur, ut dimidium dupli dimidium duplum, dimidii duplum: item maius minori maius, & minus maiori minus: diuersis uero casibus referuntur, ut scientia scibilis dicitur scientia, scibile uero dicitur scientia scibile: & opinio opinabilis opinio: opinabile uero opinione opinabile. ita igitur fit, ut quandoque diuersis quidem casibus conuertatur relatiuum generis, & speciei. quàm genus, & species ad ipsa referantur: semper tamen illud uerum est, quo casu conuertitur relatiuum generis, eodem casu conuertitur & relatiuum speciei. & si enim scibile non referatur, ad scientiam eo casu, quo scientia ad scibile: neque existimabile ad existimationem eo casu, quo existimatio ad existimabile; scibile tamen eodem casu refertur, quo existimabile, quoniam existimatio est sciētia genus. si igitur hic conuertendi modus alicubi non fit, genus non erit recte positum. hoc modo ostenderemus excedens non esse genus maioris, quoniam eorum correlatiua non secundum similes casus conuertuntur: minus enim dicitur maiori minus; excessum uero ab excedente excessum.

locus quadragesimus quartus est quartus ex relatiuis. relatiua semper ad conuertentiam dicuntur.

exemplum.

si hic conuertendi modus nō fit, destruitur.

Hic Strato philosophus adiecit locum quendam huic consimilem, qui quidem talis est, si positum genus, & posita species eisdem quidem casibus referantur: eorum autem, ad quæ referuntur, alterum quidem conuertatur, alterum autem non: positum genus non erit uere genus. exempli causa, si quis diceret defectiois genus esse indigentiam, utrumque quidem eorum refertur secundum eundem casum. dicitur enim defectio excessus defectio, & indigentia sufficientis indigentia: sed hæc utraque non conuertuntur, quoniam excessus dicitur defectiois excessus: sufficiens autem non conuertitur ad indigentiam: quare indigentia non erit genus defectiois, sed existimans Strato id se inuenisse, quod Aristotelem fugisset, non animaduertit se in maximum errorem incidere, quod scilicet omnia relatiua ad conuertentiam non dicantur. sui autem erroris causa fuit, quoniam non recte supponit indigentiam referri ad sufficiens: neque enim indigentia refertur ad sufficiens, sed ad indigens.

quidā philosophus nomine Strato hic locum nouū adiecerat: sed admodum errauit. hæc exempla non conuertuntur.



# T O P I C O R V M A R I S T .

## LOCVS QVADRAGESIMVSQVINTVS.

locus quadra-  
gesimus quin-  
tus est quin-  
tus ex relati-  
uis.  
exemplum.

hic locus pro-  
babilis est tan-  
tum, non au-  
tem uerus.

*Rursus si non ad aequalia.* H I C est quintus locus desumptus ex relatiuis, si se-  
cundum plures casus referatur species, & eisdem modis nō referatur genus,  
uel è contra, illud non erit uerum genus. Et ratio est, quoniam species, & ge-  
nus æqualiter referri debent ad sua correlatiua. ex relatiuis enim quædam  
secundum unum tantum casum referuntur, ut duplum ad dimidium refertur  
solum per genitium: alia uero secundum plures casus referuntur, ut exce-  
dens ad excessum. dupliciter dicitur & secundum accusatiuum, & secundum  
genitiuum: si igitur genus, & species non æqualiter referantur, genus non  
erit recte positum. hoc modo ostenderemus appetitum non esse genus iræ,  
quoniam appetitus secundum genitiuum tantum refertur: dicitur enim ap-  
petitus appetibilis appetitus: ira autē dupliciter dicitur & alicuius, & alicui.  
H I C locus probabilis solum esse uidetur, non etiam uerus. sunt enim quæ-  
dam genera, quæ non æqualiter referuntur, sicuti suæ species. duplum enim,  
& multiplex solum secundum genitiuum referuntur: maius autem quod est  
eius genus, & secundum ablatiuum, & secundum nominatiuum refertur. di-  
citur enim maius minori, & quàm minus maius.

## LOCVS QVADRAGESIMVSSEXTVS.

locus quadra-  
gesimus sex-  
tus est sextus  
ex relatiuis.  
quidnam sit  
intelligendū  
per oppositū.

*Videndum autem & si oppositi.* H I C est sextus locus sumptus ex relatiuis, si po-  
situm genus, & eius species sint ad aliquid, & opposita species non sit in op-  
posito genere; neque proposita species erit in proposito genere: per oppo-  
situm autem intelligendum est id, ad quod refertur species, & genus: quo-  
niam igitur submultiplex est genus dimidii, ideo & multiplex erit genus du-  
pli: & quoniam existimabile est genus scibilis, ideo & existimatio est genus  
scientiæ. Destrueremus autem sensum esse genus scientiæ, quoniam sensibi-  
le non est genus scibilis: multa enim sunt scibilia, quæ non sunt sensibilia. e-  
rit igitur hic locus & constructiuus, & destructiuus.

## LOCVS QVADRAGESIMVSSEPTIMVS.

locus quadra-  
gesimus septi-  
mus est septi-  
mus ex rela-  
tiuis.  
diuisio relati-  
uorum.

exemplum.

*Quoniam autem eorum, quæ ad aliquid dicuntur.* H I C est septimus locus sumptus  
ex relatiuis, pro cuius intellectione præmittenda est diuisio quædam re-  
latiuorum. RELATIVORVM igitur quædam in his necessario sunt, ad quæ referuntur:  
quædam non sunt necessario in illis, possunt tamen in illis esse: quædam in his  
nullo pacto esse possunt. Necesario in his sunt, ad quæ referuntur, sicuti  
compositio. refertur enim compositio ad compositum, atque in composi-  
to necessario est. eodem modo & *συμμετρία* ad symmetrum refertur: atque in  
eo necessario reperitur: ita quoque & mansio est in manente, & habitus in  
habente. In his autem, ad quæ referuntur, non necessario sunt: possunt tamē  
in illis esse, sicuti scientia: refertur enim scientia ad scibile, & est in anima.  
si igitur anima scibilis sit, & ad hoc scibile scientia referatur, tunc scientia in  
eo erit, ad quod refertur. si autem scientia ad aliud quid scibile referatur,  
tunc in eo non erit ad quod refertur: neque enim omne scibile est anima, ut  
scientia rerum geometricarum, ad ea quidem scibilia refertur, quorum est,  
non tamen in illis est, quia omnis scientia est in anima. In his uero, ad quæ  
referuntur, nullo modo esse possunt, sicuti contrarium. refertur enim ad cō-  
trarium:



trarium: at in eo nullo modo esse potest, quia simul essent contraria: ita & duplum refertur ad dimidium, & in eo nullo modo potest esse. hac igitur relatiuorum diuisione supposita locus est, species, & genus eodem modo se habere debent, uel scilicet quod utrumque necessario fit in his, ad quæ referuntur, uel utrumque possit, uel neutrum possit esse. uidemus enim hoc in omnibus se habere, ut quoniam symmetria necessario est in his, ad quæ refertur, etiam proportio, quæ est eius genus, eiusmodi est: & quoniam habitus talis est, etiam dispositio, quæ est eius genus, talis est: rursus quoniam scientia in his esse potest, ad quæ refertur; ideo & existimatio, quæ est eius genus, talis est: & quoniam sensus huiusmodi est, susceptio etiam ἀντίληψις à græcis dicta, quæ est eius genus, eiusmodi erit: & quoniam duplum in eo esse non potest, ad quod refertur, nempe in dimidio, neque multiplex poterit esse in submultiplici. his igitur positis si posita species in eo necessario sit, ad quod refertur, uel in eo esse possit, uel in eo esse nō possit. genus uero assignatū tale nō fit, non erit uere genus. ita igitur ostenderemus mansionē non esse genus memoriam, sicuti quidam censent definiētes memoriam esse mansionē scientiæ, eo quod mansio eiusmodi est, quod in eo necessario est, ad quod refertur. est enim in manente, memoria autem non est in eo, ad quod refertur, sed est in animā: memoria autem non ad animā refertur, sed ad memorabile. pariter ostēderemus, quod cupiditas, quā græci dicunt ὀρμην non est genus perturbationis, quam appellant πάθος, sicuti censent, qui definiunt perturbationem esse cupiditatem irrationalem, quoniam cupiditas ad concupiscibile refertur, non est autem in concupiscibili, sed in anima. perturbatio autē ad perturbatum refertur, & in eo est, quare rationabilius dicere uidentur, qui definiunt perturbationem esse motum animæ ad delectabile, aut tristabile; sicut enim perturbatio est in perturbato, ad quod etiam refertur, ita & motus semper est in moto, ad quod etiam relatiue dicitur.

NOTAT autem philosophus hunc locum non solum quæstionibus generis conuenire, sed etiam quæstionibus accidentis, sicut enim ostensum est destruī quæstionem generis, eodem pacto destruetur quæstio accidentis. si enim positum sit mansionem scientiæ memoriæ accidere, quoniam omnis mansio est in eo, ad quod refertur. erit igitur mansio in scientia: quare & memoria esset in scientia, quod falsum est, quia memoria est in anima.

exemplum.

quomodo hic locus explicetur.

locus iste nō solum quæstionibus generis, sed & quæstionibus accidentis est aptus.

### LOCVS QVADRAGESIMVS OCTAVVS.

Rursus si habitum in actu posuit. DESUMITVR hic locus ab habitu, & actu, & est, habitus non potest esse genus actus, neque actus habitus. si quis igitur ponat aut habitum esse genus actus, aut actum habitus, non recte ponet. hoc modo ostenderemus motum non esse genus sensus, quoniam sensus est habitus, motus autem est actus. hoc quoque modo redargueremus opinionem dicentium memoriam esse habitum comprehensuum opinionum, quoniam memoria actus est non habitus: nihil enim aliud esse uidetur memoria, quàm recordandi actus.

locus quadragesimus octauus ab habitu & actu. exemplum.

### LOCVS QVADRAGESIMVS NONVS.

Peccant autem & qui habitum. DESUMITVR hic locus à potentia consequente loco generis, & est, potentia consequens habitum aliquem non potest poni pro eius genere. est autem potentia consequens habitum ueluti mansuetudinem,

locus quadragesimus nonus à potentia consequente loco generis.



## T O P I C O R V M A R I S T.

mansuetudinem, quæ est habitus consequitur posse immoderatam iram cohibere, si aliquando incidat. si quis igitur diceret mansuetudinis genus esse continentiam iræ, non recte assignaret genus: neque enim potentia consequens potest poni loco generis, quia genus semper est inseparabile, & in substantia rei. continentia autem iræ non est inseparabilis à mansuetudine, sed tunc ei inest, quando incidit ira immoderata, quo quidem tempore neque proprie est mansuetudo, cum mansuetudo sit huiusmodi iræ priuatio; pariter ostenderemus continentiam timoris non esse genus fortitudinis, neque continentiam lucri esse genus iustitiæ. fortis enim proprie est timoris expers, & iustus omnino à lucro abstinet: ad has tamen uirtutes potentiæ illæ ex suppositione consequuntur, quod si quando incidat timorem, fortis uir ipsum cohibet, & uir iustus: si quando incidat lucri cupiditatem, ipsam coercet. cum igitur genus in quid prædicetur, hæ autem potentiæ habitus suos ex suppositione consequantur, non igitur possunt poni loco generis.

### LOCVS QVINQVAGESIMVS.

locus quinquagesimus à quomodocumque consequenti loco generis, & est: consequens, quomodocumque habitum aliquem non potest esse eius genus, quoniam igitur ad iram consequitur tristitia. iratus enim tristatur, si quis poneret tristitiam esse genus iræ, aberraret; neque enim ad iram ita consequitur tristitia, sicut ad speciem consequitur genus: tristitia enim tempore præcedit iram. qui enim tristatur, quoniam existimat se iniuria affici, irascitur. genus autem nunquam tempore præcedit speciem: neque enim prius efficitur animal, & ex eo dein de homo: quare ira non erit simpliciter tristitia, idest tristitia non erit in eius essentia, neque erit eius genus. eodem modo delinqueret, qui diceret existimationem esse genus fidei: consequitur quidem existimatio fidem. si quis enim credit, idem etiam existimat, non tamen est eius genus, quoniam eadem existimatio potest esse cum fide, & sine fide. nihil enim prohibet, ut quis eandem habens de aliquo existimationem, ut quod anima sit immortalis, aliquando ei credat: deinde uero ob rationes aliquas non credat. hoc autem in genere non contingit; neque enim idem animal potest aliquando esse homo, aliquando non. aut idem color aliquando est albus, aliquando non; destruitur enim genus, quod in unoquoque est ipso destructo. atque hæc ratio superiori etiam exemplo de ira, & tristitia aptari potest. contingit enim aliquem eandem habere tristitiam & cum ira, & sine ira. Addit autem philosophus, quod si quis hoc nollet concedere, quod habens eandem existimationem, possit aliquando habere fidem, aliquando non habere: sed uelit, quod qui eandem habet existimationem, omnino credat. hoc etiam pacto concedet existimationem non esse fidei genus, quoniam hoc modo existimatio esset æqualis fidei: genus autem semper est specie communius.

*Aliquoties autem, & quod sequitur quod his modo.* DESUMITVR hic locus à quomodocumque consequenti loco generis, & est: consequens, quomodocumque habitum aliquem non potest esse eius genus, quoniam igitur ad iram consequitur tristitia. iratus enim tristatur, si quis poneret tristitiam esse genus iræ, aberraret; neque enim ad iram ita consequitur tristitia, sicut ad speciem consequitur genus: tristitia enim tempore præcedit iram. qui enim tristatur, quoniam existimat se iniuria affici, irascitur. genus autem nunquam tempore præcedit speciem: neque enim prius efficitur animal, & ex eo dein de homo: quare ira non erit simpliciter tristitia, idest tristitia non erit in eius essentia, neque erit eius genus. eodem modo delinqueret, qui diceret existimationem esse genus fidei: consequitur quidem existimatio fidem. si quis enim credit, idem etiam existimat, non tamen est eius genus, quoniam eadem existimatio potest esse cum fide, & sine fide. nihil enim prohibet, ut quis eandem habens de aliquo existimationem, ut quod anima sit immortalis, aliquando ei credat: deinde uero ob rationes aliquas non credat. hoc autem in genere non contingit; neque enim idem animal potest aliquando esse homo, aliquando non. aut idem color aliquando est albus, aliquando non; destruitur enim genus, quod in unoquoque est ipso destructo. atque hæc ratio superiori etiam exemplo de ira, & tristitia aptari potest. contingit enim aliquem eandem habere tristitiam & cum ira, & sine ira. Addit autem philosophus, quod si quis hoc nollet concedere, quod habens eandem existimationem, possit aliquando habere fidem, aliquando non habere: sed uelit, quod qui eandem habet existimationem, omnino credat. hoc etiam pacto concedet existimationem non esse fidei genus, quoniam hoc modo existimatio esset æqualis fidei: genus autem semper est specie communius.

### LOCVS QVINQVAGESIMVS PRIMVS.

locus quinquagesimus à subiecto. exemplum.

*Videndum autem etsi in aliquo eodem etc.* DESUMITVR hic locus à subiecto, & est, quod generis, & speciei idem debet esse subiectum, ut in quo subiecto est albedo in eodem est color: utrumque enim est in corpore; & in quo est grammatica, in eodem est scientia: utrumque enim est in anima. si igitur genus assignatum non sit in eodem subiecto, in quo species non erit uere genus:



nus: ita ostenderemus timorem non esse genus pudoris, quoniam timor est in passibili animæ parte: pudor autem in rationali, pariter neque tristitia erit genus iræ, quoniam tristitia est in concupiscibili parte, quod ex eo probatur, quoniam eius contrarium nempe uoluptas in eadem parte est: ira autem est in irascibili: ita neque uoluntas erit amicitiae genus, cum uoluntas sit in rationali, amicitia in concupiscibili: neque fortitudo erit scientia, cum fortitudo sit in irascibili, scientia in rationali.

**A D M O N E T** autem Aristoteles hunc locum quæstionibus etiam accidentis conuenire: nam & accidens, & id, cui accidit, in eodem subiecto esse uidentur: in quo enim reperitur ira, in eodem reperitur feruor sanguinis, qui iræ est accidens, & in quo reperitur superficies, in eodem reperitur color, qui est accidens superficiei. hoc autem est intelligendum, ut Alexander annotauit de illis accidentibus, quorum in aliis quibusdam sunt, sicuti sunt ea, quæ attulimus. si igitur ponatur aliquod esse accidens alicuius, & in eodem utrumque non sit accidens, & id, cui accidit illud, non erit eius accidens. hoc modo ostenderemus pallorem non esse accidens timoris, neque ruborem esse accidens pudoris, quoniam rubor, & pallor sunt in superficie: pudor autem, & timor sunt in anima. non igitur illa sunt accidentia, sed consequentia quædam ad has passiones.

**S E D** dubitat Alexander, quomodo dictum sit à philosopho pudorem esse in parte animæ rationali; cum enim pudor sit passio quædam, passiones autem sint in passibili animæ parte, non igitur erit in rationali. soluit Alexander: quod forte philosophus communius usus est exemplo, uel quod per pudorem intelligit reuerentiam, quæ cum ratione esse uidetur: additq; quod quamuis pudor non ponatur in parte rationali, sed in concupiscibili, non tamen timor erit eius genus, cum sit in irascibili.

hic locus etiā aptari potest quæstionibus accidentis.

de quibusdā accidentibus fit intelligendum.

dubitatio Alexandri.

solutio.

quid addat Alexander.

### LOCVS QVINQVAGESIMVS SECVDVS.

*Rursus si secundum quid species.* **D E S V M I T V R** hic locus à participatione secundum quid; & est, species non potest participare generis secundum quid. dictum enim fuit initio secundi libri ab accidente non conuerti appellationem, sicut ab aliis prædicatis, quoniam solum accidens inest secundum partem: alia autem prædicata non possunt inesse alicui secundum partem. si igitur positum genus inest speciei secundum quid, non erit uerum genus. hoc modo ostenderemus sensibile non esse genus animalis, quoniam animal secundum quid est sensibile, nempe secundum corpus: secundum autem animam non est sensibile, quia anima sub sensum non cadit: eadem ratione neque uisibile erit animalis genus.

locus quinquagesimus secundus à participatione secundum quid. & ratio, quoniam ab accidente solum non conuertatur appellatio.

### LOCVS QVINQVAGESIMVS TERTIVS.

*Latent autem quandoque.* **D E S V M I T V R** hic locus à parte loco generis: & est, pars non potest esse genus sui totius: & ratio est, quoniam genus prædicatur de eo, cuius est genus, pars autem non prædicatur de suo toto: non igitur pars potest esse genus sui totius: ita igitur ostenderemus corpus non esse genus animalis, quoniam est eius pars: ita neque cælum erit terra humore conspersa, quoniam terra est eius pars.

**H I C** autem est annotandum hunc locum intelligi debere de parte integrali, non autem de parte essentiali. genus enim semper est pars essentialis eius,

locus quinquagesimus tertius à parte loco generis.

de quā parte hic locus intelligatur. cuius exemplum.



## T O P I C O R U M A R I S T.

cuius est genus, sicut animal hominis : sed nunquam est pars integralis : atque hic est , quòd hoc exemplum positum ab Aristotele non est exactum , quoniam corpus non est pars integralis animalis , sed est pars eius essentialis , atque ideo nihil prohibet , quòd sit eius genus .

### LOCVS QVINQVAGESIMVS QVARTVS.

locus quinquagesimus quartus à malo posito sub potentia.

quomodo probet philosophus potentiam non esse alicuius mali genus.

*Videndum autem , si quid uituperandorum.* DESUMITVR hic locus à malo posito sub potentia : et est , potentia non potest esse genus alicuius uituperabilis , aut euitabilis : & ratio est , quoniam omnis potentia natura bona esse uidetur : bonum autem non potest esse mali genus . si quis igitur furem definiret , quòd est is , qui potentiam habet aliena clam furripiendi ; aut definiret calumniatorem , quòd est is , qui potentiam habet calumniandi , & amicos inimicos reddendi ; aut definire sophistam , quod est is , qui potentiam habet ex apparenti sapientia pecunias comparare , ex hoc loco redargueretur : nullus enim horum talis est propter potentiam , sed propter electionem . nam & Deus , & sapientes uiri mala possunt , non tamen ea agunt , quoniam scilicet non eligunt ea agere : non igitur potentia potest esse alicuius mali genus . Probat præterea philosophus potentiam non esse alicuius mali genus , quoniam omnis potentia est eligibilis : probus enim ille est , qui mala quidem potest efficere , non tamen eligit efficere : qui autem mala non potest efficere , non propterea probus censendus est , quia non efficit . Aliam rationem addit Alexander ad probandum , quòd potentia bona sit , quoniam contrariorum eadem est potentia , bonorum igitur , & malorum eadem erit potentia , quòd si bonorum potentia bona est , malorum quoque potentia bona erit.

### LOCVS QVINQVAGESIMVS QVINTVS.

locus quinquagesimus quintus à propter se sub potentia . honorum diuisio quadruplex . omnis potentia propter aliud est eligibilis & propter quod nã .

notat Alexander quod nullum propter aliud potest esse genus alicuius propter se , non tamen omnium eorum , quæ sunt propter se genera sunt propter se .

*Et si quid propter se honorabilem.* DESUMITVR hic locus à propter se bono sub potentia : et est , potentia non potest esse genus alicuius honorabilis , & eligibilis propter se . cum enim bona , ut alias diximus , quædam sint honorabilia , quædam laudabilia , quædam utilia , quædam potestates . duo illa priora intelligit philosophus , cum dicit honorabilia , & eligibilia propter se . cum igitur omnis potentia sit propter aliud eligibilis , nempe propter illud , ad quod dicitur : nullum autem eorum , quæ sunt propter se eligibilia , sit propter aliud : non igitur potentia erit genus alicuius eorum . si enim genus alicuius sit propter aliud , oportet ipsum quoque talem existere . si quis igitur diceret prudentiam esse potentiam effectiuam boni , ex hoc loco redargueretur , quoniã poneret potentiam esse genus eligibilis propter se . eadem autem est ratio de potentia potente , & effectiuo . Notat autem Alexander , quòd nullum quidẽ propter aliud potest esse genus alicuius propter se , non tamen omnium eorum , quæ sunt propter se , genera sunt propter se . uirtutis enim , quæ est eligibilis propter se , genus est habitus , qui propter se non est eligibilis : quia si esset eligibilis propter se , etiam uirtutis , quod est species habitus , esset eligibile propter se . dicit tamen , quòd possumus etiam dicere habitum , qui est uirtutis genus , esse eligibile propter se : si scilicet consideremus habitum , non prout commune quoddam in pluribus reperiuntur , sed qui est in ipsa uirtute .

LOCVS



LOCVS QVINQVAGESIMVSSEXTVS.

*Aut si quid eorum, quæ sunt in duobus generibus.* DESUMITVR hic locus ab altero genere: et est, cum aliquod sub duobus generibus simul ponitur, non potest sub altero eorum tantum poni, exempli causa, quoniam impostor sub duobus generibus est: est enim talis, & quia potest talia facere, & quia eligit, neque enim qui solum potest, aut qui solum eligit talia facere, impostor dicitur. eodem modo se habet & calumniator. si quis igitur horum aliquod, quæ in duobus generibus sunt, in altero eorum ponat, non recte ponet. SED dubitaret quis, quomodo aliquid in duobus generibus esse possit, quæ neque subalterna sunt, neque in communi proximo genere sunt. talia enim sunt hæc genera electio & positio, quia neque subalterna sunt, neque sub communi proximo genere sunt: sed in antepredicamentis, & in primo Topicorum capite decimo tertio dictum fuit esse impossibile aliquid esse sub duobus generibus non subalternis, nisi illa genera sint sub communi proximo genere. Soluit Alexander quod hæc etiam sunt sub communi proximo genere, sed tale genus ex his utrisque compositum est innominatum. multa enim sunt genera nomen unum non habentia.

locus quinquagesimus sextus ab altero genere.

dubitatio.

dubitationis solutio.

LOCVS QVINQVAGESIMVSSEPTIMVS.

*Insper aliquoties è conuerso genus quidem etc.* HIC locus est, quod differentia non debet poni loco generis, & genus loco differentia. Differt autem hic locus à decimo sexto, in quo dicebatur, quod differentia non est ponenda loco generis, quoniam hic loquitur non simpliciter, quando differentia ponitur loco generis, sed quando simul genus ponitur loco differentia. in hunc autem errorem incidunt, qui definiunt stuporem esse excessum admirationis: neque enim excessus est genus stuporis, sed admiratio: excessus autem est differentia. eorum enim qui admirantur, alii secundum excessum admirantur, quod stupentes dicuntur: alii uero mediocriter. cōsimiliter delinquant, qui definiunt fidem esse uehementiam existimationis: accipiunt enim uehementiam loco generis, & existimationem loco differentia, cum è contra sit existimatio genus: uehementia uero differentia. existimationum enim alia sunt uehementes, & hæ dicuntur fides, alia sunt mediocres.

locus quinquagesimus septimus, quod differentia non debet poni loco generis, neque genus loco differentia.

QVOD autem excessus, & uehementia non sint genera, sicuti in his definitionibus ponuntur: probat philosophus duabus rationibus deducentibus ad impossibile, quarum prima hæc est, si excessus, & uehementia sint genera stuporis, & fidei, sequeretur ipsum stuporem obstupescere, & fidem credere: hæc consequentia probatur, quoniam excessus, & uehementia in illis sunt, quorum esse dicuntur, ut excessus dulcedinis est in dulcedine: excessus albedinis in albedine: ita & uehementia spiritus est in spiritu: & uehementia motus est in motu: ita igitur & excessus admirationis erit in admiratione, & uehementia existimationis erit in existimatione. si igitur stupor est excessus admirationis, ergo stupor erit in admiratione; & si fides est uehementia existimationis, ergo fides erit in existimatione. quare admiratio obstupescet,

duabus rationibus probatur quod excessus & uehementia non sunt genera.



& existimatio credet : in quo enim est stupor illud obstupescit , & in quo est fides , illud credit . impossibile autem est admirationem obstupescere , aut existimationem credere : non igitur excessus est genus stuporis , aut uehementia fidei .

nihil à seipso  
unquam de-  
nominatione  
sumit .

SECVNDA ratio , qua probat philosophus hæc non esse genera : talis est , si hæc essent genera sequeretur reperiri excessum excedentem , & uehementiã uehementem , quod est absurdissimum . Consequentia autem probatur , stupor enim quidam est excedens , & quidam moderatus . si igitur stupor est excessus , ergo erit quidam excessus excedens . pariter quoniam fides quædam est uehemiens , quædam remissa : si fides est uehementia , erit igitur uehementia uehemens . nihil autem à se ipso sumit denominationē : neque enim scientia dicitur sciens , neque motus dicitur moueri , neque albedo dicitur alba ; sed semper accidentia denominant subiectum , in quo reperiuntur : scientia denominat suum subiectum sciens , & albedo denominat suum subiectum album . si autem aliquod accidens se ipsum denominaret , fieret processus in infinitum , ut si esset uehementiæ uehementia illius rursus esset uehementia : atque ita in infinitum . ita igitur patet excessum non esse genus stuporis , neque uehementiam fidei .

### LOCVS QVINQVAGESIMVS OCTAVVS.

locus quin-  
quagesimus  
octauus à su-  
biecto passio-  
nis .  
quid per pas-  
sionem intel-  
ligatur .  
quod errant  
qui definiunt  
immortalita-  
tem esse uitã  
æternam .

Quandoque autem peccant etc. HIC locus est à subiecto passionis : Et est , subiectum non potest esse genus suæ passionis : per passionem autem intelligere debemus accidens proprium : ita igitur ostenderemus corpus non esse genus coloris , quoniam est eius subiectum , & quod anima non est genus scientiæ appetitus , tristitiæ , aut iræ . Ex hoc loco redargui dicit philosophus sententiam eorum , qui definiunt immortalitatem esse uitam æternam : neque enim uita potest esse genus immortalitatis , cum sit eius subiectum . quod autem immortalitas sit passio uitæ , probat philosophus suppositione quadam utens : si enim fingamus aliquid ex mortali immortale fieri posse ( quod tamē est impossibile ) tale non assumet aliam uitam , sed accidens quoddam . eadem enim uita secundum accidens mutata fiet immortalis . est igitur immortalitas uitæ passio , quare non potest esse eius species .

NOTAT autem Alexander , quod etsi immortalitas non sit passio uitæ , est enim potius eius differentia , quia uita alia est immortalis , sicuti Dei , alia mortalis , ut hominum : non propterea tamen locus infirmatur . quæcunque enim erit passio , aut accidens alicuius subiecti , non poterit esse eius species ; signum autem , quod aliquid sit passio , & non species assignati generis , est quod ipsum genus idem permanens secundum eam passionem potest transmutari , quod in genere non contingit , sicuti superius in loco quinquagesimo dictum fuit . Quamuis autem immortalitas sit differentia uitæ , non propterea uita recte assignatur eius genus . dictum enim fuit superius in loco decimoseptimo differentiam non posse poni pro specie .

### LOCVS QVINQVAGESIMVS NONVS.

locus quin-  
quagesimus  
nonus , primū  
uidendum est  
quid differat  
hic locus à su-  
periori .

Rursum si passionis , cuius est passio illud genus esse dicunt . HIC primo uidendum est , quidnam differat hic locus à præcedente : uidetur enim idem omnino esse cū eo : nam & hic dicit subiectum non posse esse genus suæ passionis . Dicit Alexander



Alexander hunc ab eo differre solummodo, quoniam in eo simpliciter dicitur subiectum non posse esse genus passionis. hic autem dicitur subiectum non posse esse genus passionis, cuius est subiectum. sed præterea longe melius dicit Alexander hos locos non solummodo & dictione differre, sed & re: quod scilicet prior est, quando quis ponit passionem esse speciem subiecti, nesciens illam esse passionem eius subiecti. hic autem est, quando quis ponit passionem esse speciem sui subiecti, sciens illam esse eius passionem. & propterea in superiori loco satis fuit philosopho ostendere immortalitatem esse passionem uitæ, quod ignorabant illi, qui eam ita definiunt: in hoc autem non redarguit eos, qui ponunt uentum in genere aeris ex eo, quod uentus sit aeris passio. supponit enim eos hoc scire, sed probat subiectum non posse esse genus suæ passionis.

exemplum.

RATIO autem, qua probat philosophus aerem non esse genus uenti, talis est. Quandiu permanet id, quod substantiam alicuius constituit, tandiu illud permanet, ut quandiu permanet substantia animata sensibilis, quæ est in homine, aut in Socrate: tandiu homo aut Socrates permanet. sed aer secundum eos, qui dicunt ipsum esse genus uenti, eius substantiam constituit, quandiu igitur idem aer permanet, tandiu permanet uentus, sed idem aer permanet, & cum mouetur, & cum non mouetur. erit igitur uentus & cum mouetur aer, & cum non mouetur, quod est falsum. dicitur enim uentus solum cum mouetur aer, non igitur uentus est aeris genus.

quenam sit ratio, qua probat philosophus aerem non esse genus uenti.

Hoc loco dubitationem proponit Alexander, quod non recte uidetur redargui sententiam eorum, qui dicunt uentum esse aerem motum ex eo, quod aer permaneant, & cum mouetur, & cum non mouetur: uentus autem solum fit cum aer mouetur. hæc enim esse uidetur natura speciei: animal enim permanet uel sit rationale, uel sit irrationale. homo autem solum permanet, si animal sit rationale. Pro solutione huius difficultatis præmittit Alexander, quod ipsa genera neque per se alicubi subsistunt, neque in puris, & nudis conceptibus sunt, ut animi figmenta sphinx, & centaurus: sed eorum subsistentia in his est, de quibus prædicantur: quare his destructis ipsa quoque destruantur. Dupliciter autem genus potest considerari, uel prout est genus, id est à pluribus specie differentiis communicatur, uel prout est natura quædam, cui accidit ab illis pluribus communicari. si consideratur in eo, quod est genus, ipsum destruitur: si ceteris omnibus, in quibus reperitur destructis, unum tamen numero, uel specie supersit. si enim fingamus species omnes animalis corrumpi, & solum humanam seruari, animal non amplius erit genus eo, quod non prædicetur de pluribus specie differentiis.

dubitatio, quod non uidetur recte eorum qui dicunt uentum esse aerem motum opinio redargui.

dupliciter genus consideratur.

Si autem consideretur genus, prout est natura quædam, cui uniuersalitas illa accidit, hæc dupliciter corrumpi potest, uel simpliciter, uel particulariter. Simpliciter corrumperetur si omnia ea, quibus inest, corrumperentur: si unum tantum seruetur, ipsa quoque seruabitur, ut si animalia omnia corrumperentur, & unum tantum numero seruetur, in eo seruabitur substantia animata sensibilis. particulariter autem corrumperetur hæc natura, quando aliquod eorum corrumpitur, in quibus est, ut cum corrumpitur Socrates, simul cum eo corrumpitur substantia illa animata sensibilis, quæ in ipso est: & quandiu hæc seruatur, tandiu illud, in quo est, seruari necesse est. His igitur ita se habentibus dicit Alexander, quod si assignatum genus alicuius, corrupto eo, cuius dicitur esse genus, idem particulariter permaneant, tale non erit uerum genus. Si igitur aer secundum numerum permanet, & cum

si consideretur, ut est natura, dupliciter illa natura corrumpi potest.

exemplum.



mouetur, & cum non mouetur, id est & cum est uentus, & cum non est uentus, non igitur erit genus uenti. si enim esset eius genus, eo corrupto simul cum eo corrumpetur, sicuti corrupto homine corrumpitur etiam animal, quod in eo est. hoc autem de motu dici non potest: quare præstat ponere uentum in genere motus, quàm in genere aeris. Eadem ratione ostendemus aquam non esse genus undæ, neque aerem uocis.



## EXPLANATIO

## LIBRI V. TOPICORVM

## ARISTOTELIS.

**T**RADIDIT philosophus in quarto libro locos, ex quibus tum construere, tum destruere possumus quæstiones generis: in hoc autem quinto consequenter tradet locos ad quæstiones proprii. Merito autem quæstiones generis præcedunt quæstiones proprii, & definitionis: quoniam genus est commune proprio, & definitione. de pluribus enim dicitur specie differentibus: proprium autem, & definitio uni tantum speciei conueniunt: communiora autem præcedere debent minus communia.

**O**STENDIT autem Alexāder quare quæstiones generis præcedāt quæstiones proprii, & quare præcedant quæstiones definitionis. Demum quare quæstiones proprii præcedant quæstiones definitionis. Quare quæstiones generis præcedant quæstiones proprii, ratio est, quoniam genus est essenziale rei: proprium autem est extra rei substantiam: præstantiora autem sunt substantialia accidentalibus. quare autem præcedant quæstiones definitionis, ratio est, quoniam ex quibus locis ostendimus hoc esse illius generis, ex eisdem ostendimus, quòd genus assumptum in definitione sit uerum genus: & ex quibus genus simpliciter destruimus, ex eisdem genus quoque definitionis destruimus. quare demum quæstiones proprii præcedant quæstiones definitionis, eadem ratio est, quoniam loci quæstionum proprii utiles etiam sunt quæstionibus definitionis: plerique enim loci sunt, ex quibus ostendimus aliud quid non esse proprium alicuius, ex quibus etiam possumus destruere definitionem. Destruimus proprium (sicuti uidebimus) si ignotius sit, quàm suum subiectum, ut si quis diceret ignis propriū esse, esse similē animæ. Destruimus etiam ex eo, quòd æquiucas uoces contineat, ut si quis diceret, proprium esse animæ mouere, motus enim multipliciter dicitur. Destruimus etiam proprium, si cum re non conuertatur, ut si quis diceret, proprium esse hominis esse bipedem: iisdem etiam locis definitionem destruimus.

**P**RIVSQVAM philosophus locos explicet, quædam præmittit, quæ pro faciliiori intellectu in sex partes apte diuidi posse uidentur. Primo enim proposita huius libri intentione ostendit propriū quadrupliciter dici, & uniuscuiusque eorum exempla affert. Secundo docet proprium illud, quod dicitur ad alterum aliquando duo efficere problemata, aliquando quatuor. ostenditq; quomodo duo efficiantur, & quomodo quatuor. Tertio declarat, quid sit unumquodque proprium, quid proprium per se, quid proprium ad alterū, quid proprium semper, & quid proprium aliquando. Quarto affert diuisionem quandam proprii ad alterum, quod uel est in omnibus, & semper, uel in pluribus, & frequenter. Quinto ostendit, quòd proprium per se, proprium semper, & proprium ad alterum logicas efficiunt quæstiones: proprium autem aliquando non; & rationem affert. Sexto quoniam proprium ad aliud multipliciter dicitur, ostendit quodnam ad hanc tractationem pertineat, & quodnam ad quæstiones accidentis redigatur. Vnde concludit agendum esse in hoc libro de proprio per se, & proprio semper.

**V**T igitur harum unamquamque sigillatim explicemus, proponit primo philosophus

cur in hoc quinto libro tradat locos ad quæstiones proprii, & quare quæstiones generis præcedāt quæstiones proprii, & de definitionis.

antequam locos explicet sex præmittit philosophus.

conclusio philosophi de quoniam sit agendum. quid primo proponat philosophus.



philosophus in hoc libro se tractaturum locos, ex quibus construere, ac destruere possimus: ut aliquid sit alicuius proprium. Dicit autem propriū quadrupliciter dici uel per se, uel ad alterum, uel semper, uel aliquando. proprium per se est, ut si dicamus hominis esse proprium, quod sit natura cicur, & mansuetus, additur natura, quoniam quædam etiam ex brutis animalibus sunt mansueta: sed non natura talia sunt, sed assuetudine, aut industria hominū cicurantur. Proprium ad alterum est, ut si dicamus proprium esse animæ imperare: corporis autem ipsi animæ seruire. tale etiam est, si dicamus proprium esse hominis esse bipedem, respectu scilicet quadrupedum. proprium autem semper est, ut si dicamus proprium esse Dei esse immortalem. proprium aliquando est, ut alicuius hominis in gymnasio deambulare, cum forte aliquo tempore solus in gymnasio deambulet.

quid in hac  
cūda doceat  
philosophus.

quomō duo  
problemata  
fiant.

exemplum.

quomodo ad  
uersus primū  
pbema quis  
posset dispu-  
tare.

quid hoc lo-  
co nolet Ale-  
xander.

quid in hac  
tertia parte  
doceat philo-  
sophus.

*Sunt autem proprii, quod ad alterum assignatum.* H A E C est secunda pars, in qua philosophus docet proprium ad alterum aliquando efficere duo problemata, aliquando quatuor. sed uidēdū est, quo proposito hoc doceat philosophus. H O C autem docet, quoniam sibi utile est ad ostendendum proprium ad alterum logicas quæstiones efficere, quod docet in quinta parte: ac proinde in hoc libro debere pertractari. Efficat autem proprium ad alterum aliquando duo problemata, aliquando quatuor. Duo quidem problemata fiunt, quando proprium alicui attribuitur, & idem proprium ab altero negatur, ut si dicamus proprium esse hominis esse bipedem: equi autem non esse bipedem. hic enim duo sunt problemata, nempe hominem esse bipedem, & equum non esse bipedem. hoc autem patet, quoniam posset quis aduersus primum problema disputare, ostendendo hominem non esse bipedem: & posse aduersus secundum disputare, ostendendo equum esse bipedem. quatuor autem efficiuntur problemata, quando unum proprium alicui attribuitur, & ab altero negatur: & rursus alterum proprium à primo subiecto negatur, & secundo attribuitur, ut si dicamus hominis esse proprium esse bipedem, non autem esse quadrupedem: equi autem proprium esse, esse quadrupedem, nō autem bipedem, quod etiam patet. nam aduersus primum problema disputabit quis, si ostendere tentet hominem non esse bipedem, & aduersus secundum ostendens hominem esse quadrupedem, & aduersus tertium, si probet equum esse bipedem, & aduersus quartum si probet equum non esse quadrupedem.

N O T A T autem hoc in loco Alexander impossibile quidem esse ostendere hominem esse quadrupedem, aut non esse bipedem; nisi quis sophisticè hoc ostenderet. Sed hæc exempla attulit philosophus, ut perspicue ostenderet, quomodo ex proprio ad aliud duo efficiantur problemata, & quomodo quatuor.

*Est autem per se quidem proprium &c.* H A E C est tertia pars, in qua philosophus cum proposuerit proprium quadrupliciter dici, declarat quid sit eorum unū quodque. Dicit autem proprium per se illud esse, quod ad omnia assignatur, & ab omnibus distinguit, id est quod competit ei, cuius est proprium, non respectu unius, aut alterius, sed respectu omnium: & quod ipsum ab omnibus separat, & distinguit. tale autem proprium debet inesse soli, & omni, & est quod à Porphyrio in quinque uocibus dicitur proprium. quarto modo si cut est proprium hominis esse risibile.

P R O P R I U M ad alterum illud est, quod non ab omni separat, sed ab aliquo statuto, id est ab eo respectu, cuius dicitur esse proprium, sicuti dicimus proprium esse hominis esse bipedem respectu equi, aut canis: ita se habere dicit



dicat philosophus, si dicamus proprium esse uirtutis respectu scientiæ in pluribus potentiis animæ reperiri: uirtus enim & in rationali animæ parte consistit, & in passibili: neque solum in animali rationali, sed & in brutis, quin & in aliis animatis uirtus reperitur, & præterea in expertibus animæ naturalibus, & artificiosis. sicut enim hominis uirtus est secundum mentem optime operari, ita & equi optime currere, & plantæ optimos fructus ferre, & domus ambientis iniurias optime prohibere: scientia autem solum est in parte animæ rationali, & in rationem habentibus.

exemplum.

PROPRIVM semper est, quod per omne tempus uerificatur de suo subiecto, & à quo subiectum nunquam separatur, ut si dicamus proprium esse animalis constare ex anima, & corpore.

exemplum.

PROPRIVM aliquando est, quod non per omne tempus uerificatur, neque semper suum subiectum necessario consequitur, ut si dicamus proprium esse alicuius in foro ambulare, cum tunc temporis nullus alius in foro ambulet: quare hoc proprium dicitur, & respectu alicuius temporis, & respectu aliquorum.

exemplum.

Est autem ad aliud proprium assignare. HÆC est quarta pars, in qua diuisione quandam affert philosophus proprii ad alterum; sed hic etiam dignum est inquisitione, quo proposito hoc doceat philosophus, quoniam proprium ad alterum multipliciter dicitur: neque omnino ad hanc tractationem pertinet, ideo ipsum diuidit, ut scilicet paulo post ostendat in ultima scilicet parte, quodnam ad hanc partem pertineat, quod ue sit reiiciendum. dicit autem quod proprium ad aliud uidetur esse differentia quædam, & quod dupliciter dicitur uel semper & in omnibus, uel aliquando & in pluribus: semper quidem, & in omnibus, ut si dicamus proprium esse hominis respectu equi esse bipedem: nam esse bipedem competit & omni homini, & semper: nulli autem equo, & nunquam conuenit. aliquando autem & in pluribus est, si dicamus rationalis potentiæ proprium esse imperare: appetitiuæ autem obedire. hoc enim non semper inest animæ, sed solum in probis uiris rationalis pars passibilem coercet; in prauis autem, & scelestis contrarium contingit, quod ratio cogitur appetitui famulari.

quid in hac quarta parte doceat philosophus.

quomodo proprium sit aliquando & in pluribus.

Propriorum autem ea maxime logica sunt. HÆC est quinta pars, in qua docet philosophus, quænam propria ex his, quæ dicta sunt, efficiant logica problemata, ut scilicet ex his quædam accipiat, cetera prætermittat. Dicit autem tria ex illis efficere logica problemata, nempe proprium ad alterum, proprium per se, & proprium semper. proprium quidem ad alterum efficit logica problemata, quoniam illa sunt logica problemata, quæ multa, & ualida suppeditant argumenta. sed talia sunt problemata, quæ efficit proprium ad alterum, quoniam scilicet problemata huius proprii, ut superius dictum fuit, plura sunt, uel scilicet duo, uel quatuor, & uariis modis tractari possunt. proprium autem per se multa etiam suppeditat argumenta, quoniam oportet, ut sit proprium eius, cui attribuitur respectu omnium, & ipsum ab omnibus distinguat. quod si aliquod sit, à quo non distinguatur, proprium non erit recte assignatum. qui enim dicit risibile esse hominis proprium, oportet, ut probet, quod & soli, & omni, & semper conueniat. quod si aliquod horum deficiat, non erit uere proprium. Propriū semper multa etiā suggerit argumenta, secundum scilicet diuersa tempora, præteritum, præsens, & futurum. ut qui dicit proprium hoc modo esse Dei contemplari, probare debet, quod & secundum præteritum, & secundum præsens, & secundum futurum contempletur. Si enim secundum aliquod tempus ita non sit, propositum destruitur.

quid philosophus in hac quinta parte doceat.

quare problema logicū nō efficiatur à proprio aliquando.



tur: proprium autem aliquando non efficit logicum problema, quoniam pauca suppediat argumenta. solum enim ab uno tempore licet argumentari ad problemata. talis proprii ab eo scilicet, in quo inesse dicitur ipsum proprium, ut si dicamus proprium nunc esse Socratis in gymnasio deambulare, reiecitur igitur hoc proprium à consideratione dialectici.

quid in ultima parte doceat philosophus.

*Ad alterum igitur proprium dictum ex his &c.* IN hac ultima parte ostendit philosophus, quænam propria ad hanc pertineant tractationem, & quæ non. Dictum superius fuit in quarta parte proprium ad alterum dupliciter dici, uel semper & in omnibus, uel aliquando & in pluribus. dicit nunc philosophus, quod proprium illud ad alterum, quod aliquando dicitur & in pluribus, non ad hanc tractationem pertinet, sed ad quæstiones accidentis. ex locis enim, qui traditi sunt in secundo libro, hæ quoque quæstiones tractantur. dictum autem fuit etiam in primo libro, quod accidentia plerumque dicuntur propria ad alterum, sicut igitur probatur album inesse corpori ex eo, quod alicui inest, & alicui non inest: ita & hoc proprium ad alterum construatur ex eo, quod aliquibus insit, & aliquibus non insit. cum igitur ex quatuor modis proprii duo reiecti sint nempe proprium aliquando, & proprium ad alterum, sequitur propria solum secundum se, & semper hoc loco debere tractari: nam & illud proprium ad alterum, quod omni inest, semper inest. in hoc igitur libro tradet philosophus locos, ex quibus tum construere, tum destruere possimus quæstiones proprii per se, & proprii semper.

quid differt proprium per se à proprio semper.

*D I F F E R T* autem proprium per se à proprio semper, quod proprium semper communius est: omne enim proprium per se etiam semper inest, ut susceptivum scientiæ semper inest homini, non tamen quod semper est, etiam per se est. Bipes enim semper inest homini, non tamen per se, quoniam, ut per se sit, oportet etiam, ut soli insit, & omni.

LOCVS PRIMVS.

locus primus pluribus modis destruipoteat proprii.

*Primum quidem si bene assignatum est.* PROPONIT philosophus initio diuisionem quandam, quæ talis est: Pluribus modi destrui potest ipsum proprium. Primo autem destruitur, si probetur proprium non bene fuisse assignatum. Primus autem locus, quo probatur proprium non bene fuisse assignatum, est, si notius non sit ipso subiecto. secundus autem est, si nota non sit eius inexistencia. hic igitur primus locus ad problema proprii sumptus est à notiori: & est, proprium debet esse notius eo, cuius est proprium: & ratio est, quoniam proprium sicut & definitio cognitionis, & doctrinæ gratia assignatur. si igitur ignotius sit assignatum proprium, quomodo ex eo cognoscemus subiectum, cuius est proprium? quare si quis proprium aliquod assignet, quod sit ignotius eo, cuius dicitur esse proprium, non bene assignabit; ut si quis diceret ignis esse proprium, quod sit animæ simillimus. hoc enim proprium esse inquam animæ simile est ignotius ipso igne, non igitur erit eius proprium.

quomodo ostendat philosophus hunc locum esse constructivum, & destructivum.

*INDICAT* autem philosophus hunc locum esse constructivum, & destructivum: construens enim probabit assignatum proprium esse notius suo subiecto; destruens autem probare debet esse ignotius: est tamen magis destructivus, quàm constructivus; neque enim ad probandum aliquid esse proprium sufficit ostendere ipsum esse subiecto notius.



L O C V S . S E C V N D V S .

*Aliud autem si non notius est hoc huic inesse.* Hic est secundus locus sumptus à nota inexistèntia : et est, quòd proprii nota debet esse inexistèntia, id est notum debet esse ipsum proprium inesse illi, cuius dicitur esse proprium : & ratio est, si notum non sit ipsum proprium non inesse subiecto, neque etiam notum erit, quòd soli, & omni insit : quare continget ipsum proprium ignotum esse, & immanifestum. si quis igitur diceret ignis esse proprium, quòd in eo primo anima nata sit esse, ostenderemus hoc non esse proprium, quoniam ignotum est, utrum anima nata sit in igne esse. Dubium enim non leue est, utrum anima sit in calido innato, aut in spiritu, aut in sanguine, aut in corde : quòd si etiam concedatur animam esse in calido innato, non tamen est notum, utrum in eo primo sit : non igitur hoc proprium erit recte assignatum.

**S E D** dubitaret quis circa exemplum philosophi. neque enim uidetur illud explicare, cuius gratia introducit, quoniam in hoc exemplo non dubitatur, utrum hoc proprium insit igni, cuius dicitur esse proprium : sed utrum anima igni insit. Dicendum est, quòd cum hoc sit assignatum proprium, quòd anima in ipso igne sit, si dubitatur, utrum anima ipsi insit, dubitatur etiam, utrum hoc proprium igni insit.

**V T** autem intelligatur, quomodo dixerint aliqui proprium ignis esse, ut in eo primo sit anima. Sciendum est, quòd per ignem intellexerunt calorem innatum, quem dicunt esse animæ uehiculum : in hoc enim perpetuo esse uidetur anima, & sine ipso nihil operari : frigidum enim mortificum est, & imobilitatis effectuum : in calido igitur innato est anima motiua, nutritiua, gignitiua, & aliæ animæ potestates, & ipso tanquam organo, quodam utuntur ad nutritiones, autiones, coctiones, aliasq; motiones, quas in animalibus fieri conspiciamus. Est autem innatus calor proprium illud, & substantificum humidum corpori animalis, & eius partibus à natura insitum, atque in eo uelut in proprio subiecto residet anima : & quandiu ipsum conseruatur, tandiu anima corpus regit, & uiuificat. eo uero aut consumpto, aut propriam cras in amittente, anima quoque corpus derelinquit, unde animalis interitus consequitur.

*Verba illa quare cum quoduis horum acciderit obscurum sit proprium.* significat, quòd si proprium assignatum fuerit ignotius eo, cuius dicitur esse proprium, non recte erit assignatum, ut in primo loco dictum fuit, si etiam ignota sit eius inexistèntia, non recte erit assignatum.

**N O T A T** deinde philosophus hos locos utiles etiam quodam modo esse ad construendum. qui enim construere uult proprium, spectare debet, utrum sit notius utroque dictorum modorum, id est quòd neque sit simpliciter ignotum, neque ignota sit eius inexistèntia. si enim & ipsum notum sit, & nota sit eius inexistèntia, recte erit assignatum : ne quis autem existimaret hos locos omnino esse utiles ad construendum, ideo admonet philosophus, quòd proprium esse recte assignatum dupliciter intelligi potest uel secundum hoc solum, quòd proprium est notum utroque dictorum modorum, uel simpliciter, id est uniuersaliter, & proprie quatenus, scilicet & soli, & omni, & semper inest, & cum re conuertitur, & omnes illas conditiones habet, ex quibus probatur proprium recte esse assignatum. ex his igitur duobus locis construi poterit proprium secundum hoc solum, non autem simpliciter : attulitq; exemplum philosophus, quomodo secundum hoc ex his duobus lo-

locus secundus à nota in existèntia. qui nam sit.

dubium est utrum anima sit in calido innato, aut in spiritu, aut in sanguine, aut in corde. dubitatio.

solutio.

Quid intellexerint illi per ignem proprium esse ignis ut in eo primo sit anima.

quid sit innatus calor.

quid significant hæc uerba philosophi.

proprium etiam recte assignatum dupliciter accipitur.



# T O P I C O R V M T A R I S T.

cis construatur proprium, ut si quis diceret proprium animalis esse sensum habere, hic secundum utrumque dictorum modorum proprium recte assignat. nam & proprium hoc est notum, & eius inexistencia pariter est nota, non propterea tamen simpliciter construitur hoc esse animalis proprium: hoc autem modo loquendi in omnibus fere sequentibus locis utitur philosophus.

## L O C V S T E R T I V S.

locus tertius  
à multiplici-  
tate proprii  
quinam sit.

quâdo propriū  
per simplicē  
orationē ex-  
plicatur.

exemplū. quā  
do proprium  
per ambiguā  
orationē ex-  
plicatur.

quod utitur pro-  
prio multipli-  
citer, occasio  
nem elenchi  
disputati præ-  
bet.

exemplum.

quid hoc lo-  
co ex Theo-  
phraſto no-  
tet Alexan.

*Deinde destruendi quidem, si aliquod nominum.* DESUMITUR hic locus à multi-  
plicitate proprii: & est, quod proprium non debet esse multiplex, quoniam  
autem proprium uel per simplicem dictionem explicatur, ut cum dicimus  
proprium esse hominis risibile; uel per orationem, ut cum dicimus propriū  
esse hominis esse susceptuum scientiæ, & disciplinæ: ideo dupliciter potest  
esse multiplex, uel quoniam per æquiocam uocem explicetur, ut si dicamus  
proprium esse alicuius sentire, quoniam sentire dicitur & potentia, & actu.  
nam & dormiens sentire dicitur uerum potentia, non actu: uigilans autem  
actu sentit. qui igitur ita diceret, male assignaret proprium. esset enim pro-  
pter æquiocationem ignotum, quoniam sensu ipsum acciperet. secundo  
proprium potest esse multiplex, quoniam per ambiguam orationem explicetur,  
ut si dicamus, proprium esse lupi ipsum canem persequi: ambiguum enim  
est nunquid eo sensu accipiatur, ut lupo canem persequatur, uel ut canis lu-  
pum. proprium autem ignotum esse non debet, cum cognitionis gratia  
proponatur.

ADDIT autem philosophus, quod qui affert proprium multiplex, occasio-  
nem elenchi disputanti præbet. est autem elenchus, qui redargutio latine di-  
citur contra disputantem ad contradictionem deducere, id est concedendū,  
quod antea negauerat, uel negandum quod antea concesserat. si quis igitur  
diceret dormientem sentire, quoniam sentire multipliciter dicitur actu, &  
potentia: nisi hoc ipsum distinguat, facile poterit hoc modo redargui. Dor-  
miens secundum sensum non operatur; qui autem secundum sensum non ope-  
ratur, non uidet, dormiens igitur non uidet, non igitur dormiens sentit: si  
enim sentiret, uideret.

SICUT autem in superioribus locis annotauit philosophus, ipsos esse quo-  
dam modo utiles ad construendum: ita & hunc dicit esse utilem ad constru-  
endum proprium non quidem simpliciter, sed quoad hoc. dixit autem quoad  
hoc, quoniam potest quidem assignatum proprium alicuius esse sine ambi-  
guitate, & æquiocatione: & ideo quantum ad hoc erit recte assignatum.  
Sed postea ob alias rationes deficiet, quo minus sit uere proprium. quod igi-  
tur construere uult proprium, probare debet assignatum proprium, neque  
per æquiocam uocem, neque per ambiguam orationem esse explicatum.  
ut si quis diceret proprium ignis esse corpus mobilissimum in superiorem lo-  
cum. neque enim corpus est uox æquioca, neque mobilissimum in superio-  
rem locum, neque etiam totum hoc ex his compositum est ambiguum. hoc  
igitur proprium quantum ad hoc erit recte assignatum.

NOTAT autem Alexander: ex Theophrasto intractationem de his, quæ di-  
cuntur multipliciter, quod aliquando uoces simpliciter per se nullam haben-  
tes simplicitatem, compositæ ambiguam efficiunt orationem, quale est illud.  
Contingat iupiter me aprum interficere: Et Dionem percutere Platonem.  
hæ enim orationes ambigæ sunt, cum tamen uoces eas componentes non  
sint



sint multiplices: aliquando autem æquiuocæ uoces compositæ simplicem efficiunt orationem, ut si dicamus, aquila uolat, aut canis latrat.

L O C U S Q U A R T U S.

Deinde destruenti quidem si multipliciter dicitur. Desumitur hic locus à multiplici-  
tate subiecti: & est, quòd subiectum, cuius proprium assignatur, non debet  
esse multiplex: si quis igitur assignet proprium alicuius subiecti, quod subie-  
ctum multipliciter dicatur, neque definiat de quonam significato subiecti di-  
catur, proprium non recte assignabit: propter quas autem causas non recte  
fiat talis assignatio, dicit philosophus manifestum esse ex prius dictis. prima  
quidem causa est, quoniam proprium traditur gratia cognitionis: sed si am-  
biguum sit, de quonam subiecto dicatur, nullam efficiet cognitionem. Se-  
cunda causa est, quoniam qui tale subiectum multiplex proponit sine distin-  
ctione, occasionem disputanti præbet, ut redargui possit. assumit autem phi-  
losophus in exemplo *ἐπισαῶναι*, quod plura significat: nam & significat scire,  
id est habere scientiam, & significat sciri, id est quòd eo habeatur scientia. et  
utroque modo accipi potest tum actu, tum potestate. de talibus igitur subie-  
ctis non sunt assignanda propria, nisi distinguantur, & indicetur, quo signifi-  
cato accipi debeant.

locus quar-  
tus à multi-  
plicatione sub-  
iecti.

ADMONET deinde philosophus hunc locum sicuti & superiores esse uti-  
lem ad construendum quoad hoc. si enim subiectum multiplex non sit, tunc  
proprium quoad hoc erit recte assignatum, ut si dicamus proprium esse ho-  
minis, quòd sit animal natura mansuetum.

quomò hic  
locus utilis  
sit ad cõstru-  
endum quo  
ad hoc.

Q U O D si dicat quis, nonne etiam hoc subiectum, homo, est multiplex?  
dicendum est, quòd multiplex quidem potest esse, sed hæc oratio non est  
multiplex. ut enim superius dictum fuit, ex æquiuocis etiam uocibus sim-  
plex efficitur oratio.

dubitatio.  
solutio.

L O C U S Q U I N T U S.

Deinde destruenti quidem si frequenter dictum est idem. DESUMITVR hic locus  
à repetitione: & est, quòd in assignatione proprii euitanda est eiusdem rei  
repetitio. Patet autem hoc intelligi debere, quando proprium per oratio-  
nem explicatur. Loci autem rationem affert philosophus, quoniam qui in  
assignatione proprii, sicut & definitionis, eandem rem sæpius ponit, pertur-  
bat audientes, unde proprium ignotum, & obscurum redditur: præterea  
qui hoc committunt, nugari etiam uidentur. horum autem utrumque est eui-  
tandum, & ne scilicet proprium sit ignotum, & ne nugari uideamur. Duo-  
bus autem modis in assignatione proprii eadem res sæpius ponitur, primo si  
idem nomen repetatur, ut si quis diceret proprium ignis esse corpus corpo-  
rum tenuissimum: hic enim corpus sæpius ponitur. secundo quando idem  
quidem nomen sæpius non ponitur in assignatione proprii, sed ponitur no-  
men aliquod, in quo continetur nomen prius positum etiam, & quod si defi-  
niatur, accidit idem nomen sæpius poni, exempli causa, si quis diceret pro-  
prium terræ esse substantiam, quæ secundum naturam maxime omnium cor-  
porum in inferiorem locum fertur. hic enim si quis mutet nomen corpus in  
suam definitionem, accidet eiusdem nominis repetitionem fieri. est autem  
corpus substantia tripliciter dimensa; quare in hac proprii assignatione sub-

locus quin-  
tus à repiti-  
tione, qui-  
nam sit.

duobus mo-  
dis in assigna-  
tione proprii  
eadem res sæ-  
pe assignatur  
exemplum.



## T O P I C O R U M A R I S T.

stantiæ nomen disponetur. construens autem si ostendat neutro horum modorum eandem rem repeti, quoad hoc proprium recte assignabit.

### L O C V S S E X T V S.

locus sextus  
à transcendē  
te quā sit.

exemplum.

quomodo quo  
ad hoc qui  
propriū cō  
struet.

in scripto er  
ror inest.

quid differt  
sciētia ab opi  
nionē.

*Deinde construenti quidem si tale aliquod.* Desumitur hic locus à transcendente. Transcendentia appellantur ea, quæ ad omnia consequuntur, ut unum ens, & aliquid. Est igitur locus, quod nullum transcendens poni debet in assignatione proprii, sicuti neque in definitione: & ratio est, quoniam proprium illi soli inesse debet, cuius est proprium, & ipsum ab omnibus separare, sicut & definitio. Transcendentia autem, quæ ad omnia consequuntur, non distinguunt ab aliquo: non igitur assumi debent in assignatione proprii: si quis igitur diceret proprium scientiæ esse existimationem immutabile à ratione unam existentem, non recte assignaret, eo quod assumeret unum in hac assignatione, quod ad omnia consequitur, & à nullo distinguit. Construens autem si nullum transcendens assumat in assignatione proprii quoad hoc recte assignabit, ut si quis dicat animalis proprium esse animam habere.

*Hic autem Alexander dicit subesse errorem in scripto: neque enim ignoravit philosophus non esse proprium animalis habere animam, cum hoc etiam plantis commune sit. sed potius debet dicere proprium esse animalis esse sensitivum. hoc enim soli inest animali. Debemus igitur ex sententia Alexandri mutare verbum.* *Λυγιν in αίσθησι.* *quæ quædam est, quæ non habet per se ipsum.* *Quid differt scientia ab opinione.* *Dixit autem philosophus scientiam esse immutabilem à ratione, quoniam in hoc differt scientia ab opinione, quod qui opinionem habet ab ea dimoveri potest aliquibus rationibus. qui autem habet scientiam, quæ per demonstrationem acquiritur, immutabilis est, eo quod non solum sit rem illam ita esse, sed & eius oppositum esse impossibile.*

### L O C V S S E P T I M V S.

locus septi  
mus à plura  
litate, pprio  
rū. quā sit.

utilis est hic  
locus ad con  
struendum.

qd sit aqua.

*Deinde destruenti quidem si plura &c.* *DESUMITVR* hic locus à pluralitate priorum: & est, in assignatione proprii plura propria non sunt ponenda: & affert rationem Aristotelis, quod sicuti in definitionibus non oportet aliqua assumere præter ea, quæ explicant substantiam rei. Si enim diceremus hominem esse animal rationale mortale, latis unguibus recte incedens, male assignaremus definitionem: superuacaneum enim est illud latis unguibus, & recte incedens. eodem modo & in assignando proprio non oportet aliqua assumere præter nomen aut orationem proprium explicantem. male igitur quis diceret proprium ignis esse corpus tenuissimum, & leuissimum: alterum enim horum superfluum est. eodem modo si quis diceret proprium aquæ esse corpus humidum alieno termino optime terminabile, alterum horum esset superfluum. Est autem hic locus sicut & superiores utilis ad construendum quoad hoc, ut si quis dicat humidi esse proprium corpus quancunque figuræ facile suscipiens quoad hoc recte assignabit, quia scilicet non posuit propria plura simul.

*Est autem aqua, sicut & alia humida corpora alieno termino bene terminabilis male proprio, quoniam aqua proprio termino contineri non potest: sed uis habeat, quod ipsam contineat, funditur, & diffluit. bene autem terminatur*



natur alieno termino, quoniam facillime suscipit cuiuscunque continentis figuram, ut si in rotundo uase sit, rotundam accipit figuram, si in quadrato, quadratam.

## LOCVS OCTAVVS.

*Deinde destruenti quidem si eodem usus est &c.* DESUMITVR hic locus à subiecto proprii, uel eius parte: & est, in assignatione proprii non est ponendum subiectum, aut eius pars, subiectum assumeret, si quis diceret hominis proprium esse animal rationale, mortale: scientiæ susceptivum in hac assignatione assumit ipsummet subiectum. definitio enim, & definitum idem sunt: partem autem subiecti assumeret, si quis diceret proprium esse animalis esse substantiam, cuius species est homo. hic enim assumitur homo, qui est pars eius, cuius proprium assignatur, nempe animalis. Huius loci ratione affert philosophus, quoniam proprium assignatur doctrinæ gratia, ut scilicet ex ipso subiectum cognoscatur: at si idem subiectum in assignatione proprii assumatur, nullam efficiet cognitionem, quoniam idem non potest se ipsum declarare, si etiam subiecti pars assumatur, continget proprium nullam efficere cognitionem, quoniam pars est posterior suo toto, posterius autem est ignotius: posteriora enim ex prioribus fidem accipiunt, non autem priora ex posterioribus. Est autem & hic locus utilis ad construendum quoad hoc. si enim assignans proprium neque ipso subiecto utitur, neque eius parte quoad hoc recte assignavit, ut si quis diceret proprium esse animalis ex anima, & corpore constare. addit philosophus eodem modo, & reliqua esse consideranda. si enim assumpta in assignatione proprii non efficiunt ipsum subiectum notius, proprium non recte fuit assignatum. si autem efficiunt ipsum notius, recte quoad hoc proprium erit assignatum.

SED dubitaret quis primo quomodo uerum sit partem esse posteriorem suo toto. uidetur enim quod partes totum præcedant, sicuti partes domus præcedunt domum. Secundo quomodo uerum sit posterius esse ignotius suo priori. uidetur enim quod nobis, qui ex effectibus in causarum cognitionem devenimus, posteriora sint prioribus notiora. Tertia dubitatio incidit circa exemplum philosophi: in hac enim assignatione, quod proprium animalis sit constare ex anima, & corpore. uidetur assumi pars ipsius subiecti, anima enim & corpus sunt animalis partes. Ad primam dicendum est hoc loco philosophum loqui de parte subiectiua: est autem pars subiectiua, quæ toto uniuersali subiicitur, ut sunt species respectu generis. huiusmodi igitur pars est suo toto posterior: genus enim est prius specie, quia ab eo non conuertitur subsistendi consequentia: atque hinc pariter secunda difficultas dissolvitur: & si enim quandoque contingat partem esse notiolem suo toto, nunquam tamen hoc contingit de parte subiectiua: scientiam enim speciei necessario præcedit scientia generis. Tertia quoque dubitatio dissolvitur, quoniam corpus, & anima non sunt partes subiectiue, sed essentielles ipsius animalis. Alexander autem ad hanc dubitationem respondet, quod sermo est de partibus, quæ sunt posteriores suo toto. corpus autem, & anima non sunt posteriora animali, sed simul sunt cum ipso: neque enim possibile est animal intelligere non simul intellectis corpore, & anima. hæc autem solutio à priori non dissentit.

locus octavus a subiecto proprii, uel eius parte. quoniam sit.

locus iste est utilis ad construendum.

dubitatio triplex.

solutio.

solutio Alexandri.



**LOCUS V. SIMUL NATURA.** omnino terminatur  
ad hunc finem, ut ostendatur, quod si natura  
est prior re, non potest esse posteriori.

locus nonus  
à simul natu-  
ra quinā sit.

exemplum.

quænam ex  
quatuor con-  
trariorū mo-  
dis sint simul  
natura &  
quæ non.

no est autem  
dubitatio.

solutio.

uidetur Ale-  
xander sibi  
contradicere  
neque diffi-  
cultatem ef-  
fugere.

pro huius dif-  
ficultatis so-  
lutione præ-  
mittenda sunt  
nonnulla.

solutio.

*Eodem autem modo & in alijs considerandum est.* Hic locus est à simul natura, vel posteriori: etenim, simul aut posterius natura non debet poni in assignatione proprii: & ratio est eadem, quæ fuit superioribus locis, quoniam si in proprio assumatur, simul autem posterius natura non efficiet cognitionem sui subiecti: proprium autem assignatur gratia cognitionis sui subiecti. Si quis igitur diceret boni proprium esse contrarium malo, aberraret, quoniam assumeret aliquod simul natura, contraria enim sunt simul natura. pariter aberraret, si quis diceret proprium esse hominis scientiam suscipere: assumere enim scientiam est posterius homine, licet aptitudo assumendi scientiam posterior non sit: erit autem & hic locus utilis ad construendum quoad hoc.

**NOTAT** Alexander: quod ex quatuor modis oppositorum duo sunt si-  
mul natura, nempe contraria, & relativa: alia vero non sunt simul natura,  
sed affirmatio est prior negatione, & habitus priuatione.

**SED** dubitat, quomodo uerus sit locus, quod scilicet in assignatione pro-  
prii non sint ponenda, quæ sunt simul natura, cum relatiuorum definitio, &  
propria non aliter dentur, quam per ea, quæ sunt simul natura. esse enim eo-  
rum idem est, quod ad aliud quodammodo se habent. Soluit ipse, quod hic  
locus probabilis est, sed non omnino uerus.

**ALIAM** etiam dubitationem proponit, undenam scilicet sumenda sint  
propria, cum sumenda non sint ex simul natura, aut posterioribus, ut locus  
proponit, neque ex prioribus natura, quoniam si assignatio proprii fieret  
ex prioribus natura, esset definitio. Soluit ipse, quod defumenda sunt ex prio-  
ribus cognitione, sed posterioribus re; ita enim assignatio proprii non  
erit definitio, quoniam definitio est ex prioribus re, & poterit notum red-  
dere ipsum subiectum, cum sit ex prioribus cognitione; sed in hac solu-  
tione uidetur Alexander sibi met contradicere, neque tamen difficultatem  
effugere. contradicit quidem sibi ipsi, quoniam paulo prius in expositione  
huius loci dixit, oportebat enim assumere prius natura, & notius ad proprii  
assignationem. Nec effugit difficultatem, quoniam hoc, unde dicit ipse su-  
mi proprium, quod est prius cognitione, & posterius re, erit posterius natu-  
ra, si quidem est posterius re: quod si quis dicat non esse posterius natura, cer-  
te oportebit aut esse posterius, aut simul, aut prius: atque ita eundem lapi-  
dem uoluimus. Pro huius difficultatis solutione supponendum est ex prædica-  
mētis prius natura dupliciter dici, primo modo id est natura prius à quo nō  
conuertitur subsistendi consequentia, sicut animal est homine prius. secun-  
do modo in quibus conuertitur subsistendi consequentia, illud est prius natu-  
ra quod est alterius causa, sicut lux est lumine prior, & existentia rei ueritate  
orationis. hoc igitur supposito dicimus seruando Alexandri sententiā, quod  
cum proprium aliud sit semper quod omni, & semper inest, licet non soli,  
aliud per se, quod inest omni soli, & semper; proprium semper est prius natura  
quàm subiectum, primo modo, quoniam ab eo non conuertitur subsisten-  
di consequentia, non tamen eius assignatio erit definitio, quoniam nō præ-  
dicatur essentialiter. Est autem prius cognitione eo modo, quo & propriū  
per se. ita igitur se habet proprium semper ad subiectum. Proprium autem per  
se est posterius natura ipso subiecto, secundo modo, non primo. inter propriū  
enim & subiectum conuertitur subsistendi consequentia, sed subiectum est  
eius, causa est autem prius subiecto cognitione, hoc modo quod scilicet  
propriū



proprium inesse subiecto notius est, quàm quid sit subiectum: ita igitur fit, ut assignatio proprii non sit definitio, quoniam definitio est ex prioribus natura, & essentialis rei: & poterit etiam aliquo modo notum efficere ipsum subiectum, quoniam non parum conferunt huiusmodi propria ad cognoscendum quid sit subiectum.

## L O C V S D E C I M V S.

*Deinde destruendi quidem si non quod semper sequitur.* PROPOSVIT philosophus initio horum locorum, quòd pluribus modis destrui potest ipsum propriū. Primo autem destrui dicebat, si probetur proprium non bene fuisse assignatum atque hactenus nouem tradidit locos, quibus probatur proprium bene, aut non bene fuisse assignatum: deinceps autem afferet locos, quibus ostendetur non solum proprium bene, an non bene sit assignatum: sed in uniuersum utrum proprium sit, an non. sumitur autem hic decimus locus ab eo, quòd non semper inest, uel ut Alexander ab inexistencia: & est, propriū semper debet inesse suo subiecto. separauit enim superius philosophus proprium aliquando, uel simpliciter dicatur, uel ad alterum: si igitur assignatum proprium non semper inest ei, cuius dicitur esse proprium, sed aliquando inest, aliquando non inest, non erit proprium, sed accidens commune. ut si quis diceret proprium esse animalis moueri; tale quid assignaret, quod nō semper inest, ideo non recte assignauit. Huius loci duas rationes affert Philosophus, prima est, quoniam hoc proprium non conuertitur cum suo subiecto, quod autem non conuertatur, declarat: neque enim cuiusque inest tale proprium assignatum, de eo omnino uerificatur nomen subiecti, cuius proprium assignatur, quoniam scilicet tale proprium aliis quoque inesse potest: neque cuiusque non inest tale proprium, de eo uerificari non potest subiecti nomen. contingit enim tale proprium suo subiecto non inesse, exempli causa, dicemus moueri non conuerti cum animali, quoniam non quodcumque mouetur. est animal, neque quodcumque non mouetur, nō animal: quod autem est uere proprium, cum omni, & soli inest, cuiusque inest de eo uerificatur subiecti nomen, & cuiusque non inest de eo subiecti nomen dici non potest. secunda ratio est, quoniam si proprium assignatum tale est, ut aliquando inest rei, & aliquando non inest, ignotum erit, utrum tunc cum assignatur, inest rei, quare ignotum erit, & immanifestum: & contingere poterit, quando non inest, tunc proprium assignari, quòd est absurdissimum. Est autem hic locus utilis ad construendum quoad hoc, si ostendatur proprium semper inesse subiecto, ut si quis diceret proprium esse uirtutis possidentem studiosum efficere. uerba illa philosophi, Quod aliquando fit non proprium. exponit Alexander, quòd aliquando non inest: cum enim non inest, patet, quòd tunc non est proprium.

## L O C V S V N D E C I M V S.

*Deinde destruendi quidem si quod est nunc proprium.* DESUMITVR hic locus à proprio nunc: & est, quòd proprium nunc non est ponendum, ut proprium simpliciter. si quis igitur assignet tale proprium, quod semper non inesse subiecto, sed nunc neque determinationem aliquam afferat ad ostendendum se afferre proprium, nunc male assignaret: ut si quis diceret proprium esse Socratis deambulare, aut sedere. duas autem rationes affert philosophus,

quare

locus decimus.

unde sumitur hic locus.

duæ sunt huius loci rationes.

exemplum.

locus undecimus à proprio nunc quoniam sit.



## T O P I C O R V M A R I S T.

prima ratio  
quare tale  
proprium nō  
fit recte assi-  
gnatum.

quare tale proprium non sit recte assignatum. Prima est, quoniam quod præter communem loquendi consuetudinem dicitur determinatione aliqua indiget, sed id, quod nunc inest proprium, assignare est præter communē loquendi consuetudinem, qui communiter proprium illud dicitur, quod semper inest, non ergo tale proprium sine determinatione debet assignari. Secunda ratio est, quoniam qui tale proprium affert sine determinatione occasionem reprehensionis disputanti præbet: cum enim tale proprium simpliciter proferat, ignotum est, utrum existimet illud esse proprium simpliciter. merito igitur accusationis ansam disputanti præbet. Est & hic locus ad cōstruēdum utilis quoad hoc. qui enim assignat proprium nunc debitam addens determinationem quoad hoc recte assignat. obseruanda autem in hoc loco est propositio illa, quod cum aliquid simpliciter, & sine determinatione dicitur, intelligendum est in consueto significato.

### L O C V S D E V O D E C I M V S.

locus duode-  
cimus à pro-  
prio sensibi-  
li. quinā sit.

exemplum.

exemplum.

*Deinde destruenti quidem si tale assignauit proprium.* DESUMITVR hic locus à proprio sensibili: & est, quod non est manifestum inesse subiecto aliter, quàm per sensum, non est ponendum proprium, nisi ex necessitate subiectum consequatur. si quis igitur tale aliquod proprium assignet, quod scilicet neque certum sit inesse subiecto aliter, quàm per sensum: neque subiectum ex necessitate consequatur, male assignabit: ut si quis poneret proprium solis astrum lucidissimum supra terram latum: quod enim sol supra terram feratur sensu solū deprehendimus, quare cū nobis non apparet, nescimus, an tūc feratur supra terrā. tūc igitur ignotū est, an tale propriū subiecto insit, quare non recte est assignatū. Huius loci ratio est, quoniā id, quod solū per sensum cognoscitur, quandiu sub sensum cadit, cognoscitur: sed à sensu remotum immanifestum sit, & ignotum. sensus enim ad ea solum, quæ præsentia sunt, extenditur: cum igitur propriū notum esse debeat semper inesse subiecto. quod autem per sensum solum cognoscitur, non possit cognosci semper inesse subiecto propter rationem prius dictam: non igitur est ponendū pro proprio. Erit hic locus utilis ad construendum quoad hoc, si quis proprium assignet, quod per sensum notum non sit, ut quod homo sit scientiæ susceptiuus, aut quod per sensum quidem notum sit: sed ex necessitate subiectum consequatur, ut quod superficiēi proprium sit, quod primum color ei insit: hoc enim est quidem sensibile, sed tale, quod manifestum est semper inesse. patet enim colorem semper esse in superficie, ne corpus alia ratione coloratum esse cognoscitur, quàm quoniam eius superficies est colorata. Hoc autem exemplum philosophi solem supra terram ferri solum esse sensu manifestum, ut quoddam uulgo probabile accipiendum est.

### L O C V S D E C I M V S T E R T I V S.

locus deci-  
mus tertius à  
definitione  
loco proprii.  
quinam sit.  
exemplum.

*Deinde destruenti quidem si terminum ut proprium assignauit.* DESUMITVR hic locus à definitione loco proprii: & est, quod definitio non debet loco proprii: & ratio est, quoniam definitio explicat, quid sit esse rei: proprium autem non hoc efficit, sed est extra rei substantiam. male igitur quis poneret hominis proprium animal rationale: mortale autē scientiam esse ignorantie abiectiōem, aut Ideam esse opificiorum, & eorum, quæ sunt in motu causam.



fam. Erit autem hic locus utilis ad construendum quo ad hoc, si assignetur proprium conuertibile quidem cum subiecto, non tamen explicans eius essentiam.

### LOCVS DVODECIMVS QVARTVS.

*Deinde destruenti quidem si non in quod quid est.* DESVMITVR hic locus à genere: & est, quòd in assignatione proprii genus poni debet, cuius rationem affert philosophus, quoniam proprium simile est definitioni; sicut igitur in definitione primo assumimus genus; deinde constitutiuas differentias adicietes definitum ab aliis omnibus separamus: ita & in assignatione proprii debemus primo genus afferre, sub quo subiectum continetur: deinde reliqua adicere, quæ ipsum ab aliis omnibus separent. qui igitur hoc modo proprium non assignat, male assignat, ut si quis diceret proprium hominis animam habere. erit autem hic locus utilis ad construendum quoad hoc, si in assignatione proprii non præmittatur genus, ut si quis dicat proprium hominis animal susceptiuum scientiæ.

INTELLIGIT autem, ut patet, philosophus in hoc loco per quid est ipsum genus, & loquitur de proprio quod non per simplicem uocem, sed per orationem explicatur.

*Utrum igitur bene, an non bene assignetur proprium.* Cum proposuerit philosophus initio horum locorum proprium multipliciter destrui, primo autem ex eo, quòd non bene sit assignatum hactenus quatuordecim tradidit locos, quibus ostendi potest proprium non bene fuisse assignatum. Deinceps autem locos tradet, quibus simpliciter probetur utrum id, quod est assignatum, proprium sit, aut non. Admonet autem, quòd loci constructiui probantes proprium esse bene assignatum, & probantes proprium simpliciter non differunt, sicuti destructiui: sed iidem loci sunt: quemadmodum enim bene demonstrare nihil plus est, quàm demonstrare; & bene sapere nihil plus, quàm sapere: ita & probare proprium esse bene assignatum nihil plus est, quàm ipsum esse proprium. quare concludit philosophus se in explicandis locis destructiuis proprii explicaturum etiam esse locos constructiuos, qui scilicet probant & proprium assignatum esse proprium, & esse recte assignatum.

### LOCVS DECIMVS QVINTVS.

*Primum ergo destruenti quidem inspiciendum ad unumquodque.* DESVMITVR hic locus à subiectis, de quibus proprium dicitur: & est, proprium inesse debet subiecto, quatenus tale, & omnibus sub eo contentis. Id autem dicitur inesse alicui, quatenus tale, quod ipsi inest, quatenus illud est id, quod est, ut risibile inest homini, quatenus homo est. quod autem hoc modo inest, inest etiam soli: si proprium igitur assignatum uel nulli inest, uel non omnibus, uel non inest subiecto, quatenus tale non erit proprium, ut si quis diceret proprium esse scientis à ratione aliqua non decipi, nõ assignaret proprium, quoniam scilicet hoc non competit omni scienti. Decipitur enim Geometra in falsis descriptionibus. Est autem falsa descriptio, quam græci dicunt *ἄδοξα*, cū quis ex principiis alicuius artis male assumptis falsum aliquid concludit. si hoc igitur non competit geometræ, non igitur omni scienti competit: sed qua ratione non competit geometræ, eadē ratione neque alicui alteri scienti competere uidetur, atque ita hoc erit exemplū primi & secundi modi. si quis autem diceret proprium esse hominis esse progressiuum tale

locus decimus quartus à genere, qui nam sit.

quid intelligat philosophus per quid est.

quid notet philosophus per hæc uerba.

locus decimus quintus à subiectis, de quibus proprium dicitur. quinam sit.

quid sit falsa descriptio.



quid signifi-  
cēt uerba illa  
Si nulli &c.

quid signifi-  
cent illa, aut  
si non secun-  
dum hoc.

quomō hanc  
partē inter-  
pretetur Ale-  
xander.

hec Alexan-  
dri expositio  
accipiēda nō  
est.

qd hęc pars  
sit.

quomodo tu-  
enda sit hęc  
pars.

quid assignaret, quod non competit subiecto quatenus tale. Neque enim homo, quatenus homo, est progressiuus, cum & alia animalia sint progres-  
sua. erit autem utilis hic locus ad construendum quo ad hoc, si enim assi-  
gnatum proprium, & omni competat, & quatenus tale, recte erit assigna-  
tum, ut si quis dicat proprium esse hominis esse animal susceptiuū scientiæ.  
*Verba illa si nulli inest, aut si non secundum hoc, aut si non est proprium uniuscuiusque eorum secundum illud.* Significant, quod si assignatum proprium nulli inest, con-  
tento sub subiecto non erit uere proprium, quoniam proprium omni inesse  
debet, atque hic supplere debemus, quod si alicui etiam non inest, non erit  
proprium, quia uniuersalis affirmatiua non solum ab uniuersali negatiua de-  
struitur, sed etiam à particulari negatiua. *aut si non secundum hoc.* aut si non  
competat ipsi subiecto quatenus tale, quod quoniam erat dictum obscurius,  
sequentibus uerbis philosophus explicauit, quasi diceret per hoc, quod di-  
co, non secundum hoc intelligo, si non est proprium cuiusque eorum secun-  
dum illud, cuius proprium assignatur. quod autem per hęc duo idem sit in-  
telligendum, patet, quoniam philosophus in secunda huius loci parte, ubi  
ostendit, quomodo locus sit constructiuus, solum repetit particulam illam  
*κατὰ τὸτο*, quod si cui nouum uideatur philosophum explicationem illam adie-  
cisse, dicere poterit particulam illam expositionis gratia ab aliquo in margi-  
ne contextus appositam: deinde, ut contingit à scriptore quopiam in con-  
textu fuisse descriptam: aliter tamen hanc partem interpretatur Alexander:  
per illud enim, secundū hoc, intelligit, si non soli inest, sed & aliis speciebus:  
ut si quis diceret proprium animalis esse sensitium, per illud autem si non est  
proprium cuiusque eorum secundum illud, cuius proprium assignauit, in-  
telligit, si non inest subiecto quatenus tale: ut si quis poneret hominis pro-  
prium substantiam animatam sensituiam: hoc enim homini non competit,  
quatenus homo est, sed quatenus animal. Sed hęc expositio accipienda non  
est, quoniam quod soli alicui inest ei quatenus tale, & è conuerso. quare ni-  
hil plus affert secunda illa particula, quàm prima, præterea in hoc eodem lo-  
co ubi philosophus ostendit, quomodo sit constructiuus per illud, secundum  
hoc, ut ipse met Alexander interpretatur, intelligit quatenus tale. alii au-  
tem ut Latini mutant contextum, & legunt non, secundum hoc, sed, de hoc;  
& tunc plana est interpretatio: per hoc enim intelligunt id, quod nos dixi-  
mus philosophum prætermisisse uidelicet si aliquod sit contentum sub subie-  
cto, de quo non dicatur assignatum proprium, sed nimis audax esse uidetur  
in omnibus græcis exemplaribus approbatum contextum corrumpere, præ-  
sertim cum philosophus eadem uoce *κατὰ τὸτο* paulo post utatur per quate-  
nus tale.  
*Est autem locus, hic destruenti quidem, si non de quo nomen.* Hęc pars suspecta om-  
nino est: nihil enim aliud esse uidetur, quàm summa quædam sequentis loci,  
quæ ab aliquo scriptore textui fuerit interposita. Alexander autem in suis  
commentariis hanc uidetur interpretari sequentem, aut decimumsexturn  
locum prætermisit sentiens, & ipse aut partem hanc, aut sequentem locum  
superfluere licet, de hoc nihil dixerit. si quis tamen hanc partem, & locum  
etiam sequentem seruare uelit eam cum loco decimosexto connectet, & in-  
terpretabitur hoc modo, cum dixerit philosophus destrui proprium, si om-  
ni non inest, aut non inest quatenus tale, quod comprehendebat si non soli.  
nunc ostendere uult, quomodo cognoscere possimus, utrum omni inest, &  
utrum soli. Dicit igitur, quod accipiemus nomen ipsius subiecti, & assigna-  
tionem proprii: & si de aliquo uerificatur nomen subiecti, de quo non ueri-  
ficatur



assignatio proprii; tunc proprium non inerit soli, neque quatenus tale: si autem de aliquo uerificatur assignatio, de quo non uerificatur nomen; tunc proprium nomen non inerit omni: atque ita quidem destruetur proprium. construetur autem si de quocunque uerificatur, non est de eodem, uerificatur proprii assignatio.

## LOCVS DECIMVS SEXTVS.

*Deinde destruenti quidem si non de quo oratio.* Desumitur hic locus à conuersione: & est, de quocunque uerificatur proprium, de eodem uerificatur subiecti nomen, quòd si de aliquo subiecti nomen prædicatur, de quo non prædicatur ipsum proprium, tale non erit proprium: ut si quis poneret hominis proprium esse musicum, propterea diceremus non esse proprium, quoniam hominis nomen de aliquo prædicatur, de quo non prædicatur nomen. cum Socrates sit homo, & non sit musicus. pariter, si proprium de aliquo prædicatur, de quo non prædicatur subiecti, nomen tale nō erit proprium: ut si quis poneret hominis proprium substantiam animatam sentientem, hoc enim proprium de aliquo dicitur, ut de equo, de quo non dicitur nomen subiecti. Erit autem hic locus utilis ad construendum, & destruendum. de quocunque enim uerificatur nomen subiecti, de eodem uerificatur & proprium, & è contra: ut si quis dicat proprium esse animalis sensum habere, aut hominis esse animal scientiæ susceptiuum.

locus decimus sextus à conuersione. quinam sit.

**DIFFERT** autem hic locus ab ultima parte loci superioris, quòd illa traditur prout confert ad usum illius loci. hic autem est locus quidam per se.

## LOCVS DECIMVS SEPTIMVS.

*Deinde destruenti quidem si subiectum proprium assignauit.* Desumitur hic locus à subiecto loco proprii: & est, quòd subiectum non est ponendum; ut proprium. subiectum autem ut proprium poneret: ut si quis diceret tenuissimi corporis proprium esse ignem. huius autem loci rationem affert philosophus, quoniam contingeret idem proprium esse plurium subiectorum & speciem differentium, quod est impossibile. oportet enim ut ea, quæ specie differunt, differentia etiam habeant propria. consequentia probatur, quoniam si ignis est proprium corporis tenuissimi, non eadem ratione erit proprium corporis leuissimi, & corporis rarissimi, & corporis calidissimi. erit igitur idem proprium plurium, & specie differentiū. aliam etiam rationem attulit Alexander: quoniam proprium debet esse in altero, nō autem alterum in ipso. erit autem hic locus utilis ad construendum, si assignatum proprium soli insit, & in subiecto sit, ut si quis poneret proprium terræ corpus grauissimum specie: hoc enim proprium & soli competit, & in subiecto est. Verba illa, & ut proprium prædicatur. In fine huius loci posita interpretatur Alexander, id est quod est natum prædicari, ut proprium. illud autem est natum prædicari, ut proprium, quod cum re conuertitur. **EST** autem id in hoc loco præcipue obseruandum, quòd eorum, quæ sunt differentia specie propria, debent esse diuersa. quod fuit dictum ab Alexandro, cuius ratio perspicua est, cum proprium soli alicui speciei inesse debeat.

locus decimus septimus à subiecto loco proprii. quinam sit.

alia ratio ab Alexandro allata.

quomodo Alexander interpretetur ea uerba, Et ut.



LOCVS DECIMVS OCTAVVS.

*Deinde destruenti quidem si secundum participationem.* DESVMITVR hic locus à participatione: et est, proprium non debet inesse subiecto secundum participationem: illud autem inesse dicitur alicui secundum participationem, quod est eius pars, & eius definitionem ingreditur. ita enim & in superiori libro loco decimo sexto accipiebat philosophus participare alicuius, pro sciipere eius definitionem. Ratio huius loci est, quoniam proprium est in subiecto: quod autem est in subiecto, ut dicitur in prædicamentis, non est subiecti pars, neque ingreditur eius definitionem. si quis igitur tale quippiam assignet loco proprii, non erit proprium, sed erit differentia substantialis, quæ & ipsa cum proprio uidetur conuenire, quod uni tantum speciei conuenit: sed ab eo differt, quoniam confert ad esse, & ingreditur definitionem. si quis igitur assignet proprium hominis gressibile, aut rationale, non erit proprium, quia est secundum participationem.

*Exemplum.* ERIT hic locus ad construendum utilis, si ostendatur assignatum proprium non dici secundum participationem de subiecto, & conuerti cum ipso subiecto: ut si quis diceret proprium esse animalis, quod sit natura aptum sentire: hoc enim neque animalis substantia significat, & cum eo conuertitur. erit igitur tale proprium recte assignatum.

*oculus decimus octauus à participatione. ne. quina sit.*

*est hic locus utilis ad construendum.*

LOCVS DECIMVS NONVS.

*Deinde destruenti quidem si non contingit simul inesse proprium.* DESVMITVR hic locus ex eo, quod non simul inest: & est, proprium simul esse debet simul cū subiecto, neque prius scilicet, neque posterius. huius loci ratio est, quoniam si proprium prius esset, quàm subiectum, non igitur soli subiecto conueniret: si autem esset posterius, non conueniret semper.

*Exemplum.* PROPRIUM autem & soli, & semper inesse debet. si igitur assignatum proprium non sit simul cum subiecto, sed aut prius, aut posterius non erit proprium. prius esset, si quis poneret proprium hominis animatum esse, quoniam fœtus in utero mulieris animatus etiam est, cum nondum est homo. posterius autem esset, si quis poneret proprium hominis in foro deambulare: prius enim homo est, quàm deambulare in foro. tale igitur proprium, quod non simul est cum subiecto, uel nullo modo erit proprium, uel non erit proprium semper. si enim sit prius subiecto, nullo modo erit proprium, cum & aliis quibusdam inesse possit, ut animatum inest fœtui: & præterea equo, & boui, aut si sit aliquo modo proprium, non erit proprium semper, ut deambulare in foro. Erit autem hic locus ad construendum utilis, si assignatum proprium simul ex necessitate sit cum suo subiecto, & non sit eius differentia, aut definitio (nam definitio, & differentia simul & ipsa sunt cum suis subiectis, nec tamen sunt propria) recte erit assignatum: ut si quis poneret proprium hominis animal susceptuum scientiæ.

*dubitatio.* SED dubitaret quis, quoniam uidetur hic locus contradicere loco nono, in quo dicebatur proprium neque debere esse posterius, neque simul cum ipso subiecto. Dicendum est hic philosophum loqui de simul tempore, ibi autem de simul natura.

*solutio.*



LOCVS VIGESIMVS.

*Deinde destruenti quidem si eorundem, quæ eadem sunt.* DESUMITVR hic locus ab eodem: & est, eorundem quatenus eadem sunt, idem debet esse proprium. idem autem, ut dictum fuit in primo libro, tribus præcipue modis dicitur genere, specie, & numero. si igitur alicuius generis proprium assignetur, oportet ipsum eorum omnium, quæ sunt idem genere esse proprium. si autem speciei alicuius assignetur, debet esse proprium omnium indiuiduorum, quæ sunt idem specie, quod si alicuius unius numero proprium assignetur, idem proprium debebit esse omnium, quæ sunt idem numero, quod si non sit alicuius eorum, quæ sunt idem genere, aut specie, aut numero, assignatum proprium non erit proprium, ut si quis poneret prosequendi esse proprium, quod aliquibus bonum esse uideatur, ostenderetur non esse proprium, eo quod non est proprium eligendi, cum eligendum, & prosequendum sint eadem numero solo nomine differentia. non est autem hoc proprium eligendi, quoniam non id, quod aliquibus uidetur, bonum eligibile est, sed id, quod suapte natura bonum est. Erit autem hic locus utilis ad construendum: si enim assignatum proprium idem sit eorum, quæ sunt eadem, recte erit assignatum: ut si quis diceret proprium esse hominis tripartitam animam habere, idest in tres partes distinctam, rationalem, appetibilem, & concupiscibilem. hoc enim conuenit non solum homini in eo, quod homo est, sed & aliis, quæ idem sunt cum homine, & uiro, & mortali.

locus uigessimus ab eodem. quoniam sit.

exemplum.

est hic locus utilis ad construendum.

ADMONET autem philosophus hunc locum utilem esse in accidentibus. iisdem enim quatenus eadem sunt, idem debet inesse accidens, aut non inesse. si enim uni inest, & alteri inerit: si autem uni non inest, neque aliis inerit. ut si albedo est uisibilis, etiam disgregatiuum uisus est uisibile.

hic locus in accidentibus est utilis.

NOTANDVM autem est philosophum solum proposuisse locum in his, quæ sunt idem numero, & nomine tantum differunt. significato autem, & subiecto sunt idem: prosequendum enim & eligendum sunt idem subiecto: ita & ἄνθρωπος καὶ ζῷον, quod tamen ipse dixit solum de polionimis, quæ sunt idem modo, extēdere possumus ex Alexandri sententia ad ea etiam, quæ sunt idem genere, aut specie.

quid hoc loco sit notandum.

LOCVS VIGESIMVS PRIMVS.

*Deinde destruenti quidem si eorum, quæ sunt eadem specie.* DESUMITVR hic locus ab eodem genere, & est, quod eorum, quæ sunt eadem genere, idem debet esse proprium genere. eadem autem genere sunt, quæ specie solum inter se differunt. si igitur alteri specierum, quæ sub eodem genere positæ contradistinctæ inter se sunt, alterum proprium ex positis sub eodem genere, & contradistinctis inter se attribuitur alteri quoque speciei contradistinctæ; alterum proprium contradistinctum attribui debet: species autem contradistinctæ dicuntur, quæ ab oppositis differentiis constituuntur, ut homo & equus. si quis igitur poneret hominis proprium ex se moueri, ex eo destrueretur, quoniam equi non semper est proprium stare ex se, cum enim homo, & equus sint species positæ sub eodem genere, & contradistinctæ inter se eodem modo & stare, & moueri, cum stare ex se non semper sit equi proprium: neque igitur moueri ex se erit hominis proprium. Erit hic locus constructiuus, si eorum, quæ sunt eadem genere, sit idem proprium genere: & sicut contradistinctæ speciei contradistinctum proprium conuenit: ita & alterum contradistinctum alteri contradistinctæ conuenit, ut quemadmodum proprium est hominis

locus uigessimus primus ab eodem genere. quoniam sit.

exemplum.



hominis gressibile bipes: ita avis uolatile bipes. Hæc enim propria gressibile bipes, & uolatile bipes composita sit, sub eodem genere bipedis, & inter se contradistincta sunt homo, & avis sub genere animalis. ponantur, & contra distinguuntur inter se.

ADMONET autem in fine huius loci philosophus ipsum non esse omnino uerum, neque utile ad construendum. dicit enim quod non est utilis ad construendum; quoniam unum ex contradistinctis propriis uni tantum speciei inest, ut gressibile bipes homini. (Avis enim est quidem bipes, sed non gressibilis, sed uolabilis) alterum autem multis speciebus inest, ut gressibile quadrupes cani, equo, boui, & aliis. hæc enim propria idem genere sunt gressibile bipes, & gressibile quadrupes, sed quoniam gressibile bipes uni tantum speciei conuenit, nempe homini, gressibile autem quadrupes pluribus speciebus inest; ideo in his, & huiusmodi aliis locus utilis non est, sed tunc erit utilis ad construendum, quādo utrunque proprium uni tantum speciei inest, & non pluribus.

LOCVS VIGESIMVS SECVNDVS.

locus uigessimus secundus ab eodem subiecto per se, & cum accidente. quā sit.

quid in prima parte doceat philosophus.

ex eo, quod idem multipliciter dicitur sophistæ fallendi occasione capiūt.

*Quoniam autem idem, & diuersum multipliciter dicitur.* DESUMITVR hic locus ab eodem subiecto per se, & cum accidente, & est, non est omnino idem subiectum per se, & seorsum sumptum etiam cum accidente: ut non est omnino idem homo sumptus per se, & homo albus sumptus, scilicet cum albedine, quæ ei accidit, proponit autem philosophus hunc locum ad dissoluendam sophisticam quādam argumentationem, ut aut hic locus obscurissimus facilius intelligatur, ipsum in partes quasdam diuidemus. Primo enim philosophus proponit sophisticam hanc argumentationem, qua probatur idem esse proprium subiecti per se sumpti; & cum accidente; atque hoc exemplo declarat. Secundo ostendit, quomodo dissoluenda sit. Tertio ostendit consimiliter esse dissoluendam aliam fallaciam, qua probatur idem inesse accidenti per se sumpto, & cum subiecto, & è contra. Quarto explicat hunc fallaciæ modum, atque exemplum apponit. Quinto ostendit, quomodo hic locus sit utilis ad construendum probabiliter, & non sophistice, & quomodo subiectum per se sumptum, & cum accidente idem sit, & quomodo diuersum. ultimo aliam affert obiectionem aduersus secundam fallaciam. In prima igitur parte dicit, quoniam idem, & diuersum multipliciter dicitur, dicitur enim & genere, & specie, & numero, & analogia, & quod est idem numero, uel est idem ratione, uel non est idem ratione: idem numero & ratione sunt ea, quæ non solum in eodem subiecto sunt, sed eandem etiam rem significant, ut poliognima indumentum, & uestis. huiusmodi etiam sunt nomen, & definitio. idem autem numero, & diuersa ratione sunt, quæ in eodē subiecto sunt: sed eandem rem non significant, ut duo accidentia in eodem subiecto existentia, ut assensus, & descensus in scala, quæ græci dicunt *ἐρεπόνια*. hoc etiam modo inter se differre uidentur accidens, & subiectum, ut simus, & Socrates; proprium, & subiectum, ut risibile: & homo præterea, & subiectum per se sumptum, & cum accidente, ut homo, & homo albus, & accidens per se sumptum, & cum subiecto ab eo denominato, ut iustitia, & iustus; scientia & sciens. cum igitur multipliciter dicatur idem, hinc occasionem fallaciæ sophistæ accipiunt. supponunt enim idem esse subiectum per se sumptum, & cum accidente: & cum aliquid inest alicui subiecto per se sumpto, dicunt idem inesse & subiecto cum accidente: ut si proprium est homi-



nis esse risibile, & homini insit albedo; inferunt quod etiam albo homini proprium est esse risibile, quod tamen est falsum, quoniam si albo homini esset proprium esse risibile, non igitur homo niger esset risibilis. In secunda parte ostendit philosophus huius fallaciæ dissolutionem: distinguere enim debemus, quòd idem non est subiectum per se sumptum, & cum accidente, quem admodum sophistæ supponunt, sed aliud est homo, & aliud est homo albus. In tertia parte docet philosophus destruere aliam fallaciam sophistarum, quæ cuiusmodi sit, docet ipse in quarta parte. supponunt enim sophistæ, quòd idem sit accidens per se sumptum, & sumptum cum subiecto, quod ab eo denominatiue dicitur, ut quòd idem sit scientia, & sciens, unde ostendunt, quòd scientiæ proprium non est immutabile à ratione, quoniam si hoc esset proprium scientiæ, esset etiam proprium scientis: sed non est proprium scientis: fallitur enim Geometra in falsis descriptionibus, ergo neque scientiæ: ita igitur hoc falsum construunt, quòd scientia non sit immutabilis à ratione. destruetur autem hæc fallacia, ut in tertia parte docet philosophus, si ostendamus, quòd non idem est accidens, & quod ab eo denominatiue dicitur. Alio etiam modo aduersus hanc fallaciam obiici posse. docet ipse in ultima parte, quòd scilicet in hac proprii assignatione secundum casus peccant. Cum enim diuersa sint habitus, & habens habitum; ideo & secundum diuersas terminationes, prout scilicet unicuique eorum conuenit, sua propria debent assignari. ut scilicet scientia dicatur, quæ est immutabilis à ratione. sciens autem qui est immutabilis à ratione, non autem ut ipsi faciunt utrique assignandum est proprium neutro genere, hoc etiam pacto occultare uolentes differentiam, quæ inter illa est. aduersus enim huiusmodi importunos sophistas, qui ad omnia obiiciunt, omnibus etiam modis est aduersandum. In quinta autem parte docet philosophus, quomodo hic locus non sophistice, sed probabiliter sit utilis ad construendum. debemus enim ostendere, quòd subiectum per se sumptum, & cum accidente: ita quoque accidens per se sumptum, & cum subiecto sunt idem numero, uel subiecto. ratione autem sunt diuersa, atque ita probabimus, quòd eo modo, quo idem sunt, idem etiam habent proprium.

quomò hic  
locus proba-  
biliter, nò au-  
tem Sophisti-  
ce, sit utilis ad  
còstruendū.

### LOCVS VIGESIMVS TERTIVS.

*Deinde destruenti quidem, si quod natura inest.* DESUMITVR hic locus à proprio nam: & est, propriū quod natura inest, non debet assignari semper inesse: huius loci ratio est, quoniam ea sunt propria natura, quæ non semper neque ex necessitate subiectis suis actu insunt: ipsa tamen subiecta sunt eorū susceptiua, hoc modo bipes inest homini: est enim homo natura aptus, ut sit bipes, non tamen est ex necessitate bipes. eodem modo & scientia ipsi inest: est enim homo natura scientiæ susceptiuus, non tamen scientiam actu semper habet: si quis igitur quod hoc modo natura alicui inest, assignet tanquā actu, & semper ipsi insit, non recte assignabit. hoc autem fiet, si non ponatur in assignatione talis proprii illud natura, aut tale aliquid, quod indicet subiectum esse susceptiuum, non autem actu habere, ut si quis simpliciter poneret hominis proprium gressibile bipes, nisi aliud apponat. uidetur hoc proprium assignare, tanquam quoddam inseparabile, & semper ipsi inexistens, non autem ita est. neque enim homo omnis duos pedes habet. erit hic locus utilis ad construendum, si is qui assignat proprium natura inexistent, nō assignet

locus uigesi-  
mus tertius à  
proprio natu-  
ra. quā sit.



assignet ipsum semper inesse, sed aliquid apponat, quod indicet proprium illud natura inesse.

quid intelli-  
gatur per il-  
lud moueri.

IN HOC autem loco per illud moueri proprium, quo ter utitur philosophus, intelligendum est proprium remoueri à suo subiecto. cū enim id, quod natura inest ponatur actu inesse, non autem inest semper actu. uidebitur igitur proprium aliquando remoueri à suo subiecto: quare in uerbis illis post principium loci positum: *uidebitur enim mouere quod positum est esse proprium*. afferitur loci ratio, quoniam si proprium natura ponatur, semper inesse continget moueri proprium, quod est impossibile, quoniam proprium nunquā relinquit suum subiectum, id est subiectum sine eo nunquam reperitur.

## LOCVS VIGESIMVS QVARTVS.

locus uigesi-  
mus quartus  
ab eo, qd' nō  
primo inest.  
quinam sit.

*Insuper quaecunque dicuntur.* DESUMITVR hic locus ab eo, quod non primo inest, & est proprium quod primo alicui inest, aut quod alicui secundo inest, cum debita determinatione assignandum est. quæ enim in subiecto sunt, aliquando primo in eo sunt, aliquando uero non primo. Primo sunt, sicut est color in superficie non primo, sed secundo, & mediante alio sicut color est in corpore: si quis igitur sine determinatione tale proprium assignet, redarguetur ex eo, quod non de quocunque prædicabitur, proprium prædicabitur etiam subiecti nomen, exempli causa, si quis diceret proprium esse superficie colorari, ex eo redargueretur, quoniam colorari de corpore etiā dicitur, de quo non dicitur superficies. erit autem hic locus utilis ad construendum, si in talis proprii assignationem addatur debita determinatio.

quid agat phi-  
losophus ante-  
quam cete-  
ros locos per-  
tractet.

*Accidit autem in quibusdam proprijs etc.* Quemadmodum in uigesimo tertio & in uigesimo quarto loco, & in alijs quibusdam superius enarratis peccatur in assignatione proprii ex eo, quod non adiicitur debita determinatio; ita & plerique alij loci sunt hac eadem ratione destruentes proprium, quoniam scilicet in eius assignatione prætermittitur debita determinatio: sed philosophus priusquam hos locos tradat, modos enumerat, quibus proprium assignari solet, & secundum quos solet error contingere. hi igitur modi decem numero sunt: primus est, quando assignatur proprium natura inexistens suo subiecto, sicuti homo esse dicitur natura bipes. secundus modus est, cum ponitur proprium alicuius, quod ipsi actu inexistit: ut si dicatur proprium alicui esse quatuor tantum digitos habere. tertius modus est, cum ponitur proprium alicuius secundum speciem, ut si quis ponat propriū ignis corpus tenuissimum. quartus modus est, cum ponitur proprium alicuius uniuersaliter, id est quod omni conuenit, & si non soli: ut si quis dicat proprium esse animalis uiuere. quintus modus est, cū ponitur proprium alicuius, quod secundum aliud ipsi inest, sicuti color secundum aliud corpori inest, atque hoc modo prudens esse attribuitur animæ. sextus modus est, cum ponitur proprium alicuius primo & non mediante alio, quo modo prudens esse attribuitur ratiocinatio. septimus modus est, quando proprium attribuitur alicui ex eo, quod habeat aliquid, ut si ponamus proprium scientis immutabile à ratione. est enim sciens immutabilis à ratione, propterea quod habet aliquid, nempe scientiam. octauus modus est, quando proprium attribuitur alicui ex eo, quod habeatur ab aliquo, ut si dicamus proprium esse scientiæ, quod sit immutabilis à ratione. hoc enim proprium inest scientiæ, propterea quod habetur ab aliquo, nempe à sciente. nonus modus est, quā-  
do

quotnā sint  
modi, secun-  
dum quos so-  
let error con-  
tingere.



do attribuitur proprium alicui ex eo, quod participatur ab aliquo, sicuti sentire attribuitur animali, non ex eo, quod animal ipsum per se ipsum sentiat, sed ex eo, quod contenta sub ipso sentiunt. hæc autem contenta sentiunt, quatenus naturæ animalis participant. decimus atque ultimus modus est, quando proprium attribuitur alicui ex eo, quod participet alicuius, sicuti sentire attribuitur homini ex eo, quod animalis participet.

*Qui igitur non addit natura peccat etc.* C V M hos decem modos explicauerit philosophus, quibus assignari solet proprium, & secundum quos error continetur: nunc plures explicat locos, quibus proprium destruitur: propterea, quod secundum aliquem eorum modorum error comitatur: in eius assignatione, atque hic est primus, quod scilicet qui assignat proprium natura, non addens illud, natura peccat. cuius rationem philosophus affert, quoniam continget quod natura alicui inest, ei non inesse. cum enim non apponatur debita determinatio, uidetur proprium poni actu semper inesse ipsi subiecto. Cum autem quod natura alicui inest, aliquando ei actu non inest, quod igitur natura alicui inest, aliquando ei non inest. Exemplum est, si quis ponatur proprium hominis esse bipedem.

**NOTANDUM** autem est hunc locum nihil differre à decimo tertio. ipsam autem repetit philosophus, breuibus tamen, quoniam inter decem illos modos, quibus assignatur proprium, hic etiam fuit enumeratus: quare non est hic locus, ut quidam faciunt, in numerum redigendus.

posteaquam philosophus hos decem modos explicauerit, quid agere tentet. primus locus quo huiusmodi error incidat.

exemplum.

nihil differre hunc locum à decimo tertio.

## LOCVS VIGESIMVS QVINTVS.

*Qui uero non determinat, quoniam nunc inest.* E X secundo decem illorum deducit philosophus hunc uigesimum quintum locum, qui desumitur ab inexisterente: & est, proprium quod actu alicui inest, cum debita determinatione debet assignari. cuius rationem affert philosophus, quoniam, nisi addatur debita determinatio, continget non esse tale, quale est. cum enim sine determinatione proferatur, intelligitur esse proprium in consueto significato. id autem solet appellari proprium, quod semper inest. hoc igitur quod actu inest, & non semper inesse intelligitur. Exemplum est, ut si quis poneret hominis proprium quatuor digitos habere.

**NOTANDUM** autem hoc loco est illud ὑπάρχειν significare id, quod actu alicui inest, nullo addito modo necessarij contingentis aut possibilis.

*Qui autem non indicat, quoniam ut primum etc.* N I H I L differt hic locus à uigesimo quarto superius enarrato: nam & in hoc dicit philosophus, quod qui assignat proprium, quod primo inest, aut quod inest secundum aliud sine debita determinatione, peccat: & ratio est, quoniam continget, quod non de quocunque prædicatur proprium, prædicabitur nomen subiecti.

locus uigesimus quintus unde deducatur.

exemplum.

quid significet illud ὑπάρχειν. nihil differt hic locus à uigesimo quarto.

## LOCVS VIGESIMVS SEXTVS.

*Qui etiam non prædicat, quoniam aut in eo quod est habere etc.* E X septimo, & octauo modo supradictorum decem deducit philosophus hunc. Locus uigesimus sextus desumitur ab habere, & haberi: et est proprium quod inest alicui ex eo, quod illud habeat aliquid, aut habeatur ab aliquo, non debet assignari sine propria determinatione: et ratio, quoniam si simpliciter assignetur quod inest alicui, quoniam habeat, inerit etiam ei, quod habetur, & quod inest ei, quod habetur, inerit etiam habenti: quare non de quo proprium di-

locus uigesimus sextus unde deducatur.

Cc citur,



# T O P I C O R V M A R I S T .

**exemplum.** citur, etiam subiecti nomen dicetur. exempli causa, si quis poneret scientis proprium esse indissuafibilem à ratione, hoc non solum scienti competet, ue- rum etiam scientiæ: & si attribuatur scientiæ, non solum ipsi competet, ue- rum etiam scienti.

## LOCVS VIGESIMVS SEPTIMVS.

**locus uigesi-  
mus septimus  
unde deduca-  
tur.** *Qui etiam non præsignificat in eo, quod participat etc.* Ex nono, & decimo supra- dictorum modorum hic locus deducitur: desumiturq; ex participare, & participari: et est proprium conueniens alicui ex eo, quod participet ali- cuius, aut participetur ab aliquo, non debet assignari sine debita determi- natione. & ratio est, quoniam si simpliciter assignetur propriū alicui, quod participat, inerit etiā ei, quod participatur: & si assignetur ei, quod partici- patur, inerit etiam ei, quod participat. non igitur soli inerit. exempli cau- sa, si quis poneret proprium animalis sentire, non solum conueniet anima- li, sed etiam contentis sub animali, ut homini, & equo. sed animali conue- nit, quatenus participatur, homini: autem quatenus participat. quod si quis etiam ponat hominis proprium sentire, non solum ipsi conueniet, sed etiam animali.

**exemplum.**

## LOCVS VIGESIMVS OCTAVVS.

**unde deduca-  
tur hic uigesi-  
mus octauus  
locus.** *Qui non diuidit etiam id quod specie inest.* Ex tertio & quarto supradictorum mo- dorum deducit philosophus hunc locum uigesimum octauum, qui desumitur à specie, & simpliciter: & est, proprium, quod inest alicui specie, aut simpli- citer, non debet sine propria determinatione assignari. præcipue autem lo- quitur philosophus in hoc loco de eo, quod inest specie. intelligit autē per inesse specie maxime inesse, & secundum excellentiam, ac perfectionem illius speciei. hoc igitur quod maxime inest, & secundum excellentiam, uel attri- buitur alicui speciei indiuiduæ, uel attribuitur generi alicui, sub quo plures species sunt. Si attribuatur speciei indiuiduæ, ac in eius assignatione non po- natur illud specie, non recte assignabitur, quoniam quod maxime, & secun- dum excellentiam dicitur, non inest omni. si autem sine determinatione po- natur, uidebitur omni inesse, ut si quis dicat hominis proprium esse, ut sit prudentissimus, nisi aliud addatur, hoc erit falsum, quoniam non omnis ho- mo est prudentissimus. si autem in his debita adiciatur determinatio, error euitabitur, & redargutio. aliquando autem hoc proprium, quod maxime inest, & secundum excellentiam attribuitur generi, sub quo plures sunt spe- cies, ut si quis dicat proprium esse ignis, ut sit tenuissimus: sub igne enim plures sunt species, nempe carbo, flamma, & lux. In his igitur non sufficit adicere illud specie, ut error euitetur; atque huius rei duas affert rationes Aristoteles, prima est, quoniam contingeret assignatum proprium alicui ex subiectis speciebus magis, alicui uero minus inesse: nomen autem subiecti non inesse magis, aut minus, quod est absurdum. absurditas huius conse- quentis probatur, quoniam semper si proprium magis, aut minus inest, etiā subiecti nomen magis, aut minus inest: ut quoniā proprium albedinis, quod est uisum disgregare magis inest niui, quā cygno. nix igitur magis est alba, quā cygnus. at si hoc consequens uerum esset, sequeretur proprium inesse magis, & minus: nomen tamen subiecti non inesse magis, aut minus, quia una species ignis est alia tenuior non tamen una est alia magis ignis. cum igi- tur

**exemplum.**

**quomō hoc  
consequens  
esse absurdū  
probetur.**



tur hoc consequens sit falsum, male positum est tenuissimum esse proprium ignis: consequentiam autem quod scilicet si ponatur ignis proprium tenuissimum, cum plures sint ignis species: alia erit tenuior alia, philosophus aliter non probat, patet autem ex eo, quod ubi reperitur maximum, ibi oportet reperiri magis, & minus: quare si ignis proprium est tenuissimum, tenuior erit lux, quam flamma: & flamma, quam carbo. Cum igitur tale assignatum proprium magis, & minus insit, nomen autem subiecti non insit magis aut minus: non igitur erit uere proprium. secunda philosophi ratio est, quoniam contingeret unum & idem proprium plurimum esse. erit enim & eius, quod uniuersale est, & eius, quod in eo uniuersali contentum maxime tale est, ut tenuissimum erit proprium ignis, quoniam eius est, assignatum erit etiam proprium lucis, quoniam ei maxime inest. non oportet autem, ut idem proprium sit generis, & speciei sub genere contentæ: propterea igitur si contingat assignare proprium alicuius generis, sub quo plures sint species, non sufficit determinationem illam specie adicere, sed addere oportet, & cuius specie tale proprium conueniat.

IN fine autem huius loci admonet philosophus, quod cum alius assignat, ac peccat aliquo dictorum modorum, ipsum redarguere debemus. si autem nos assignemus proprium, non debemus nobis ipsis instantiam afferre: ita enim ipsi disputanti præberemus occasionem turbandi sermones nostros: sed statim debemus determinare, quonammodo proprium sit à nobis assignatum. Dialecticus enim probabiliter, non autem sophistice, & deceptorie procedere debet.

quid hoc loco admoneat philosophus.

NOTANDUM autem est, hoc loco dicere philosophum lucem esse speciem ignis, cuius tamen oppositum sentit in physicis, ubi ostendit lucem non esse corpus: cum autem non sit corpus, non potest esse ignis species: ignis enim corpus est, & nullum incorporeum potest esse corporis species: sed nunc communius locutus est, & aliorum sententiam secutus.

quid hoc loco notandum sit.

OBSERVANDA autem hoc loco præcipue est propositio illa, cui innititur prima philosophi ratio, quod scilicet cui magis aut minus inest, proprium subiectum quoque magis aut minus inesse debet: unde sequitur, quod si proprium de aliquo assignatum magis & minus insit, nomen autem subiecti non insit, magis & minus non erit uere proprium. ita quoque si assignatum proprium non insit magis aut minus, nomen autem subiecti insit, hoc etiam modo non erit uere proprium.

propō hoc loco obseruanda

## LOCVS VIGESIMVS NONVS.

Deinde destruenti quidem si idem eiusdem proprium posuit. DESUMITVR hic locus ab eodem: & est, quod idem non potest esse proprium sui ipsius: tunc autem idem assignari proprium sui ipsius intelligit philosophus, quando assignatur aliquod polyonymum, ut si quis cum hæc duo *πῆρον* & *καλόν* sint polyonyma, & idem significant; alterum diceret esse alterius proprium. huius loci rationem affert philosophus, quoniam proprium non debet significare ipsum, quid est esse. polyonymum autem significat quid est esse, non igitur potest esse proprium: quomodo autem polyonymum significet quid est esse, declaratur. nomen, & definitio idem significant, quod enim explicat definitio, idem quoque significat nomen: cum igitur definitio quid est esse significet, nomen igitur & ipsum significat, quid est esse. si igitur polyonymum afferatur loco proprii, proprium significabit ipsum quid est esse, quod esse non debet.

locus. uigessimus nonus ab eodem. & quoniam sit.

quomodo pbeatur polyonymum significare quid est esse.



exemplum. E R I T autem hic locus ad construendum utilis, si assignatum proprium conuertatur quidem cum suo subiecto, non significet tamen, quid sit ipsi esse, ut si quis diceret proprium esse animalis, quod sit natum sentire. Sed dubitaret quis utrum hoc in loco comprehendi debeat definitio, qui enim comprehendere debeat, ex eo patet, quoniam etiam definitio est idem cum suo definito, & subiecto, & ratione; sicuti & ipsa polyonyma idem inter se sunt. præterea quoniam ratio, quam affert Aristoteles, magis etiam conuenit definitioni, quam polyonymo: magis enim definitio, quam polyonymum significat esse rei: unde & ipse in contextu dicit. significans autem ipsum esse non est proprium, sed definitio. Dicendum est hæc non loqui philosophum de definitione. quomodo enim definitio non possit poni loco proprii, docuit superius in loco decimotertio: unde hoc uolens significare philosophus in secunda huius loci parte, ubi ostendit, quomodo hic locus sit constructiuus, assumpsit definitionem. dicit enim quod qui ponit animalis proprium substantiam animatam, sensitiuam quoad hoc recte assignat. (etsi enim philosophus solum dicat substantiam animatam, Alexander tamen sensitiuam suppleri debere dicit) obiecta autem dissoluuntur, si sciamus, quod quamuis polyonymum idem significet, sicut & definitio, est tamen aliqua differentia, quoniam scilicet quod nomen simpliciter significat, ipsa definitio significat explicite: uel dicamus, quod definitio significat ipsum, quid est esse rei: nomen autem significat esse, non autem ipsum quid est esse.

dnbitatio.

solutio.

LOCVS TRIGESIMVS.

locus trigessimus à similaribus. quina sit. *Deinde in similaribus.* D E S U M I T U R hic locus à similaribus: & est, in similaribus idem debet esse proprium partis, & totius: & ratio est, quoniam in similaribus eadem est natura partium, & totius: unde idem etiam nomen habent, ut quælibet pars aquæ naturam aquæ habet, & aqua dicitur. si quis igitur assignet proprium alicuius totius similis, quod parti non conueniat, uel assignet proprium partis similis, quod toto non conueniat, tale non erit uere proprium. contingit quidem assignari proprium totius non conueniens parti, quando quis ad quantitatem, & molem totius respicit: ut si quis diceret proprium esse maris esse plurimam aquam salinam: hoc enim proprium non competit parti. assignaretur autem proprium partis toto non conueniens, ut si quis diceret proprium esse aeris esse respirabile; hoc enim de toto aere non uerificatur. Erit autem hic locus constructiuus, si proprium assignatum alicuius similis toto competat, & parti: ut si quis dicat proprium esse terræ ferri deorsum. dicuntur autem partes aeris respirabiles, totus autem non, quoniam partes aeris ab animalibus attrahuntur pro cordis refrigeratione. totum autem aerem attrahi est impossibile.

exemplum. quomodo sit hic locus utilis ad construendum.

LOCVS TRIGESIMVS PRIMVS.

locus trigessimus primus ex contrariis. quina sit. *Deinde ex oppositis considerandum est.* Q U E M A D M O D U M ad quaestiones accidentis, & generis tradidit philosophus locos ex oppositis: ita & nunc ad quaestiones proprii eos tradit, ac primum locum tradit ex contrariis. est igitur hic locus ex contrariis, si unum contrarium est proprium unius contrarii, alterum quoque contrarium erit proprium alterius contrarii. Erit hic locus utilis ad destruendum hoc modo, quoniam iustitia, & iniustitia sunt contraria; & optimum etiam & pessimum. non est autem optimum proprium iustitiæ; quoniam



quoniam omni uirtuti competit. omnis enim uirtus est optimus habitus; neque igitur iniustitiæ proprium est pessimum. Erit autem utilis ad construendum, quoniam si unum contrarium est proprium unius contrarii, & alteram erit alterius proprium, ut si boni proprium est eligibile, ergo & mali euitabile.

LOCVS TRIGESIMVS SECVNDVS.

*Secundo autem ex his quæ ad aliquid sunt.* DESVMITVR hic locus ex relatiuis: & est, si unum relatiuum est proprium unius relatiui, etiam alterum relatiuum erit proprium alterius relatiui. Erit hic locus utilis ad destruendum, ut quoniam excedens non est proprium dupli, quoniam est in plusquam duplum: neque igitur excessum est proprium dimidii; erit autem utilis ad construendum, ut quoniam dupli proprium est duo ad unum, ergo & dimidii proprium erit, ut unum ad duo. *Sed* dubitaret quis, quomodo unum, & duo sint inter se relatiua. Dicendum est, quod unum, & duo non sunt relatiua; sed relatiua sunt, ut duo ad unum, & ut unum ad duo. hi enim sunt termini huius relationis, non autem unum, & duo. Dicit tamen Alexander hæc proprie non esse relatiua, neque enim dicuntur duo unius duo, aut unum duorum unum: neque in habitudine mutua habent esse, sed conuenientius erit exemplum, si sensus proprium est suscipere per corpus, ergo & sensibilis erit proprium susceptibile per corpus.

locus trigessimus secundus ex relatiuis. quinam sit.

dubitatio.

quid in hac respondent Alexāder.

LOCVS TRIGESIMVS TERTIVS.

*Tertium autem destruendi quidem.* DESVMITVR hic locus ab habitu, & priuatione: & est, si ipse habitus id, quod secundum habitum dicitur, est proprium etiam priuationis, quod secundum priuationem dicitur, erit proprium. Erit hic quoque locus utilis ad construendum etiam destruendum. ad destruendum quidem, ut si surditatis proprium non est insensibilitas; neque igitur auditus proprium est sensus, & e conuerso. ad construendum autem, ut si uisus proprium est uidere, quatenus uisum habemus nati habere, id est quatenus habemus potentiam uidendi, non autem potentiam audiendi, aut progrediendi nati habere, id est natura apti ad habendum uisum. si igitur hoc est proprium uisus, erit etiam proprium cæcitatæ non uidere, quatenus uisum non habemus: natura tamen apti uisum habere, lapis enim uisum non habet, sed quoniam non est natura aptus uisum habere, ideo cæcus non dicitur.

locus trigessimus tertius ab habitu & priuatione. quinam sit.

LOCVS TRIGESIMVS QVARTVS.

*Deinde ex affirmationibus, & negationibus.* DEINCEPS philosophus tradit tres locos ex contradictione, quorum primus est, quando unum est subiectum, duo autem prædicata. secundus est, quando duo sunt subiecta, & duo prædicata. tertius est, quando duo sunt subiecta, & unum prædicatum. est autem hic primus locus solum destructiuus, & est, si affirmatio, uel quod per affirmationem explicatur, est proprium alicuius: negatio aut id, quod per negationem explicatur, non erit eius proprium: & si negatio, aut quod per negationem explicatur, est proprium alicuius, affirmatio aut quod per affirmationem explicatur, non erit eius proprium, ut si animalis proprium est sensitium,

locus trigessimus quartus ex contradictione est triplex.



dubitatio. sitium, non igitur proprium erit animalis non sensitium. sed iure dubitat hoc in loco Alexander quare non sit hic locus constructivus. qui enim ostendit alteram partem contradictionis non inesse, alteram omnino probat inesse: cum hæc sit contradictionis natura, ut de quocunque vera sit eius altera pars.

solutio triplex, & quæ prima sit. SOLVIT ipse hanc difficultatem tripliciter, primo dicit, si quod per negationem explicatur subiecto non inest, quod explicatur per affirmationem inest quidem, non oportet tamen, ut sit proprium, ut si probetur non sensitium non inesse equo, probatur quidem sensitium ipsi inesse, non tamen probatur quod sensitium sit eius proprium. hic autem sermo non est de simplici inexistencia, sed de inexistencia proprii. Secundo dicit si quod per negationem explicatur, non est proprium alicuius, non propterea oportet, quod eius oppositum illi insit, ut si probetur non risibile non esse proprium equi, non propterea probatur risibile ipsi inesse. tertio dicit, si quod per affirmationem explicatur, non est proprium alicuius, non propterea oportet, ut ipsi non insit, ut si probetur hominis non esse proprium sensitium, non propter ea probatur sensitium ipsi non inesse. solum igitur relinquitur, quod locus proponit, si quod per affirmationem explicatur, est proprium alicuius, quod per negationem explicatur, non erit eius proprium, & è conuerso

UTITUR autem hoc in loco philosophus *quædam* nomine pro affirmatione.

LOCVS TRIGESIMVS QVINTVS.

locus trigessimus quintus secundus ex contradictionis quinā sit.

Secundum etiam ex prædicatis. HIC est secundus locus sumptus ex contradictione, in quo comparantur duo prædicata ad duo subiecta. Est autem hic locus constructivus, & destructivus.

DESTRUCTIVVS quidem est talis, si affirmatio non est proprium affirmationis: neque negatio proprium erit negationis, & è conuerso. si negatio non est proprium negationis, neque affirmatio erit proprium affirmationis: ut si hominis proprium non est animal, neque non hominis proprium erit non animal. & si non hominis proprium non est non animal, neque hominis proprium erit animal: hoc igitur modo est destructivus. Erit autem constructivus hoc modo, si affirmatio est proprium affirmationis, etiam negatio erit proprium negationis, & è conuerso. Si negatio est proprium negationis, etiam affirmatio erit proprium affirmationis: ut si non animalis proprium est non sentire, animalis proprium erit sentire: & si animalis proprium est sentire, ergo non animalis proprium erit non sentire.

quid philosophus per affirmationem aut negationem intelligat.

NOTANDVM autem hoc in loco est philosophum per affirmationem intelligere terminum finitum, uel scilicet subiectum, uel prædicatum; per negationem autem terminum infinitum.

LOCVS TRIGESIMVS SEXTVS.

locus trigessimus sextus tertius ex contradictionis quinā sit.

Tertium autem ex ipsis subiectis. HIC EST tertius locus sumptus ex contradictione, ubi unum prædicatum comparatur duobus subiectis. proponit autem philosophus hunc locum esse destructivum, & constructivum. Destructivus quidem est hoc modo, si assignatum proprium est proprium affirmationis, idem non erit proprium negationis, & è conuerso. si assignatum proprium est proprium negationis, non erit proprium affirmationis: & hic per

affir-



affirmationem intelligere debemus subiectum finitum: per negationem autem subiectum infinitum. si igitur sensitium est proprium animalis, non erit proprium non animalis. constructius autem erit hoc modo, si assignatum proprium non est proprium affirmationis, erit proprium negationis. Addit autem philosophus hunc locum constructium non esse uerum, simul & causam apponit: quoniam, inquit, affirmatio non potest esse proprium negationis, neque negatio affirmationis, idest quod nomen finitum non potest esse proprium infiniti, neque infinitum finiti. finitum enim nomen simpliciter non potest prædicari. de nomine infinito, neque enim licet dicere, non homo est corpus, aut non lignum est lapis, nisi scilicet nomen illud infinitum particulariter intelligamus. si igitur nomen finitum simpliciter non inest nomini infinito, non potest esse eius proprium: at nomen infinitum inest quidem nomini finito, etiam uniuersaliter, non tamen potest inesse, ut proprium. uerum enim est, quod homo est non lapis, non tamen hoc potest esse eius proprium.

locus constructius non est uerus, & quare.

exemplum.

### LOCVS TRIGESIMVS SEPTIMVS.

Deinde ex his, quæ ex opposito diuiduntur. DESVMITVR hic locus ex contradistinctis. contradistincta autem sunt, quæ ex eodem genere secundum eandem diuisionem mutuo separantur. est autem hic locus destructius, & constructius. destructius hoc modo, si nullum ex reliquis contradistinctis proprium est alicuius reliquorum, neque propositum erit proprium propositi, idest si duo sint ordines contradistinctorum, uel ex eodem genere secundum diuersas considerationes, uel ex diuersis generibus: & unum eorum, quæ sunt in uno ordine positum sit esse proprium unius eorum, quæ sunt in alio ordine. & ostendamus nos nullum eorum, quæ sunt in eo ordine, in quo est assignatum proprium esse proprium alicuius eorum, quæ sunt in alio ordine: neque propositum erit proprium propositi, exempli causa, contradistincta sunt inter se, animal sensitium & animal intellectuum, contradistincta etiam sunt mortalia animalia, & immortalia: si igitur animal sensitium non est proprium alicuius mortalium animalium neque igitur animal intellectuum proprium est immortalis Dei. erit autem constructius hoc modo, si alterum contradistinctum sit alterius proprium, uel alia aliorum, si plura sint contradistincta, etiam propositum erit proprium propositi, exempli causa, contradistinctæ sunt animæ partes inter se rationalis, irascibilis, & concupiscibilis: contradistinctæ etiam sunt hæ uirtutis species prudentia, fortitudo, & temperantia. si igitur prudentiæ proprium est esse per se nam aptam, ut sit uirtus, & perfectio partis rationalis, ergo & fortitudinis erit proprium esse natura aptam: ut sit uirtus, & perfectio partis irascibilis, & temperantiæ. erit proprium esse natura aptum, ut sit uirtus, & perfectio partis concupiscibilis.

locus trigemus septimus ex contradistinctis quænam sint contradistincta.

est utilis ad utrumque modo destructius.

exemplum.

### LOCVS TRIGESIMVS OCTAUVS.

Deinde ex casibus destruenti quidem etc. DESVMITVR hic locus ex casibus: & est tum constructius, tum destructius. destructius hoc modo, si casus non est proprium casus, neque id, cuius est casus, erit proprium reliqui, & è conuerso. ut si eius, quod est iuste proprium non est honeste; neque iusti proprium erit honestum. constructius autem est hoc modo, si casus est proprium casus etiam id, cuius est casus, erit proprium reliqui, & è conuerso.

locus trigemus octauus ex casibus.

exemplum.



fo, ut si hominis proprium est gressibile bipes, etiam homini gressibili bipe di proprium attribuemus: & si fortis proprium est magnanimum etiam eius, quod fortiter fit, proprium erit magnanimiter.

quid per casus philosophus intelligat.

NOTANDVM autem est superius philosophum appellasse casus aduerbia, quæ à nominibus deducuntur: ut à sapientia sapienter. hic autem etiam ipsa primitiua, unde talia aduerbia deducuntur, casus appellat, quin & per casus comprehendit nominum diuersas terminationes, quæ per inflexionem fiunt.

LOCVS TRIGESIMVS NONVS.

locus trigessimus nonus à casibus contrariorum.

*Non solum autem in eo, quod dictum est etc.* DESVMITVR hic locus à casibus oppositorum: per opposita autem hic intelliguntur contraria. & est constructiuus, & destructiuus. Destructiuus hoc modo, si casus contrarii non est proprium casus contrarii, neque propositum erit proprium propositi, ut si eius, quod iuste fit, proprium non est bene, neque igitur eius, quod iniuste fit, proprium est male. constructiuus autem erit hoc modo, si casus contrarii est proprium, casus contrarii etiam propositum erit proprium propositi, ut si eius, quod honeste fit, proprium est, optimum etiam inhonesti proprium est pessimum. Notat autem Alexander in hoc loco, quod philosophus casus nomine uniuersaliter utitur pro coniugatis: neque enim hic locus uerus est solum in casibus proprie dictis, sed in omnibus coniugatis.

exemplum. quid per casus philosophus intelligat.

LOCVS QVADRAGESIMVS.

locus quadragessimus ex similitudine.

*Deinde ex his, quæ similiter se habent etc.* DESVMITVR hic locus ex similitudine: & est destructiuus, & constructiuus. Destructiuus hoc modo, si similiter se habens non est proprium similiter se habentis, neque propositum erit proprium propositi: ut si similiter se habet ædificator ad ædificandum; & medicus ad sanandum: non est autem proprium medici sanare; neque igitur ædificatoris proprium est ædificare. est autem constructiuus hoc modo, si similiter se habens est proprium similiter se habentis, etiam propositum erit proprium propositi: ut si similiter se habet medicus ad sanitatem efficiendam, & gymnasta ad efficiendum bonum habitum. Est autem proprium gymnastæ bonum habitum efficere, ergo & medici proprium est sanitatem efficere.

exemplum.

quid hoc loco notet Alexander.

NOTAT Alexander hunc locum conuenire his etiam, quæ secundum analogiam dicuntur. analogia enim est similitudo quædam. in habitudine scilicet quadam consistens. eorum igitur, quæ analogia sunt, si alterum est alterius proprium, etiam alterum erit proprium alterius. & si alterum non est proprium, neque alterum erit proprium. Alio autem modo accipiuntur analogia à græcis, quàm à latinis, ut alias dictum fuit.

LOCVS QVADRAGESIMVS PRIMVS.

locus quadragessimus primus ex his, quæ eodem modo se habent. quid differat hic locus à superiori.

*Deinde ex his quæ eodem modo se habent.* DESVMITVR hic locus ex his, quæ eodem modo se habent. differunt autem ea, quæ eodem modo se habent, de quibus hoc in loco loquitur philosophus ab his, quæ similiter se habent, de quibus locutus est in loco superiori, quod in similiter se habentibus comparantur duo ad duo. in his autem, quæ eodem modo se habent, comparatur unum ad duo. est autem hic locus solum destructiuus, sed dupliciter, primo quidem



quidem hoc modo, si eodem modo se habentis ad aliqua duo, alterum eorum non est eius proprium, neque alterum erit eius proprium, & è conuerso. si ipsum eodem modo se habens ad aliqua duo alterius eorum non est proprium, neque alterius erit proprium. exempli causa, si eodem modo se habet prudentia ad bonum, & malum, eo quòd est utriusque eorum, scientia non est aut prudentiæ proprium, quod sit scientia boni: neque igitur eius erit proprium, quod sit scientia mali. ita quoque si eodem modo se habet homo ad rationale, & disciplinabile: non est autem hic locus est destructiuus hoc proprium, neque igitur alterum. Secundo autem hic locus est destructiuus hoc pacto, si eodem modo se habentis ad aliqua duo, alterum eorum est eius proprium, alterum non erit eius proprium, quoniam eodem modo ad ipsa non se haberet, & è conuerso. Si eodem modo se habens ad aliqua duo alterius eorum est proprium, non erit proprium alterius, quoniam idem esset proprium plurium, quod est impossibile: ut cum eodem modo se habeat prudentia ad bonum, & malum. si prudentiæ proprium est esse scientiam boni, eius igitur non erit proprium, quòd sit scientia mali. Non potest autem hic locus esse constructiuus, cuius rationem reddit Aristoteles, Quoniam (inquit) consimiliter se habens unum ad plura comparantur, hoc scilicet intelligens cum in his, quæ eodem modo se habent, unum ad duo comparatur: ideo fit, ut locus hic non possit esse constructiuus, quoniam si probetur, quòd alterum sit alterius proprium, non constructur, quòd sit proprium alterius, quoniam tunc idem esset proprium plurium. si etiam probetur, quòd alicuius eorum non sit proprium, aut quod aliquod eorum sit eius proprium, uel non sit proprium, non propterea aliquid constructur, quoniam non eodem modo ad utrunque se haberet, sicuti supponitur. est igitur solum destructiuus, non autem constructiuus.

exemplum.  
quare nã pos  
sit esse hic lo  
cus constru  
ctiuus.

SE D dubitat Alexander quomodo possibile sit, ut aliquid eodem modo se habeat ad aliqua duo, si alicuius eorum sit proprium, alicuius autem non. Soluit ipse, quòd hoc etiam argumento est id, quod eodem modo se habere uidetur, non eodem modo se habere; sed quoniam hoc est dictum obscure, ideo apertius sententiam explicando. Dicendum est, quòd si uerum sit propositum, eodem modo se habere ad aliqua duo, nunquam continget, ut sit alterius eorum proprium, quòd si contingat, quod uere sit alicuius eorum proprium, forte quidem eodem modo se habere uidebitur, non tamen eodem modo se habebit.

dubitatio.

solutio.

## LOCVS QVADRAGESIMVS SECVNDVS.

Deinde destruenti quidem si quod secundum esse dicitur. DESVMITVR hic locus ab esse, generari, & corrumpi. Estq; tum constructiuus, tum destructiuus. Destructiuus triplex est, primus si quod secundum esse dicitur, non est proprium eius, quod dicitur secundum esse: neque quod dicitur secundum generari, erit proprium eius, quod dicitur secundum generari: neque quod dicitur secundum corrumpi, erit proprium quod dicitur secundum corrumpi, exempli causa, si proprium non est hominis esse animal, neque fieri hominem proprium erit fieri animal: neque corrumpi hominem proprium erit corrumpi animal. secundus si id quod dicitur secundum generari, proprium non est eius, quod dicitur secundum generari id, neque quod dicitur secundum esse, erit proprium eius, quod dicitur secundum esse: & id, quod dicitur secundum corrumpi, non erit proprium eius, quod dicitur secundum

locus quadra  
gesimus secū  
dus ab esse, ge  
nerari, & cor  
rumpi.

Dd corrumpi:



exemplum.

corrupti: ut si proprium non est generari hominem, generari animal, neque hominis proprium erit esse animal, neque corrupti hominem proprium erit corrupti animal. tertius si id, quod dicitur secundum corrupti, proprium non est eius, quod dicitur secundum corrupti: neque id, quod dicitur secundum esse, proprium erit eius, quod dicitur secundum esse: neque id, quod dicitur secundum generari, proprium erit eius, quod dicitur secundum generari: atque hic etiam superius exemplum accomodari facile potest. constructius etiam triplex est, primus si id, quod dicitur secundum esse, est proprium eius, quod dicitur secundum esse, id quoque, quod dicitur secundum generari, proprium erit eius, quod dicitur secundum generari: et id, quod dicitur secundum corrupti, erit proprium eius, quod dicitur secundum corrupti. ut quoniam proprium est hominis esse risibile, proprium quoque erit fieri hominem, fieri risibile, & proprium erit corrupti hominem, corrupti risibile. secundus si id, quod dicitur secundum generari, proprium est eius, quod dicitur secundum generari. id quoque, quod dicitur secundum esse proprium, erit eius, quod dicitur secundum esse: & id, quod dicitur secundum corrupti, proprium erit eius, quod dicitur secundum corrupti: ut si generari hominem proprium est generari risibile, hominis quoque proprium erit risibile: & corrupti hominem proprium erit corrupti risibile. tertius si id, quod dicitur secundum corrupti, proprium est eius, quod dicitur secundum corrupti. id quoque quod dicitur secundum esse, proprium erit eius quod dicitur secundum esse: & id, quod dicitur secundum generari, proprium erit eius, quod dicitur secundum generari, quod facile patet. hic etiam applicando superius exemplum. *quod si id, quod dicitur secundum esse, est proprium eius, quod dicitur secundum esse, id quoque, quod dicitur secundum generari, proprium erit eius, quod dicitur secundum generari: et id, quod dicitur secundum corrupti, erit proprium eius, quod dicitur secundum corrupti.* Huius loci ratio est, quoniam quod est proprium alicuius, cum soli, & semper competat, necesse est, ut dum illud generatur, generetur: & dum corrumpitur, corrumpatur. quare si assignatum proprium in aliquo horum dissonet, neque in aliis conueniet, quod si cum aliquo conuenit, in aliis etiam conueniet. & quod dicit philosophus generari, & corrupti: dicere etiam possumus generationem, & corruptionem: ut si hominis proprium est risibile, & generationis hominis proprium est generatio risibilis, atque ita forte res erit apertior.

LOCVS QVADRAGESIMVS TERTIVS.

locus quadragessimus tertius. ab Idea. Plato ideas defendit: Aristoteles contra.

quid Plato uoluerit ideas esse.

Deinde inspiciendum ad Ideam positi. DESUMPTVS est hic locus ab Idea: significat autem Idea exemplar uniuscuiusque speciei aeternum, & separatum a materia, ad cuius similitudinem haec materialia generantur: & sicuti species rerum generabilium diuersae sunt; ita diuersae sunt ideae, & earum unaquaeque appellatur nomine suae speciei cum hac adiectione per se, ut idea hominis appellatur *ἡ τοῦ ἀνθρώπου* idea equi *ἡ τοῦ ἵππου*. has igitur ideas Platonici defendunt: Aristoteles autem semper est infectatus, licet aliud ipsis attribueret quidam existiment, quam senserint. neque enim, dicunt, Plato uoluit ideas esse entia quaedam separata, ueluti sunt intelligentiae, quod ipsi Aristoteles attribuit: sed esse species rerum in mente summi opificis existentes. quamuis autem philosophus ideas semper damnarit, atque ea monstra esse existimarit, nunc tamen tradit locum ab idea, quoniam dialecticus in quamcunque sectam se insinuat. est autem hic locus tum destructiuus, tum constructiuus. destructiuus talis est, si assignatum proprium non competit ideae illius rei, cuius ponitur esse proprium: uel si illi quidem competit, sed non in



eo, quod est eius idea, non erit proprium. Exempli causa, si quis ponat proprium hominis quiescere, ostendemus non esse proprium ex eo, quod non competit ideæ hominis, quatenus est idea hominis. quiescere enim competit ipsi, quatenus est idea, quia omnis idea est motus expers, nō autem quatenus est hominis idea. cum igitur ideæ hominis non competat quiescere, neque hominis erit proprium. constructius autem erit talis, si assignatum proprium cōpetat ideæ eius rei, cuius ponitur proprium, quatenus est eius idea, uere erit eius proprium, ut quoniam constare ex anima, & corpore competit ideæ animalis, quatenus est talis; ideo hoc erit animalis proprium constare ex anima, & corpore.

NOTAT autem Alexander communius, ut alia plura in his libris, ita & hoc dixisse philosophum, quod constare ex anima & corpore competat ideæ hominis. hoc enim ab his, qui ideas ponunt nullo modo concederetur, licet forte ad eorum opinionem consequatur.

quid notet  
Alexander.

### LOCVS QVADRAGESIMVS QVARTVS.

Deinde ex magis, & minus. QVEMADMODVM in secundo libro quatuor locos ex magis & minus tradidit philosophus ad quæstiones accidentis: ita & ad quæstiones proprii eosdem locos tractat. atque horū primus est, ubi unū de uno dicitur, qui est destructius; & constructius. secundus est, ubi duo de duobus dicuntur, qui procedens à magis est destructius, procedens à minus est constructius. semper enim loci à magis sunt destructiui: loci à minus sunt constructiui. tertius est, ubi unum de duobus dicitur, qui solum est destructius. quartus est, ubi duo de uno dicuntur, & est destructius, & constructius, sicut & secundus. Hic igitur primus locus desumptus à magis, & minus, in quo unum de uno dicitur secundum magis & minus, qui & ipse duplex est, primus est, in quo proceditur à magis ad minus; ad minime ad maxime, & ad simpliciter. & est destructius, & constructius. Destructius talis est, si id, quod magis dicitur, non est proprium eius, quod magis dicitur. neque id, quod minus dicitur, est proprium eius, quod minus dicitur. neque id, quod minime dicitur, est proprium eius, quod minime dicitur: neque id, quod simpliciter dicitur, est proprium eius, quod simpliciter dicitur: ut si magis colorari non est proprium eius, quod est magis corpus: neque igitur colorari est proprium corporis, uel quoniam hoc exemplum est in substantiis, quæ non suscipiunt magis, aut minus, accomodatius erit, si dicamus, quoniam maioris uoluptatis proprium non est, ut sit maius bonum: neque igitur minoris uoluptatis proprium erit, ut sit minus bonum: neque minimæ uoluptatis, ut sit minimum bonum: neque uoluptatis, ut sit bonum. cōstructius autem talis erit, si id, quod magis dicitur, proprium est eius, quod magis dicitur: etiam id, quod minus dicitur, est proprium eius, quod minus dicitur: & quod minime dicitur, proprium est eius, quod minime dicitur: & quod simpliciter eius, quod simpliciter, ut si magis uiuentis proprium est magis sentire, etiam minus uiuentis proprium erit minus sentire, & minime uiuentis minime sentire, & uiuentis sentire. quod si hic quoque superius exemplum de uoluptate applicemus, magis erit accomodatum.

locus quadra-  
gesimus quar-  
tus ex magis,  
& minus.

exemplum.

exemplum.

SED hic dubitat Alexander nunquid omnino consequatur ad id, quod magis dicitur, aut minus id, quod dicitur simpliciter; de qua re bis etiam antea uerba fecit. dicimus enim aerem esse magis grauem igne, non tamen simpliciter grauem: & terram dicimus terra leuiorem, non tamen simpliciter

dubitatio.



## T O P I C O R V M A R I S T.

leuem . soluit , quòd non proprie , sed abusive , & æquiuoce , ita appellamus , quia proprie deberet dici aer minus leuis , & terra minus grauis .

### LOCVS QVADRAGESIMVS QVINTVS.

locus qua-  
dragesimus  
quintus à sim-  
pliciter ad re-  
quali omnia.

*Ex eo autem quod simpliciter ad eadem considerandum est .* H I C locus conuersus est prioris , sicut enim in eo procedimus ab eo , quod magis dicitur ad id , quod minus , ad id , quod minime , & ad id , quod simpliciter . ita in hoc procedimus , ab eo , quod simpliciter ad reliqua illa . et est destructiuus , & constructiuus . Destructiuus talis est , si id , quod simpliciter dicitur , proprium non est eius , quod simpliciter dicitur : neque id , quod magis dicitur , proprium erit eius , quod magis dicitur : neque id , quod minus eius , quod minus : neque id , quod maxime eius , quod maxime : neque id , quod minime eius , quod minime . Constructiuus autem talis erit , si id , quod simpliciter dicitur , proprium est eius , quod simpliciter : & id , quod magis erit proprium eius , quod magis : & id , quod minus eius , quod minus : & id , quod minime eius , quod minime : & id , quod maxime eius , quod maxime .

quid hoc lo-  
co notet Ale-  
xander .

N O T A T autem in fine philosophus , quòd sicuti à magis procedimus ad reliqua omnia ; & à simpliciter ad reliqua omnia , ut ostensum est , ita & ab unoquoque aliorum ad reliqua omnia procedere possumus . tum destruèdo , tum construendo , nempe ab eo , quod minus ad id , quod simpliciter , ad id , quod minime ad id , quod magis : & ad id , quod maxime . Præterea ab eo , quod minime ad id , quod simpliciter , ad id , quod minus ad id , quod magis : & ad id , quod maxime . Ex demum ab eo , quod maxime ad id , quod magis ad id , quod simpliciter ad id , quod minus : & ad id , quod minime : sed quoniam de his omnibus est eadem ratio , ideo ne in uerbis abundaret philosophus , cum hos duos explicasset , reliquos prætermisit : non ita tamè , quin illos indicaret .

### LOCVS QVADRAGESIMVS SEXTVS.

locus qua-  
dragesimus  
sextus quid  
differat à qua-  
dragesimo  
quarto .

*Secundum autem destruenti quidem , si quod magis est .* Q V O N I A M iisdem omnino uerbis explicat philosophus hunc locum , quibus explicauit quadragesimum quartum : ideo nihil ab eo differre uidetur . Differt tamen ab eo , uti indicant exempla , quoniam in eo procedimus ab intensiōe subiecti , & proprii ad ipsum subiectum , & proprium simpliciter dictum . si enim alterum nō est alterius proprium , neque alterum est proprium alterius : in hoc autem procedimus ab eo , quod magis alicuius uidetur esse proprium ad id , quod minus uidetur esse proprium alterius . Est autem hic locus destructiuus , & constructiuus . destructiuus talis est , si id , quod magis uidetur esse alicuius proprium , non est eius proprium : neque id , quod minus uidetur esse proprium alterius , erit eius proprium : ut quoniam magis uidetur esse proprium animalis sentire , quàm hominis scire : non est autem animalis proprium sentire , neque igitur hominis proprium est scire . Constructiuus autem talis est , si id , quod minus uidetur esse alicuius proprium , eius est proprium , ergo & id , quod magis uidetur esse proprium alterius , eius erit proprium . ut si minus uidetur esse proprium homini natura mansuetum , quàm animalis uiuere : illud autem est hominis proprium , ergo & hoc animalis .

LOCVS



LOCVS QVADRAGESIMVS SEPTIMVS.

*Tertium uero destruenti quidem.* Hic est locus, in quo unum de duobus dicitur. Et est solum destructiuus, sed dupliciter, primo quidem hoc pacto, si aliquid magis uidetur esse proprium unius, quam alterius non est illius proprium: neque alterius erit proprium, ut si colorari magis uidetur esse proprium superficiei, quam corporis: non est autem proprium superficiei, neque igitur corporis. secundo autem hoc pacto, si quod magis uidetur esse proprium unius, quam alterius, illius est proprium, alterius nullo modo erit proprium. ut si colorari est proprium superficiei, non erit proprium corporis. Non est autem hic locus constructiuus, quoniam idem non potest esse proprium plurium, inquit philosophus, intelligens scilicet si hic locus posset esse constructiuus, esset constructiuus ex minus. hoc scilicet modo, si aliquid minus uidetur esse proprium unius, quam alterius. est autem illius proprium, erit etiam proprium alterius: atque ita contingeret idem esse proprium plurium.

locus quadragesimus septimus, in quo unum de duobus dicitur, & est solum destructiuus sed dupliciter.

quare non possit esse constructiuus.

LOCVS QVADRAGESIMVS OCTAVVS.

*Quartum autem destruenti quidem.* Hic locus est, ubi duo de uno dicuntur: & est destructiuus, & constructiuus. Destructiuus talis est; si duorum id, quod magis uidetur esse alterius, proprium non est eius proprium: neque id, quod minus uidetur esse eius proprium, eius erit proprium, ut si magis uidetur esse animalis proprium sensibile, quam diuisibile: non est autem eius proprium sensibile, neque igitur diuisibile. constructiuus autem talis est, si id, quod minus uidetur esse alicuius proprium, est eius proprium, etiam id, quod magis uidetur esse eius proprium, eius erit proprium. at si minus uidetur esse proprium animalis uiuere, quam sentire, est autem eius proprium uiuere, ergo & sentire erit eius proprium.

locus quadragesimus octauus, ubi duo de uno dicuntur: est utilis ad utrumque.

LOCVS QVADRAGESIMVS NONVS.

*Deinde ex his, quæ similiter insunt.* SICUT & in secundo libro post locos ex magis & minus: tradidit locos ex his, quæ similiter insunt: idem hic quoque facit & sicut ibi cum attulisset quatuor locos ex magis & minus, tres tantum attulit ex his, quæ similiter insunt. ita & hic quatuor quidem locos tradidit ex magis & minus. tres autem tantum tradit ex similitudine. & ratio est eadem, quoniam similitudo non recipit primum illum modum ex magis & minus. Tres igitur sunt loci ex similitudine. primus est, ubi duo propria duobus subiectis comparantur. secundus, ubi duo uni, atque horum uterque est tum constructiuus, tum destructiuus. tertius est, ubi unum duobus comparatur destructiuus solum, sed dupliciter.

locus quadragesimus nonus, quomodo connectitur æc pars cum superiori.

quare tres tantum locos ex similitudine tradit.

PRIMVS igitur destructiuus talis est, si id, quod similiter uidetur esse proprium alicuius non est eius proprium, neque id, quod similiter uidetur esse alterius, proprium erit eius proprium, ut quoniam concupiscere similiter uidetur esse proprium concupiscibilis, & rationari ratiocinabilis. non est autem concupiscere proprium concupiscibilis: neque igitur ratiocinari proprium erit rationabilis. constructiuus autem talis est, si id, quod similiter uidetur esse alicuius proprium eius est proprium, etiam quod similiter uidetur esse



esse proprium alterius, eius erit proprium: ut si similiter proprium rationalis est, ut sit primo prudens, & concupiscibilis, ut sit primo temperans, est autem rationalis proprium, ut sit primo prudens, & concupiscibilis proprium est, ut sit primo temperans.

LOCVS QVINQVAGESIMVS.

locus quinquagesimus, est. secundus ex similiter ubi duo propria uni subiecto comparantur.

*Secundum autem destruendi quidem si quod similiter.* Hic est secundus locus sumptus ex similitudine, ubi duo propria uni subiecto comparantur: & est destructivus, & constructivus. Destructivus talis est, si id, quod similiter videtur esse proprium alicuius, non est eius proprium, neque alterum quod eiusdem videtur similiter, esse proprium, eius est proprium. ut si similiter videtur esse proprium hominis videre, & audire, non est autem eius proprium videre, neque igitur audire. constructivus autem talis est, si id, quod similiter videtur esse proprium alicuius est eius proprium, alterum quoque, quod similiter videtur esse eius proprium, eius erit proprium: ut si similiter videtur esse animæ proprium, ut vis concupiscibilis, primo sit eius pars, & vis rationalis, primo sit eius pars. est autem eius proprium, ut vis concupiscibilis, primo sit eius pars, ergo etiam erit animæ proprium, ut rationalis sit eius pars.

LOCVS QVINQVAGESIMVS PRIMVS.

locus quinquagesimus primus, est. tertius à similitudine, ubi unum proprium duobus subiectis comparatur. & destructivus tantum sed dupliciter.

*Septimum vero si cuius similiter est proprium.* Hic est tertius locus sumptus ex similitudine, ubi unum proprium duobus subiectis comparatur: & est, solum destructivus, sed dupliciter, primo hoc pacto, si aliquid consimiliter videtur esse proprium duorum, & non est alterius eorum proprium, neque alterius erit, ut si comburere similiter videtur esse proprium flammæ, & carbonis accensi, non est autem proprium flammæ; neque igitur proprium est carbonis. secundo autem hoc pacto, si aliquod consimiliter videtur esse proprium duorum, & est alterius eorum proprium, alterius nullo modo erit proprium: quoniam idem non potest esse proprium plurium, ut si comburere sit proprium flammæ, non erit proprium carbonis.

NON est autem hic locus utilis ad construendum, quoniam neque ex eo, quod propositum sit proprium alterius duorum, neque ex eo, quod non sit proprium, constitui potest, quod sit alterius proprium.

quid differat hic locus à quadragesimo.

IN FINE huius loci docet philosophus, quidnam differant hi ex similitudine à loco quarto ex similiter se habentibus. differunt autem ab eo, quoniam in eo consideratur similitudo secundum habitudinem quandam, & analogiam, ut sicuti se habent medicus ad sanitatem, & gymnasta ad bonum habitum. hic autem consideratur similitudo secundum inexistenciam, ut comburere consimiliter inest flammæ, & carboni.

dubitatio.

SED dubitaret etiam quis, quoniam non videtur hic locus differre à quadragesimo primo. sicut enim in hoc unum proprium duobus subiectis comparatur ita & in eo. & sicut hic est solum destructivus, sed dupliciter ita & ille. Dicendum est, quod eodem modo differt ab eo, sicut & à quarto, quod scilicet in illis spectatur analogia; hic autem solum similitudo inexistenciæ; unde philosophus eos locos dixit esse ἐκ τῶν ὁμοίων, καὶ ὁσαύτως ἐχόντων hos autē dixit esse ἐκ τῶν ὁμοίων ὑπαρχόντων.

solutio.



LOCVS QVINQVAGESIMVS SECVNDVS.

*Deinde destruenti quidem si potentia proprium assignans.* DESVMITVR hic locus à proprio potentia: & est destructiuus, & constructiuus. Destructiuus talis est, si proprium potentia alicui attribuatur, quod proprium referatur ad aliquod, quod possit etiam non esse, eo existente, cuius proprium esse dicitur: & tale proprium non possit, non existente eo, ad quod refertur, non erit uere proprium. et ratio est, quoniam contingeret subiectum reperiri posse sine proprio. huius loci exemplum est, si quis poneret aeris proprium respirabile, assignaret proprium potentia. respirabile enim illud dicitur, quod potentiam habet, ut respiretur. assignauit etiam proprium tale ad aliquod, nempe ad animal. respirabilis enim est aer, quoniam animal ipso utitur ad respirationem. potest autem aer esse etiam non existente animali, non tamen erit respirabilis, sed solum est respirabilis existente animali: non igitur respirabile erit aeris proprium. constructiuus autem talis est, si proprium alicui attributum referatur ad ens, uel si refertur ad non ens, illud proprium potentia tale est, quod etiam in non ente inesse possit. tale erit uere proprium. Exemplum primi modi, quando scilicet proprium refertur ad ens, quod solum philosophus attulit, tale est, ut si quis poneret proprium entis potens pati, aut agere: tale enim proprium refertur ad ens, & quandiu est ens, tamdiu reperitur potens agere, uel pati, recte igitur tale proprium est assignatum. Exemplum autem secundi modi, quando scilicet proprium refertur ad non ens, sed potest etiam non enti inesse, quod philosophus prætermisit, tale est, ut si quis diceret proprium esse materiæ primæ, ut sit contrariorum susceptiua. tale enim proprium ad non ens refertur, nempe ad primam materiam. prima materia non est ens, cum sit omnia potentia, nihil autem sit actu eorum, quæ sunt, sed potest tamen etiam non enti inesse. recte igitur tale proprium erit assignatum.

locus quinquagesimus secundus, à proprio potentia. exemplum primi modi.

exemplum primi modi.

exemplum secundi modi.

NOTANDVM autem est, quod quando locus est destructiuus, proprium refertur ad aliud quid, non id, cuius dicitur esse proprium. quando autem locus est constructiuus, non refertur ad aliud quid, sed ad ipsummet, cuius dicitur esse proprium.

quid notandum sit.

NOTANDVM autem est hoc in loco philosophum, ubi dicit, si potentia proprium assignans etiam ad non ens assignauit, per illud ad non ens intelligit, quod id, ad quod refertur, tale proprium potest non esse, existente eo, cuius proprium assignatur.

aliud notandum.

LOCVS QVINQVAGESIMVS TERTIVS.

*Deinde destruenti quidem si per superabundantiam.* DESVMITVR hic locus ab hyperbole: & est destructiuus, & constructiuus. destructiuus talis est, proprium assignatum secundum excessum non est uere proprium, ut si quis diceret, proprium esse ignis corpus leuissimum: & ratio est, quoniam contingit non de quocunque uerificatur tale proprium uerificari subiecti nomen. corrupto enim eo subiecto, cuius dicitur esse proprium, semper erit aliud quid, cui tale proprium competet, ut corrupto igne semper erit aliud quod

locus quinquagesimus tertius ab hyperbole.



quod aliud , cui competat proprium illud corpus leuissimum . constructius  
autem talis est , si assignatum proprium non est assignatum secundum excelsu  
sum recte quoad hoc erit assignatum , ut si quis dicat proprium esse hominis  
animal natura mansuetum .

D I C I T autem philosophus , quod corrupto igne erit adhuc aliquod cor  
pus leuissimum , quod quidem intelligendum non simpliciter , sed in aliorum  
comparatione . quod enim dicitur secundum excessum semper dicitur in  
aliorum comparatione .



# EXPLANATIO

## LIBRI VI. TOPICORVM

### ARISTOTELIS.

**C**VM proposuerit philosophus quatuor esse in uniuersum problematum genera: problemata accidentis, quibus adnectuntur: problemata comparatiua: problemata generis: problemata proprii: & problemata definitionis, quibus adnectuntur problemata de eodem, & diuerso. in secundo libro tradidit locos ad problemata accidentis: in tertio ad problemata comparatiua. in quarto ad problemata generis: in quinto ad problemata proprii. in hoc igitur sexto consequenter locos tradet ad problemata definitionis. Tractabit igitur in hoc libro philosophus locos ad problemata definitionis. sed quoniā de definitione multa quæri possunt, & quæ sit eius natura: quid cū demonstratione conueniat, utrum possit demonstrari: & quorum non sit definitio singularium, ne an uniuersalium substantiarum, ne an accidentium. loci hoc in libro tractandi ad nullam harum quæstionum sunt apti, quoniam nulla earum est dialectica: sed solum apti sunt ad destruendum, aut construendum, utrum assignata definitio sit definitio rei propositæ.

quomodo cōnectatur hic liber cum superioribus.

quot de definitione quæri possunt.

**Q**VINQVE autem modi sunt, quibus destruere possumus assignatā definitionē. primo ex eo, quod non insit omni definito: atque ita continget, de quo nomen definiti prædicatur, de eodem non prædicari definitionem. secundo ex eo, quod non assumptum sit genus in ipsa definitione, cum tamen genus existat: ut si quis definiens scientiam diceret ipsam esse indiuisibilem a ratione, uel si assumptum quidem sit genus, sed non proprium sed alienū: ut si quis definiens temperantiam diceret ipsam concentum quendam, hoc enim non est proprium genus temperantiæ. Debet autem assumi genus in ipsa definitione, & quidem proprium: atque ipsi postea differentias adiicere, quoniā definitio debet significare substantiā rei: genus autem magis, quàm cetera, quæ in definitio ne assumuntur, significat substantiam rei, quoniam genus prædicatur in quid: differentia autem ut qualitates assumuntur. præterea quoniam genus principium quoddam est definitionis: differentia uero sunt ipsius definitionis perfectio, & absolutio. differentia enim separant definitum ab his, quæ congenera sunt, & cognata, à quibus impossibile est fieri pari definitum, nisi prius separatum sit à dissimilibus genere, quod quidem facit genus. Tertius modus, quo destrui potest assignata definitio, est ex eo, quod assignata definitio non sit propria definiti, & cum eo non conuertatur, ut si quis definiens hominem diceret ipsum esse animal gressibile, aut animal bipes. oportet enim definitionem cum suo definito conuerti, quemadmodum & proprium.

quomodo definiuntur quinque modi sunt, quibus destruere possumus assignatā definitionem.

**Q**UARTVS modus, quo assignata definitio destruitur, est ex eo, quod et si prædicata omnia obseruata sint, quod scilicet & insit definito, & genus proprium sit assumptum, & differentia adiecta, & sit cum definito conuertibilis, non tamen sit definitio, quoniam non explicet, quid sit esse ipsi definito. sed sit descriptio quædam ex accidentibus cōstans, ut si quis definiens hominem diceret ipsum esse animal erectum bipes, & latis ungibus. Quintus & ultimus modus, quo definitio destruitur, est ex eo, quod & si assignata definitio

Ee

definito



definito insit, genus proprium assumpserit, sit cum definito convertibilis, significet substantiam definiti, non tamen sit recte assignata, uel scilicet, quod obscura sit, uel quod superfluum aliquid contineat. tot igitur modis destrui potest assignata definitio.

non omnes  
quinque dicti  
modi hic sunt  
tractandi.  
quare primus  
nō potest hic  
tractari.

C V M igitur quinque modi sint, quibus assignata definitio destruitur, uidentum est, nū hi omnes hic sint pertractandi, aut quinam eorum omnes quidem in hoc libro pertractari non debent, cum quidam eorum ad superiores tractationes pertineat. Primus enim modus, quando scilicet probare uolumus assignatam definitionem non inesse definito, ex locis traditis ad quaestiones accidentis tractari debet: ex illis enim disputatur, utrum aliquid alicui insit, uel non insit: accidens enim sola inexistencia describitur. erat enim quod non est neque genus, neque definitio, neque proprium, inest autem rei. cum igitur probare uelimus assignatam definitionem definito non inesse, ad eos locos accedemus, ut si uelinus probare, quod substantia inanimata insensibilis non est hominis definitio. Secundus autem modus, quo destruitur assignata definitio ex eo scilicet, quod non habeat genus propriū, sed alienum; ex locis illis tractari debet, qui traditi sunt ad quaestiones generis: ex quibus enim locis ostendimus assignatum genus non esse genus alicuius. ostendimus etiam genus positum in definitione non esse uerum genus. Eadem ratione & tertius modus, quo probatur definitionem non esse propriam, definitio tractari debet ex locis traditis ad quaestiones proprii: Et sicuti ex dictis locis accidentis generis, & proprii assignata definitio dictis modis destruitur, ita quoque & construetur. quare duo sunt reliqui modi in hoc libro pertractandi, nunquid scilicet assignata definitio sit definitio, & nunquid sit recte assignata. Atque hinc patet, quare in postremum locum dilatae sint quaestiones definitionis.

duo reliquit  
tum modi hic  
tractantur.

C V M igitur, ut ostensum est, hi duo modi sint pertractandi, uideamus à quonam eorum praestet incipere. incipiendum quidem est à facilioribus, quare cum facilius sit ostendere assignatam definitionem non esse recte assignatam, quam non esse omnino definitionem: hinc igitur est incipiendū. quod autem hoc ostendere facilius sit, probatur, quoniam id reprehendere, ubi plura sunt errata, facilius est, quàm pauciora. sed in recte assignando definitionem plura incidunt errata, quàm in assignando definitionem. illud igitur reprehendere facilius est, quàm hoc. quod autem in recte assignanda definitione plura incidunt errata, ostenditur, quoniam facilius est unumquodque efficere, quàm recte efficere; in eo autem, quod facilius efficitur, pauciora incidunt errata. Primum igitur tradendi sunt loci ad probandum assignatam definitionem non esse recte assignatam.

dupliciter de  
finitio non re  
cte assigna-  
tur.

D V P L I C I T E R autem definitio non recte assignatur uel propter obscuritatem, uel propter superfluitatem. propter obscuritatem quidem, quoniam cū definitio cognitionem efficere debeat sui subiecti, si quid obscurius in ea positum sit, non recte erit assignata. propter superfluitatem autem, quoniam ea sola in definitione sunt ponenda, quae sunt ad explicandam substantiam definiti necessaria.

dubitatio.  
solutio.

S E D diceret quis, nonne peccari etiam potest ob defectum, sicuti peccatur ob superfluitatem? Dicendum est, quod quando peccatur ob defectum, non peccatur non recte definiendo, sed non definiendo: propterea enim est deficiens definitio, quia aliquid deficit ad explicandum, quid sit esse ipsi definito. oratio autem, quae non explicat, quid sit esse ipsi definito, omnino non est definitio.

Dupliciter



DUPPLICITER igitur peccatur non recte definiendo : atque uterque horum modorum in plures alios diuiditur , ut posterius uidebitur .

### LOCVS PRIMVS.

*Unus ergo locus eius quod obscure est etc.* CUM dixerit philosophus dupliciter peccari non bene definiendo : & quod uterque horum modorum in plures alios diuiditur , nunc incipit & assignare locos probantes non recte esse definitum , & ostendere modos , in quos diuiditur . primus ille modus quando peccatur non recte definiendo propter obscuritatem . desumitur igitur hic locus ab æquiuatione definitionis , & est nullum æquiuocum assumi debet in definitione : æquiuocum autem assumeret , ut si quis diceret generationem esse deductionem in substantiam , aut si quis diceret sanitatem esse symmetriam calidorum , & frigidorum . est enim æquiuoca uox deductio , quæ græce dicitur ἀγωγή , quoniam significat & lationem , quo modo dicitur frumenti aut uini deductio ; significat etiam educationem , quo modo dicitur puerorum ἀγωγή . significat etiam transmutationem , quo significatq̃ utitur hanc uocem assumens in definitione generationis . symmetria etiā est uox æquiuoca , symmetria enim dicuntur , idest cōmensurabilia , & quæ communem habent mensuram , quomodo numeri , & magnitudines dicuntur commensurabiles , dicuntur etiam symmetra , quæ unicuique conueniūt , & apta sunt , ut indumenta , & calcei . symmetra etiam dicuntur ipsa elementa , quando in compositione mixti per mutuam actionem , & passionem ita sunt refracta , ut non amplius pugnent , sed eorum potētia proportionem quādam acquisuerint inter se , quæ quandiu perdurat , tandiu animal sanum permanet . atque hoc significato utitur , qui dicit sanitatem esse calidorum , & frigidorum symmetriam . cum igitur hæ uoces æquiuocæ sint obcenræ , fit definitio : & propterea non recte assignatur .

locus primus quando peccatur propter obscuritatem .

exemplum .

quomodo de deductio sit uox æquiuoca . quomodo symmetria .

### LOCVS SECVNDVS.

*Similiter autem et si cum definitum multipliciter dicitur .* DESUMITVR hic locus ab æquiuatione definiti : & est , quod æquiuocum , nisi prius distinguatur , non debet definiri . & ratio est , communis horum locorum , quoniam definitio est gratia cognitionis ipsius definiti . Si autem definitum non distinguitur , non efficiet eius cognitionem .

locus secundus ab æquiuatione definiti .

AD DIT deinde philosophus duos modos , quibus calumniari possumus eum , qui hoc modo definiat . Primus quod probare possumus talem definitionem non inesse omni definito , proferētes scilicet significata definiti , de quibus definitio non uerificatur . oportet enim definitionem de omnibus uerificari , de quibus definiti nomen uerificatur . & hoc maxime fieri potest , cum latet æqui-uocatio , quoniam ille , quid definito continere , & cum illis non conueniat significata allata uniuoce sub definito continere , & cum illis non conueniat definitio , omnino arbitratur non esse recte assignatam definitionem . si autem definiens æquiuationem cognosceret , facile se defenderet , dicendo ipsum definitum multa significare , atque ea significata explicando , atque ostendendo , de quonam ipse intellexerit . ita enim effugiet reprehensionem . Secundus modus , quo calumniari contingit talē definitionem , ut Alexander exponit , talis est , quod possumus etiam accipere ipsum definitum , quod æqui-uocum est , & syllogismum efferre , idest collectionem , & enumerationem

duo modi quibus calumniari possumus eum , qui hoc modo definiat .

secundus modus .

Ee 2 suorum



melior alia in  
interpretatio se-  
cundi modi.

suorum significatorum. si enim assignata definitio nulli eorum conueniat, non recte erit assignata, ut si esset assignata canis definitio, diceremus, quoniam hæc definitio neque conuenit cælesti cani, neque terrestri, neque marino, non igitur est recte assignata. Sed melius forte hoc modo possumus interpretari, quòd secundus modus, quo calumniari possumus assignatam definitionem, atque ostendere, quòd non solū non est recte assignata, sed quòd neque inest definito, talis est, quòd debemus ipsius definiti significata distinguere; atque id significatum, quo definitio de ipso uerificatur, subiicere: & ne uideamur illud prætermittere, enumerare eius loco ipsam definitionem assignatam, deinde uti tali definitione pro argumento, ostendendo, scilicet quòd non inest alicui aliorum significatorum. ita enim uidebimur ostendere ipsam definitionem nulli significato definiti inesse. quare neque omnino definito inesse, ut si definiretur canis, quòd est animal gressibile latrabile, diceremus, canem alium esse cælestem, alium marinum: & quòd positum est animal gressibile latrabile, & cum animal gressibile latrabile neque cælesti inest, neque marino, neque igitur omnino cani inest: atque hoc secundo modo uti possumus, etiam cum nota est æquiuocatio.

sophistici sūt  
hi duo loci.

D I C I T autem philosophus hos duos modos calumniari, quoniam nō uere, & legitime redarguunt positionem; sed dolose, & sophistice.

### LOCVS TERTIVS.

locus tertius  
à metapho-  
ra. quid sit me-  
taphora.

*Alius si secundum metaphoram dixit.* DESVMITVR hic locus à metaphora; est autem metaphora, quando uocem, quæ de aliquo proprie dicitur, ad aliud significandū transferimus propter aliquam similitudinē. locus igitur talis est. in definitione poni non debet uox dicta metaphorice, male igitur quis definiret scientiam esse opinionem indeciduam, aut definiret terram esse uiuentium nutricem, aut temperantia esse partium animæ symphoniam; hæ enim uoces dicuntur metaphorice. Indeciduum proprie dicitur de corporibus, quæ propter robur suum non cadunt. Nutrix proprie dicitur, de muliere puerum lacte nutriente. Symphonia proprie est in sonis. tales igitur definitiones non sunt recte assignatæ.

dupliciter ca-  
lumniatur ta-  
les definitio-  
nes.

D O C E T deinde philosophus, quòd tales definitiones dupliciter etiam possumus calumniari, id est dolose ostendere, quòd non insint definitis. primo quidem accipiendo uocem assumptam metaphorice in suo proprio significato, ut si quis diceret temperantiam esse symphoniam, obiiceremus, quòd omnis symphonia est in sonis: temperantia autem non est in sonis, non ergo temperantia est symphonia. secundus autem modus calumniandi talis est, ostendendo quòd definitum esset in duobus generibus, quæ neque subalterna sunt, neque sub communi proximo genere, ut si temperantiæ genus est symphonia, cum eiusdem temperantiæ genus sit uirtus, uirtus autem & symphonia, neque subalterna sint, neque sub communi proximo genere. temperantia igitur sub duobus erit generibus non subalternis, neque sub communi proximo genere positis; quòd est impossibile.

### LOCVS QVARTVS.

locus quartus  
à nomine in-  
conueto.  
exempla.

*Præterea si non positis nominibus utitur.* DESVMITVR hic locus à nomine inconueto, & est, quòd nomina inconueta in definitione non sunt ponenda. quamquam autem sint hæc nomina inconueta, ostendit philosophus apposis quibusdam



quibusdam nominibus, quibus est usus Plato appellans oculū ὀφθαλμὸν, id est qui est sub aliorum umbra; & phalangium, qui est aranei species σιδήρεος, id est uenenosum animal ex putredine genitū, & medullam ὀστέον, id est quod ex ea generantur ossa. talia etiam pleraque sunt apud Lycophronem, ut cum dixit mortem περναίαν, id est morte dignam, & cum appellauit mulierem ob impudentiam canem.

LOCVS QVINTVS.

Quaedam autem neque secundum æquiuocationem. DESVMITVR hic locus ex abusione: & est, quod nullum abusiuum in definitione est assumendum. abusiuum autem id dicitur, quod neque secundum æquiuocationem dicitur, neque secundum metaphoram, neque tamen proprie: ut si quis diceret legem esse mensuram, & similitudinem eorum, quæ natura iusta sunt. Probatq; philosophus peius esse talia assumere in definitione, quam aliquod metaphoricum. Et ratio est, quoniam metaphorice dictum & si proprie rem non significet, ipsam tamen aliquo modo notam facit propter similitudinem, quæ semper reperitur in metaphora. abusiua autem nullam efficere possunt cognitionem, quoniam non dicuntur secundum similitudinem aliquam: neque enim est aliqua similitudo, propter quam lex dicatur metrum, & similitudo, est etiam peius talia assumere, quàm aliquod æquiuocum, quoniam æquiuoca sunt consuetæ; hæc autem præter consuetudinem dicuntur. qui igitur hoc modo legem definit, quod sit mensura, & simulachrum eorum, quæ natura iusta sunt, si existimat hæc proprie dici, aberrat. mensura enim est in genere quantitatis, lex autem non est in genere quantitatis; simulachrum autem est imitatio animalis ex coloribus quibusdam, etiã lineis efformata; lex autem non est talis imitatio: non igitur lex proprie dicitur mensura, aut simulachrum, improprie igitur dicitur. quare ignote, & immanifeste: atque ideo tales definitiones non recte assignantur.

locus quintus ab abusione. quid sit abusiuum.

ratio quare peius sit abusiua, quàm metaphorica in definitione assumere. quare peius etiã sit talia assumere quàm æquiuocum.

NOTANDVM autem hic solum probare philosophum ea, quæ abusiue dicuntur peius esse assumere in definitione, quàm metaphorica.

quid notādū.

ALEXANDER autem hoc extendit ad æquiuoca etiam: atque hoc ex uerbis etiã philosophi potest comprobari, ubi dicit, Neque proprie solet dici. in æquiuocis enim etsi similitudo non sit, est tamen consuetudo, quæ in abusiue dictis non est.

HINC patet quidnam differant abusiue dicta ab æquiuocis, & metaphoricis, quoniam scilicet & inconsuetæ dicuntur, & præter similitudinem.

quid differat abusiua ab æquiuocis, & metaphoricis

LOCVS SEXTVS.

Insuper etiam si non manifestum est. DESVMITVR hic locus à declaratione contrarii: & est, quod definitio talis debet esse, ut ex ea manifesta etiã fiat definitio contrarii, si definitum contrarium habeat. ita enim uidemus, quod si quis definiat iniustitiam, quod est uitium animæ, hinc statim apertum fit iustitiam, quæ est iniustitiæ contraria, esse uirtutem animæ: & si quis definiat albedinem, quod est color disgregatiuus uisus, hinc statim aperitur, quod nigredo est congregatiua uisus. si igitur assignata definitio talis sit, ut ex ea non pateat, definitio contrarii ipsius definiti non erit recte assignata.

locus sextus. à declaratione contrarii.

exemplum.



LOCVS SEPTIMVS.

locus septi-  
mus à noto  
per se.

cuiusnam sint  
hæ definitio-  
nes similes.

*Aut si per se dicta non sit manifestum.* DESVMITVR hic locus à noto per se, & est, quod per se notum esse debet, cuiusnam sit assignata definitio, idest, quod & si quis definitum non apponat, definitio tamen talis esse debet, ut facile pateat, cuiusnam definitio sit: dicitq; philosophus consimiles esse eos, qui ita definiunt, ut per se notum non sit cuiusnam sit definitio antiquis pictoribus, qui ita ruditer depingebant, ut eorum imagines inscriptione indigerent, ut cognosceretur, quarum rerum esset imagines. si enim canem, aut suem depingebant, nomen eius animalis apponebant, nequis forte lupum, aut ursum esse depictum suspicatus esset. Si igitur per se notum non sit, cuiusnam sit assignata definitio: sed oportet, ut definitum adiiciatur, talis definitio erit obscura, & non recte assignata.

LOCVS OCTAVVS.

locus octauus  
& est primus  
locus ex su-  
perfluitate.

quid hoc lo-  
co, notet Ale-  
xander.

unde desuma-  
tur hic locus  
à nomine sci  
licet cōmuni.  
exemplum.

huius loci rō.

*Si autem superfluum dixit in termino etc.* CVM proposuerit philosophus duobus modis non recte assignari definitionem propter obscuritatem, & propter superfluitatem, ac tradiderit septem locos obscuritatis; nunc transit ad locos superfluitatis.

NOTAT autem Alexander, quod si definitio peccat, eo quod sit communior, & in plus dicatur, quam definitum, non reprehenditur superfluitatis, neque quod nō sit recte assignata: ut si quis hominis definitionem poneret animal gressibile. sed tunc arguitur superfluitatis, quando dictio aliqua in definitione ponitur, qua ablata reliqua definitio propria est definiti, & explicat eius essentiam, atque hoc vitium est in definitione, perinde ac in formoso corpore uerruca.

DESVMITVR autem hic primus locus à nomine communi: & est, nullo commune nomen uel ex his, quæ rebus omnibus insunt, uel ex his, quæ insunt omnibus contentis sub genere definiti, in definitione poni debet. inexistens omnibus assumeret in definitione, si quis definiret hominem, quod est animal rationale mortale unum existens. Additur enim illud unū existēs, quod superfluum est, quoniam omnibus inest, & eiusdem generis, & diuersorum generum. Inexistens autem omnibus eiusdem generis assumeret in definitione, si quis diceret hominem esse animal rationale sensibile. illud enim sensibile inest omnibus speciebus, quæ sunt sub animali.

HVIS loci rationem affert philosophus, quoniam oportet genus distinguere definitum ab his, quæ sunt diuersorum generum: differentiam autem ipsam distinguere ab his, quæ sunt eiusdem generis. sed id, quod omnibus inest, non distinguit definitum ab his, quæ sunt diuersorum generum, quod autem inest omnibus eiusdem generis, non distinguit definitum ab his, quæ sunt eiusdem generis, & cum assumatur pro differentia, male assumitur. neutrum igitur horum ponendum est in definitione.

LOCVS NONVS.

locus nonus  
in tres partes  
diuiditur.

*Aut si est quidem proprium quod appositum est etc.* DIVIDITVR hic locus in tres partes. in prima explicat locum de proprio, atque affert exemplum. in secunda locum uniuersaliorem reddit, atque exemplum affert de genere, de quo



quo exemplo disputat. in tertia locum etiam applicat differentiis, assert exēplum, & de eo etiam disputat. Desumitur hic locus ab additione proprii: & est, proprium etiam, quo ablato reliqua definitio propria est, & substantiam significat definiti, non debet poni in definitione. male igitur quis definiret hominem esse animal rationale mortale, scientiæ susceptivum. addit enim proprium illud scientiæ susceptivum, quo ablato reliqua definitio est propria, & significat substantiam definiti.

locus iste desumitur ab additione proprii. exemplum.

IN secunda parte dicit philosophus, Simpliciter autem esse dicendo omne id est superfluum quo ablato reliqua significat, quid sit ipsum definitum. quæ uerba ob duas rationes dixisse uidetur philosophus, primo quoniam in superiori loco dixit male poni in definitione nomen commune, & in hoc loco male etiam poni nomen proprium, quando eo ablato reliquum adhuc explicat, quid sit definitum. merito subdit hoc esse in uniuersum uerum, quod illud omne superfluum est in definitione quo ablato reliquum adhuc explicat substantiam definiti. secundo hoc dixisse uidetur philosophus, quoniam non solum proprium male ponitur in definitione, si tale sit, quod eo ablato reliquum explicat, quid sit definitum: sed etiam genus, & quicquid aliud in definitione hac conditione ponatur, unde subdit, sicuti faciunt, qui definiunt animam esse numerum se ipsum mouentem, ut Xenocrates. numerus enim in hac definitione frustra poni uidetur, quoniam eo ablato reliquum adhuc explicat, quid sit definitum. nam & quod se ipsum mouet, est anima, ut Plato definit in Phædro.

hæc est secunda pars.

SED quoniam hoc loco occurrebat dubitatio, ideo philosophus ipsam dissoluit. Potuisset dicere quis, quomodo uerum est, quod dixisti, quod ablato numero animæ definitio non corrumpitur, cum numerus sit animæ genus? Respondet philosophus ad hanc difficultatem, quod si concedamus numerum esse genus animæ eo ablato, id, quod relinquitur, erit proprium animæ, non autem definitio, quoniam non significabit substantiam definiti. Vtrum autem horum uerum sit, utrum scilicet numerus sit animæ genus, uel non; & utrum eo ablato reliquum sit definitio animæ, uel proprium, difficile est determinare, & maiori inquisitione indiget, quam quæ est à dialectica facultate. In tertia parte dicit philosophus, Utendum autem in omnibus talibus ad id, quod expedit. quæ uerba aptauit Alexander exemplo superius allato de animæ definitione, quod scilicet uti debemus proposito exemplo, sicuti nobis utile est. Vtile autem nobis fuerit, si accipiamus numerum tanquam genus animæ. Et forte uitiū est in Alexandri contextu, quia molius uidetur quantum pertinet ad præsentem locum, si accipiamus numerum non esse genus animæ. Hæc tamen pars aliter exponi debere uidetur, quod scilicet cum dixerit philosophus, simpliciter uerum est, quod id omne superflue ponitur in definitione, quo ablato definitio non uitiatur: atque hoc ostendit, quando id assumitur loco generis: nunc ostendit idem uerum esse, quando assumitur loco differentiæ. Hoc igitur quod dicit philosophus, utendum autem est in omnibus, prout expedit, intelligere debemus, quod uti debemus loco proposito, non solum in proprio, aut in genere, sed in omni alio, quod assumatur in definitione. semper enim si assumptum tale sit, quod eo ablato reliquum adhuc significet substantiam definiti, superfluum omnino erit: Ut si quis definiens phlegma diceret ipsum esse humidum, primum quod ex cibo sit indigestum; illud enim indigestum superflue ponitur in hac definitione: & eo ablato reliqua adhuc definitio propria est. id enim quod primum ex cibo fit, unum est & non multa, unum enim tantum potest esse, quod primum ex cibo fiat:

exemplum.

dubitatio quæ affert philosophus.

philosophi solutio.

hæc pars aliter exponi uidetur.

exemplum.

bo fiat:



# TOPICORVM ARIST.

bo fiat: illud igitur indigestum frustra additur, cum definitum à nullo separet. Deinde aduersus etiam hoc exemplum dubitat philosophus, quòd forte particula illa indigestum in hac definitione esse necessaria, quoniam phlegma non simpliciter est primum eorum, quæ ex cibo fiunt, sed est primum indigestorum, quod si ita sit, nisi eam particulam adiiciamus, definitio non erit uera: sed quamuis ita sit, loco tamen uti debemus, pro ut nobis utile fuerit, cum dialectici munus sit non ueritatem inuestigare, sed probabiliter disputare: & forte hoc uoluit significare philosophus uerbis illis. Utendum autem in omnibus talibus ad id, quod expedit.

## LOCVS DECIMVS.

locus decimus ab eo, quod non est omni definitione.

*Insuper si quippiam eorum, quæ sunt in oratione.* DESUMITVR hic locus ab eo, quod non inest omni definito: & est, id, quod non inest omnibus contentis, contentis sub definito non debet poni in eius definitione. tale autem quid assumeret, si quis definiet hominem esse animal gressibile bipes quadricubitale, neque enim omnis homo est stature quadricubitalis. dicit autem philosophus talem definitionem peiorē esse, quam ea, in qua assumitur aliquod inexistens rebus omnibus. & ratio est, quoniam peior est ea definitio, quæ non est propria, & conuertibilis cum suo definito, sed in qua additur aliquod inexistens omnibus, est nihilominus propria & conuertibilis, quoniam si proprie, & conuertibili orationi quodcunque uerum addatur, totum etiam erit proprium, & conuertibile: si autem ei addatur aliquod, quod sit in minus, quam definitum, oratio illa non iam amplius propria est, & conuertibilis. Peior igitur est definitio, in qua additur aliquod, quod est in minus, quam definitum, quam ea, in qua additur aliquod inexistens omnibus.

## LOCVS VNDECIMVS.

locus undecimus à frequenter dicto.

*Rursus si idem frequenter dixit.* DESUMITVR hic locus à frequenter dicto: atque in eo tractando philosophus primo locum proponit, & exemplum affert. secundo ostendit propositum exemplum non peccare, sicuti acceperat. & hoc alio exemplo ostendit, causamque affert, quare neutrum eorum neque consimilia peccent. tertio ostendit quomodo peccetur idem, frequenter dicendo, & hoc duobus exemplis declarat.

quinā sit hic locus.

EST igitur hic locus, quòd idem bis, aut sæpius in definitione, poni non debet idem autem pluries potest poni in definitione, uel actu, uel potentia, ut notat Alexander: actu, ut si quis diceret hominem esse animal gressibile rationale: atque hic error raro incidit, cum sit admodum conspicuus, & manifestus. magis autem latet, atque ideo frequentius contingit plures poni idem potentia in definitione, hoc autem fit cum ponitur aliquid in definitione, quod in alio etiam posito in eadem definitione comprehenditur, ut si quis definiat hominē, quòd sit animal gressibile bipes, sensitium; illud enim sensitium potentia comprehenditur in animali, cum animal sit substantia animata sensitua. philosophus autem huius loci tale exemplum attulit, ut si quis diceret concupiscentiam esse appetitum delectabilis. hic enim delectabile pluries dicitur, primo in uerbo concupiscentia potentia continetur, quia omnis concupiscentia est delectabilis. secundo postea actu ponitur in definitione. quod autem hoc male ponatur, ostenditur, quoniam sequeretur concupiscentiam esse appetitum delectabilis, delectabilis quod omnino



omnino nugatorium est, & uanum. quod autem hoc consequatur, hinc patet, quoniam omnis concupiscentia est delectabilis, ergo & omne id, quod est idem, quod concupiscentia erit delectabile: quodcunque enim alicui cōuenit, omnibus, quæ sunt, idem, ei conuenit. cum igitur appetitus delectabilis sit idem, quod concupiscentia, quia definitio est idem quod definitum, ergo appetitus delectabilis erit delectabilis. In secunda parte ostendit philosophus non esse inconueniens, quod in hoc exemplo dictum est, esse inconueniens, quod scilicet dicatur appetitus delectabilis, delectabilis natura; etiā homo bipes est: quare & quicquid est, idem homini bipes quoque dicitur, cum igitur animal gressibile bipes sit idem homini, erit igitur animal gressibile bipes bipes. Quare autem non sit inconueniens dicere animal gressibile bipes bipes esse, neque appetitum delectabilis, delectabilis esse ratio est, quoniam non est simpliciter inconueniens idem nomen pluries dici, sed tūc est inconueniens, quando id nomen, quod pluries ponitur de aliquo in ea oratione posito, pluries prædicatur. sed cum dico animal gressibile bipes bipes esse; etsi hoc nomen bipes bis assumptum sit, non prædicatur tamen de aliquo pluries, sed semel tantum. de animali enim gressibili bipes nō prædicatur, quoniam animal gressibile non omnino est bipes. & quando audimus animal gressibile, omnino intelligimus ipsum bipes esse, sed solum de animali gressibili bipede bipes prædicatur, quare semel tantum prædicatur. Pariter cum dicimus appetitum delectabilis esse delectabilis, etsi delectabile bis dicatur, non tamen bis prædicatur de aliquo, quoniam delectabile non prædicatur de appetitu, sed solum prædicatur de appetitu delectabilis. In tertia parte philosophus hoc primum ostendit non esse inconueniens idem nomen pluries dicere, quādo pluries non prædicatur de aliquo. Deinde duo exempla affert, in quibus idem pluries prædicatur. Primum est Xenocratis, qui dicebat prudentiam esse definitiuam, & contemplatiuam eorum, quæ sunt, hic enim contemplatiuum bis ponitur, continetur enim in definitiuo potentia, & ei postea actu additur. Consimiliter peccant, qui dicunt refrigerationem esse priuationem caloris secundum naturam: illud enim secundum naturam superfluum est, quoniam ipsa priuatio declarat, quod est alicuius secundum naturam, eo quod omnis priuatio est alicuius existentis secundum naturam. consimiliter peccaret, si quis diceret uirtutem esse habitum consistentem in mediocritate, excessus, & defectus optimum; id enim optimum continetur in eo, quod dicitur in mediocritate, eo quod omne consistens in mediocritate optimum est. Superfluum etiam est illud excessus, & defectus, cum & hoc contineatur in eo, quod dicitur in mediocritate. consimiliter etiam peccaret, qui diceret lineam esse illud ex dimensum, quoniam secundum unum tantum est dimensum. Et qui diceret hominem esse animal electionem habens, & consilium.

quid in secunda parte philosophus ostendat.

aliud exemplū. quid in tertia parte ostendat philosophus.

CIRCA ultimum exemplum philosophi de priuatione annotat Alexander quod duplex est priuatio quædam secundum naturam, quædam præter naturam; priuatio secundum naturam est, quæ priuat solum actum contrarii habitus, non etiam potentiam, ut somnus: priuatio præter naturam est, quæ priuat non solum actum, sed etiam potetiam, ut cæcitas. qui igitur assignat priuationem præternaturam, & addit uerbum secundum naturam, peccat aduersus propositum locum, quoniam patet, quod omnis talis priuatio est alicuius existentis secundum naturam. at qui assignat priuationem secundum naturam, non peccat aduersus propositum locum, si addat particulam secundum naturam, ut si quis dicat somnum esse priuationem uigiliæ secundum

duplex priuatio: uel secundum naturam, uel præter naturam.



explicatio il-  
lius partis phi-  
losophi cū di-  
cit nō eē &c.

dum naturam, & in hoc deceptus est Sotion philosophus.

Q V O D dictum est à philosopho non esse inconueniens idem bis dicere, sed esse inconueniens idem bis prædicare de aliquo, explicatione aliqua indiget, quando dixit philosophus non esse inconueniens idem bis dicere, intelligit, quando apponitur coniunctio uerbalis: sicut enim non est inconueniens, quòd inexistens alicui de ipso prædicetur, ut quòd bipes de homine prædicetur, & si ipsum in se habeat, uere enim & recte dicitur hominem esse bipedem. Ita non est inconueniens, quod bipes prædicetur de hominis definitionem, & dicatur animal gressibile bipes esse bipes. est autem inconueniens idem bis prædicare de aliquo, quod contingit, quando aliquod nomē apponitur alicui sine coniunctione uerbi, quod nomen in eo continetur uel potentia, uel actu, ut si dicamus animal sensitivū: aut si dicamus animal gressibile bipes, bipes & hoc est quod in hoc loco reprehenditur. atque hinc sequitur, quòd si dicamus concupiscentia est appetitus delectabilis, delectabilis aut homo est animal gressibile bipes, bipes nugatorium est, & uanum, si autem dicamus, appetitus delectabilis est, delectabilis, aut animal gressibile bipes est bipes, recte dicitur & sine reprehensione, neque ualet dicere homo est animal gressibile bipes, animal gressibile bipes est bipes, ergo homo est animal gressibile bipes bipes, sicuti non ualet dicere homo est animal, animal est uiuens, ergo homo est animal uiuens.

D V B I T A R E T quis circa eam propositionem, quodcunque competit alicui, competit etiā omnibus, quæ sunt idem ei. si enim hoc esset uerum, sequeretur, quoniam animal rationale mortale conuenit homini, & est idem quod homo, quod animal rationale mortale esset animal rationale mortale, quod est absurdum. Dicendum est hoc omnino sequi, neque esse aliqua ex parte absurdum, neque absurdum est, ut superius diximus, idem bis dicere,

### L O C V S D V O D E C I M V S .

locus duode-  
cimus ab ad-  
ditione parti-  
cularis.

exēpla loci.

quid differat  
hic locus à su-  
periori.

dubitatio.

solutio.

*Rursus si uniuersaliter dicto.* DESUMITVR hic locus ab additione particularis: & est, quòd cum in definitione positum sit uniuersale, particulare sub eo cōtentum non debet apponi. Ita igitur quis male definiret clementiam esse imminutionem conducibilem, & iustorum. Iustum enim in conducibili comprehenditur, quare superfluum est. Pariter quoque male quis definiret medicinam esse scientiam salubriam animali, & homini, homo enim in animali comprehenditur, quare superflue additur. Male etiam quis definiret legem esse imaginem eorum, quæ natura honesta sunt, & iusta. iustum enim in honesto comprehenditur atque hi sunt loci, quibus ostenditur definitionem non esse recte assignatam. Deinceps autem tradentur loci, quibus ostendatur assignatam definitionem non esse definitionem.

N O T A T Alexander differre hunc locum à superiori, eo quòd in eo ostenditur, propositum esse idem alicui eorum, quæ ponuntur in definitionem. Hic autem ostenditur, quod comprehenditur sub aliquo, ut particulare sub uniuersali.

D V B I T A T etiam, quoniam uidetur, quòd hic locus sit falsus: si enim dicamus auem esse uolatilem fissipennem, illud fissipennem non superflue additur, & tamen continetur in uolatili. soluit Alexander, quòd hoc exemplum non est simile exemplis in loco propositis: in his enim uniuersale est propriū rei, quæ definitur, id est ipsi uniuersaliter competit: atque ita particulare superflue additur, qui enim dicit legem esse imaginem natura honestorum, omnia



omnia honesta comprehendit, quia si particulariter intelligeret, determinationem aliquam adiceret: ut quod est imago honestorum, quæ in iustis sunt, eodem modo & qui dicit medicinam esse scientiam salubriam animali: & cū dicimus autem esse uolabilem, illud uolabile non est proprium aui, neque ei uniuersaliter competit. Præterea in hoc exemplo illud uolabile est genus, si siperne est differentia. propositus autē locus intelligitur, cum fuerit assumptum genus non debere etiam assumi speciem sub eo contentam. tria igitur ex Alexandri sententia requirit hic locus, primo quod uniuersale assumptū sit proprium definiti. secundo quod non sit eius genus. tertio quod particulare assumptum non sit differentia, sed contineatur in uniuersali, ut species in genere.

tria ex Alexandri sententia hic requiruntur.

### LOCVS DECIMVS TERTIVS.

*Utrum uero definiuit, & dixit ect.* DESVMITVR hic locus ex prioribus, & notioribus: & est, definitio constare debet ex prioribus, & notioribus. Philosophus autem posteaquam hunc locum explicauit, duos locos tradit, quibus ostendatur definitionem non esse ex notioribus. Horum secundus est, si quietum, & determinatum pro mota, & indeterminata definiatur. Primus autem est, si definitio non sit ex prioribus: ad ostendendum autem definitionem non esse ex prioribus tres tradit locos, primus est ex contrariis, secundus ex eodem, tertius ex contradistinctis: alium etiam locum addit ex inferioribus, quem tamen reducit ad secundum.

locus decimus tertius ex prioribus & notioribus

PRIMO igitur philosophus tradit locum, qui talis est; definitio debet esse ex prioribus, & notioribus: atque huius loci duas affert rationes, prima est, quoniam definitio est gratia cognitionis; cognoscimus autem ex prioribus & notioribus. secunda ratio est per deductionem ad impossibile, quoniam sequeretur plures esse eiusdem definitiones, atque ita plures essentias. Deinde ostendit, quod dupliciter redarguitur definitio, quod non sit ex notioribus, primo quia non sit ex notioribus simpliciter, secundo quia non sit ex notioribus nobis. declaratq; quid sit notius simpliciter, est enim uatura prius, quare hic erit primus locus ostendendi definitum non esse ex notioribus, eo quod non sit ex prioribus natura. Declarat deinde philosophus, quod nobis aliquando accidit natura posterius esse notius, & quod simpliciter melius est definire ex prioribus simpliciter, propter eos tamen, qui ea non assequuntur, melius est definire ex posterioribus, & quæ illis sunt notiora: & ostendit quænam sint hæ definitiones ex posterioribus, Deinde duabus rationibus probat, quod qui definit ex prioribus, & notioribus, nobis non definit, neque significat quid est esse definito, nisi contingat eadem esse priora, & notiora simpliciter. Prima ratio est, quoniam definitio constat ex genere, & differentia, quorum utrumque est prius definito, quoniam ab ipsis non conuertitur subsistendi consequentia, & eadem ratione sunt etiam notiora definito, quod est species, quoniam ab ipsis ad speciem non conuertitur cognoscendi consequentia. secunda ratio est, quoniam plures erunt eiusdem rei definitiones, quoniam hæc notiora nobis non semper eadem assumuntur, cum alia aliis sint notiora, immo uni, & eidem diuersis temporibus, alia atque alia sunt notiora. si autem ex prioribus, quæ simpliciter notiora sunt, definitio fiat una tantum, unius rei erit definitio, ut conuenit: & declarat, quod simpliciter notius non dicitur, quod est notum omnibus, sed scientibus, & peritis, sicuti & salubre simpliciter non dicitur respectu om-

quoniam sit locus.

dupliciter redarguitur definitio.

quid deinde declarat philosophus.



nium, sed eorum, qui recte sunt affecti. admonetq; hæc quidem esse cognoscenda, sed quod in disputando ipsis uti debemus, prout nobis utile fuerit. si enim quis definiuit ex notioribus simpliciter, dicere debemus oportere definire ex notioribus, nobis: si definiuit ex notioribus nobis, dicere debemus oportere definire ex notioribus simpliciter: quod si utrumque adsit, alterū tamē eorū tentare debemus infirmare. Deinde dicit destrui quidem definitionē ostēdendo, quòd non sit ex notioribus, simpliciter, sed quod præcipue, & maxime destruitur, si ostendatur quòd non sit ex notioribus neque nobis neque simpliciter: ut si quis definiret hominem esse animal instar aquæ motum, atque ita concludit primum locum ad ostendendum definitionem non esse ex notioribus, esse ex eo, quòd non sit ex prioribus. Secundus autem locus talis est. quietum, & determinatum, per motum & indeterminatum definiri non debet, quoniam quietum, & determinatum notius est, quàm motum, & indeterminatum. hoc modo peccaret, qui definiret ideam esse causam rerum materialium, quæ ad ipsam sunt. Hoc etiam modo peccaret, qui definiret scientiam esse abiectionem ignorantia. Tradit deinde philosophus tres locos, quibus ostendatur definitionem assignatam non esse ex prioribus; eorum primus talis est, si definitio alicuius assignetur per eius contrarium, non erit ex prioribus, quoniam contraria sunt simul natura: ut si quis definiens bonum acciperet malum. Notat tamen quædam esse relatiua scilicet in quorum definitione oppositum necessario assumi debet: notatq; hæc quidem esse cognoscenda, sed quòd ipsis uti debemus, sicuti nobis utile fuerit. si enim aliquod relatiuum definiens assumpsit oppositum, obicere debemus, quòd non definiuit ex prioribus: si autem uelimus construere hos locos, proposito nostro accommodabimus. dialectica enim non est ueritatis inquisitiua, sed solum probabiliter disputat. Tradit deinde philosophus secundum locum, quo ostenditur definitionem assignatam non esse ex prioribus, qui talis est, si idem, quod definitur, in sui definitione accipiatur, definitio non erit ex prioribus: hoc autem latenter aliquando fit assumendos scilicet ipsum definitum alio nomine, uel assumendo aliquid, in cuius definitione ipsum definitum contineatur. Docet autem, quomodo talis error defendatur assumendo, scilicet nominis definitionem, exemplum est, ut si quis definiat solem, quòd sit astrum in die apparens.

qui sit secundus locus.

qui sit tertius.

huius loci exemplum.

quenā hic obseruanda.

TERTIUS locus, quo ostendatur definitionem assignatam nō esse ex prioribus, talis est, si in definitione contradistincti contradistinctum assumatur, talis definitio non erit ex prioribus, quoniam cōtradistincta sunt simul natura, exemplum est, ut si quis impar definiat, quòd est pari unitate maius. addit deinde philosophus alium locum ad idem probandum definitionem scilicet assignatam non esse ex prioribus, qui talis est, si in definitione alicuius superioris aliquod inferius contineatur, ea definitio non erit ex prioribus, sed ostendit quòd hic locus reducitur ad secundum, quoniam qui assumit in definitione superioris, aliquod inferius omnino unum idem assumit, ut qui definiens numerum parem, quod in duo æqualia diuidatur, accipiens duo accipit unum parem numerum, quoniam duo sunt numerus par.

Hic autem plura sunt obseruanda, ac primo loci, qui sunt omnes numero septem. locus primo uniuersalis, cuius sunt alie partes, quòd definitio consistare debet ex prioribus, & notioribus: deinde sunt duo loci, quibus ostenditur definitionē non esse ex notioribus. Primus si definitio nō sit ex prioribus natura: secundus si quietum, & determinatum per motum, & indeterminatum definiatur. deinde quatuor sunt loci, quibus ostenditur definitionem

non



non esse ex prioribus natura. Primus est, si in definitione unius contrarii alterum contrarium assumatur. secundus est, si definitum in definitione assumatur. tertius, si contradistinctum per contradistinctum definiatur. quartus si in definitione superioris assumatur aliquod inferius, licet ad secundum hic locus reducatur.

**OBSERVANDA** etiam est propositio illa, quæ est in principio huius loci, quod definitio, & demonstratio, & omnis doctrina, & disciplina est ex prioribus, & notioribus, quæ propositio ponitur etiam ab ipso philosopho initio libri posteriorum. observandum etiam est deducente philosopho pro absurdo, quod plures essent eiusdem definitiones, quod unius rei una tantum potest esse definitio, cum & una tantum sit essentia.

**INTELLIGENDVM** autem est de propria definitione, & quæ datur per intrinseca. observandum etiam est, quænam dicantur notiora simpliciter, quod scilicet ea sunt, quæ sunt natura priora, sicuti sunt principia his, quæ constant ex principiis, & uniuersalia singularibus. Et non dicuntur notiora simpliciter, quod omnibus sint nota, sed sapientibus, & eruditis, sicuti & salubre simpliciter.

quænam sint ea, quæ dicuntur notiora simpliciter.

**NOTANDVM** etiam est circa id, quod dictum est aliquando accidere natura posterius esse nobis notius, quod optima illa est definitio, quæ constat ex notioribus nobis, & simpliciter. in his autem definiendis, quæ non sunt notiora nobis, & simpliciter, necesse est alterum absurdum contingere: uel scilicet quod definitio non sit ex notioribus natura, uel quod non sit ex notioribus nobis.

quid notandum.

**NOTANDVM** etiam est, quænam sint notiora nobis, quod ea scilicet sunt, quæ magis sub sensum cadunt, ut corpus, quàm linea.

Quænam sint notiora nobis.

**NOTANDVM** etiam est, quod dicit philosophus melius esse definire ex prioribus, & notioribus simpliciter, quàm ex notioribus nobis: & quod respectu imperitorum melius est ex notioribus ipsis.

**NOTANDVM** & id, quomodo peccent definitiones illæ puncti lineæ, & superficiæ.

**NOTANDVM** etiam, quod si definitio dicitur per posteriora non significat quod est esse definito, quod philosophus diligenter probat, ut dictum est.

**NOTANDVM** & illud est, quod si definitio constet ex genere, & differentia, constabit ex prioribus & notioribus tum nobis, tum simpliciter.

**NOTANDVM** & illud quomodo probetur aliquid esse simpliciter notius, quoniam scilicet ab eo non conuertatur cognoscendi consequentia, quæ ratione genus est nobis notius specie. si enim cognoscimus speciem omnino, & genus cognoscimus: sed non è conuerso. uidentes enim piscem, & auem inconsoetam scimus quidem esse piscem, aut auem, quænam sit nescimus.

**QVOD** autem dictum est, quod uni, & eidem diuersis temporibus alia, atque alia sunt notiora: hoc modo est intelligendum, quoniam in prima ætate pueritiæ scilicet sensibilia nota sunt, quoniam tunc sensus solum operatur: intelligibilia autem omnino ignota. ei autem, qui in disciplinis profecerit sensibilia ignota esse uidentur, quod in continuo fluxu sint. Intelligibilia autem nota esse uidentur, quod stabilia sint permanentia, & nulli obnoxia mutationi. quare si ex notioribus nobis assignetur definitio, neque etiam respectu eiusdem eadem semper assignari debet definitio.

Quid hoc loco sit intelligendum per quod uni &c.

**CIRCA** id, quod dictum est in definitione ideæ, quod est causa rerum materialium, quæ ad ipsam fiunt. Notandum est huic esse proprium modum loquendi ideæ. Plato enim formalem causam appellabat, quod materialem secundum

modus proprius loquendi secundum Platonem.



## T O P I C O R V M   A R I S T .

cundū quod efficientem à quo , finalem propter quod , exemplarē ad quod , instrumentalem quo .

IN eodem loco uerba quædam sunt , quæ dupliciter leguntur . quidam enim contextus habent , & quæcunque non secundum se , sed ad aliud dicuntur . & eorum intellectus apertus est , quòd scilicet in definitione eorum oppositorum , quæ non dicuntur per se , sed ad aliud , quæ sunt relativa , oppositū omnino assumitur . alii autem legunt , & quæcunque per se ad aliquid dicuntur ; atque hoc modo legit & interpretatur Alexander . Dicit enim quædam esse , quæ non per se sunt ad aliquid , sed per aliud : & quædam , quæ per accidens sunt ad aliquid ea , quorum genus est ad aliquid : ipsa autem alioqui non sunt ad aliquid , ut medicina , & musica : sunt ad aliquid in eo quòd scientiæ : per accidens autem sunt ad aliquid , quæ propter aliquid accidens ipsis ad aliquid referuntur , non autem propria ratione , ut unitas est ad aliquid in eo , quod principium , ut igitur hæc excluderet , dixit philosophus , quæ per se sunt ad aliquid .

NOTANDVM demum est uitium in definitionibus illis numeri paris , atque imparis existens : & quam ratione tales definitiones peccent .

### LOCVS DECIMVS QVARTVS.

Locus decimus quartus unde desumatur.

exemplum .

*Secundus autem si in genere existentis .* HIC est secundus locus , quo probatur definitionem assignatam non esse definitionem , est autem locorum definitionis . decimus quartus , desumitur à genere prætermisso : & est in definitione cuiuscūque habentis genus , ipsum genus assumi debet , cuius rationem asserens Alexander dicit , quòd quemadmodum pictores imagines suas prius delineant , deinde uero coloribus uariis depingunt , & absoluunt : ita nos in assignandis definitionibus per genus primo delineamus naturam rei , per differentias autem depingimus , & absoluimus . Primum enim dicere oportet , quidnam sit res , deinde uero quale quid sit : ex utroque enim genere horum constat ipsum , quid est esse rei . Qui igitur definiunt , & prætermittunt dicere , quid sit definitum , peccant , ut si quis definiat corpus , quod tres habet dimensiones , aut si quis definiat hominem , definiat hominem , quod sciat numerare . non enim dicunt , quidnam sit id , quod tres habet dimensiones , aut quidnam sit id , quod scit numerare .

DIXIT autem philosophus si in genere existentis , quoniam quædam sunt , quæ non sunt in genere , ut transcendentia , & genera generalissima : atque iccirco in his definiendis , aut potius describendis uitium non est , si genus non ponatur .

### LOCVS DECIMVS QVINTVS.

Locus decimus quintus unde desumatur.

exemplum .

*Insuper si cum dicatur ad plura .* DESUMITVR hic locus ab eo , quod ad multa dicitur : & est , in definitione eius , quod ad plura dicitur , ea omnia , ad quæ dicitur , poni debent . ita igitur , quando quoniam grammatica ad plura dicitur , est ars recte scribendi ; & recte legendi , si quis igitur eam definiret esse artem recte scribendi , male definiret : & ratio est , quoniam grammatica non magis est unius quàm alterius : & quod eam definit non magis potest dicere eam esse scribendi , quàm legendi . Quare qui alterum tantum horum in definitione assumit , non definit , sed ille solum , qui assumit utrunque : alio

qui



qui enim contingeret eiusdem rei plures esse definitiones, quod est absurdū. una enim est uniuscuiusque rei essentia, cuius definitio est significatiua.

NOTAT autem philosophus in secunda huius loci parte, quod in aliquibus ita se habet, ut dictum est: in aliquibus autem non. quædam enim sunt, quæ per se ad plura referuntur, quædam uero sunt, quæ ad plura quidem referuntur, sed per se ad eorum unum, ad alia uero per accidens; per se ad plura refertur, ut grammatica ad recte dicendum, & ad recte scribendum, & dialectica ad construendum, & destruendum: atque in horum definitione omnia ea, ad quæ referuntur, poni debent: quæ uero ad plura referuntur, sed ad aliquid per se, ad aliquid uero per accidens sunt, ut medici na, quæ ad sanitat per se refertur, ad interitū per accidens: atque in horum definitione, id solum ad quod per se refertur, poni debet: & quod in horum definitione utrumque poneret, non propterea: rectius definiret, immo forte peius, quoniam alienū est à proposito artificis id, quod per accidens efficit. neque enim in substantia alicuius est id, quod per accidens ipsi inest.

quid in hac  
secunda par-  
te sit notan-  
dum.

### LOCVS DECIMVS SEXTVS.

*Insuper si non ad melius, sed ad peius.* POSSET hæc pars superiori etiam loco adnecti, sed potest etiam nouus esse locus desumptus à peiori eorum, ad quæ refertur: & est, si aliquod ad plura referatur, quorum alterum sit melius, alterum uero peius: & in eius definitione peius ponatur, talis definitio non erit definitio. Male igitur quis definiret nauigatoriam, quod sit effectiua naufragii; aut medicinam, quod sit effectiua interitus. Dubitaret quis, quomodo differat hic locus à secunda parte superioris loci, cum omnes disciplinæ ad melius per se referantur, ad peius uero per accidens. Dicendum est, quod superius ostendit philosophus in definitione non debere poni utrumque eorum, ad quæ refertur definitum. hic autem docet, quod si ponatur peius eorum, ad quæ refertur, non definietur. Præterea non semper uerum est quod omnis disciplina referatur ad melius per se, ad peius uero per accidens, quoniam dialectica, & rhetorica per se referuntur ad defendendum & uerum, & falsum: etsi uerum sit melius falso.

locus deci-  
mus sextus  
unde desuma-  
tur.

exemplum.

dubitatio.

solutio.

*Rursum si non positum est in proprio genere.* IN hac parte docet philosophus id, quod initio etiam huius libri docuit, quod scilicet cum definitio constare debeat ex proprio genere, utrum proprium genus assumptum fuerit in definitione, disputandum est ex locis traditis. In quarto libro ad quæstiones generis. atque iccirco initio quarti libri dicebat eos locos esse elementa quæstionum definitionis. quoties igitur opus fuerit disputare, utrum in definitione proprium genus fuerit assumptum ad locos generis in quarto libro traditos nos conuertemus.

quid hoc lo-  
co doceat phi-  
losophus.

### LOCVS DECIMVS SEPTIMVS.

*Præterea si transcendens dicit genera.* DESUMITVR hic locus à genere remoto, quod philosophus appellat transcendens: & est, in definitione genus remotum poni non debet. Et ratio est, quoniam substantia uniuscuiusque sine proprio genere non potest explicari, eo quod genus significat, quid sit ipsum definitum. Ita igitur male quis definiret iustitiam esse habitū æqualitatis effectiui, aut æqui distributiuum, quoniam assumeret genus remotum, nempe habitum; & pratermitteret propinquum, nempe uirtutem. Deinde decla-

locus deci-  
mus septimus  
unde summa-  
tur.

exemplum.

rat



## T O P I C O R U M A R I S T .

- rat philosophus , quod per transcendens intelligit genus remotum . Deinde tacitè cuidam obiectioni responder .
- obiectione . P O T V I S S E T enim dicere , quòd quemadmodum peccat , qui remotum genus assumit in definitione propinquum prætermittens : eodem modo peccat , qui propinquum assumit remotum prætermittens . cum etiam remotum genus significet , quid sit definitum : soluit igitur philosophus , quòd qui propinquum genus ponit , omnia etiam remota comprehendit , quoniam omnia superiora in inferioribus continètur : qui autem superius genus dicit , nõ etiam inferius comprehendit , ut qui dicit plantam , non dicit arborè : quare concludit , quòd in definitione , uel est assumendum propinquum genus definiti , uel si assumitur genus remotum , debent cum eo simul assumi differentia omnes , ex quibus propinquum genus constituitur : & tunc loco propinqui generis assumemus eius definitionem , ut si quis definiens hominem diceret ipsum esse substantiam corpoream , animatam , sensitivam , rationalem , mortalem . si autem quis solum accipiat genus remotum , & si non addat differentias , ex quibus constituitur propinquum genus , sed solum accipiat differentias , quæ propinquo generi additæ constituunt definitum , hic non definit , ut si quis diceret hominem esse substantiam rationalem mortalem ; uel si quis diceret albedinem esse qualitatem disgregatiuam uisus , circa id , quod dicit philosophus , quòd in genere propinquo omnia remota comprehenduntur , non est contra . Notandum est , quòd inferius actu continet ipsa superiora . superius autem non continet inferiora actu , licet ipsa contineat potentia , quoniam potest cum uno quoque eorum esse .
- solutio .
- conclusio .

### LOCVS DECIMVS OCTAVVS.

- locus decimus octauus desumitur à differentia . Rursus si in differentiis similiter considerandum . D E S V M V N T V R hi sequentes loci à differentia , atque hic primus est in definitione proprii generis differentia , in quo definitum reperitur , assumi debent . Si igitur non assumantur propriae differentia , aut assumatur aliquod loco differentia , quod nullo modo possit esse differentia , assignata definitio non erit definitio : hoc modo peccaret si quis diceret iustitiam esse uirtutem pulcherrimam , aut si quis acciperet animal , aut substantia loco differentia , cum differentia nullo modo possint esse .
- exemplum .

### LOCVS DECIMVS NONVS.

- locus decimus nonus desumptus à differentia . Videndum autem et si est aliquod quod è diuerso . H I C est alius locus desumptus à differentia , cuius tres sunt partes , quæ etiam pro tribus locis possent enumerari . prima huius loci pars est , si assumpta differentia non sit alia differentia contradistincta , ea non erit uera differentia : & ratio est , quoniam omne genus per contradistincta , differentias diuiditur : hoc modo redargueretur , qui diceret animam esse motum substantialem . substantiale enim non est differentia contradistincta , secundum quam diuidatur motus : non igitur ita definiens propriam assumpsit differentiam .
- SECUNDA pars est , si assumpta differentia sit quidem contradistincta differentia , sed non sit sub assignato genere , neque assumpta differentia erit sub assignato genere , quoniam contradistincta differentia sub eodem genere esse debent . hoc modo peccaret , si quis diceret hominem esse animal continuum : continuum enim habet , quid est contradistinctam differentiam , sed non



non sub genere animalis positam : quare neque assumpta differentia eius generis erit differentia .

**TERTIA** pars est , si assumpta differentia contradistinctam quidem differentiam habeat , & sub eo genere positam : sed quæ tamen genere addita speciẽ non constituat , talis differentia non erit uera differentia : & ratio est , quoniam differentia , quæ ad definitionem assumuntur , debent esse specificæ : specificæ autem illæ sunt , quæ additæ generi speciem constituunt : hoc modo peccaret , qui definiret hominem esse animal erectum : hæc enim differentia habet differentiam contradistinctam , nempe pronum , quæ differentia est in genere animalis , sed talis est , quod generi addita non constituit speciem . nõ igitur est uera differentia : quare neque assumpta differentia erit specifica .

**VERBA** illa philosophi , Aut si est quidem cõtradistincta differentia non uerificatur autem de genere . Vario modo exponit Alexander primo quod differentia uerificatur de genere , quoniam in genere continentur , uel quoniã simul sumptæ prædicantur de genere , uel quoniam hæ differentia prædicantur de aliquo sub genere contento .

quid significet hæc uerba philosophi .

### LOCVS VIGESIMVS.

*Præterea si negatione diuiderit genus .* **IN** hoc loco tractando philosophus primo proponit locum , eius exemplum affert : & ipsum probat per deductionem ad incommodum . secundo ostendit , quomodo sit uerus , & quomodo non sit uerus , & rationẽ affert . in tertia , & quarta parte duos affert documenta . **IN** prima igitur parte locum proponit , qui desumitur à differentia dicta per negationem : & est in definitione differentia per negationem dicta poni non debet : differentiam autem per negationem dictam assumunt in definitione , qui definiunt lineam esse longitudinem sine latitudine . idem enim est dicere longitudinem sine latitudine , ac dicere longitudinem non habentem latitudinem . Explicant igitur differentiam per negationem , quod minime faciendum est . quare autem differentia per negationem non sit explicanda , ratio est , quoniam contingeret genus participare speciei , & differentia , id est prædicationem , & definitionem suscipere , quod est inconueniens , quoniã species , & differentia , cum sint in minus , de genere non prædicantur , sed è contra : consequentia autem probatur , cum altera pars contradictionis de quocunque uerificetur , necesse est , ut etiam de genere , quod per negationem diuiditur , affirmatio prædicetur , uel negatio . quare longitudo , quæ est lineæ genus uel habebit . latitudinem , uel non habebit : quodcunque horum habens latitudinem est definitio superficiẽi ; longitudo non habens latitudinem est definitio lineæ . quod illæ sint definitiones specierum , patet , quoniam habens latitudinem , & non habens latitudinem sunt differentia : differentia autem generi addita perficiunt definitionem specierum ; continget igitur genus suscipere definitionem speciei , quod etiam contingat genus participare differentia , patet , quoniam necesse est alteram earum differentiarum de genere prædicari , uel scilicet quod habeat latitudinem , uel quod non habeat , cum hoc sit contradictio .

locus vigesimus . in hoc loco tractando quatuor agit philosophus , ac quod in unaquaque earum agat .

**IN** secunda parte ostendit philosophus , quomodo hic locus sit uerus , & quomodo non sit uerus . Dicit igitur , quod solum uerus est , si ponantur idæ : si autem non ponantur , non est uerus , quoniam si altera differentia prædicaretur de genere , ut nõ habens latitudinem , prædicaretur etiam de omni sub

quomodo hæc definitiones sint definitiones specierum .



genere contento, quod tamen falsum est, quia quædam est cum latitudine, quædam sine latitudine. In tertia autem parte philosophus tale affert documentum, quod forte necesse est in aliquorum definitionem negatione uti, ut in definitione priuationum. recte enim definitur cæcum non habens uisum, quo tempore natura aptum est ipsum habere. infans enim in utero matris non dicitur cæcus, aut catulus ante nonum diem, quoniam scilicet eo tempore non sint apti habere uisum, sed tunc solum cæcum quid dicitur, cum natura aptum est uisum habere, atque ipsum non habet. Quod autem in quarta parte affert documentum, tale est. quod sicuti diuiditur genus per negationem, quando differentia per negationem explicatur: ita non minus diuiditur per negationem, quando differentia proposita talis est, quod eius opposita per negationem explicetur, ut si quis definiet aliquid, ut puta superficiem, quod sit longitudo habens latitudinem, huic enim differentia, quæ est habere latitudinem, aliud non opponitur, quam non habere latitudinem, quæ differentia explicatur per negationem: hoc autem in omnibus, non fit. plures enim differentia sunt, quarum opposita non explicantur per negationem, ut congregatiuo disgregatiuum opponitur, & simplici mixtum. ita igitur uel differentia proposita per negationem explicetur, uel talis sit, ut eius opposita explicetur per negationem, genus omnino per negationem diuidi dicitur.

quid per hæc  
uerba philo-  
sophus intel-  
ligat.

*Neque negatione diuidentes genus.* Hæc uerba interpretatur Alexander idest in definitione negationem tanquam differentia propositi generis assumentes. Quoniam dixit philosophus ex genere, & differentia constare speciei definitionem, uideamus quanam sit huius rei ratio. Tres autem rationes præcipue uidentur esse, primo quoniam ut dixit Porphyrius in capite de differentia res omnes constare uidentur ex materia, & forma; uel ex aliquo proportionali materia, & formæ: ita igitur & species ex genere constat proportionali materia: differentia autem proportionali formæ: & cum in definitione poni debeant ea, ex quibus definitum constat, merito in definitione assumitur genus, & differentia. secunda ratio est, quoniam definitio explicare debet ipsum, quid est esse definitio. hoc autem quid est esse, ex duobus constat, ex quid, uel ex quale quid est: & genus significat quid est; differentia uero quale quid. tertia ratio est, quoniam definitio debet separare definitum ab his omnibus, quæ sunt tum heterogenea, tum homogenea. genus autem separat ab heterogeneis; differentia autem ab homogeneis: unde sequitur cum longe plura sint heterogenea, quam homogenea, quod genus à longe pluribus distinguit & separat definitum, quam differentia.

duplex dubi-  
tatio.

in prima dif-  
ficultate due  
sunt senten-  
tiæ.

*E s t* aliud considerandum, quomodo uerum sit, quod dicitur à philosopho hunc locum non esse uerum, nisi ponatur idea, quia scilicet aliter uerum non est, quod altera differentiarum, quæ per contradictionem explicatur, de genere uerificetur. Hic enim non leuis occurrit dubitatio, quoniam ex hoc dicto destrui uidetur maxima illa propositio, cui omnis disciplina nititur, quod de quocunque uerificatur contradictionis altera pars. non enim uidetur philosophus concedere, quod eius altera pars de genere uerificetur. præterea & alia ratione reprehendi posse uidetur hæc propositio. si enim dicam Socrates currit, Socrates non currit, non uidetur, quod huius contradictionis altera pars uerificetur de quocunque, quomodo enim uerificabitur de Platone, aut Dione? Primo igitur primam difficultatem tractemus. In hac duæ sunt opiniones diuersæ: quidam enim simpliciter dicunt alteram contradictionis partem de genere uerificari, & si quærat, exempli causa, utrū animal



animal sit rationale, aut non rationale, dicunt ipsum esse non rationale, & quoniam ad hoc consequitur non rationale posse esse rationale, ideo dicunt animal esse non rationale actu, esse tamen potentia rationale, sicut & irrationale. Vnde & quælibet harum differentiarum ipsi generi potest adiungi. uerum hæc opinio habet. aduersus se & Aristotelis, & Alexandri sententiam, qui nullo modo uolunt, quod talis contradictionis altera pars de genere uerificetur: immo dicit Alexander hunc locum esse omnino sophisticum: neque enim inquit differentia longitudinis habere scilicet latitudinem, & non habere latitudinem de genere suo uerificatur. tunc enim prædicarentur, si essent eius generis constitutivæ, non autem diuisivæ. hoc autem ex eo est manifestum, quod rationale, & irrationale sunt differentia animalis, non tamen prædicantur de animali, sed animali additæ de homine prædicantur, & aliis speciebus animalis: ita quoque in proposito exemplo se habet. diuidatur longitudo in habentem latitudinem & non habentem latitudinem: sed neutra harum differentiarum de longitudine prædicantur, sed altera earum additæ longitudini constituit lineam, altera superficiem, & de his prædicantur. Est præterea philosophi ratio, quod si altera horum differentiarum de genere prædicaretur, prædicaretur etiam de omnibus sub genere contentis, quod est falsum. ita igitur hæc opinio reiecta sit: alii uero dixerunt, quod alia pars contradictionis non uerificatur de genere, & quod propositio illa de quocunque uerificatur, altera contradictionis pars intelligenda est in singularibus, & indiuiduis, non autem in uniuersalibus. Hæc quidem opinio consona uidetur dictis philosophi, qui dicit hunc locum esse uerum, si ponatur idea, quoniam tunc genus est unum numero: uidetur igitur uelle solum propositionem illam solum uerificari in singularibus: deficit tamen hæc opinio, eo quod uerissimam illam propositionem in angustum contrahit, cum tamen simpliciter uera sit, ut igitur hæc cōtrouersia dirimatur. Dicendum est ex sententia Alexandri propositionem hanc esse ueram tam in singularibus, quam in uniuersalibus: sed non eodem modo. in singularibus enim uera est si ne præfinitione aliqua: in uniuersalibus autem cum præfinitione, non igitur est necesse, quod de animali dicatur uel rationale, uel non rationale, quoniam hæc in uniuersali subiecto non contradicunt, sed alterum horum uerificabitur. omne animal est rationale, non esse animal est rationale, ita quoque nō oportet, ut habens latitudinem, uel non habens latitudinem prædicetur de longitudine, sed oportet, ut alterum horum, omnis longitudo habet latitudinem, non omnis longitudo habet latitudinem, de ipsa longitudine uerificetur. Atque hinc patet, quomodo hic locus utilis sit aduersus ponentes ideas: cum enim dicunt ideam esse quoddam singulare, & unum numero, ut *αυτόζων*, & *αυτόμυκος*, ideo non recipiet uniuersalem præfinitionem, sed altera contradictionis pars de ipso genere sine præfinitione uerificabitur, uti esse rationale, uel non esse rationale de animali habere latitudinem, & non habere latitudinem de longitudine: ita igitur tollitur hæc difficultas. erat alia dubitatio, quomodo altera pars contradictionis de quocunque uerificetur, quia si dicamus, Socrates sedet, Socrates non sedet, non uidetur, quod altera pars huius uerificetur de quocunque. soluitur ex sententia Ammonii, quod si uelimus alteram partem contradictionis de quocunque uerificari, eam hoc modo resolvere debemus. Est Socrates sedens, non est Socrates sedens. tunc enim altera pars de quocunque tam ente, quam non ente, uerificabitur.

alia sententia.

quomodo soluitur hæc obiectio.

primæ dubitationis.

C I R C A id, quod dicit philosophus in primo documento, quod in aliquo-



quid notan-  
dum sit in pri-  
mo documen-  
to.  
duplex opi-  
nio.

rum definitione necesse est poni negationem, ut cum definitur cæcum non habens uisum, cum est natura aptum habere. Notat Alexander, quod si in definitione assumatur negatio, assumitur pro differentia, nō autē pro genere, quoniam negatio non significat, quid sit aliquid, cum non determinet, aut ponat aliquid: sed ipsa per se dicta non magis de ente uerificetur, quā de non ente. Alii autem dixerunt, cum ponitur negatio in definitione, non ponitur differentiam, sed ut genus: quoniam differentia, quæ debet rem constituere, non potest esse negatio. Vnde patet has duas opiniones inter se pugnare. melius tamen sentit Alexander, quoniam in hac definitione cæcum est non habens uisum, cum est aptum habere; illud non habens uisum, est differentia; genus enim est animal, quod est prætermisum. Ita enim philosophus superius in loco decimo quarto dicebat, cum definitur corpus, quod est habens tres dimensiones, quod genus prætermittitur.

LOCVS VIGESIMVS PRIMVS.

locus uigesi-  
mus primus à  
specie loco  
differentiæ.  
exemplum.

Rursus si speciem, ut differentiam assignauit. DESUMITVR hic locus à specie loco differentiæ: & est, quod species alicuius generis non debet ei apponi in definitione loco differentiæ: ita igitur aberraret, qui diceret conuicium esse iniuriam cum irrisione, cum enim irrisio sit, quædam iniuriæ species, nō recte loco differentiæ ponitur. In huius autem loci expositione Alexander quædam apponit exempla, quæ non huic loco, sed sequenti accommodantur.

LOCVS VIGESIMVS SECVNDVS.

locus uigesi-  
mus secundus  
à genere loco  
differentiæ.  
exemplum.

Insuper si genus, ut differentiam dixit. HIC locus est desumptus à genere loco differentiæ; & est, quod genus alicuius non debet poni in eius definitione loco differentiæ: male igitur quis definiret uocem esse aerem percussam, quoniam percussio est genus uocis; ideo non potest pro differentia poni. Pariter erraret, qui definiret similitudinem esse nasum curuum, eo quod curuitas est genus similitudinis; ideo non potest esse eius differentia. Huius autem loci tale exemplum attulit philosophus, ut si quis definiret uirtutem esse habitum bonum. bonum enim est genus uirtutis, non igitur recte assumitur pro differentia. Deinde philosophus dubitationem proponit, nunquid bonum sit uirtutis genus: & duabus rationibus probat, quod non est genus, sed differentia. Prima ratio est, non potest aliquid esse in duobus generibus, quæ subalterna non sint, sed si bonum sit uirtutis genus, contingeret uirtutem esse in duobus generibus non subalternis, nempe in genere habitus, & in genere boni, non ergo bonum est genus uirtutis, sed differentia potius. quod autem bonum, & habitus non sint genera subalterna, patet, quoniam bonum non continet habitum, neque habitus continet bonum. est enim quoddam bonum, quod non est habitus: & sunt quidam habitus mali. secunda ratio est, quoniam genus semper significat quid est: differentia autem quale quid est, sed habitus significat quid est: bonum autem quale quid. habitus igitur erit genus; & bonum erit differentia. Atque ita patet non recte reprehendi hanc definitionem, uirtutem esse habitum bonum. quod in ea accipiat genus loco differentiæ. Si quis tamen uellet hanc definitionem accusare, quod peccat aduersus propositum locum, quod uidetur uoluisse, Alexander diceret ad primam rationem, quod licet bonum, & habitus nō sint genera subalterna; utrunque tamen sub communi genere comprehenditur qualitatis (quā-  
uis

probat philo-  
sophus bonum  
non esse uir-  
tutis genus,  
sed differen-  
tia.

alia ratio.

quomodo, re-  
felleda sit pri-  
ma opinio.



uis enim bonum reperiatur in pluribus prædicamentis, hic accipitur bonū quod est in qualitate.)

Ad secundam autem diceret, quòd licet bonum non prædicetur de uirtute in quid, sed in quale, propterea prædicatur in quale, quoniam accipitur pro adiectiuo. omne autem adiectiuum nomen prædicatur in quale; sed quoniā eius substantiuum est genus uirtutis; ideo ipsum non potest esse eius differentia, si enim substantiuum aliquod sit genus alicuius, licet postea in adiectiuū mutetur, non potest esse eius differentia, ut patet in exemplis superius adductis ex Alexandro.

quomodo fecunda.

### LOCVS VIGESIMVS TERTIVS.

*Videndum autem et si non quale quid.* Desumitur hic locus à differentia prædicata in quid: & est, non debet aliquid in definitione assumi pro differentia, quod prædicetur de definitio in quid. omnis enim differentia prædicatur in quale quid de eo, cuius est differentia. ita igitur erraret, qui diceret iniustitiam esse habitum cum uitio inferenda iniuriæ. uitium enim prædicatur in quid de iniustitia: quare non potest esse eius differentia.

locus uigessimus tertius à differentia prædicata in quid. exemplum.

### LOCVS VIGESIMVS QVARTVS.

*Considerandum autem et si secundum accidens.* Desumitur hic locus à differentia dicta secundum accidens: et est, id, quod de aliquo prædicatur secundum accidens, non debet poni in eius definitione pro differentia: & ratio est, quoniam differentia essentialiter prædicatur, sicut & genus. quod autem essentialiter prædicatur, patet, quoniam quod prædicatur de aliquo, uel prædicatur essentialiter, uel accidentaliter, sed differentia non prædicatur accidentaliter, ergo prædicatur essentialiter, quòd non prædicetur accidentaliter patet, quoniam non potest alicui inesse, & non inesse, quòd habent omnia, quæ accidentaliter prædicantur. Ita igitur erraret, qui definiret, cygnū esse animal candidissimum: leporem esse animal timidissimum, quoniam acciperet, quòd secundum accidens inest loco differentia.

locus uigessimus quartus à differentia dicta per accidens.

exemplum.

### LOCVS VIGESIMVS QVINTVS.

*Insuper si prædicatur de genere differentia.* De hoc loco nihil omnino dixit Alexander. Desumitur autem à genere subiecto: & est, differentia; aut species non debet de genere prædicari: si igitur differentia, aut species, aut aliquid sub genere positum prædicetur de genere in definitione posito, assignata oratio non erit definitio: & ratio est, quoniam genus in plus est, quàm differentia, & species: quare nihil horum potest de genere prædicari. male igitur quis definiret spongiā esse animal uiuens terræ affixum, quoniam uiuēs de animali prædicatur: non igitur potest esse eius differentia.

locus uigessimus quintus à genere subiecto.

exemplum.

PATET autem, quòd cum dicitur differentiam non prædicari de genere, intelligitur de differentia diuisiua ipsius generis, non autem de differentia constitutiuā.

LOCVS



# T O P I C O R V M A R I S T .

## LOCVS VIGESIMVS SEXTVS.

locus uigesi-  
mus sextus à  
genere dicto  
de differentiâ.

*Rursus si prædicatur de differentia.* DESVMITVR hic locus à genere dicto de differentia: & est, genus de differentia non debet prædicari: si igitur genus positum in definitione prædicetur de differentia ei appositâ, ea non erit definitio. neque enim genus prædicatur de differentia, sed de his, de quibus prædicatur differentia speciebus, scilicet & indiuiduis, ut animal de homine, & equo: quare autem genus non prædicatur de differentia duas affert rationes philosophus, prima est, quoniam si genus prædicaretur de differentia, ipsum genus sæpius prædicaretur de specie. inconueniens autem est, ut superius uidimus in loco undecimo huius libri, quòd idem sæpius prædicetur de aliquo: consequentia autem patet, quoniam si genus prædicetur de differentia, animal, exempli causa, prædicabitur de gressibili, & de bipede: quare & gressibile erit animal, & bipes erit animal: & cum homo sit animal gressibile bipes; homo igitur erit animal, animal, animal. Secunda ratio est, omne sub genere positum uel species est, uel indiuiduum. in hac enim genus diuiditur primo quidem in species. secundo autem in indiuidua. si igitur differentia generi subiicitur, erit aut species, aut indiuiduum, quod est falsum. QVOD autem in hoc loco dicitur præcipue est obseruandum differentiam scilicet de genere non prædicari.

exemplum.

## LOCVS VIGESIMVS SEPTIMVS.

locus uigesi-  
mus septimus  
à specie, aut  
indiuiduo dicto  
de differentia.  
prima ratio  
quare spēs,  
aut indiuiduū  
de differentia  
non dicatur.  
exemplum.

*Similiter autem inspiciendum, & si species.* DESVMITVR hic locus à specie, aut indiuiduo dicto de differentia: & est, species, aut indiuiduum non debet de differentia prædicari. Si igitur differentia posita in definitione talis sit, quod de ea species, aut indiuiduum dicatur, ea non erit definitio: quare autem species aut indiuiduum non dicantur de differentia, duæ sunt rationes, prima est, quoniam differentia est in plus, nunquam autem quod est in minus prædicatur de eo, quod est in plus. secunda ratio est, quoniam si species prædicetur de differentia, non erit differentia, sed erit species: si enim de ea prædicetur species, uel erit species, uel indiuiduum. sed cum euident sit ipsam non esse indiuiduum: erit igitur species, quod tamen falsum est. Hoc autem modo peccaret, qui diceret immortalē esse animam, aut rōnalē esse Socratē.

## LOCVS VIGESIMVS OCTAVS.

locus uigesi-  
mus octauus  
à priori.

*Rursus si non prior est.* DESVMITVR hic locus à priori: & est, differentia debet esse prior natura, quàm species. semper enim genus est prius natura, quàm differentia. differentia autem est prior natura, quàm species. priora autem natura sunt, ut sæpius dictum fuit, quæ ablata auferunt, & posita non ponunt, & non è contra.

## LOCVS VIGESIMVS NONVS.

locus uigesi-  
mus nonus.

*Considerandum autem est et si alterius generis.* IN hoc loco tractando philosophus primo locum proponit, secundo ipsum probat per deductionem ad impossibile, tertio ipsum corrigit conditionem quandam apponens, quarto propositionem quandam corrigit, qua in secunda parte utitur.

Est

E s t igitur hic locus, eadem differentia in pluribus generibus non subalternis esse non potest. si igitur differentia in definitione posita alterius etiam generis sit differentia, quod neque continet genus positum in definitione, neque ab eo continetur, assignata oratio non erit definitio. In secunda parte hunc locum probat philosophus per deductionem ad impossibile. Si enim differentia aliqua sit in duobus generibus, sequetur etiam species esse in duobus generibus. semper enim differentia infert genus proprium, ut rationale, infert animal, & sensitivum, infert uiuens. cum autem & species inferat differentiam, ergo infert & genus. quicquid enim sequitur ad consequens, sequitur etiam ad eius antecedens: & si differentia sit in pluribus generibus, illa etiam omnia inferet, erit igitur species in duobus generibus non subalternis, quod est maxime inconueniens. In tertia parte corrigit philosophus locum ei conditionem quandam addens. reuocat enim in dubium, quod dictum fuit, differentiam scilicet non posse esse in duobus generibus non subalternis, quoniam animal gressibile, & animal uolatile sunt genera non subalterna, & utriusque eorum bipes est differentia, ergo eadem differentia potest esse in duobus generibus non subalternis. propter hanc causam dicit philosophus addenda esse huic loco conditionem quandam, quod scilicet genera non subalterna non sunt sub communi genere: gressibile autem, & uolatile sunt sub communi genere animalis. hac igitur addita locus uerissimus erit, quod scilicet impossibile est eandem differentiam esse in pluribus generibus non subalternis: & quæ sub communi genere non sint. In quarta parte philosophus corrigit eam propositionem, qua usus fuit in secunda parte, quod differentia inferat proprium genus. Si enim differentia sit in uno tantum genere, utique illud genus inferet: si autem sit in pluribus generibus (uidimus enim quod esse potest) alterum solum inferet, ut si quid est bipes, non possumus dicere, quod sit uolatile, & gressibile, sed quod est uolatile, aut gressibile, & hoc quidem si differentia per se accipiat. si enim sit addita speciei solum inferet genus, sub quo ponitur species, & hoc superiora genera ut bipes in definitione hominis inferet gressibile solum, & genera superiora ut animal uiuens, & cetera. Sed dubitaret quis, quoniam si uerum est, quod differentia inferat genus, ergo genus prædicabitur de differentia, quod est contra locum uigesimum sextum. Dicendum est, quod id, quod ab aliquo infertur, non est necesse, ut de eo prædicetur, sed aliquando prædicatur, aliquando non prædicatur. genus enim infertur à specie, & de specie prædicatur, sed & fumus infert ignem, non tamen ignis de fumo prædicatur.

N O T A T autem Alexander quod philosophus hoc in loco corrigere uideatur, quod dictum fuit in prædicamentis diuersorum generum, & non subalternarum positorum. diuersæ sunt specie differentiarum; neque enim, ut hic dicit, est hoc simpliciter uerum, sed quando ea genera non subalterna non sunt sub communi genere, sed hoc forte intellexit philosophus, eo in loco dixit Alexander addita particula, specie, uel ibi locutus est de generibus generalissimis (& hæc est uera eius loci interpretatio) diuersa enim genera generalissima diuersas differentias specie habent, et si differentiarum diuersæ sint, patet, quod etiam species, quæ ab ipsis differentiis constituuntur, diuersæ sunt.

N O T A T etiam Alexander quinam sit usus huius loci, quando enim in definitione accipitur aliqua differentia, quæ sit differentia alterius generis, tunc continget eam differentiam esse duorum generum alterius quidem, quoniam ita sumitur. Alterius autem, quoniam eius proprie est: ut si quis definiat animal esse substantiam contemplatiuam, contemplatiuum enim est differentia scientiarum:

qui sit locus.

exemplum.

correctio propositionis illius qua usus est philosophus in secunda parte.

dubitatio.

solutio.

quid hoc loco notandum sit.



## T O P I C O R V M A R I S T.

tiā: sumitur autem & pro differentia animalis, & hæc genera sunt diuersa nō subalterna, neque sub communi genere, ergo eadem differentia esset sub duobus generibus non subalternis, neque sub communi genere existentibus, quod est impossibile.

NOTANDVM autem est, quòd in contextu Alexandri expositio huius loci usque ad quartam partem posita est ante locum uigesimum septimum.

### LOCVS TRIGESIMVS.

locus trigessimus à differentia loci.

*Videndum autem est si in aliquo differentiam assignauit.* DESVMITVR hic locus à differentia loci: & est, differentia ex loco sumpta non est assumenda in definitione: & ratio est, quoniam definitio explicat substantiam rei. differentia autem ex loco, cum sit quoddam extrinsecum, non est de substantia rei, nō igitur debet assumi in definitione. hac ratione reprehendunt quidam diuisionem illam animalis, quæ fieri solet, quòd aliud est terrestre, & aliud aquatile, eo quòd hæ differentiæ ex loco sunt desumptæ, & non sunt essentielles, nō igitur possunt esse diuisuæ, aut constitutiuæ. hæc tamen reprehensio iusta esse non uidetur, eo quòd hæ differentiæ terrestre, & aquatile non significant esse in loco, sed magis potestatem quandam, & qualitatem. terrestre significat id, quod est natura aptum in terra uersari; & aquatile, quod est natura aptum in aqua uersari: unde quamuis mutant loca, non tamen mutant differentias, ut cum homo nauigat, non propterea aquatilis dicitur, sed terrestris. eodem modo & aquatilia in terram prodeuntia non propterea dicuntur terrestria. hic igitur locus hoc pacto est intelligendus, quòd differentia desumpta ex loco non est assumenda in definitione, quando talis differentia significat solum esse in loco, & mutato loco, mutatur differentia. hoc autem fit, quando differentia non significat potentiam, & aptitudinem uersandi in aliquo loco, sed significat actu in eo loco esse. hoc igitur modo erraret, qui diuideret animalia, quòd quædam sunt citra mare, & quædam ultra mare. QVOD autem dictum est de differentia sumpta ex loco, idem dicatur de differentia sumpta ex tempore, & aliis consimilibus.

quomodo intelligatur hic locus.

quare philosophus utatur exemplo diuisionis, cum dicitur definitione agat.

V T I T V R autem philosophus esse in aliquo pro esse in loco; cum enim esse in aliquo pluribus modis dicatur: inter cetera significat etiam esse in loco. V T I T V R etiam philosophus exemplo diuisionis, quoniam diuisionis, & definitionis est eadem ratio, & quemadmodum differentia sumpta ex loco non debet assumi ad definitionem speciei: ita neque est assumenda ad diuisionem generis.

### LOCVS TRIGESIMVS PRIMVS.

locus trigessimus primus à passione differentia.

*Rursus si affectum differentiam assignauit.* DESVMITVR hic locus à passione loco differentia: & est, quòd passio nō debet poni in definitione loco differentia: & ratio est, quoniam passio omnis intensa detrahit à substantia, id est ipsam substantiā immutat, & alterat: atque ita etiā intendi potest, ut ipsam corrumpat, exēpli causa, caliditas est passio animalis, & cū intenditur, alterat animal, atque eo intendi potest, ut animal corrumpat, differentia autē neque intendi potest, neque alterat, aut corrumpit suum subiectū, immo ipsum cōseruat, nō igitur passio potest esse differentia. Præterea impossibile est aliquid esse sine propria differentia, ut hominē sine rationali, aut brutum sine irrationali. Sed unumquodque potest esse sine propria passione, non igitur passio potest poni

poni loco differentiae: ita igitur aberraret, qui diceret hominem esse animal, quod calefit, aut frigeat. addit autem philosophus, quod simpliciter qualitates omnes, secundum quas fit alteratio, non possunt esse differentiae, quoniam secundum differentias non fit alteratio, neque immutatur rei substantia: ita igitur album, nigrum, calidum, frigidum, dulce, amarum, timidum, audax, & cetera huiusmodi qualitates differentiae esse non possunt.

### LOCVS TRIGESIMVS SECVNDVS.

*Et si alicuius eorum quae sunt ad aliquid.* TRADIDIT haec philosophus plures locos desumptos à differentiis, num alios tradit locos ex relatiuis, quorum primus est, eorum, quae sunt ad aliquid, differentiae quoque debent esse ad aliquid: si quis igitur definiens aliquod relatiuum in eius definitione assumat differentiam, quae non sit ad aliquid assignata oratio, non erit definitio: quomodo in definitione eius, quod est aliquid, apponatur differentia, quae est ad aliquid? ostendit philosophus, & quoniam eadem ratio est de differentiis diuidentibus genus, & de differentiis ex quibus constituitur definitio: ideo affert exemplum de diuisione generis. scientia enim diuiditur per contemplatiuam, actiuam, & factiuam. unaquaeque autem harum ad aliquid dicitur. quid autem differat actiuum à factiuo, uidimus in expositione loci quadragesimi septimi, libri tertii.

locus trigessimus secundus ex relatiuis eorum, quae sunt ad aliquid differentiae etiam esse debent ad aliquid.

exemplum.

### LOCVS TRIGESIMVS TERTIVS.

*Considerandum autem est si non ad quod natum est.* HIC locus talis est si aliquid ad plura referatur, ad aliquod proprie, & ad aliquod improprie id, ad quod improprie refertur, non debet poni in eius definitione: per ea autem, quae referuntur ad aliquid, intelligere debemus ea, quae ad aliquos usus diriguntur: quaedam autem ad unum tantum referuntur, sicut uisus ad uidendum, & auditus ad audiendum. Et in horum definitione id solum ponendum est. quaedam autem referuntur ad plura, & haec sunt in triplici differentia: uel enim ad ea omnia aequaliter referuntur, ut grammatica ad recte scribendum, & ad recte legendum, & in horum definitione, ut dictum fuit in loco decimoquinto ea omnia, ad quae referuntur, poni debent, uel cum ad plura referatur ad aliquod eorum, refertur per se ad aliquod per accidens, ut medicina per se refertur ad sanandum, per accidens ad morbum faciendum: & in horum definitione id solum poni debet, ad quod per se referuntur; uel cum referatur ad plura ad aliquod eorum referuntur proprie, ad aliquod improprie, exempli causa, strigil proprie refertur ad abstergendum: est autem strigil, qui graece dicitur *σελεγγίς*. *σελεγγίς* instrumentum quoddam trilaterum, & cauum dentatum, quo utebantur antiqui in balneis ad abstergendos, & immundities: fiebatque potissimum ex ebore, aut argento: unde *σελεγγίσματα* dicebantur sordities, quae huiusmodi instrumento detergebantur. hoc igitur instrumentum proprie refertur ad detergendum. hic enim est eius usus, potest tamen quis ipso uti ad hauriendam aquam, cum sit cauum: sed ad hoc refertur improprie, quoniam hic non est eius usus, cuius gratia factum est hoc instrumentum. Locus igitur, qui nunc traditur ab Aristotele, talis est, quando aliquid refertur ad plura, & ad aliquod eorum proprie, ad aliquod improprie, id, ad quod improprie refertur, non debet poni in eius definitione: si quis igitur definit strigilem non debet dicere, quod sit instrumentum aptum ad hauriendam

locus trigessimus tertius ex eo, quod ad plura refertur.

exemplum.

qui igitur sit locus.



## T O P I C O R V M A R I S T.

unde p tatur  
distinctio eo-  
rum, quæ re-  
feruntur uel  
proprie, uel  
improprie.

aquam. Distinctio autem eius, ad quod proprie refertur ab eo, ad quod refer-  
tur improprie, peti debet à uiro prudente, in qua prudens est: & à disciplina,  
quæ de re illa agit: ut si sit medica res, uidere debemus, quomodo medici ea  
utantur: si geometrica, quomodo geometræ.

### LOCVS TRIGESIMVS QVARTVS.

locus trigesi-  
mus quartus  
ab eo, quod  
non primo re-  
fertur.  
exemplum.

*Insuper si non primum assignauit.* DESVMITVR hic locus ab eo, ad quod  
non primo refertur: & est, quando aliquid ad plura refertur, & ad aliquod  
eorum primo: ad aliquod non primo id, ad quod non primo refertur, non est  
ponendum in eius definitione. Exempli causa, quoniam prudentia ad plura  
refertur ad hominem, ad animam, & ad rationalem partem. primo autem  
refertur ad rationalem partem: refertur autem ad animam, quoniam ratio-  
nalis uis est animæ pars: refertur ad hominem, quoniam uis rationalis fit in  
homine. si quis igitur definire uellet prudentiam, dicere deberet ipsam esse  
uirtutem partis rationalis, non autem animæ, aut hominis. eodem modo,  
& temperantia concupiscibilis partis primo est uirtus: postea autem animæ,  
& hominis, & fortitudo irascibilis partis. pariter color primo ad superficiem:  
deinde uero ad corpus refertur.

### LOCVS TRIGESIMVS QVINTVS.

locus trigesi-  
mus quintus.  
à susceptiuo.

exemplum.

quid in secun-  
da parte agat  
philosophus.

quid differat  
dispositio, &  
passio.

*Præterea si eius non susceptiuum est cuius dicitur.* DESVMITVR hic locus à  
susceptiuo: & est, id, ad quod refertur passio, aut dispositio, debet esse eius  
susceptiuum: si quis igitur definiens passionem, aut dispositionem ipsam re-  
ferat ad aliquod, quod non sit eius susceptiuum, assignata oratio non erit  
definitio. hoc modo erraret, qui diceret somnum esse impotentiam sensus,  
eo quod sensus non est somni susceptiuus, sed ipsum animal: ita errant, qui  
definiunt dubitationem, quod est contrariarum rationum æqualitas: neque enim  
dubitatio inest contrariis rationibus. pariter errant qui dicunt dolorē esse  
uiolentam separationem naturalium partium: neque enim partes natura-  
les susceptiue doloris, sed solum partes sentientes. errant etiam, qui definiunt  
sanitatem esse symmetriam calidorum, & frigidorum. hoc enim modo sani-  
tas esset in calidis, & frigidis, quod est falsum: sanitas enim est in animali.  
In secunda parte philosophus aliam rationem affert: quare in talibus defini-  
tionibus error comitatur: & est, quoniam ponunt effectiuum esse ipsum esse  
ctiuum, uel effectum esse ipsum effectiuum. uiolenta enim separatio naturalium  
partium non est dolor, sed est potius doloris effectiua, & impotentia sensus,  
uel est effectiua somni, uel potius somnus est effectiuus talis impotentia: ita  
quoque, & æqualitas pugnantium rationum est effectiua dubitationis.

Differunt autem inter se dispositio, & passio ex Ammonii sententia, quod di-  
positio solum est in animalibus, & non infert passionem in sensum, quoniā  
sub sensum non cadit, cuiusmodi est sanitas, & ægritudo in corpore, in ani-  
mo uirtus, & uitium, quando scilicet non sunt fixa, sed facile dimouetur à  
subiecto. aliter enim essent habitus.

PASSIO etiam omnis à subiecto aliquando dimouetur, (in qua re differt  
à passibili qualitate) non ita tamen quin subiectum ab ea suscipiat denomi-  
nationem: in qua re differt à passione, quæ non est qualitas. & aliquando ex  
eo dicitur, quod passionem inferat in sensum, ut uini dulcedo, aut accidi-  
tas. aliquando ex eo potius, quod ex passione fiat, ut palledo ex longo mor-  
bo contracta; nigredo ex diuturna mora sub sole.

LOCVS

LOCVS TRIGESIMVS SEXTVS.

*Ad hæc secundum tempora omnia considerandum.* IN hoc loco tractando philosophus primo proponit locum, atque exemplum affert. secundo hoc exemplū defendit. tertio docet, quonammodo hoc loco uti debeamus. Locus desumitur à tempore: & est, definitum, & definitio secundum omnia tempora debet convenire: si igitur definitum ad aliquod tempus extendatur, ad quod non extendatur assignata definitio, uel è contra; talis assignata oratio non erit definitio, exempli causa, si quis definiens' immortale diceret ipsum esse animal nunc incorruptibile: cum enim hæc definitio sit limitata ad tempus præsens, etiam definitum, ad idem tempus erit limitatum: quare & ipsum immortale erit nunc, quod falsum est, quoniam immortale, quod dicitur non respectu præsentis temporis, sed etiam præteriti, & futuri. In secunda parte philosophus hoc exemplum defendit, eo quòd illud incorruptibile nunc ambiguum est, & multa potest significare. primo quod hucusque incorruptum permanfit. secundo potest significare, quod impossibile est, ut nunc corrumpatur. tertio potest significare, quod tale nunc est, ut nullo modo corrumpi possit, quando igitur definimus immortale, quod est incorruptibile, nunc non intelligimus primo, aut secundo, sed tertio, quòd scilicet nullo modo corrumpi potest. hoc autem idem omnino est, quod immortale: quia nō limitatur ad tempus præsens, neque possumus ex hac definitione inferre, quòd immortale ad præsens tempus sit limitatum. In tertia parte philosophus docet, quomodo hoc loco utendum sit, quòd scilicet ubicunque deprehendemus assignatam definitionem ad aliquod tempus extendi, aut limitari ad quod non extendatur, aut limitetur definitum, ea non erit definitio: ut si quis definiret æternum, quod est semper futurum; hæc enim definitio solum ad futurum tempus extenditur; definitum autem ad omnia; æternum enim est non solum quod semper futurum est, sed quod semper est, & quod semper fuit.

locus trigessimus sextus à tempore.

exemplum.

quid in secunda agat philosophus.

quid i tertia.

LOCVS TRIGESIMVS SEPTIMVS.

*Inspectendum autem, et si secundum aliud.* DESUMITVR hic locus ex comparatione assignatæ definitionis ad alteram: & est, si definitum magis explicatum per aliam definitionem, quàm per assignatam, ea, quæ est assignata, non erit definitio: & ratio est, quoniam definitio, quæ magis explicat definitum, erit eius propria definitio, & cum plures non possint esse eiusdem definitiones, altera non erit eius definitio, exempli causa, si quis definiret iustitiam, quòd est potentia æqualitatis distributiva: si enim ita esset, etiam iustus esset potens æquum distribuere, sed iustus potius ille est, qui elegit æquum distribuere, ergo & iustitia potius erit habitus electivus iusta distribuendi. quod cum ita sit, non igitur ea erit iustitiæ definitio, quòd sit potentia æqualitatis distributiva: quod autem iustitia potius constat in electione, quàm in potentia, patet, ex eo, quòd omnis uirtus, & omne uitium consistit in electione.

locus trigessimus septimus ex cōparatione assignatæ definitionis ad alteram.

LOCVS TRIGESIMVS OCTAVVS.

*Insuper si res quidem suscipit magis & minus.* HIC locus, & quidam ex sequentibus desumuntur ex magis, & minus: est autem talis. si definitum suscipit ma-

locus trigessimus octavus ex magis, & minus.



## T O P I C O R V M A R I S T.

exemplum.

gis, & minus; etiam definitio suscipere debet, & è contra. si igitur definitum suscipiat magis, & minus: definitio autem non, aut è contra assignata definitio non erit definitio: ita si quis definiret uoluptatem, quod sit animæ habitus optimus, male definiret, quoniam uoluptas suscipit magis & minus. hæc autem definitio non suscipit, eo quod habitus non suscipit magis, & minus. Pariter si quis definiret hominem, quod sit animal album, grammaticum: definitum enim non suscipit magis, & minus, definitio autem suscipit. ratio autem huius loci est, quoniam definitio, & definitum idem sunt, quia oportet, quod utrumque eorum, uel quod neutrum suscipiat magis, & minus.

### LOCVS TRIGESIMVS NONVS.

locus trigessimus nonus ex magis, & minus.

exemplum.

*Ad hæc, si suscipiant utraque quidem.* C V M definitio, & definitum idem sint, non solum oportet, ut si alterum eorum suscipit magis & minus, etiam alterum suscipiat, ut in priori loco docuit philosophus: sed & oportet, ut simul suscipiant magis, & minus, quod quidem docet philosophus in hoc loco. si contingat igitur, ut definitum, & definitio assignata licet utrumque suscipiat magis, & minus, non tamen simul suscipiat assignata definitio, non erit definitio. Hoc modo igitur erraret, qui definiret amorem esse appetitum concubitus. quando enim amor intenditur appetitus, hic imminuitur. quod enim magis amat, non magis appetit concumbere. concubitus enim est amoris corruptius, quando autem appetitus concubitus intenditur, amor imminuitur. qui enim magis appetit concumbere, minus amat; nõ igitur hæc est amoris definitio, quia simul magis, & minus susci-perent.

### LOCVS QVADRAGESIMVS.

locus quadragesimus ex magis, & minus. exemplum.

*Præterea si duobus quibusdam propositis.* H I C locus talis est. si definitum magis de aliquo dicitur, de quo definitio minus dicatur, talis definitio non erit definitio, exempli causa, si quis definiret ignem esse corpus tenuissimum, quoniam ignis magis dicitur de flamma, quam de luce; contra uero corpus tenuissimum magis dicitur de luce, quam de flamma; ideo hæc non est ignis definitio. Si enim esset eius definitio, esset idem cum eo: atque ita eidem magis consimiliter inesset: atque hic etiam communius loquitur philosophus dicens lucem esse corpus tenuissimum.

### LOCVS QVADRAGESIMVS PRIMVS.

locus quadragesimus primus ex magis & minus. exemplum.

*Rursum si hoc quidem similiter.* H I C locus est, si definitum de aliquibus consimiliter dicatur. definitio non consimiliter, sed de aliquo eorum magis dicitur, talis definitio non erit definitio: ita igitur si quis definiret ignem esse corpus combustiuum, quoniam ignis non magis dicitur de flamma, quam de carbone accenso: corpus autem combustiuum magis dicitur de carbone: carbō enim quando est diuisionis substantiæ magis urit, nõ igitur hæc erit ignis definitio, quoniam & ipsa consimiliter inesset, quibus definitum consimiliter inest.

LOCVS

## LOCVS QVADRAGESIMVS SECVNDVS.

*Ad hec si ad duo definitionem assignauit secundum utrumque.* DESVMITVR hic locus ab eo, quod ad plura refertur cum disiunctione: & est, cum aliquid definitur, non debet ad plura referri cum disiunctione. male igitur quis definiret pulchrū esse, quod uisu, uel auditu est delectabile, aut ens, quod potest agere, uel dari. Huius loci ratio est, quoniam contingeret idem simul esse quidpiam, & non esse, ut in propositis exemplis idem simul esse pulchrū, & non esse pulchrum: atque idem simul esse ens, & non esse ens. Consequentia autem probatur, si enim pulchrum est, quod uisu est delectabile; est autē & quod auditu est delectabile; pulchrum erit idem utrique eorum: idem igitur erit pulchrum, & auditu delectabile: sed eorum, quæ sunt eadem, opposita quoque sunt eadem, ut si idem est homo, & animal ratiocinatum, idem quoque erit non homo, & non animal ratiocinatum: quare idem etiam erit non pulchrum, & non delectabile auditu. si quid igitur sit delectabile uisu, non etiam delectabile auditu idem erit pulchrum, & non pulchrū erit quidem pulchrum, eo quod est uisu delectabile, non erit pulchrum, eo quod non est auditu delectabile. eodem modo si ens sit, quod potest agere, uel pati, continget idem simul esse ens, & non ens. erit enim ens idem utrique eorum: erit igitur idem cum eo, quod potest facere: quare & oppositū erit idem opposito non ens, scilicet cum eo, quod non potest facere. si quid igitur sit non potens facere, & potens pati erit ens, & non ens: ens eo, quod potest pati, non ens eo, quod non potest facere.

Hic autem præcipue obseruanda est propositio illa, quod eorum, quæ sunt eadem, opposita quoque sunt eadem.

locus quadragessimus secundus ex eo, quod ad plura refertur cum disiunctione. exemplum.

eorum, quæ sunt eadem opposita quoque sunt eadem.

## LOCVS QVADRAGESIMVS TERTIVS.

*Deinde de generibus & differentiis.* DESVMITVR hic locus à definitione positorum in definitione: & est, si definitio aut generis, aut differentię, aut alterius assumpti in definitione non conueniat ipsi definito, assignata oratio non erit definitio: ratio autem loci est, quoniam quæ ponuntur in definitione, uniuoce prædicantur de ipso definito. assumere igitur debemus definitiones eorum, quæ posita sunt in definitione, & considerare, num aliquid sit, quod non conueniat definito. hoc igitur modo male quis definiret plantam, quod sit animal terra radicum, eo quod definitio animalis, quæ est substantia animata, sensitiua plantæ non conuenit.

Dixit autem philosophus, & aliis omnibus, quæ in definitione sunt propter definitiones relatiuorum, in quibus accipiuntur termini relationis, qui tamen nec genera sunt, nec differentię: & propter definitiones accidentiū, in quibus accipiuntur subiecta, quæ nec genera sunt, nec differentię.

locus quadragessimus tertius à definitione positorum. loci ratio.

exemplum.

## LOCVS QVADRAGESIMVS QVARTVS.

*Si autem sit ad aliquid, quod definitur.* EA, quæ referuntur ad aliquid, uel secundum se referuntur, ut scientia ad scibile: & sensus ad sensibile: & duplum ad dimidium, uel secundum aliud referuntur, ut quoniam eorum genus ad illud referatur, ut Geometria, & Grammatica referuntur ad scibile in eo, quod scientiæ sunt. hoc igitur supposito desumitur hic locus à termino eorū, quæ referuntur



## T O P I C O R V M A R I S T.

desumitur à terminoeorū, quæ ad ali-  
quid referun-  
tur.

exempla.

referuntur ad aliquid : & est , quod in definitione eorum , quæ referuntur ad aliquid , uel secundum se , uel secundum genus assumptum in definitione , id , ad quod referuntur , assumi debet . & ratio est , quoniam relatiuorum essentia in eo consistit , quòd ad aliquid aliquo modo referuntur . ita igitur male quis definiret scientiam esse existimationem indiuisibilem : 1. uel enim assumit id , ad quod refertur , scientia aut secundum se , aut secundum genus : sed oportet dicere ipsam esse existimationem scibilis . pariter erraret , qui diceret uoluntatem esse appetitum sine tristitia : sed oporteret dicere uoluntatem esse appetitum eius , quod uolumus , quod *εσλητόν* græci dicunt , uel appetitum boni . uoluntas enim ad bonum referri uidetur . pariter erraret , qui definiret grammaticam esse scientiam literarum , eo quod grammatica neque refertur ad literas secundum se , cum secundum se referatur potius ad recte legendum , & recte scribendum : neque refertur ad literas secundum genus , quoniam secundum genus refertur ad scibile . oportebat igitur dicere grammaticam esse scientiam recte legendi , recteq; scribendi , uel esse scientiam scibilium , quæ sunt circa legendum , & scribendum . oportet enim ut in definitione eorum , quæ referuntur ad aliquid , ponatur id , ad quod referuntur , uel secundum se , uel secundum genus , ut locus proponit .

NOTANDVM autem est , quòd licet dicat philosophus in his definitionibus poni debere id , ad quod referuntur uel secundum se , uel secundum genus ; melius tamen est ponere id , ad quod referuntur secundum se ( si aliquod tale sit ) quod si ponatur id , ad quod referuntur secundum genus , oportet tamen præterea addere id , ad quod referuntur secundum se .

NOTAT Alexander , quòd cum dicit philosophus , quod oportebat dicere uoluntatem esse appetitum boni , quòd debebat dicere appetitum appetibilis : est autem appetibile communius , quàm bonum . omne enim bonum est appetibile , non tamen omne appetibile est bonum . furari enim alicui est appetibile , non tamen bonum . possumus tamen dicere , quòd philosophus usus est nomine boni pro eo , ad quod uoluntas refertur secundum se . uoluntas enim ad bonum refertur saltem secundum rem , licet non secundum nomen , quòd etiam dicit appetibile communius esse , quàm bonum dubiū est . uidetur enim potius , quòd si bonum , & appetibile accipiantur secundum rei naturam ; idem omnino sunt . Si autem assumentur ex opinione , se habent secundum excedens , & excessum .

## LOCVS QVADRAGESIMVS QVINTVS.

locus quadragelimus quintus ex fine.

quid sit finis.  
exemplum.

quid annotandum.

*Aut si cum quidpiam ad aliquid dicatur .* DESUMITVR hic locus ex fine : & est , quando aliquid ad plura refertur , quorum aliud est finis ; aliud uero propter finem : id , quod est finis , non autem quod est finis gratia , in eius definitione poni debet . Est autem finis id , quod in ordine aliquo est optimum ; uel id cuius gratia reliqua fiunt . male igitur quis definiret concupiscentiam esse appetitum delectabilis : deberet enim potius dicere , quod est appetitus uoluptatis , delectabile enim est propter uoluptatem .

NOTANDVM autem est , quòd sicut hoc in loco philosophus accipere uiuideatur extremum pro eo , cuius gratia , non tamen idem est extremum , & id , cuius gratia : non enim omne extremum dicitur esse , cuius gratia , sed id , quod est optimum : quare licet mors sit extremum humanæ uitæ , non tamē est id , cuius gratia , quoniam non est optimum .

LOCVS

LOCVS QVADRAGESIMVS SEXTVS.

*Considerandum et si generatio etc.* DESVMITVR hic locus à generatione, uel actione: & est, quòd in definitione eorum, quæ ad aliquid referuntur, generatio, uel actio poni non debet: & ratio est, quoniam unumquodque referri debet ad finem: generatio autem, aut actio non potest esse finis. Ita igitur male quis definiret album esse corpus ad albedinem motum, aut à nigredine discedens. nullum enim horum est finis: egisse enim & generatum esse fines sunt potius, quàm agere, aut generari. in secunda parte philosophus hunc locum corrigit, neque enim in omnibus uerum esse uidetur, quòd egisse finis sit potius, quàm agere: melius enim uidetur delectari, quàm delectatum esse.

locus quadragimus sextus. à generatione, & actio ne.

quid in secunda parte agat philosophus.

NOTANDVM autem est, quòd in quibus post actionem est genus aliquod, actio ipsa non est finis, sed opus. actio enim est propter opus: in quibus autem post actionem non est opus aliquod, actio ipsa uidetur esse finis.

LOCVS QVADRAGESIMVS SEPTIMVS.

*Rursus in quibusdam si non determinetur.* DESVMITVR hic locus à defectu debite determinationis. quædam enim sunt, quæ non simpliciter in aliquibus sunt, sed cum determinatione aliqua quantitatis, aut qualitatis, aut loci, aut quapiam simili. quæ igitur talia sunt sine debita determinatione definiri non debent. Ita igitur male quis definiret ambitiosum esse honoris cupidum non addens qualis natura, aut quanti honoris sit cupidus: omnes enim sumus honoris cupidi. Eodem modo peccaret, qui definiret auarum esse pecuniarum cupidum, non addens quantarum sit cupidus. et qui definiunt intemperantem, quòd est uoluptatum studiosus, non addentes quatarum, aut qualium: & qui definiunt noctem esse umbram terræ, non addentes aliam determinationem. debet enim definiri, quòd nox est umbra totius terræ, sole diametraliter ipsi umbræ opposito. Pariter delinquant, qui definiunt terræmotum esse motionem terræ: oportebat enim addere, quòd est subita motio insignis alicuius partis terræ ob spiritum uiolenter retentum in concauitatibus terræ, atque exitum quærentem. Pariter delinquant definiētes nubem esse condensationem aeris, & qui definiunt uentum esse motum aeris: in his enim & aliis consimilibus addi oportet debitam determinationem, alioqui non est determinatio. in fine autem huius loci philosophus documētum affert, quòd scilicet considerare debemus huius modi definitiones, in quo natura deficiant: atque in eo ipsas redarguere. exempli causa, si quis illam superiorem terræ motus definitionem afferret, obiiceremus, quòd non quomocunque terra mota terræmotus dicitur: nam & aliquo fodiente, & aut in duriorem terram, aut in lapidem ligone demisso terra concutitur, nec tamen ille dicitur terræmotus. ita nec quantacunque terra mota dicitur terræmotus: pugillo enim terræ moto non fit terræmotus. eodem modo & si quis definitionem eam uenti poneret, obiiceremus, quòd non quomocunque aere moto uentus fit, neque quantocunque. ita igitur has definitiones si debite determinationes, uel quanti, uel qualis, uel loci, uel causæ fuerint prætermittam redargueremus.

locus quadragimus septimus. à defectu debite determinationis.

exemplum.



# TOPICORVM ARIST.

## LOCVS QVADRAGESIMVS OCTAVVS.

locus quadra-  
gesimus octa-  
uus ab appa-  
renti.

exemplum.

quid in secun-  
da parte agat  
philosophus.

*Insuper in appetitibus, si non apponitur quod apparet.* Hic locus desumptus est ab apparenti. Est autem communis his omnibus, in quorum definitione assumitur appetitus, ut genus. est autem appetitus genus uoluntatis concupiscentiæ, & iræ, & eorum, quæ his supponuntur. si igitur in horum definitione non assumatur apparens, assignata oratio non erit definitio. Ita igitur male quis definiret uoluntatem esse appetitum boni, aut concupiscentiam esse appetitum delectabilis. oporteret enim dicere uoluntatem esse appetitum apparentis boni; & concupiscentiam appetitum apparentis delectabilis. Ratio autem loci est, quoniam qui appetunt plerumque falluntur opinantes, scilicet aliquid esse bonum, quod minime bonum est. non igitur necesse est, ut quod appetitur, bonum sit, sed solum ut appareat bonum, ut intemperanti luxus bonum esse uidetur, cum tamen bonum non sit: nunquam tamen contingit, ut aliquid appetatur, quod bonum esse non uideatur. In secunda parte philosophus docet, quod si quis etiam in his definitionibus assumat apparens, redargui tamen poterit, si ex eorum numero sit, qui ponunt ideas, redargui autem poterit hoc modo, quoniam ita se habet species ad speciem, sicut idea ad ideam: sed idea nullius est apparentis; neque enim per se uoluntas est apparentis boni, sed per se boni; neque per se concupiscentia est apparentis delectabilis, sed per se delectabilis; neque igitur uoluntas erit apparentis boni, sed boni simpliciter. quod si quis forte comminiscatur per se uoluntatem esse per se apparentis boni: uoluntatem autem esse apparentis boni, hoc ita est absurdum, ut neque redargui mereatur.

PATET autem, quod hic philosophus, cum dicit, per se uoluntatem, aut per se bonum, intelligit ideam: idea enim uniuscuiusque rem appellatur nomine suæ speciei, addita particula, per se.

## LOCVS QVADRAGESIMVS NONVS.

locus quadra-  
gesimus non-  
us ab habente,  
& habitu.  
quid in secun-  
da parte agat  
philosophus.

exemplum.

*Præterea si sit quidem habitus.* DESUMITVR hic locus ab habente, & habitu: & est, habitus, & habentis consimilis esse debet definitio, ut si delectabile id ipsum est, qui utile etiam, qui delectatur, id ipsum erit, quod utilitate affectus. In secunda parte philosophus hunc locum amplificat: ipsum enim extendit ad omnia coniugata, & contraria: in his enim definitionibus, qui unum definit, modo quodam plura definit: nam & coniugata omnia potestate definit, sicut enim se habet in uno coniugatorum, ita se habet & in reliquis. præterea definit & contraria, & contrariorum coniugata, ut qui definit scientiam, definit & sciens, & scire: & præterea ignorantiam, ignorans, & ignorare. considerare igitur debemus, nunquid his omnibus accōmodetur assignata definitio. si enim alicui horum non cōueniat, non erit definitio.

## LOCVS QVINQVAGESIMVS.

locus quadra-  
gesimus septi-  
mus à defectu  
debitæ deter-  
minationis.  
exemplum.

*Deinceps in his, quæ ad aliquid sunt.* Hic locus talis est in his, quæ referuntur ad aliquid, si genus refertur ad genus, & species illius generis referri debet ad speciem huius, ut si existimatio refertur ad existimabile, etiam quæcunque species existimationis referri debet ad aliquam speciem existimabilis: & si multiplex refertur ad submultiplex, etiam quæcunque species multiplicis referri

referri debet ad aliquam speciem sub multiplicis, quod si ita non sit, assignata oratio non erit definitio.

### LOCVS QVINQVAGESIMVS PRIMVS.

*Videndum autem et si oppositi opposita est definitio.* Hic etiam locus de relatiuis intelligendus est. est autem talis eorum, quæ relatiue sunt opposita: definitiones quoque relatiue debent esse oppositæ, ut quoniam duplum, & dimidium relatiue opponuntur: eorum igitur definitiones relatiue debent opponi. Si igitur duplum est, quod in æquali superat dimidiū, dimidium erit, quod in æquali superatur. quod si ita non sit, assignata oratio non erit definitio.

locus quadragimus primus ex relatiuis. exemplum.

### LOCVS QVINQVAGESIMVS SECVNDVS.

*Et in contrarijs similiter.* SICVT eorum, quæ relatiue opponuntur definitiones, relatiue debent opponi: ita & contrariorum definitiones debent esse contrariæ. hoc igitur in hoc loco docet philosophus, quod scilicet si definitio assignata sit alicuius habentis contrarium, & contraria definitio conuenire debet contrario definiti, quod si non conueniat, neque assignata definitio recte est assignata. Dicit autem philosophus, quod definitio contraria secundum unam aliquam contrariorum complexiōem conueniet contrario definiti, quoniam ut in secundo libro uidimus uni orationi plures possunt esse contrariæ, ut ei, quæ dicit, amicis benefacere: contraria est, quæ dicit inimicis benefacere; & quæ dicit, amicis malefacere. si igitur definiatur utile, quod sit effectiū boni, cum huic contrarium sit, & effectiū mali, & corruptiū boni, necesse est, quod alterum horum sit definitio nocui, quod est utili contrarium. Deinde philosophus ostendit, quoniam modo cognoscere possimus, utrum aliquid eorum, quæ contrariantur, assignatæ definitioni sit definitio contrarii definito. Dicit enim, quod erit definitio, si contrarietur ei, quod definitum initio fuit, exempli causa, effectiū mali, uel corruptiū boni erit definitio inutilis, si contrarietur utili; si autem nullum horum contrarietur ei, quod initio fuit definitum, non erit definitio contrarii: quare neque assignata definitio erit recte assignata, exempli causa, si quis definiret delectabile, quod est effectiū boni, quoniam nullum eorū, quæ sunt huic definitioni contraria contrariatur ipsi definito: neque igitur ullum horum erit definitio tristabilis: quare neque effectiū boni erit definitio delectabilis, ut ponebatur.

locus quinquagesimus secundus.

### LOCVS QVINQVAGESIMVS TERTIVS.

*Quoniam autem quædam contrariorum priuatione alterius.* PRO intellectu horum duorum locorum supponenda est quædam contrariorum diuisio, quod scilicet quædam sunt contraria, quorum alterum per priuationem dicitur, ut æquale, & inæquale. inæqualitas enim nihil aliud esse uidetur, quam priuatio æqualitatis. eodem modo se habent rationale, & irrationale; finitum, & infinitum. Aliæ uero sunt, quorum nullum dicitur per priuationem, ut bonum, & malum. hic igitur locus est, quod in his contrariis, quorum alterū dicitur per priuationem, id, quod dicitur per priuationem, alterum necesse est assumere in sui definitione. In definitione autem eius, quod non dicitur per priuationem, alterum nullo modo assumi debet. male igitur quis de-

locus quinquagesimus tertius contrariorum officio. exemplum.



## T O P I C O R V M A R I S T .

finiret æquale, quod est inæquali contrarium. huius loci duas affert rationes philosophus. Prima est, quoniam definitio notum efficere debet ipsum definitum, sed habitus potest quidem notitiam efficere priuationis: priuatio autem habitus nullo modo. Secunda ratio est, quoniam idem in sui definitione nullo modo accipi debet; sed si quis eo modo definiret, idem acciperet in sui definitione: hoc autem patet, si loco nominis accipiatur definitio. si enim æqualitas est contrarium inæqualitati, cum inæqualitatis definitio sit priuatio æqualitatis, nihil autem differat accipere nomen, uel eius definitionem. erit igitur æqualitas contrarium priuationi æqualitatis, atque ita idem assumitur in sui definitione.

loci prima ratio.

exemplum.

### L O C V S Q V I N Q V A G E S I M V S Q V A R T V S .

*Si autem neutrum contrariorum secundum priuationem.* L O Q V I T V R hic locus de his contrariis, quorum nullum dicitur per priuationem: & est, quod in his contrariis, quorum nullum dicitur per priuationem, neutrum debet poni in alterius definitione. male igitur quis definiret malum esse bono contrarium, aut bonum malo contrarium. Huius loci ratio est, quoniam si alterum horum contrariorum per alterum definiatur, eadem ratione & alterum per alterum debet definiri: quare magis in definitione boni malum debet assumi, quàm in definitione mali bonum? Neque enim hic est ea differentia, quæ est in his contrariis, quorum alterum dicitur per priuationem, sed in his definitio utriusque eodem modo debet assignari. si autem hoc fiat, continget idem assumi in sui ipsius definitione. Si enim bonum est contrarium malo, cum mali definitio sit, quod est contrarium bono. si loco mali suam accipiamus definitionem, bonum erit contrarium contrario boni: atque ita idem assumetur in sui definitione, quod est inconueniens.

locus quinquagesimus quartus à contrariis, quorum nullum dicitur per priuationem.

exemplum.

### L O C V S Q V I N Q V A G E S I M V S Q V I N T V S .

*Insuper si quod secundum priuationem dicitur assignans.* D E S V M I T V R hic locus à definitione priuationis, & est, quod in definitione priuationis poni debet id, cuius est priuatio, & subiectum, in quo nata est esse primo. si igitur in definienda priuatione prætermisum fuerit uel id, cuius est priuatio, uel subiectum simpliciter, uel in quo primo nata est esse, assignata oratio non erit definitio. male igitur quis definiret ignorantiam esse priuationem quandam in hominis intellectu existentem, eo quod prætermittit id, cuius est priuatio. Male etiam quis diceret, quod sit priuatio perfectionis existens in intellectu, eo quod et si dicat, quod est priuatio perfectionis, non tamen assumit id, cuius uere est priuatio: neque enim ignorantia est priuatio perfectionis, sed priuatio scientiæ. his igitur duobus modis peccatur prætermittendo id, cuius est priuatio, uel quoniam nihil omnino assumatur, uel quod aliud assumatur, quàm cuius uere est. Si quis autem definiret scientiam, quod est priuatio ignorantiae, aut cæcitatem, quod est priuatio uisus, male definiret, quoniam prætermitteret subiectum; quod si quis diceret ignorantiam esse priuationem scientiæ existens in animali, male definiret, quia non assumeret subiectum, in quo primo natura apta est esse. ignorantia enim sicut & scientia primo sunt in parte rationali: secundario autem in anima, & in homine. Cum igitur definiuntur priuationes, oportet, ut primo assumatur genus. nulla enim definitio recte fit sine genere: deinde addatur id, cuius est priuatio,

exemplum.

uel

uel illud sit habitus, uel sit contrarium: deinde addatur subiectum, in quo talis priuatio natura apta est primo inesse. *Hic* autem locus non solum intelligendus est de priuatione, sed etiam de contrario dicto per priuationem.

LOCVS QVINQVAGESIMVS SEXTVS.

*Videndum autem et si non secundum priuationem dictum.* *Hic* locus est de his contrariis, quorum neutrum dicitur per priuationem: illud autem per priuationem dicitur inter quod, & suum contrarium non est medium, & est suo opposito deterius, ut inæquale dicitur per priuationem, quoniam inter ipsum, & æquale non est medium, & est æquali deterius. *Hic* igitur locus talis est in definitione contrarii, quod non dicitur per priuationem, priuatio assumi non debet: ita igitur quoniam ignorantia non dicitur per priuationem, eo quod inter ipsam & scientiam datur medium, si quis definiret ignorantiam esse priuationem scientiæ, male definiret, presertim ex eorum sententia qui non dicunt ignorantiam eam, quæ est per negationem. si enim ea, quæ est per negationem esset ignorantia, tunc ignorantia diceretur per priuationem, atque ita non esset inconueniens, ut in eius definitione priuatio assumere-  
tur. ex horum igitur sententia male definitur ignorantia, quod sit priuatio scientiæ, eo quod non omne quod est priuatum, scientia dicitur ignorans, neque enim inanimata dicuntur ignorantia, neque pueri, sed ignorans illud dicitur, quod habet habitum falsum, & deprauatum scientiæ oppositum. eo dem modo aberraret, qui definiret immortalitatem esse priuationem mortalitatis. immortalitas enim est dispositio mortalitate præstantior, non autem priuatio mortalitatis.

locus quin-  
quagesimus  
estus à con-  
trariis quorū neu-  
trum dicitur  
per priuatio-  
nem.  
exemplum.

LOCVS QVINQVAGESIMVS SEPTIMVS.

*Insuper si similibus nominis casibus.* *Hunc* locum dicit Alexander eundem fere esse cum 49. unde elicitur ipsum Alexandrum. Eodem modo hos locos di-  
uisisse, sicuti & nos diuisimus, licet alii longe aliter ipsos diuidant: differt ta-  
men hic locus à 49, quod ille docet definitionem assignatam omnibus con-  
iugatis conuenire debere, hic autem docere uidetur quonam modo coni-  
ugatis conuenire debeat, quod scilicet assignata definitio coniugatis omni-  
bus secundum consimiles casus debet conuenire, ut si salubre est effectuum  
sanitatis, etiam salubriter erit idem, quod effectiua sanitatis, & salubris erit  
effectiuus sanitatis.

locus quin-  
quagesimus  
septimus.  
quid differat  
hic locus à 49.

exemplum.

LOCVS QVINQVAGESIMVS OCTAVVS.

*Considerandum & in idea &c.* *Hic* locus etiam utilis est aduersus ponentes  
ideas: & est, si assignata alicuius definitio non conuenit eius ideæ, non erit  
recte assignata: ita igitur male solebat Plato definire animalia apponēs mor-  
tale in eorum definitione, ut cum dicebat hominem esse animal rationale  
mortale: neque enim mortale conuenit ideæ hominis, quæ immortalis est,  
& impasibilis. Addit autem philosophus, quod non solum definitio illa non  
conuenit ideæ, in qua ponitur mortale, sed in uniuersum omnis definitio, in  
qua ponitur factiuum aliquod, aut passiuum, eo quod idea ponitur esse im-  
mobilis, & impasibilis. postremo autem dicit philosophus, *ὅπως δὲ τούτοις*

locus quin-  
quagesimus  
octauus con-  
tra ideas a-  
ptus est.  
exemplum.



# T O P I C O R U M A R I S T .

καὶ ἔτσι οἱ λόγοι χρίσιμοι : quod Alexander dupliciter interpretatur, primo, quòd præter hæcenus dictos locos, hi etiam, qui deinceps dicendi sunt, utiles erunt ad quæstiones definitionis. secundo autem quòd aduersus eos, qui ponunt ideas, tales loci utiles sunt. Et hoc uidetur esse conuenientius sententia philosophi, sed si hoc intelligatur, melius erit scribere πρὸς δὲ τέτους, quàm πρὸς δὲ τέτοις.

## LOCVS QVINQVAGESIMVS NONVS.

locus quin-  
quagesimus  
nonus.  
septē huius lo-  
ci partes.

in prima par-  
te locus est.

dubitatio.

solutio.

secunda pars.

dubitatio.

solutio.

tertia pars.

*Amplius si eorum quæ secundum æquiuocationem dicuntur.* Vt hic locus facilis intelligatur, in septem partes diuidatur. In prima philosophus proponit locum, & affert rationem loci: in secunda ostendit errorem Dionysii cuiusdam philosophi: in tertia docet, quòd hoc modo potest quis errare duobus modis, & uolens, & nesciens: in quarta, quinta, sexta, & septima, quatuor affert documenta, seu cautelas. In prima igitur parte tradit locum, qui talis est. Eorum, quæ æquiuoca sunt, communis definitio non debet assignari, si quis igitur tale, quid agat, peccabit. Huius loci ratio est, quoniam ut in prædicatione dictum fuit, ea, quibus definitio secundum commune nomen conuenit, uniuoca sunt: quare definitio assignata ipsis æquiuocis secundum commune nomen non poterit illis omnibus conuenire, quia uniuoca essent, nõ æquiuoca. sed neque poterit alicui eorum conuenire, cum eorum definitiones diuersæ inter se sint. hæc autem data sit secundum commune nomen, quod omnibus conuenit, non autem uni magis, quàm alteri. Definitio igitur æquiuocis aliquibus assignata secundum commune nomen, neque omnibus illis, neque alicui eorum conuenire poterit. Sed dubitaret quis quomodo possibile sit ipsis æquiuocis assignare unam communem definitionem cum æquiuoca illa esse dicantur, quæ non habeant unam communem definitionem. Soluit Alexander quòd æquiuoca nõ habent communem definitionem, quæ sit uera definitio data scilicet per essentialia. nihil tamē prohibet, ut communem aliquam descriptionem habeant collectam scilicet ex quibusdam accidentibus in illis omnibus repertis.

In secunda parte philosophus ostendit hac ratione peccasse Dionysium quendam philosophum definiendo uitam: dicebat enim uitam esse motum ad nutrimentum genus naturaliter consequens: sed peccabat, eo quòd nomen uitæ æquiuoce dicitur, de uita plantarum & animalium. alia enim est uita in plantis, alia in animalibus. hæc autem definitio non magis conuenit animalibus, quàm plantis: est enim data secundum commune nomen. Ita igitur peccauit Dionysius rebus æquiuocis assignans unam definitionem secundum commune nomen. Sed dubitaret quis, quomodo uita sit nomen æquiuocum: si enim uiuens uniuoce dicitur de plantis, & de animalibus, ergo uita non est in ipsis æquiuoce. Dicendum uidetur, quòd uita alia est uegetatiua, alia sensitiua, alia intellectiua; & quòd uegetatiua, & sensitiua forte uniuoca sunt: sed uita intellectiua omnino cum his æquiuoce dicitur, cum sit immortalis, & noneducta ex potentia materiæ. philosophus igitur cum dicit aliam esse uitam in plantis, aliam in animalibus, intellexit uitam intellectiuam, quæ in homine reperitur.

In tertia parte philosophus docet, quòd duobus modis potest quis peccare assignando communem definitionem aliquibus æquiuocis, uel scilicet ex proposito existimans scilicet ea esse uniuoca, non autem æquiuoca, quomodo uidetur errasse Dionysius definiens uitam, eo quòd existimauerit, quòd

uita



uita uniuoce dicatur? secundo modo potest quis peccare præter propositū sciens scilicet propositum nomen esse æquiuocum, & plura significare: sed dum uult aliquod eorum, quæ ab eo significantur definire, non animaduertit se communem definitionem omnibus his, quæ ab eo nomine significantur assignare, ut si quis uolens definire generationem, diceret ipsam esse actum entis in potentia, quatenus est in potentia: hæc enim definitio competit motui in uniuersum.

In quarta parte philosophus primum affert documentum, quod est, quoniā plerunque latet, æquiuocatio dicit, quod interrogans huiusmodi æquiuocis, uti debet, perinde ac si essent uniuoca: ita enim facile destruet quamcunque assignatam definitionem ostendens scilicet ipsam alicui significato nominis æquiuoci non conuenire, cum enim respondens existimet nomen illud esse uniuocum, ac uideat assignatam definitionem non conuenire omnibus sub eo nomine, contentis omnino existimabit definitionem male esse assignatam. atque ita procedere debet interrogans, qui aduersus positionem disputat. Qui autem respondet, & positionem sustinet, debet distinguere æquiuocum nomen, atque ita redargutionem effugere.

quarta pars.

In quinta parte philosophus secundum dat documentū: quidam enim sunt, qui si uideant definitionem à se assignatam conuenire omnibus contentis, aut significatis à definito, diceret ipsum esse uniuocum. Si autem uideant, quod non omnibus conueniat, dicent ipsum esse æquiuocum, non id dicentes, quod uere sentiunt, sed id solum, quod ipsis in disputatione usui esse uideatur. docet philosophus quonam modo cum his agere debeamus, ante quam enim disputemus, utrū assignata definitio omnibus conueniat: prius debemus exigere, ut fateantur, num propositum nomen sit uniuocum, aut æquiuocum. quod si hoc non fateantur, hoc nos probare debemus. Quare autem hoc prius faciendum sit, pulcherrimam rationem affert philosophus, quoniam scilicet respondens longe facilius admittit aliquid, cum non uidet redargutionem ex eo consecuturam, quod si hoc præsentiat.

quinta pars.

In sexta parte philosophus tertium dat documentum, quod si contingat huiusmodi confessionem factam non fuisse, quam in superiori parte docuit, & ille, qui respondet, dicat aliquod uniuocū esse æquiuocum: propterea quod definitio assignata, non conueniat omnibus sub eo contentis. Dicit igitur, quod ubi definitio assignata non conuenit alicui contento sub definito uniuoco, debemus accipere definitionem huius, non quidem propriam, sed communem, atque ostendere hanc definitionem reliquis etiam omnibus conuenire: unde propositum nomen non esse æquiuocum, sed uniuocum. quod si non propterea dicant illud esse uniuocum, sequetur unius, & eiusdem rei plures esse definitiones. duæ enim erunt definitiones, & prior illa, quæ fuit assignata, & ea, quam posterius nos assignauimus, quæ ambæ eisdem rebus conueniet. Huius documentum exemplum est, ut si quis definiens animal diceret ipsum esse substantiam animatam sensitiuam gressibilem, & uidens hanc definitionem non competere aui, dicat nomen animal esse æquiuocum: tūc enim debemus nos accipere definitionem aui communem in eo scilicet, quod animal. hæc autem substantia animata sensitiua, quoniam igitur hæc definitio competit & gressilibus, & uolatilibus. gressibilia igitur, & uolatilia uniuoca erunt, & animal de ipsis dicetur uniuoce, non autem æquiuoce, ut positum est. quod si dicant non propterea nomen illud animal esse uniuocum, hoc consequetur inconueniens. quod eadem res duas habeat definitiones. canis enim, exempli causa, eam primo habebit definitionem,

sexta pars.

huius documentum exemplum.

quam



dubitatio.

solutio.

quàm ipsi assignarunt, quæ est substantia animata, sensitua, gressibilis: habebit præterea & alteram, quam nos assignauimus, quæ est substantia animata, sensitua. Sed dicet quis quam ratione est inconueniens, quòd eiusdem rei sint plures definitiones una propria, & altera communis, ut est in proposito. Dicendum est, quòd si nomen commune sit uniuocum, nihil erit inconueniens: at si æquiuocum sit, ut in proposito supponitur, inconueniens erit, & impossibile.

NOTANDUM autem est hic philosophum solum docere, quomodo procedere debeamus, quando respondens dicit aliquod uniuocum esse æquiuocum: prætermitit autem quomodo procedere debeamus, si dicat aliquod æquiuocum esse uniuocum, eo quòd assignata definitio competat omnibus significatis ab eo communi nomine. Si igitur hoc contingat, ita procedemus, ostendemus assignatam definitionem non esse ueram definitionem ex rebus scilicet essentialibus, sed constare ex accidentibus quibusdam ac nullam definitionem essentialē assignari posse.

ultima pars.

IN ultima parte philosophus dat quartum documentum, si enim quandoque contingat aliquem definire aliquod æquiuocum, ut uniuocum, & cum obiiciatur eam definitionem non competere omnibus contentis sub definito, dicat hoc non esse, quia definitum sit æquiuocum: sed quoniam neque nomen quod definitur omnibus conuenit, docet philosophus, quomodo hic sit redarguendus. Debemus enim dicere, quòd nominibus quidem uti debemus, ut ipsa fert consuetudo, quædam tamen dicenda sunt, non ut multi id est quòd ea, quæ unius naturæ sunt, una definitione complecti debemus, licet unum commune non habeant, ut enim dictum fuit in secundo libro, loco quinto in nominibus appellationibus, cum uulgo consentire debemus, in rerum autem intellectione cum sapientibus. Alexander tamen hanc partem aliter exposuit, quod scilicet nominibus uti debemus, quæ consuetudine sunt recepta, ipsa tamen rebus accommodare debemus, non ut multi, sed ut sapientes: neque enim cum uulgo fortunatum appellare debemus felicē, neque illiberalem æconomicum, id est rei familiaris regendæ peritum: neque timidum prudentem, neque temerarium fortem, sed hæc nomina rebus ipsis, ut earum natura fert, & secundum sententiam sapientum accommodare debemus. ita & in proposito, & si nomen aliquod apud uulgum non conueniet omnibus his, quæ eiusdem naturæ sunt, nos tamen illud accommodabimus omnibus.

Alexandri expositio.

## LOCVS SEXAGESIMVS.

locus sexagesimus à definitione complexi.

exemplum.

*Si autem alicuius complexorum.* DESUMITVR hic locus à definitione complexi: & est, si aliquod ex duobus quibusdam compositum definiatur, & à tota definitione id auferatur, quod est alterius eorum proprium, reliquum quoque debet esse proprium alterius, exempli causa, si definiatur homo albus, quod est animal rationale, mortale, susceptiuum coloris disgregatiui uisus, & ab hac definitione auferamus animal rationale, mortale, quæ est hominis definitio; reliquum erit definitio albi, color scilicet disgregatiui uisus. Si autem reliquum non sit definitio reliqui, neque tota definitio est totius definiti, ut si quis definiret lineam finitam rectam esse terminū superficiē habentis terminos, cuius medium superadditur finibus. Si hoc complexum in duo diuidamus lineæ finitæ, definitio erit terminus superficiē habentis terminos: quare oportet, ut reliquum sit definitio reliqui, ut scilicet

cet

cet cuius medium superadditur finibus sit definitio recti, non est autem, quoniam si intelligamus rectam lineam in infinitum ductam, ea neque media habebit, neque fines. sed licet etiam infinita linea intelligi non posset, illa tamen non esset definitio recti, neque igitur tota definitio erit totius complexi.

LOCVS SEXAGESIMVS PRIMVS.

*Insuper si cum sit compositum quod definitur.* DESUMITVR hic locus à nominum commutatione: & est, si definitio alicuius compositi ex duobus, aut pluribus nominibus assignetur totidem habens nomina quod ipsum definitum, ea non erit illius definitio. talem autem definitionem appellauit philosophus *ισόκωλον*, idest æquimembrem & quid per hoc nomen intelligat exposuit. Huius loci rationem affert philosophus, quoniam in talibus definitionibus solum fit nominum commutatio: commutatio autem nominum non est definitio: definitio enim assumit orationem pro nominibus; non autem nomina pro nominibus. nam hoc quoque modo cum unum nomen in alterum mutatur, ut nomen tunicæ in nomen uestis, definitio esset.

locus sexagesimus primus à nominum commutatione.

NOMEN illud *ισόκωλον* quo hic utitur philosophus apud rhetores significat colorem quendam, in quo singula singulis respondent, quale est illud Virgilii de seipso.

qd significet illud uerbum *ισόκωλον*.

Pastor, arator, eques, paui, colui, superauī,

Capras, rus, hostes, fronde, ligone, manu,

Fit autem, ut dicit philosophus, commutatio uel omnium nominum, uel aliquorum tantum omnium, ut si dicamus, homo albus est terrigena candidus aliquorum, si dicamus homo albus est homo candidus.

exemplū ex Virgilio sumptum. duplex commutatio nominum.

DICIT autem eum, qui definit nomina definiti commutare debere in orationem uel omnia, uel plura: omnia quidem commutantur, si dicamus homo albus est animal, rationale, mortale, mentis, & scientiæ susceptiuū, habens colorem disgregatiuum uisus. Plura autem ignotiora scilicet commutantur in orationem, cum definimus syllogismum demonstratiuum esse orationem ex ueris, primis immediatis, & causis conclusionis. hoc autem fit, quando genus alicuius notum est, neque indiget definitione.

LOCVS SEXAGESIMVS SECVNDVS.

*Adhuc autem maius peccatum erit.* DESUMITVR hic locus à commutatione in obscuriora nomina: & est, commutatio nominum nunquam est definitio, sed ea in primis est uitiosa, quæ fit in nomina obscuriora, ut si quis uolens definire hominem album diceret ipsum esse terrigenam candidum.

locus sexagesimus secundus à commutatione in obscuriora nomina.

LOCVS SEXAGESIMVS TERTIVS.

*Considerandum etiam in commutatione nominum.* HIC locus talis est, si nomina commutata non idem significant, quod definitum, hac etiam ratione male assignantur pro definitione: ita igitur peccaret, qui definiret scientiam contemplatiuam esse opinionem contemplatiuam. hic enim contemplatiuum est & in definito, & in definitione. reliquum autem idem non est. differt enim scientia ab opinione, quod scientia est circa æterna, & quæ semper eodem modo se habent: opinio autem est eorum, circa quæ uersatur error, & quæ non semper eodem modo se habent.

locus sexagesimus tertius. exemplum.



LOCVS SEXAGESIMVS QVARTVS.

- Insuper si alterius nominis commutationem faciens.* Hic locus talis est, cum fit nomen in genus commutatio, si generis fiat commutatio, non autem differentiae. hac etiam ratione peccabit assignata definitio: eius enim quod ignotius est, commutatio est facienda; genus autem est notius differentia, quoniam communius est differentiae, igitur potius, quam generis commutatio facienda est. Hac etiam ratione peccat, qui definit scientiam contemplatiuam, esse opinionem contemplatiuam.
- DEINDE* philosophus obiectionem affert, quod scilicet non est necesse differentiam esse ignotiorem genere. nihil enim prohibet differentiam nomine notiori explicari, quam genus: tunc autem generis potius, quam differentiae commutatio est facienda.
- NOTANDA* hoc in loco est propositio illa, quod genus notius est, quam differentia, quoniam communius est. communiora enim notiora nobis sunt, eo quod in pluribus reperiuntur, & saepius sub sensum cadunt, nihil tamen prohibet, ut genus per nomen ignotum explicetur, etsi natura sua sit notius, differentia uero per nomen notius.
- locus sexagesimus quartus.
- exemplum.
- obiectione à philosopho allata.
- quare genus differentia sit notior.

LOCVS SEXAGESIMVS QVINTVS.

- Si autem non nomen pro nomine, sed orationem explicetur.* QUANDO nomen, ex quibus componitur, definitum commutatur in orationem differentia potius, quam genus debet commutari. Et ratio est, quoniam cognitio differentiae, quae est ignotior magis conducit ad cognitionem definiti, quam cognitio generis, quod est notius: definitio autem assignatur gratia cognitionis ipsius definiti praeterea ut dicit Alexander differentia est magis propria rei, quam genus: quare per differentiam ipsam rem magis proprie cognoscimus: per genus non magis eam cognoscimus, quam aliam quamlibet ex his, quae sunt eiusdem generis: ita igitur si propositum esset definire syllogismum demonstratiuum, non syllogismum simpliciter definire debemus, sed demonstratiuum potius. hoc enim quaerimus tanquam proprium.
- DVBITAT* Alexander, quod uidetur philosophus sibi contradicere, cum hic dicat differentiam esse ignotiorem genere, cum in fine superioris loci dixerit, differentiam notiori nomine dici, quam genus. Facile soluitur, quod etsi nomen differentiae notius aliquando sit, quam nomen generis, ipsa tamen res, quae ab eo nomine significatur, minus est nota, quam id, quod à nomine generis significatur. qui enim differentiam cognoscit, cognoscit & genus, quoniam in cognitione differentiae genus quoque comprehenditur, non tamen e contra.
- locus sexagesimus quintus.
- loci ratio.
- exemplum.
- dubitatio.
- obiectione.

LOCVS SEXAGESIMVS SEXTVS.

- Si autem differentiae terminum assignarit.* Hic locus eiusmodi est, quando differentia in orationem commutatur. superior locus docuit, si ea oratio alteri à definito conueniat, non erit eius definitio. oportet enim definitionem definito tantum conuenire, & nulli alteri. Ita igitur erraret, qui definiret numerum imparem esse numerum medium habentem. genus enim non commutatur in orationem, sed differentia: commutatur autem in orationem
- locus sexagesimus sextus.

nem talem, quæ aliis etiam convenit: nam & linea, & corpus medium habent, quæ tamen impares numeri non sunt. oportebat igitur dicere imparē numerum esse numerum medium unitatem habentem.

**NOTA** Alexander, quod non solum peccat assignans orationem differentia, quæ non solum definito conveniat, sed & ille peccat, qui assignat orationem non omni definito convenientem, ut si quis definiret lineam rectam esse lineam, cuius media superadduntur extremis, neque enim hæc definitio competit lineæ infinitæ.

In secunda huius loci parte dicit philosophus, quod si forte oratio differentia assignata multipliciter dicatur, quod ipsam distinguere debemus, atque ita vel syllogismo ostendamus non esse definitum, vel definitionem reprehendamus, exempli causa, quoniam medium habens multipliciter dicitur: nam & numeri, & magnitudines medium habent. hoc igitur distinguentes vel syllogismo utemur ostendentes assignatam orationem non esse definitionem, quod aliis etiam conveniat, vel reprehendimus non recte esse assignatam, eo quod indistincte, & indefinite assignatur.

**LOCVS SEXAGESIMVS SEPTIMVS.**

*Insper si id, cuius quidam orationem assignatur. Hic locus talis est, si definitum ex entium numero sit, quod uero per definitionem explicatur, non sit ens, assignata oratio non erit definitio: neque enim possibile est, quod ipsum, quid est esse, entis sit, non ens. Ita igitur male quis definiret album esse colorem igni admixtum, eo quod definitum nempe album est: definitio uero non est. impossibile enim est incorporeum aliquid corporeo misceri. color igitur, cum sit quid incorporeum, non potest igni commisceri.*

*Hic præcipue notandum est accidentia ipsa esse incorporea, nec non & illud, quod incorporeum corporeo non admiscetur: mixtio enim proprie est corporum, & eorum, quæ separata possunt etiam subsistere.*

**LOCVS SEXAGESIMVS OCTAVVS.**

*Insper quicumque non diuidit in his quæ sunt ad aliquid. CONTEXTVS hic in tres partes diuiditur, in prima tradit locum, affert exemplum, & rationem, in secunda & tertia duabus rationibus soluit obiectionem quandam. Locus igitur est, si quis definiens aliquod relatiuum non assumat id, ad quod determinate refertur, sed assumat commune aliquod, sub quo plura comprehendantur, vel simpliciter, vel secundum quid peccabit. simpliciter quidem peccabit, si id, ad quod definitum determinate refertur sub eo, ad quod assignatum est, non contineatur, ut si quis definiens medicinam diceret ipsam esse scientiam concentus: sanitas enim ad quam medicina refertur, non continetur sub concentu. Secundum quid autem peccabit, si id, ad quod definitum determinate refertur sub eo, ad quod assignatum est, contineatur, ut si quis definiens medicinam diceret ipsam esse scientiam entis: medicina enim est scientia alicuius entis, & alicuius non. eodem modo peccaret, qui diceret geometriam esse scientiam scibilis: id enim ad quod geometria refertur, sub scibili comprehenditur: quare autem peccet ille, qui definiendo relatiuum assumit: tale aliquid, sub quo non continetur id, ad quod definitum determinate refertur. prætermisit philosophus rationem afferre, quoniam scilicet conspicuum est id, ad quod relatiuum refertur, poni debere in eius*

**Kk** definitione.

secunda pars.

locus sexagesimus septimus. exemplum.

locus sexagesimus octavus. tres huius loci partes. qui sit locus.



definitione: rationem autem affert, quando peccet ille, quem dixit peccare secundum quid. Ratio autem est, quoniam relatiuum, si referatur ad aliquod per se, non autem per accidens, debet ad omne illud referri, ut si medicina per se refertur ad ens, debet ad omne ens referri: & si geometria per se refertur ad scibile, debet ad omne scibile referri, sicuti patet in aliis relatiuis. duplum enim refertur ad omne dimidium, & scientia ad omne scibile: hoc enim necesse est esse, si debet fieri conuertentia. omnia autem relatiua ad conuertentiam dicuntur.

quare. philo-  
sophus dixe-  
rit hæc uer-  
ba.  
secunda loci  
pars.

DIXIT autem philosophus, Nam si nullius entium medicina est scientia. Per hoc intelligens, si id, ad quod definitum determinate refertur, non contineatur sub eo, ad quod assignatum est, simpliciter peccabitur. In secunda parte philosophus obiectionem quandam dissoluit. Posset enim quis ex his, quæ dicta sunt occasionem obiectionis accipere, & dicere, quod si medicina refertur ad ens, aut geometria ad scibile, non peccatur, licet non referatur ad omne, quoniam refertur ad ipsum per accidens, non autem per se. Hanc igitur obiectionem tollit philosophus dicens relatiuorum assignationem per accidens fieri non debere, quoniam sequeretur idem relatiuum ad plura referri: nihil enim prohibet, ut idem sit, & ens, & album, & bonum, & alia plura.

tertia pars.

In tertia parte hanc eandem obiectionem alia ratione tollit, quoniam si fiat assignatio relatiui per accidens, ad unum, atque idem plura referentur, ut non solum medicina referetur ad ens, sed & alia plures scientia; non igitur talis assignatio erit propria definiti.

DIXIT autem philosophus non solum medicina, sed plures aliarum disciplinarum ad ens dicuntur, uel simpliciter per plures scilicet intelligens omnes alias disciplinas; uel hoc caute dixit propter sophisticam, quæ circa ens uersari non uidetur, ut in sophista ostendit Plato.

### LOCVS SEXAGESIMVS NONVS.

locus sexage-  
simus nonus  
à definitione  
perfecti.  
exemplum.

Quandoque autem definiunt non rem, sed rem bene se habentem. DESUMITVR hic locus à definitione perfecti: & est, si quis uolens aliquid in uniuersum definire, assignet definitionem eius, quod est perfectum in ea specie assignata, definitio non erit definitio. Hoc modo erraret, si quis definiret oratorem esse eum, qui in unaquaque re quid suasibile sit potest inuenire, & nihil prætermittere. hic enim non definitur orator, sed orator perfectus. nam & ille est orator, qui etsi prætermittat aliquid eorum, quæ fidem facere queant, propositi uult tamen omnia talia inuenire, & excogitare. Pariter errat, qui definit furem esse eum, qui clam surripit: hoc enim facit fur optimus, sed non minus ille est fur, qui uult quidem clam surripere, etsi hoc nequeat efficere.

### LOCVS SEPTVAGESIMVS.

locus septua-  
gesimus.  
duæ loci par-  
tes.

secunda loci  
pars,

Rursus si quod super se eligendum. DIVIDITVR hic contextus in duas partes, in prima tractat locum, & exemplum affert, in secunda obiectionem quandam soluit. Locus huiusmodi est, quod est eligibile propter se non debet definiri, ut actiuum effectiuum, aut quomodocunque, ut eligibile propter aliud: ita igitur male quis definiret iustitiam esse seruatricem legum, aut sapientiam esse effectricem felicitatis. In secunda parte obiectionem soluit, quæ talis est: cum quædam sint eligibilia propter se, & propter aliud quid prohibet,

ut

ut eligibile propter se definiatur, ut eligibile propter aliud. Soluit philosophus, quòd id, quod est in unaquaque re optimum, maxime est in eius substantia: sed id, quod est eligibile propter se, est melius, quàm eligibile propter aliud. hoc igitur potius est in substantia quod utrunque habet: quare hoc potius debet per definitionem explicari, cum definitio uniuscuiusque rei substantiam explicet.

dubitatio.

DUBITARET quis, quoniam uidetur philosophus pugnantiā dicere. in superiori enim loco dixit, quòd non oportet eum, quod definit, assignare definitionem eius, quod est in ea specie perfectum: nunc autem dicit id, quod est in unaquaque re optimum, maxime esse in eius substantia, & debere per definitionem explicari. Soluit Alexander, quòd quando utrunque inest omnibus contentis sub definito, & optimum scilicet & minus tale, sicut in prædictis, quæ sunt & propter se, & propter aliud eligibilia, optimum magis est in substantia, & debet per definitionem explicari. quando autem optimum non omnibus inest, sed extrinsecus acquiritur exercitatione, & diligentia, hoc non est in natura rei, neque in definitione est assumendum: & de hoc loquitur philosophus in loco superiori.

solutio.

### LOCVS SEPTVAGESIMVS PRIMVS.

*Considerandum autem est, & si his qui alicuius.* DIVIDITVR hic contextus in quatuor partes. in prima proponit locum, in secunda ipsum probat per deductionem ad absurdum, in tertia quoniam prius non uidetur absurdum ad aliud deducit, in quarta ostendit in quibusnam præcipue uti possimus loco proposito. Ut igitur locus intelligatur, sciendum est, tripliciter aliquod totum posse definiri, uel definiendo ipsum esse. hæc, ut quòd domus sit lapides, & ligna: uel quòd iustitia sit temperantia, & fortitudo. secundo modo potest definiri, quòd sit, ex his, ut quòd domus sit ex lignis, & lapidibus; uel iustitia ex temperantia, & fortitudine. tertio modo potest definiri, quòd sit hoc cum hoc, ut quòd iustitia sit temperantia cum fortitudine, uel domus sit cooperimentum cum lapidibus, & lignis: ita igitur tres locos secundum hos tres modos tradit philosophus, quorum primus hic est, quòd non debet aliquod totum definiri per hæc. in secunda parte probat hunc locum per deductionem ad inconueniens, quoniam si iustitia definiatur, quòd sit temperantia, & fortitudo, sequitur duobus quibusdam inesse iustitiam, & neutri eorum inesse iustitiam. si enim duo sint, quorum alter sit temperans, non etiam fortis: alter uero sit fortis, non etiam temperans, ambo habebunt iustitiam, eo quòd habent temperantiam, & fortitudinem; non tamen neuter habebit iustitiam, quoniam neuter eorum habet temperantiam, simul & fortitudinem. in tertia parte ostendit, quòd hoc forte nullum est inconueniens, quoniam si duo sint, quorum uterque habeat dimidium minæ, tunc ambo habebunt minam, & tamen neuter eorum habet minam: sed aliud sequitur inconueniens, quòd scilicet contraria eisdem inerunt. si enim iustitia est temperantia, & fortitudo; iniustitia erit intemperantia, & timiditas. si igitur duo sint, quorum alter sit temperans, & timidus, alter fortis, & intemperans: tunc ambo erunt iusti, & iniusti. in quarta parte ostendit, quòd in his præcipue uti possimus loco proposito, in quibus possumus ostendere partes non esse idem cum suo toto. qui enim hoc modo definit, dicit partes esse idem cum suo toto: in his autem manifeste ostendere possumus partes non esse idem cum suo toto, ubi manifesta est partium compositio, ut in domo,

locus septuagesimus primus. quatuor loci huius partes. tripliciter aliquod totum potest definiri.

secunda loci pars.

tertia loci pars.

quarta loci pars.



secundum in  
conueniens  
quomodo sit  
intelligendū.

quomodo sit  
intelligenda  
hæc uerba.

& naui. in his enim non sufficit partes esse, ut totum sit, sed sequitur præ-  
rea debita partium compositio.

Hic præcipue obseruandum est secundum illud inconueniens, quod phi-  
losophus deducit, quod scilicet impossibile est, ut duo contraria duobus in-  
sint, ita scilicet ut pars unius contrarii in uno sit, & altera pars in alio.

NOTANDUM præterea, quod totum non est idem cum suis partibus, quo-  
niam præterea requiritur compositio: totum autem nihil differt à suis parti-  
bus simul compositis.

VERI dicit philosophus, Quemadmodum in domo, & aliis consimilibus.  
intelligit & aliis totis, quæ ex partibus heterogeneis constant, quæ scilicet i-  
dem nomen non habent cum suo toto.

### LOCVS SEPTVAGESIMVS SECVNDVS.

locus septua-  
gesimus secū-  
dus ex defi-  
nito ex his.

exemplum.

Si autem non est hæc, sed quod ex his. PROPOSUIT in superiori loco philosophus,  
quod tripliciter potest aliquod totum definiri, per hæc, per ex his, per hoc;  
per hoc cum hoc, ac locum tradidit, quo destruatur definitio totius data  
per hæc: deinceps nouem locos tradit, quibus destruatur definitio totius da-  
ta per ex his, ut si quis definiret domum esse ex lapidibus, & lignis: horum  
igitur primus est, si ea, ex quibus totum aliquod definitur, talia sint, quod ni-  
hil ex ipsis fieri possit, assignata definitio non erit definitio. talia autem quæ-  
dam esse patet, ex quibus nihil fieri potest, ut linea numerus, (immo addit  
Alexander & omnia accidentia, quod tamen suspectum est propter qualita-  
tes) male igitur quis diceret corpus esse ex numeris, & lineis; aut albedinem  
esse ex colore, & igne. ratio autem loci patet, quoniam aliquid non definitur  
per nihil.

### LOCVS SEPTVAGESIMVS TERTIVS.

locus septua-  
gesimus ter-  
tius.

exemplum.

Insuper si definitum quidem. SECVNDVS locus, quo destruatur definitio totius  
data per ex his talis est, si definitum in aliquo primo esse natura sit aptum: ea  
uero, ex quibus definitur non sint nata esse in aliquo primo omnia, sed aliud  
in alio assignata definitio non erit definitio. si enim ita sit, patet, quod com-  
positum ex illis non erit idem cum definito, quoniam si essent idem, cum par-  
tes non sint in aliquo primo, sed in pluribus etiam totum non esset in ali-  
quo primo, sed in pluribus. ita igitur male quis definiret prudentiam esse ex  
fortitudine, & temperantia. prudentia enim in primo est in ipso rationali:  
fortitudo autem est in irascibili: temperantia autem in concupiscibili. cum  
igitur partes non sint in aliquo primo, sed in pluribus, totum uero sit in ali-  
quo primo, non recte igitur ex illis definitur totum.

### LOCVS SEPTVAGESIMVS QVARTVS.

locus septua-  
gesimus quar-  
tus.

exemplum.

Si autem & partes, & totum in uno aliquo. Hic est tertius locus ad destruendam  
definitionem totius datam per ex his, qui talis est. si definitum in aliquo pri-  
mo natum sit esse, ea uero, ex quibus definitur, nata quidem sint esse in ali-  
quo primo, sed non in eodem assignata definitio non erit definitio. & ratio  
est, quoniam oportet, ut in eodem sint partes, & totum. ita igitur male quis  
definiret reuerentiam esse amorem cum continentia: etsi enim continentia,  
& amor sint in aliquo primo, nempe in concupiscibili; non tamen sunt in eo-  
dem,

dem, in quo reuerentia, quoniam reuerentia est in rationali.

Hos duos locos non recte uidetur exposuisse Alexander. priorem enim exponit hoc modo, quòd si definitum natum sit esse in aliquo primo, ea uero, ex quibus definitur, non sint nata esse in eodem, sed in alio, atque alio assignata definitio non erit definitio. secundum autem hoc modo intelligit, si definitum natum sit esse in aliquo primo, atque in eodem quoque nata sint esse ea, ex quibus definitur, sed non in eadem parte, assignata definitio non est definitio.

arguitur Alexander in expositione horum duorum locorum.

### LOCVS SEPTVAGESIMVS QVINTVS.

*Rursum si cum toto corrumpuntur partes.* Hic est quartus locus ex prædictis, qui talis est, si totum, quod definitur, tale sit, quòd eo corrupto necesse sit corrumpi: & ea, ex quibus definitur, assignata definitio non erit definitio. & ratio est, quoniam corruptis partibus necesse est corrumpi, & ipsum totum. toto autem corrupto non est necesse partes corrumpi. Hoc modo erraret, qui definiret corpus esse compositum ex superficiebus, uel superficiem esse lineis, uel lineam ex punctis. hac etiam ratione genus non potest definiri, quòd constet ex speciebus, neque ex diuisiuis differentiis, ut quòd numerus sit ex paribus, & imparibus.

locus septuagesimus quintus.

exemplum.

### LOCVS SEPTVAGESIMVS SEXTVS.

*Aut si totum quidem bonum uel malum.* Hic quintus locus talis est, si totum quod definitur bonum, uel malum sit. ea autem, ex quibus definitur neque bona, neque mala, aut si ea, ex quibus totum definitur, bona sint, aut mala, ipsum uero neque bonum sit, neque malum, assignata definitio non erit definitio. impossibile enim est, si partes non sint bonæ, aut malæ, quod ex his constet esse bonum, aut malum, sicut etiam impossibile est ex partibus bonis, aut malis aliquid fieri; quod sit neque bonum, neque malum.

locus septuagesimus sextus.

### LOCVS SEPTVAGESIMVS SEPTIMVS.

*Aut si magis quidem alterum bonum.* SEPTIMVS locus hic ex numero eorum, qui destruunt definitionem totius datam per ex his, talis est: si eorum, ex quibus totum definitur, alterum est magis bonum, quam alterum; & definitum non sit magis bonum, quam malum, assignata definitio non erit definitio. ita igitur male quis definiret impudentiam esse ex fortitudine, & falsa opinione: cum enim fortitudo sit magis bonum, quam falsa opinio malum, oportet, quòd etiam impudenti si ex ipsis sit, aut esse simpliciter bonum, aut esse magis bonum, quam malum. Hoc dicto philosophus obiectionem quandam affert aduersus hunc locum, & superiorem, quòd scilicet non omnino uidetur necessarium, ut quod ex bonis compositum est, omnino bonum sit, neque quod ex malis compositum est, omnino malum sit, ut in superiori loco dictum fuit: sed neque quod ex magis bono sit, magis bonum esse oportet, uel quod ex magis malo magis malum. si enim ea, ex quibus aliquid sit, sit per se bona, aut mala, omnino necesse est, ut quod ex ipsis sit, sit bonum, aut malum. uirtus enim cum per se bona sit, cuicunque adiungatur, semper efficit bonum: si autem assumantur aliqua non per se bona, aut mala, uti sunt effectiua, hoc semper non contingit. multa enim sunt, quæ ipsa per se accepta

locus septuagesimus septimus.

exemplum.

non



## T O P I C O R V M A R I S T.

non sunt effectiua boni, sed mali potius. aliis autem admixta bonum efficiunt. sunt enim quædam medicamenta, quæ suapte natura non sunt sanitatis effectiua, sed deleteria potius, idest mortifera: aliis tamen admixta sanitatem efficiunt. sunt & alia, quæ per se accepta mala non sunt, quin potius utilia: aliis autem admixta sunt mali effectiua.

### LOCVS SEPTVAGESIMVS OCTAVVS.

locus septuagesimus octauus.

exemplum.

eadem aduersus hunc locum est obiectio, quæ etiam aduersus superiorem.

*Rursum si quid ex meliore.* SEPTIMVS hic locus talis est, si aliquid definitur ex duobus aliquibus, quorum alterum sit melius, & alterum peius, & non sit pro meliori peius, peiori uero melius assignata definitio non erit definitio. ita igitur quoniam continentia constat ex recta ratione, & prauo appetitu, ideo est prauo appetitu melior, recta uero ratione peior.

ADVERSVS hunc locum eandem affert obiectionem, quam attulit aduersus superiorem. in his, quæ per se bona sunt, aut mala, locus uerus est. in his autem, quæ sunt effectiua boni, aut mali non etiam uerus est. hæc enim in mutua compositione immutantur, ut nihil prohibeat, quod ex ipsis sit, & melius, & peius utroque esse, ut patet in medicamentorum compositione.

### LOCVS SEPTVAGESIMVS NONVS.

locus septuagesimus nonus.

*Insuper si uniuocum est.* HIC est octauus locus, si ea, ex quibus definitur aliquid totum, uniuoca sint cum ipso, idest secundum eandem rationem habeant cum ipso, assignata definitio non erit definitio. erraret igitur, quid definiret uirtutem constare ex fortitudine, iustitia, & prudentia. unumquodque enim horum uirtus dicitur cum suo toto uniuoce. Affert autem exemplum philosophus, quod sillaba non est uniuoca cum literis, quæ ipsam componunt. quod dictum difficultatem habet, quoniam in hac dictione, amo, hæc sillaba, a, uidetur uniuoca cum litera, ex qua constat: nam & litera, & sillaba dicitur, a. Dicendum est, quod sermo est, ubi totum constat ex pluribus partibus.

### LOCVS OCTVAGESIMVS.

locus octuagesimus.

*Præterea si non dixit modum compositionis.* HIC est nonus, & ultimus locus, quo destruaturs definitio totius data pro ex his. est autem talis, cum definitur aliquid totum, ex his, nisi addatur, modus compositionis, non recte definitur, quoniam uniuscuiusque compositi substantia non solum ex componētibus constat, sed ex certa quadam eorum compositione. definitio igitur, quæ substantiam rei debet explicare, hoc quoque debet comprehendere.

F I N I S.

IN ACADEMIA VENETA,











colorchecker CLASSIC



calibrite